

5.4.660

Part II



B II

ATOMISMUS

DEMONSTRATUS ET VINDICATUS
AB IMPUGNATIONIBUS

PHILOSOPHICO-THEOLOGICIS

REVERENDI ADMODUM PATRIS

FRANCISCI PALANCO,

SACRÆ THEOLOGIÆ PROFESSORIS,

Supremi S. Inquisitionis Censoris ex munere, Archiepiscopatus
Toletani Synodalis Examinatoris, Ex-Vicarii Generalis, electi
nuper Panamenfis Episcopi, semel pridem & nunc iterum Ordinis
Minimorum in utraque Castella Provincialis.

*Auctore R. P. JOANNE SAGUENS, Religioso sacri ejusdem
Ordinis Minimorum alumno, & Provinciali per Aquitaniam.*



TOLOSÆ,

Ex Typis DOMINICI DESCLASSAN, Typographi &
Bibliopolæ, prope Ecclesiam sancti Romani.

M. DCC. XV.

CUM PERMISSU SUPERIORUM.



CLARISSIMO VIRO
ET EXIMIO DOCTORI
DOMINO SUO
AC DIGNISSIMO MECOENATI
DON D. MATTHÆO ZAPATA,
FUNDATORI ET PRÆSIDI SOCIETATIS
Regiz Medico-Chymiez Hispalensis, &c.
Frater P. JOANNES SAGUENS,
Minimus,
FELICITATEM.



RATIOSAM rem esse hominem,
si homo est, fuit olim pulchre ac vere pro-
nunciatum: adèd in hac multitudine ho-
minum propemodum infinita res rara homo
est, qui nominis illius impleat potestatem;
& num capropter erat Philosophus, qui
accensâ lucernâ hominem in foro frequentissimo quæreret?
An invenerit nescio; at scio mea bona sortis id esse; ut si
ne facis ullius ope invenerim & ubi non quærerem; &
quando invenire jam desperassem.

Quæro nemo miretur, si qua tonantissima voce potero;

EPISTOLA.

inclamatum à me audieris geminatumque verbum hoc inveni, inveni: geminavit illud atque inclamavit quondam Pythagoras ob Veritatem problematis unius geometrici adinventam; neque noluit in signum latitiae ac gratitudinis suae Diis hecatombem dicare. An ego mea iubila tacebo, an avara manu victimas parabo Superis, quando non unus radius, sed Sol integer veritatis illuxit mihi nuper in homine, cuius mens sapit omnes & alias non sapit, quam illius delicias:

Homo est, quem credo equidem nec vana fides, ortum è generoso purpureoque sanguine Mecænatis illius, quem Historia Romana celebrat atavis editum Regibus, Regesque atavos sua literarum omnium copia, suaeque in viros Literatos copiosa munificentia superantem. Is pudore suffundit tot Mecænates degeneres hodiernos, qui siquidem solent tantum admirari, tantum laudare dilectos, ut pueri Junonis avem: si fortè admittunt doctos, non amant, si fortè amant, non juvant: aut si fortè juvant, uenari, urgere, premiari non norunt, ut mos erat apud illum Romanum ac vere Regium Mecænatem.

Et jam, VIR CLARISSIME, ut non diutius loquar anigmata, Tu es Mecænas ille, Tu es Homo ille, quem atque feliciter ac inexpectatò inveni: & cui, nisi meam hanc operam nuncuparem, illam nomini Tuo eriperem, tot titulis veriùs Tuam, Tuis persuasionibus captam, Tuis luminibus auctam, Tuis liberalitatibus absolutam. Concepit peperitque illam Tuus ille ipse Veritatis Zelus, quo Philosophiam recentem Atomistam ex Galliis in Hispanias peregre profectam, non diu est, Tuis in adibus excipere, fovere, amplexari, prae omnibus ambiisti. Tum illam per effusas sapientiae tuae divitias ita magnifice amixisti, ita splendide adornasti, ut Te praecunte visa in publico rapueris illico in admirationem sui nobiliora vestra inclita Gentis ingenia: quare decreverunt sese illi, repudiata vetula:

EPISTOLA.

Peripateticâ, per solemnes & communes nuptias copulare.

Hoc certe unum, quod Veritati decus contulisti, Tuum Posteritati nomen ita commendavit, ut quamvis non praestitisses alia praeclara, & qua non mediocriter multa sunt, vita tua ac doctrina facinora, factus sis immortalis. Hinc illorum recensio evasit Oratori Tuo superflua; statueram tamen, fateor, non tacere illa; sed modestia tua, qua virgo est, fuitque nimis praesaga futuri, per iustionem longe anticipatam indixit voluntati mea silentium. Ego igitur, qui totus ab ore Tuo nutuque pendeo, conticescam; at conticuisse me Tibi quid proderit, VIR MODESTISSIME? nihil plane: si fama mille fancibus adaperita de Te jam diu tota in Europa resonnit.

Illâ Tuam ubique clamat rebus in jasticis ac pyreticis praestitim experientiam, qua imperare febribus etiamque inflammatisissimis videatur: hinc ad Te accurritur, ut ait, undique pro huiusmodi plerisque insanabilibus morbis, quibus ita frequenter & ita occulte mederis, ut Tibi esse indulta de super crederetur vis quadam vivifica Mosaici serpentis illius anel, quem cum percussis aspicerent, sanabantur: crederetur saltem à nescientibus quàm apertissima Tibi sint, qua cateris sunt occultissima, Pyrotechnica artis arcana omnia, & quàm mire Natura per artem illam provideris remediis multis morborum, qui antiquius apud Galenum & Hippocratem Chymica destitutos pro immedicabilibus censebantur. Oh quàm feliciora sunt haec tempora, qua feracia sunt Doctorum Medico-Chymicorum, è quorum numero inter praestantissimos unus es, aut primus!

Hac sunt, qua Te invito, de Te, famâ referent, audi: atque ut à se omnem amoveres suspicionem adulationis, per singulorum nomina recensebat multos Nobiles & Grandes, multos Saculi & Ecclesia Principes, qui post Numen, per quod vivimus, movebatur &

EPISTOLA.

Cumtus, Tibi dierum suorum longitudinem acceptam referant. Ceteros autem Ordinis minus conspicui non aliter, quam per myriades numerabas; & eo, quem conjeci, sine ut in te praberet Mundo spectaculum hominis unius nati pro multis millibus ad humanas vita sanioris atque longioris utilitates.

Rumorem deinde sparsit celeberrima illius Societatis Regia Medico-Chymica, quae te inspirante, te agente, te instante in florantissima Urbe Hispalis fuit authentica stabilita. Atque hic saltem, Eximie Doctor, aut calamo meo facies potestatem scribendi, aut illum experientis rebellantem imperatis tuis & publicantem, vel me nolente, non potuisse tanta motis, tantae novitatis opus sive tam consulse dirigi, nisi per consilia divinitus inspirata, sive tam prospere consummari, nisi per alta & irrequeveta meditamina hominis, qui suprema valeret Asmatione apud Doctos, & cujus sermo apud Magnates fieret non in persuasibilibus humanae sapientiae verbis, sed in ostensione spiritus & virtutis.

Hinc si prospicitur in futurum, quot sunt viri nobiles & docti, tuam in hanc Societatem vere Regiam per multa labentia secula conventuri, tot erunt ora quae te loquentur, tot erunt manus quae sculptent aut exarabunt ara & saxa, ut tu loquantur. Adhuc seros eorum Nepotes audio, qui si quid edisserunt, si quid tentant, si quid consulant, si quid rerum suarum tractant in occursibus fortuitis, aut in casibus condictis, semper & ubique ZAPATAM naminant. Param est: si quid eorum theoria vel praxi Medico-Chymica offertur rarum & energeticum ad aegritudinis alicujus medelam, audio tum esse, à te praeventum, à te praeamonitum: quosunque suis remediis aut juvant aut sanant, tu es, aiunt, qui juvisti, tu es qui sanasti: sicque tibi jam vertitur in anticipatum honorum plures esse, quibus per inclitam Societatem tuam

17

EPISTOLÆ:

profuturus sis, quum vivere desieris, quàm quibus profueris, dum adhuc viveres.

Tandem verita graviter mihi cum fueris omnis recensio, multaque gravius interdicta omnis laudatio datum, qua te perficiunt & adornant, ecce obtempero, DOMINE COLENDISSIME, nec tamen fortè obtemperaturus, nisi voci qua dictum Abrahæ fuit, Suspice cælum & numera stellas, si potes, similem intus apud me aliam audiissem, qua aiebat, Suspice hominem, & numera dotes ejus, si potes. Vei revera si è dotibus illis eloquerer tuam in doctrinis comprehensionem, integritatem tuam in moribus, in rebus agendis fidem, in affabulationibus comitatem, securitatem in amicitiiis, quàm nulla sunt istæ, si cum cæteris conferantur, quas providisti mihi esse occultas; sed quas sciendi animo ac desiderio propius intueniendi brevè ad te, si Deus juverit, ut ad Salomonem alterum, profisciscar? Vale interim, DILECTISSIME MECOENAS; vive diu in terris, ac tum pro veritatis æstu, quo ardes, fructu in cælis Christo; qui dixit, Ego sum veritas. Hæc sunt vota quæ vovet & scribit Tolesæ hac die 29. Decembris. 1715.

Deditissimus & amantissimus servus ac clientis,
F. JONNES SAGUENS Minimus



PRÆFATIO

AD LECTOREM.

UNIVERSIS hominibus ingentum hoc à Natura est, ut ejus indolis quisque fuerit, ejus ceteros esse præcaveat, quos in societatem admittit, ne videlicet morum dissensio vertat charum illius ac dulce decus in exosas amaritudines contentionum. Nec immerito prima hæc est cura hominis ad convictum nati quærere similes sui, ad paria officia studiaque proclives & in eadem desideria conspirantes. Nulla sine pace dulcedo est vitæ: vel certe *quid hominibus ex iis rebus, quibus frui atque potiri student, vita pacifica dulcius est?* Hinc quando fors noverca jungit nos sociis feras ferreasque habentibus consuetudines, enitimur suadere illis aliquantum molliciei atque mansuetudinis, ut si nulla conjunctionis esse suavitas potest, saltem asperitas minuatur.

D. Greg.
Nyss. or. 7.
de beat.

Tum ut ad humanæ affabulationis delicias consonantia morum nihil non confert, ita illas nihil tam perturbat, quàm dissonantia opinionum. Hæc in ingeniis parit bella & lites, quæ non raro ad ima pectora illabuntur, & afferunt luem discordiæ in externa vitæ commercia transituræ. Hinc salva esse inter homines convivendi voluptas nequit, nisi per optabile sædus indolis & mentis: hinc etiam si licet moribus exteris vim facere, per quam ad nostrorum instar temperentur, quomodo non licebit insurgere contra opiniones discor-

des

17

P R Æ F A T I O.

des ad eas nostris judiciis submittendas, si felicitas vitæ pendet magis ex consensione doctrinarum, quàm morum? An poterit quis nimis effervere ad cæteros in suas sententias pertrahendos, quando nempe illas arbitrari debuerit veriores?

At qua via deprehender arbitrari se debere illas pro verioribus? An non hujusmodi esse arbitratur quas quisque sequitur? Bene est. Aut id deprehendendi norma nulla est, aut hæc est. Si quis post multas olei expensas, post junctas cum eruditis viris necessitudines, post crebrò iteratas concertationes; si post hæc nullius sibi conscius aut lucri, aut fastûs, aut præjudicii opinionem unam præ alia suadentis; si nihil omisit ex omnibus, quæ sibi audienda, legenda, meditanda, experienda, disputanda sibi esse putavit, ut ad veritatis intuitionem veniret, id esse verum quod sibi videbitur, arbitretur: id prædicet super recta, id per vicos & plateas clamet, id typis vulget, id modis omnibus manifestet.

Verùm equidem adhuc in errore versari poterit homo; qui hujus tam multiplicis diligentiae curas omnes adhibuit pro merendo veritatis aspectu; sed quid hîc nisi humanum est? Etiam dum errat, veritatem in errore amat. Atque idcirco de Authoribus plerisque contraria sententibus inhumanus est sensus Vulgi reputantis aut hos, aut illos veritatem odisse. Hi equidem aut illi falsò de illa scribunt, sed æque pro illa & æque amanter scribunt utrique, quando utrisque cautum æque fuit, ne scriberent contra illam. Qui contra scripserint, eorum si quæ culpa est, hæc una est homines esse, & lapsos in hoc infortunium fuisse, quòd veritatem cum errore confuderint: condolendum est illis, non insultandum; congaudendum est aliis & applaudendum, sed eorum diligentiae minùs, quàm fortunæ.

Itaque si modò abest insavabile illud cacoëthes, quòd

PRÆFATIO.

nonnullis est insitum, scribendi de materiis quibuscvis ob-
vis sine ullo delectu, aut cultu mentis ab iucentis pra-
vis omnibus alienæ, æquum est ut cæteri reputentur in
gratiam veritatis scripsisse, licet contra illam congressi
fuerint. Utinam hoc bene caperent Authores, qui vicif-
sim aut insiliunt, aut insilientibus se opponunt: si hanc si-
bi æquitatem mutuam indulgerent, non essent oculi Lecto-
rum foedati turpitudine conviciorum, quibus se verberant
lacerantque instar lotricium. Quid in viris doctis magis in-
decorum est, quàm hic apparatus opprobriorum? Et præ-
sertim quando magis in personas, quàm in personarum
doctrinas conjiciunt illa opprobria.

Ad rem venio & aio dignum esse Reverendum admo-
dum Patrem Palancum nostrum, qui & à suis Aristore-
licis & à nostris Atomistis laudes plurimas referat: Pura-
vit præstare se obsequium Deo & Veritati, quando pro illis
insurrexit adversus istos, & nominatim adversus Maigna-
num & me. Ecce in excelsa suæ Theologiæ throno posi-
tus erat; quum audivit esse Philosophos, qui vellent tur-
rim ex atomis fabricare pertingentem usque ad coelos:
quare apud se ait, *descendam & videbo*. Vidit illam erec-
tam, sui que muneris esse credidit eruditionis suæ falcem
mittere ad calcem illius: audivit etiam clamores & applau-
sus hominum plurimorum admirantium hanc Turrim; vo-
luitque illorum admirationem confundere, primitusque
Architectos invasit. Totum hoc amor est veritatis: totum
hoc zelus est suarum partium.

Sed tum quàm de cæteris habeo, eandem ambio pos-
tuloque de me opinionem ab illis: velimque omnino ut
mei Lectores putent nihil scripsisse me aut hîc, aut alibi
alio animo, quàm perducendi eos in unum veritatis à
me ita reputatæ amplexum. An studiis consumeret tam-
que parum curarem de præcipitio dierum meorum in con-
scribendis libris, nisi zelus veritatis pennam incitaret? Ego:

P R Æ F A T I O.

ne tot inquietudinibus, imo tot ægritudinibus, quas assiduitas conscribendi parit, vellem parere ad persuasionem erroris, ad perniciem mei & proximi? Non sum, Deo volente, tam inhumanus mihi & aliis. Cæterum eivensu jam sexies decem Soles credideram attingisse finem bellandi pro veritatibus hucusque invictis Philosophiæ Atomisticæ; pro quibus utique, si deinceps invaderentur, tuendis videbam multos ad hanc provinciam suscipiendam idoneos, & paratos. Invasit itaque Atomistas nunc nuper Palancus noster, & ejus dialogos summa cum voluptate legebam, sed sine animo respondendi, licet adverterem illos parere facili responsioni.

Amovebat etiam à me animum illum hoc primum, quod metuebam ne non satis omnibus probaretur concertatio de atomis philosophica publica inter Fratres, alterum Castellæ, alterum Aquitanix, Provinciales quorum calamus antè videretur terendus in tractandis rebus ordinis altioris; sed valde ac multò magis hoc alterum magisque fugiendum periculum, ne si responderem, exacercer fortè vel inadvertens contra Virum, quem amo, quem suspicio & quem libenter audio esse in controversiis & doctrinis scholasticis ornamentum Matrini & Regni. Prævidebam, si me pugnx committerem, non esse quidem me satis inflati spiritûs, ut mihi palmam essem adjudicaturus; sed neque satis repentis esse modestiæ, ut illam adjudicari æmulo paterer: atque hinc intelligebam volatūra verba, quæ pacem læderent, quod nolebam: melior enim est, ac præsertim inter Fratres, uncia pacis libra Victoriæ.

His rationibus consulebam meæ tranquillitati & quiescebam. Sed accesserunt posteriores cogitationes, quæ prævaluerunt prioribus: amor Atomismi excitavit illas. Vidi occasionem illius dilatandi perpulchram: Palancus ipse me monuit illum esse in studio & in admiratione & in ap-

PRÆFATIO.

plausu apud plurimos nobiles & doctos Hispanos, Physicos & Politicos, per quos in aliquot Academiis aditum obtinuit facilem & honorabilem. Ex quibus initiis conjecti gradum sublimem, ad quem in vastissimis ditionis Hispanicæ Regnis possit assurgere, si à primis impugnationibus, quibus succutitur, per me vindicetur agendo contra Palancum, ut egi non ita pridem contra Gennatum, qui voluit impedire, sed valde in vanum, ne pedem quem promoverat, in Italia figeret. Conjecturam meam firmavit mos & vis ingenii apud Hispanos, de quibus scriptum est ab Authore gravissimo, *Qui se literarum studiis*

L. Martini.
siculu. l. 5.

applicanti, quam cœperunt ire, viam pergunt; in dies altius evolantes cælum scandunt. An Gens ulla fuit studiis Aristotelicis addictior, aut in illis prior? quare si Atomismus Hispanis sapere nunc primum cœperit, Aristotelismo verso in nauscam, quomodo non brevi efflorescet & in fastigio collocabitur, unde iste ceciderit?

Pependit etiam mutatio consilii antè initi ex furore philosophico, qui me, dum cunctarer, arripuit. Ecce in philosophicis veritati præceptionum atomisticarum jamdiutervio, & eam ut Reginam colo: hæc autem per Maignanum regnare cœpit in hac Tolosana Domo, quæ mea est jure dati regiminis hodierni. Derepente igitur exarsit & furens dixi, *Etiam Reginam vult opprimere, me præsentem, in domo mea.* Sed cum nulla in furoribus mora sit, reddidissim adhuc me forsan quieti meæ, nisi accessisset suavor agens secum Musas & Apollinis omnem militiam: ecce Nectar ab illius labris & hymettia mella flumine perpetua stillant dicentis ab ore. An resistere potui? Itaque suavis opus, cœpi, promovi, absolvi, & totum patrocinio ejus commisi atque deferui. Tandem sciat Lector nihil hîc, aut alibi à me affirmari aliter, quàm salvo meliori Sapientum judicio: ac præsertim salvo infallibili S. R. E. judicio, cui contradicere insanire est.



Licentia Reverendissimi Patris Generalis.

FRATER SYRUS JOSEPH VICUS Lector Jubilatus Totius Ordinis Minorum Corrector Generalis.

Tenore Præsentium nostrique officii autoritate licentiam impertimur R. admodum Patri JOANNI SAGUENS Provinciae nostræ Tolosanæ Provinciali, Sacræ Theologiæ Professori emerito, &c. Typis publicis mandandi librum à se elaboratum, cui titulus est, *Atomismus demonstratus*, præviis tamen diligenti examine & approbatione RR. Patrum ANDRÆ FETART ET GABRIELIS CANAC nostri ejusdem Ordinis antiquorum Theologiæ Professorum; nec non servatis de jure & more servandis. In quorum fidem, &c. Datum in Conventu nostro Tolosano die 21. Aprilis anni currentis. 1715.

F. SYRUS JOSEPH VICUS, Corrector Generalis.

De mandato Reverendissimi P. Generalis.

F. JOANNES SOULAS, Collega Galus.



Approbatio Theologorum Ordinis.

TUrpis & indecora res esset inter Fratres discordia, quàm aliqua cupiditas, aut invidia pareret; sed laudabile nihil & honestum non esset in rixa, quam excitaret fortè inter illos & urgeret solus Veritatis ardor ad ostensionem & amplificationem sanioris doctrinæ. Hujusmodi est, quam isti polemici dialogi spectandam toti Orbi Literatio exhibent inter duos æque doctos & æque pios Fratres Religiosos; atque hodiernos nostri Minimitani Ordinis Provinciales. Cæterum ut quandoque suspicimus in Cælo faces, quas æthereus calor inflammavit, invicem irruentes ac tum in grandiozem lucem

concrecentes, ita confidimus ut hæc eximia duo nostri | Or-
dinis lumina, quæ ex adverso in se ruunt ac colluctantur, coe-
ant tandem in unum & concordem fulgentissimum splendorem,
per quem illustrabitur Veritas, quam nos omnes unanimiter
sequi & amplecti oporteat. Interim uter Fratrum & Magis-
trorum nostrorum in hoc luctamine alterum vicerit, id non est
muneris nostri decernere; id dijudicabunt Lectores. Tantum
quod spectat ad potestatem nobis factam à Reverendissimo
nostro Correctore Generali Syro Joseph Vico, declaramus
non modò in hoc opere dialogistico, cui titulus est, *Atomi-
smus demonstratus*, nihil esse quod deficiat à sana ratione
aut fide; sed etiam nihil esse, quod non utramque suavissi-
me spiret: sicque illud typis publicis dignum esse censemus
& testamur. Tolosæ hac die prima Octobris, 1715.

F. ANDREAS FETART, *Antiquus Professor Theologiae.*
E. GABRIEL CANAC, *Antiquus Professor Theologiae.*



SERIES

DIALOGORUM.

- DIALOGUS I. *QUÆ sit ratio & occasio hujus operis.*
- DIAL. II. *Quàm male sentiant Aristotelici de materia prima.*
- DIAL. III. *Quàm bene sentiant Atomista de materia prima.*
- DIAL. IV. *Quàm male sentiant Aristotelici de forma substantiali.*
- DIAL. V. *Quàm bene sentiant Atomista de forma substantiali.*
- DIAL. VI. *Quàm male sentiant Aristotelici de formis accidentalibus generatim.*
- DIAL. VII. *Quàm bene sentiant Atomista de formis accidentalibus generatim.*
- DIAL. VIII. *Quàm male sentiant Aristotelici de quantitate.*
- DIAL. IX. *Quàm bene sentiant Atomista de quantitate.*
- DIAL. X. *Quàm male sentiant Aristotelici de figura.*
- DIAL. XI. *Quàm bene sentiant Atomista de figura.*
- DIAL. XII. *Quàm male probent Aristotelici accidentia ex speciebus eucharisticis.*
- DIAL. XIII. *Quàm bene Atomista reproben accidentia*

propter species eucharisticas.

DIAL. XIV. *Quàm male sentiant Aristotelici de formis spiritualibus in genere.*

DIAL. XV. *Quàm bene sentiant Atomista de formis spiritualibus in genere.*

DIAL. XVI. *Quàm male sentiant Aristotelici de forma spirituali gratia actualis.*


DIAL. XVII. *Quàm bene Atomista sentiant de forma spirituali gratia actualis.*

DIAL. XVIII. *Quàm male sentiant Aristotelici de gratia habituali.*

DIAL. XIX. *Quàm bene sentiant Atomista de gratia habituali.*

DIAL. XX. *Qua sit præcellentia & spes Atomismi.*

DIALOGUS



DIALOGUS PRIMUS.

*QUÆ SIT RATIO ET OCCASIO
hujus Operis.*

PERSONÆ COLLOQUENTES.

PAZZIUS. ROCCHIUS.



AZZIUS. Fluxit, suavissime Rocchi; ^{I. Scripsit P. Palancus o-}
fluxit unà cum eunte rotâ nativitatis nos- ^{pus Physico-}
træ decennium, ex quo, si meministi, ^{rheolog cû}
deferebas ad me opus dogmaticum Patris ^{adversus A-}
Gennari adversus atomos redivivas; quas ^{tomistas.}
utique noveras habere me pro ludibriis,
nugis, ineptiis, anilitatibus periculosis, ac non ferendis.

ROCCHIUS. Memini, ô mi bone Pazzi; nec pe-
riit recordatio lætæ admirationis quâ tunc me rapuisti di-
cens tibi novum non esse opus, quod jam ter legeras;
& à quo didisceras plutima, quæ te invicissimè obfirmā-
bant in perantiquo tuo atomorum nostratum risu atque
contemptu. Sed quæ, si placet, tam insueta hilaritas

A.

frontem occupat ? Quæ ram diducti rictûs occasio ? An aliquis nuperrimè tibi rursus formas suasit , quas dissuaseram ; aut quas suaferam atomos dissuasit ; aut illis aliquid boni , aut istis mali aliquid suspicor contigisse.

P A Z Z I U S. Ita planè : res de atomis vestris acta est : contra illas conclusum est à Palanco. Nosti hominem ?

II.
Referuntur
officia &
merita
Scriptoris.

R O C C H I U S. Vide si novi : homo est tam supremi nominis , quàm supremi Sanctæ Inquisitionis Senatûs Censôr ex munere , Archiepiscopatûs Toletani Synodalis Examinator , Ex-Vicarius Generalis , electus nuper Panamenfis Episcopus ; semel pridem & nunc iterum Ordinis Minimorum in utraque Castella Provincialis. Vis plura ? Homo est & magno librorum suorum numero , & pretioso litterarum suarum commercio mihi celeberrimus ; quem adhuc ab annis non plus quàm quinque redeuntem ex ultimo Genuensi generali Capitulo tam carè ac reverenter hac in urbe complexus sum , quàm debui fratrem , tot inter nos honoribus auctum ; & cui jam nihil deest , nisi universis præesse. Vide si novi.

P A Z Z I U S. Atqui ferè hoc non quærebam ; sed an venisset in notitiam tuam opus , quod novissimè in lucem edidit , & quo ultimam manum admovit , tùm extinctioni atomorum , tùm illustrationi formarum. Ab istis declinaveram , & in illas inclinaveram te auctore , quando quondam in me Gennarum vicisti ; sed mentem ac palmam quam eripueras , reddidit mihi lectio recentissimi hujus operis : atque hoc est caput grandis lætitiæ , quâ prægestio. De illo mihi præsertim à te quærebat an vel non legeris.

R O C C H I U S. Tàm opus quàm opificem novi , mi Pazzi ; opus ais Physico - Theologicum centum & uno suprâ dialogis comprehensum ; cujus inscriptio hæc est **T H O M I S T A C O N T R A A T O M I S T A S.**

P A Z Z I U S. Sic planè ; sed , amabo , quid summatim de illo sentis ,

ROCCHIUS. Sentio nihil subtilius, solidius nihil, fortius ac vehementius scribi pro formis Aristotelicis contra Platonicas atomos potuisse ab ipso, vel Thoma, vel Aristotele: atque hinc valde lætor quòd in tractatu tamèn tam alto tamque profundo nihil sit, propter quod ullus nostrum possit aut debeat, vel transversum unguem abs sententiis, quas tuemur, discedere. Certè ut audiui Thomistam adedò celebrem in pauperculos Atomistas cum tor iris atque minis, cum tor auctoritatibus & doctrinis insurgere, illico timui ne cum gravitate sua ex altitudine sua irruens nos opprimeret; at Deo volente ut mare ferum ac minax ad pauculas littoris arenas frangitur; quem eventum ferè rident, qui vident, ita ferè risi cùm vidi feros ac minaces fluctus formidabilis scriptoris fractos contra exilissi mas atomos, quæ nihil labis passæ sunt, sed ex adverso illustriores evaserunt, ut lucidior sit arena, quam mare alluit. Ecce voti mei factus sum compos: optabam ut post Gennarum, cujus robur & æs satis firmum non erat pro atomis expugnandis, exurgeret robustior quidam Peripatericus, firmiorque Thomista, & electus ad hanc pugnam ex millibus, sic enim apud me computabam res meas: si quid novi & invicti attulerit, abibo post eum, litabo formis, atomis valedicam: si secus, manebò apud memetipsum, & in atomorum mearum complexu exercebo, ut ante, hostile odium adversus formas. Atqui toto in opere tam eruditi Scriptoris nihil novi, nihil invicti attentis & iteratis lectionibus meis comparuit, cur non vicissim lætabor, quòd nunc quàm maximè certus sim ambulasse me hætenus in via veritatis & pro illa pugnasse, nec infeliciter.

PAZZIUS. Et ego nunc quàm maximè certus sum te in errore versari, unde jam nulla spes maneat evadendi; si legere potuisti librum illum, & in eo non sentire pondus auctoritatum, & non advertere splendorem de-

A ij.

iii.
pertur generatim judicium de toto opere.

monstrationum, quibus plenè abundat. Scias, mi Rocchi, comperisse me in eo tot nova, tot invicta contra novatores Philosophiæ argumenta, ex fontibus Philosophicis & Theologicis haulta, ut ad Aristotelismum meum totus redierim.

IV.
Proponitur
concertatio
ad examen
operis.

ROCCHIVS. Ad vomitum rediisti, mi Pazzi; atque ut video, infelicitatis tuæ id fuit, quòd præjudicia, quæ deposueras, non satis in longinquum abierant, redierunt. Verum quidquid id est, interim dum tibi est mens tot autoritatibus onusta, tot splendoribus illustrata, si volueris, pugnam inter nos pristinam redintegrabimus: quia enim solco veritatem vestigiis omnibus indagare, pergratum mihi erit hanc etiam peroprimâ viâ tentare diligentius debeamne tandem ab Atomismo meo discedere, sed neque tibi, ut puto, ingratum erit hanc eandem viâ experiri debeasne ad illum sine mora ulteriori redire. Audi, mi Pazzi, duæ sunt species cœcitatæ humanæ, *quæ non sunt videre, & quæ sunt non videre*; alter nostrum in hoc libro cœcutiit: argumenta illius victricia vel ego non vidi quæ sunt, vel quæ non sunt tu vidisti: ergo ad distinctius judicandum de illis an sint, vel non sint, jungamus hæc duo paria oculorum, ac tum acuamus ingenia pro certamine, quod inibimus.

PAZZIVS. Non recuso laborem utilem huius certaminis; sed antè juvat tecum facere aliquot pactiones: earum potissima hæc est, ut quæ inter nos fiet de hisce rebus Physico-Theologicis concertatio ullis in publicum typis non prodeat.

V.
Accipitur
consilium
de hisce dia-
logis vul-
gandis.

ROCCHIVS. At quæ hæc iniquitas tua est, mi Pazzi, quæ hæc tua pactio tam injuria veritati? An non vides, bone Pazzi, quomodo Palancus non hæsit publici juris facere aggressiones suas? aut quomodo in illis non præmitteret gloriari, si nemo nostrum prælo prælum opponeret? Ecce charta provocationis ab eo latæ intonuit,

Qua sit ratio & occasio hujus operis.

& silebimus? Et nemo nostrum veniet ad remedium veritatis læsæ, ad solatium veritatis afflictæ? Nolo suffragari lucem publicam hisce dialogis, quos meditamur: si pro Palanci causa me viceris, non erubescam erroris pallidoniæ mei; si pro mea te vicerim, tunc turpiter erubesceres veritatem?

P A Z Z I U S. Ubi autem est, si placet, charta hujus provocationis? De illa nihil memini me legisse.

R O C C H I U S. Grandibus tamen characteribus scripta est in Præfatione ad Lectorem, ubi fretus fiducia persuadendi Philosophiam novam, quæ formas rejicit & atomos admittit, rationi fideique adversari, & Atheismo favere, sic ait: *An persuadeam, tu Lector judex esto: si tamen opere lecto, non acquiescas, observa, rogo, D. Thomæ verba, quibus tractatus terminatur iste.* Tum verba D. Thomæ hæc sunt; scripta quidem ab ipso, agente contra Averroistas; sed quæ Palancus hac sua in causa in Atomistas convertit. *Si quis autem gloriabundus de falsi nominis scientia velit contra hac qua scripsimus aliquid dicere, non loquatur in angulis, nec coram pueris, qui nesciunt de causis arduis judicare; sed contra hoc scriptum scribat, si audeat: & inveniet non solum me, qui aliorum sum minimus, sed multos alios qui veritatis sunt cultores, per quos ejus errori resistatur, vel ignorantia consulatur.* Habes hic, mi Pazzi, provocationem, de qua loquebar, & quâ solemniorē, audaciorē nullam audisti.

P A Z Z I U S. Solemnitatem illius video, sed audaciam non video: imò singularem urbanitatem; dum si quis vestrum contra scripserit, pollicetur se suosque vestris erroribus & ignorantibus consulturos.

R O C C H I U S. Urbanum an inurbanum sit viros, qui perenniter veritati student & insudant, insimulare ignorantiam & errore, nihil ad me, qui patientioris sum in-

VI.
Refertur
provocatio
facta à Pa-
lancio.

dolis ; quàm ut infimulatione pari commovear. Est præter chartam illam provocationis causa urgentior , quæ me movet ad petendam à te veniam vulgandi nostra hæc colloquia de rebus atomisticis , quibus illa , si forsan tuis aggressionibus & defensionibus prævalebo , non parum profutura esse confido. Purior alia mihi est origo pruritûs ad typos : zelus juvandi novos Hispaniæ atomistas , quos hic Scriba velociter scribens molitur telo calami sui vix enatos confodere.

P A Z Z I U S. Alludis , nisi fallor , mi Rocchi , ad eam quam Palancus præfatur sui operis rationem his verbis , *Ratio autem quæ me movit ad opusculum hoc elaborandum* , &c.

VII.
Perpenditur
ratio , quæ
movet Palan-
cum ad scri-
bendum
contra Ato-
mistas.

R O C C H I U S. Cætera quæ taces , nolim inattenta sic præteriri : quin etiam expedit notari singula ; nam si quæ alia , hæc inprimis sunt , quæ in me accendunt ardorem scribendi quidquid à nobis disputabitur in his dialogis. *Ratio autem quæ me movit* , inquit , *ad opusculum hoc elaborandum* : ea fuit quod illius Philosophia recentis fama paulatim percrebrescens etiam in Hispaniarum animos & Academias , unde novitatum monstra exulant frequenter , aditum sibi , quibus agentibus nescio , sollicitabas. Invidet Palancus Philosophiæ atomisticæ hanc famam percrebrescentem : ægrè fert illam in animos & Academias Hispaniarum insinuari : & ignorat quibus viis insinuari potuerit : vias illas si nosset , quæ rectæ rationis sunt sollicitantis vehementius quàm antè , nobiles animos & fulgentes Academias Hispaniarum ad amplexum Philosophiæ verioris , nec invidiâ , nec ægritudine ullâ tabesceret : Peccabone , mi Pazzi , si efficiam ut illas noverit ? Sic pergit , *namque aliquos Physicos & Politicos ita sibi devinxerat , ut in illius plausum & immodicas laudes non semel audierim nonnullos prorumpentes*. Quibus verbis clarè innuit Palancus velle se his suis ultra centum

dialogis ponere obicem plausibus illis & immodicis laudibus, quibus plures Physici & Politici per Hispanias Philosophiam atomisticam proclamare cæperunt: peccabone, mi Pazzi, si fortè obex ille fuit iniquè positus, tentando amovere illum, ut potero, per hæc nostra colloquia data in publicum?

PAZZIUS. Peccabis, quia hinc potest fieri, ut confirmes in amore & admiratione Philosophiæ atomisticæ præmissos Hispaniarum Physicos & Politicos qui ignorant, ut loquitur Palancus, *quid mali contra Ecclesiastica dogmata in ea lateat*, & de cætero putant cuilibet licere philosophari, ut volunt, *citra fidei orthodoxæ periculum.* in Præfat.

ROCCHIUS. Quid ais, mi Pazzi? an igitur non cuilibet licet philosophari citra fidei orthodoxæ periculum.

PAZZIUS. Añ quod Palancus ait, & redarguo quos redarguit id putantes, *eo quòd de rebus philosophicis fides non est, nec res fidei ad Philosophiam spectant.*

ROCCHIUS. Quid iterum ais, mi Pazzi? Visne tu etiam cum Palanco sic permiscere res Philosophicas cum Theologicis, ut adhuc nec de illis loqui liceat citra præjudiciū fidei, nec de istis citra præjudiciū rationis? Quis audivit contrariam esse rationi fidem, vel fidei rationem? inòd altera juvat & auget alteram; dum fides rationem frænāt, & ratio fidem illustrat.

PAZZIUS. Annuo; sed Philosophi plerique in hoc peccant, quòd non advertunt *bellum acrius contra catholica dogmata plerumque à Philosophis de Philosophia inventibus ortum duxisse, meramque Philosophiam, si absque sacre doctrina condimento seu ad illam subordinatione, animum occupaverit diuturnis illius studiis, periculosam & fidei catholica noxiam evadere posse.* Ita Palancus; neque id non probat per inconcussam auctoritatem Summi Pon- in Præfat.

VIII.
Philosophia
utilis est ad
res Theologicas.

Dial. 4i. n.
144

tificis Leonis decimi, qui in Lateranensi Concilio fess.
8. vetat ea diuturniora Philosophiæ studia, *quæ sine reve-*
lata veritatis lumine in errorem quandoque magis indu-
cunt, quàm in veritatis elucidationem: ac tum ibidem
pro Clericis studia Philosophiæ & Poëseos post Gram-
maticam & Dialecticam ad quinquennium limitat, quo
exacto incumbere Theologiæ ac juti pontificio teneantur.

ROCCHIUS. Hic non video, mi Pazzi, diuturna
studia Philosophiæ Aristotelicæ magis permiffa, quam A-
tomisticæ: hic non video illam minus quàm istam indige-
re condimento sacræ doctrinæ: aut minùs periculosam &
fidei catholicæ noxiam evadere posse. Igitur ad quid Pa-
lancus hic declamat adversus studia & pericula Philoso-
phiæ? Nisi fortè putavit neminem fore, qui è Philoso-
phiis cæteris non exciperet Aristotelicam; quasi verò hæc
una sui studiosos eximat à periculo deviandi à fide: verùm
hic, si unquam alibi, tuus Palancus fallitur: suspiciat
enim Cœlum & numeret stellas si potest; aut si non po-
test, ita nec poterit numerare hæreses, in quas ab exortu
Ecclesiæ lapsi sunt homines Aristotelici, ob id quod A-
ristoteli nimis studuissent, aut quod in Aristotele nimis
confiderent.

IX.

Nemo sibi
nimis crede-
re debet in
rebus philo-
sophicis.

Agamus, si placet, bonâ fide in hisce nostris concer-
tationibus, mi Pazzi. Antiqui Philosophi sive isti, sive
illi quos sequimur, homines fuere; & nos qui sequimur
homines sumus: tum si quæ nova proponuntur hac æta-
te alia Philosophiæ Systemata, tam qui amplectuntur illa
vel averfantur, homines sunt; quàm, qui proponunt.
Nosti autem quid sit hominem esse: id est esse falsis ap-
prehensionibus, falsis judiciis, falsis conjecturis & con-
sequentiis obnoxium: nemo igitur nimis gloriatur in ea
quam profitetur Philosophia, seu à se, seu ab aliis adin-
venta. Consultius est discere, si possumus quid Philoso-
phi omnes senserint: & deinceps ut Deus dederit, ut
fides

fides permiserit, istis vel aliis, vel etiam nobismet ipsis, si quid adinvenimus, adhærere.

P A Z Z I U S. Recte ais, mi Rocchi: & his verbis Palancum laudas, cui non satis fuit didicisse diu, & docuisse diu privatim ac publice Philosophiam Aristotelicam, quin etiam typis vulgasse: voluit adhuc, nec jamdiu est, dare operam libris Atomistarum ad pervidendum quid complectantur veri aut falsi, quid rationi & fidei aut consonum aut repugnans. Neque nemo scit, quot & quam amplas hac in re laudes mereatur, nisi qui novit quam mirum sit hominem, qui totus in Cœlo Theologico erat, voluisse descendere ad istas vestrarum atomorum minutias.

R O C C H I U S. Laudes adhuc ampliores mereretur, nisi quas atomistica Philosophia referebat ex doctissimis pluribus Hispanis, evacuare suo illo descensu voluisset: neque enim sine laudibus & planibus immodicis, quibus eam videbat & audiebat & dolebat extolli, unquam permotus fuisset ad Authores nostros legendos: nunquam illum titillasset hæc curiositas. Audiamus ipsum sic loquentem; *illæ ergo laudes immodicæ & similes planus acuerunt in me curiositatem legendi opera Renati Descartes, & Cartesiorum libros, &c.* Curiositas igitur hæc est, mi Pazzi, quam invidia peperit: neque jam miror quod hic Scriptor, licet oculatissimus, non viderit in his libris res ut se habent: obtegebat illas affusus invidiæ livor, aut potius è formosis deformes repræsentabat, è certis dubias, è veris erroneas, & è catholicis tandem hæreticas; aut in hæresim inclinantes.

P A Z Z I U S. Non placet hæc invidiæ nota per te sic iniusta curiositati, quæ Palancum movit, ut vestros libros legere dignaretur: ego veriùs illam interpretor accensam fuisse à zelo veritatis, quam in libris vestris quæsit & non invenit: invenit in illis nihil, ut ipse refert,

Quæ curiositas Palancum perduxerit ad scribendum.

In Praefat.

& est fide dignus, nisi singularitatis ac novitatis haud levem jaëctantiam, & in Peripateticos imposturas, perversosque de illorum doctrinis ac rudes sensus cum ingenti contemptu antiqua illorum Philosophia: cavillos etiam ac tergiversationes frequentes, quibus Lector illudi possit potius quàm doceri. Præterea etiam invenit plura haud parum periculosa, siquidem cum dogmatibus ecclesiasticis mediâ vel immediatè pugnancia.

XI.
Veritas non
reperitur ab
euntibus
cursum.

ROCCHIUS. Absit igitur procul ab illo hæc invidia, cujus loco mala fortuna sit, cui tribuatur quòd non invenit quem quærebat in fundo nostro lapidem philosophicum veritatis: forsân noluit multam illam patientiam, sine qua lapis iste non refoditur, exercere: maluit ire cursum ut fortia solent ingenia; sed rarò advertitur veritas ab ingeniis cursum euntibus, nisi ex æquo perspicacia fuerint & felicia. Non despero tamen quin ei tandem illucescat, si legere dignabitur nostros dialogos: & hæc ratio adhuc me urget ad eos juris publici faciendos.

PAZZIUS. Jam attulisti rationes: quæ ad id te urgent, multas: neque fas est ut illis diutiùs contradicam: sed suspicor te urgentissimam omnium de industria ta-
cuisse.

ROCCHIUS. Quam suspicaris, si placet?

PAZZIUS. Audi, mi Rocchi: dum vacarem lectioni partis secundæ dialogorum nostri Authoris, incurrebam sæpè in textus prolixos, quos suppresso loco & nomine refert ex tuo systemate tum Gratiæ, tum Eucharistiæ: & in quibus, aut novitatem, aut arrogantiam, aut tergiversationem, aut ignorantiam, aut hæresim, aut etiam atheismum, quamquam aliàs urbanissimè, reprehendit. Timeo ne istæ aut pares censuræ bilim tuam commoverint: debuerunt tamen non commovere, quia in Philosophiam tuam cadunt, non in personam.

ROCCHIUS. Et eapropter, mi Pazzi, ne acriùs

commotum sentio, cum mihi carior sit ac pretiosior Philosophia quam persona. Illam mihi ab adolescentia mea despondi, mihi conversatio frequens cum illa est: illa est pars vitæ meæ suavior, illa deliciæ meæ: poterone videre laceram, spretam, lacescitam tot contumeliis, & non velle, quæ tecum colloquar ad famam & decorem illius, ea prædicare super testâ, ea declamitare per vicos omnes & plateas litterarii orbis?

XII.
Nihil Philosopho si â
Philosophiâ
carius est.

PAZZIUS. Jam dedi hac in re manus voluntati tuæ; sed cave, mi Rocchi, ne quia nimis tuæ Philosophiæ nomini & honori studes, exponas eam multis jocos & sibilis, dum quas celare posses, revelabis illius maculas: nemo nescit lunæ maculas, quia se omnibus prodit in publico. Sed quia, ut adverto, rides consilium meum, fac ut voles. Tantum fac ut à te obtineam dialogis hisce nostris, si fortè illos prælo vulgabis, formam longè aliam ab ea, quam pristinis contra Gennatum editis contulisti; illa etenim Palanco non probatur, ideoque nec mihi: & ut statim noveris in quo non probatur, ecce odit Palancus in tuis illis dialogis *intermissiones illas supposititias dierum, horarum, prandii, cæna, ac somnii urgentis in similibus fingi solitas*. Habet illas pro facetiis, à quibus dialogos suos purgavit: illos quasi halitu uno promover à primo usque ad ultimum; diceres eum & atomistam suum per dies ad minus centum totidemque noctes sine potu & esu, sine somno & otio ullo collocutos fuisse: qua methodo insigniùs quàm omni alia demonstravit ardorem quo ferebatur ad annihilandas quàm primùm atomos universas, cum omnibus Atomistis, si posset.

ROCCHIUS. Senti ardorem illum; & is ipse est qui meum accendit ferendi præsidium qualecunque poterò, quàm celerrimè poterò & Atomistis, & atomis. Sed cum bona tui & illius venia, mea solita utar scribendi methodo: vide, mi Pazzi, candor scribendi meus id exigit,

XIII.
Non sunt
ablegandæ
omnes
intermissiones
à dialogis.

ut quas mutuo indulgebimus nobis intermissiones & remissiones colloquendi, eas calamo meo eloquar: nemini nocent; doleo tamen eas Palanco displicuisse: sed cum nihilominus fateatur eas esse in consimilibus dialogis fingi solitas, quid hinc conjicitur, nisi voluisse illum in meis aspernari formam, quam imitari noller in suis. Maluit esse primus, qui dialogos suos non scriberet sicut ceteri hominum; inalo scribere meos, ut solent ceteri: vel maxime quia verisimilius redditur quod ita scribitur; quia enim non solent homines qui multa & longa miscunt colloquia, uno spiritu illa protrahere; sed illa intermittunt seu propter vitæ necessitates, seu propter utilitates alias rerum suarum, quando scriptor talia colloquia, aut instar talium colloquiorum sua refert soliloquia, non peccat, si meminit talium intermissionum; sed forte peccat qui scriptorem illum redarguit. Suam habet formam sermo concionatorius, suam historicus, suam scholasticus; suam habet dialogisticus, hanc volui nuper in meis contra Gennarum dialogis in lucem editis servare: Palancus spernit: non mutabo tamen, si placet, mi Pazzi, quia ratio id vetat juncta consuetudini.

XIV.

Palancus
ponit eleganciam
sermonis inter
facietias.

P A Z Z I U S. Bene est; puto quod jam non sperneret; si hæc à te audiret: Sed non video quomodo spernere non debuerit *leporem illum & salem loquendi*, quos in tuis illis dialogis vidit, & in suis neglexit, quia pro facietis habuit. Sic enim ait: *forsan etiam in dialogis à me institutis desiderabis intermissiones illas supposititias dierum, horarum, prandii, cæna ac somni urgentis in similibus fingi solitas, nec non leporem & salem loquendi, quibus dialogus condiri solet*: ac tum sic prosequitur. *Sed horum defectum ut parcas precor; nam discursu semel arrepto & semper ad ulteriora provocante, molestum mihi erat illis intermissionibus confingendis mentem distrahere ab incepto veritatis examine, quam si avide in nostris dialogis inqui-*

ras, credo, (nota si placet) quòd illas facietiar hand nimium desiderabis.

ROCCHIUS. Si facietiar sunt intermissiones illar suppositiar, lepores illi & sales loquendi, haud dubie nemo qui sapit, id nimium desiderabit: sed quis, si placet, pro facietis præter Palancum habere potuit intermissiones hujusmodi, quas fingi solere in dialogis non negat, & id genus lepores ac sales loquendi, quibus condiri solere dialogos non diffitetur. Igitur ad illicò conciliandam cel e briorem famam novo generi dialogorum suorum sine intermissione ulla, sine lepore, sine sale ullo fluentium, computat inter facietias quidquid cæteri habent familiaris, venusti, lepidi, aut acuti.

Abfit tamen, mi Pazzi, ut hîc ego vélm illo pacto aspernationis ferram reciprocare; imo genus illud dialogisticum scribendi quod adinvenit Palancus, laudo tanquam valde nervosum, mâsculum, vivum & efficax & ad promptam ostensionem ac suasionem veritatis aptissimum: si minùs Oratorem sapit, sapit utique magis Philosophum, totum in conspectu & amore nudæ veritatis defixum: qui mollitiem omnem sermonis spernit, & attendit nunquam ad pulchritudinem dictionis. Sed neque sua laude frustandum est genus aliud magis solitum dialogorum elocutione sua florentium atque nitentium: vel maxime ubi sermo fit inter Philosophos aut Theologos, quos dedecret esse humaniorum litterarum plane ignaros; quos è contra decet esse illarum & amantes & memores. Hinc si quas Palancus in nostris dialogis vidit Musas, si quas veneres, forsan æquiùs non vocasset facietias: vocavit, sed nihilominus donec scripsero non cessabo veneres doctis jungere Musis, *facius amicis.*

P A Z Z I U S. Nimium exardescis, mi Rocchi. Non est Palancus qui si quid in tuis dialogis vidit bene ornati, aut belle pexi, voluerit id foedare aut intricare suo illo

XV.

Melius est dialogos elocutione aliqua florere atque niteri.

Euripides.

XVI.

Afferret Augustinus contra scripto-

res nimis
sollicitus de
dictionibus.

Lib. 4. de
Doctr. Chr.
6. 11.

jam nimum repetito *facetiæ* vocabulo : non retulit illud nisi ad indolem, si quæ in te fuisset, ut in multis est, nihil scribendi, nisi defricatum aceto romano, aut sale attico; nihil nisi jocose ac festive dictum, eleganter, floride, comiter, magnifice; affectant sonos & numeros dictionum, minus cogitant de veritate statuenda, quàm de instituenda sermonis pompa, quâ possint etiam errorem, si voluerint, suadere. Hanc autem verborum optionem ita curiosam & laboriosam ægrè ferunt ac spernunt bona ingenia: nec ego id aio, sed Augustinus: *bonorum ingeniorum insignis est indoles*, ait, *in verbis verum amare, non verba*. Rationem hanc subdit: *Quid enim prodest clavis aurea, si aperire quod volumus non potest; aut quid obest lignea, si hoc potest: quando nihil querimus nisi patere quod clausum est?* Vides igitur, mi Rocchi, quomodo ad referendam veritatem quæ clausa est, superfluum est quærere clavem auream orationis florentis.

ROCCHIUS. Sed mi bone Pazzi, si ad manum tibi occurreret prior clavis hæc aurea, quid ageres?

PAZZIUS. Fatue agerem, nisi uter.

XVII.

Est in quibusdam ingenuis felicitas recte scribendi sine labore.

ROCCHIUS. Ergo tandem intellige homines esse, quorum in hortis nascitur nihil præter rosas & lilia florentis elocutionis: terra illa nec germinat spinas, nec tribulos: hinc nihil nisi cum eximio candore ac splendore loquuntur: nec difficilior optime, quàm cæteri pessime, scribunt quod sentiunt. Absit ut vel tantillum mihi tribuam istius gloriæ; hoc scio tamen quòd si quid aliquando fuit à me ornatè scriptum, id non fuit studiose quæsitum: factis ultro se obtulit; quare temere reus diceret indolis me ferentis ad phaleras affectati sermonis. Jam verò, mi Pazzi, tempus est redeundi ad officium satisfaciendi plenius petitioni tuæ, qua me rogabas ab initio, quæ mea mens summam esset de dialogis Aggressoris mei.

PAZZIUS. Non evanuerat hæc curiositas: & cram

jam jam hac de re mentem tuam iterum rogaturus. Nam
eisi memini te totius operis subtilitatem, soliditatem, for-
titudinem ac vehementiam extulisse; suspicabar tamen
excepisse te tuo in pectore aliquid, quod jure an injuriâ
non laudares.

ROCCHIUS. Susplicari non aliter potuisti, quia nos-
ti nihil sub Sole omni ex parte perfectum esse: imo fere
nihil esse, quod si cominus inspiciatur, non habeat plus
vitii, quàm virtutis, non plus quàm laudis, vituperii
mereatur. Hoc primum in dialogis illis non laudo, quod
non repræsentent suos collocutores paris eruditionis, pa-
ris experientiæ, paris animi pro tuendis juribus suarum
partium. Video in illis Thomistam scientissimum & te-
nacissimum opinionum suarum, ac nihil prætermittentem
omnium rationum, quæ aliquando ab optimis Magistris
ad stabiliendas opiniones illas dictæ aut scriptæ sint: pri-
mas Aristotelis cathedras promerentem, fortem, ani-
mosum, munitum hastâ & clypeo totius doctrinæ ad Ato-
mismum invadendum desiderabilis. Tum in illis adverto
Atomistam, qui nostra & dogmata & jura valde ignorat;
qui si quid pro utrisque tuendis habemus invisi, hoc ta-
cet; si quid infirmi, hoc effutit: si quid dubii, non dis-
tinguit; si quid obscuri, non elucidat, si quid clari ob-
tenebrat: qui planè novitius est in rebus nostris, debilis,
timidus, inermis; qui tandem indoctissimus cum sit in
illis, nunquam contra Palancum doctissimum in suis ex
nostra delegatione pugnasset.

Quàm ridicula res esset, si quis ad insequendum le-
porem, canem cum testudine jungeret; quàm iniqua si
quis araret *in bove simul & asino*, tam iniquus, tamque
ridendus mihi videtur conflictus iste, qui pro insequenda
& refodienda veritate paratur, inter personas tam dispa-
res institutus. Vide tu ipse, mi Pazzi, quàm parum tole-
rabiles essent istæ phisico-theologicæ concertationes,

XVII.
Collocuto-
res debent
esse paris e-
ruditionis.

Deut. 22. 10

quas cito aggrediemur, si alter nostrum ab altero tantum distaret quantum puer à sene, coecus à vidente; at Deo volente neque pueri, neque coeci sumus in rebus respectivè istis; habemus in ætate pariparem notitiam; neque nisi opinione differimus. Alterum quod in dialogis Palancii non laudo, est quodd.

XIX.

Probat
ur eruditio
Atomistæ
collo-
quioris.

P A Z Z I U S. Retine, si placet hoc alterum, donec responderim ad primum, in quo videris non alia de causa vocare nostrum Atomistam indoctum & inexperum, quam quia victum à Thomista vides & doles. Atomista est qui libros vestros, etsi non multos, nec ab annis multis, attente ac studiose pervidit, & quasi memoriter didicit, nam fere perpetuus est in prolixissimis vestrorum Authorum testibus referendis, nec è suo penum multa profert, quæ pro Atomismi defensione sufficerent, si forte posset injusta justæ aggressioni defensio prævalere. Saltem donec te aut unum è tuis audierim melius satisfaciens demonstrationibus aggressoris vestri, putabo rem ipsi fuisse cum Atomista, in quo victo vos etiam fuisse victos ut concedatis, necesse est.

R O C C H I U S. Sed quid, mi Pazzi, si Atomista ille se ipsum ignarum prodit & fateatur in iis rebus, sine quarum notitia nullus Atomista, perinde ac nullus Aristotelista doctus unquam fuit aut esse potuit, quid ais? adhuc ne contradices iudicio, quo contendo Atomistam illum non esse unum è Doctore nostris, unum non esse cui causa nostra committi ac confidi potuerit.

XX.

Contradici-
tur hæc eru-
ditio.

P A Z Z I U S. Si res ita habet, non contradicam.

R O C C H I U S. Excidit, ut video, è tua memoria locus, in quo suæ rerum omnium Metaphysicarum inscitie promit humilem confessionem his verbis. *Quid ni dicam quod ego Metaphysicus non sum, sed merè Physicus: & de his qua Metaphysica tractat non respondeo, quia ea non didici?* & alibi *Hæc vestra Metaphysica nobis exosa est, ac proinde*

Dial. 60. n.
122.

Dial. 85. n.
104.

proinde illam pratermittas rogo, & ne me redarguas demonstrationibus Metaphisicis, &c. in qua humili confessione Atomistæ non nostri Thomistæ vester triumphat, & ait; O utinam omnes vestri ita responderent & cum subordinatione ad eos, qui Metaphysica pollent & per eam profunda & altiora Philosophia principia, quàm vestras Atomos explicant.

*Dial. 60.
N. 522.*

Nosti autem mi Pazzi, quàm necessaria sit rerum Metaphysicarum alta & profunda cognitio perinde ac pyhsicarum omnibus, qui velint gradum aliquem sublimem obtinere sive in Aristotelismo, sive in Atomismo. Imo totus cujusvis Philosophiæ scopus in hoc est positus, ut sciatur quid sint entia in concreto, quid in abstracto, quid in statu reali, quid in statu merè intelligibili; & quæ sint eorum proprietates isti vel illi statui propriæ, de quibus interest adhuc scire quid merè intelligibilitatis, aut etiam rei superadditæ habeant; ad hoc scilicet ut entia & eorum proprietates non evagentur extra limites Physicæ aut Metaphysicæ; ad quam de jure ac consuetudine pertinent.

Certè, si bene attenditur, non alia sunt hodie inter nos jurgia, nisi de limitibus illis: volunt Aristotelici formas suas è finibus Metaphisicis educere & impellere utut possunt in Physicam: Atomistæ contra recusant illas intra Physicæ fines admittere: ferre illarum contubernia non possunt cum suis atomis: illas obtestantur esse opera mentis, quæ mater est entium ad Metaphysicam attinentium; istas jurant esse opera naturæ, quæ per eas componit & format corpora omnia. Quæ jurgiorum nostrorum summa cum hæc sit, vide, mi Pazzi, quàm benè prælia nostra præliari potuerit Atomista ille, qui palam fateatur ac ferè gloriatur se Metaphysicam ignorare. Tu & Palancus tuus, ut confido, in me videbitis aliud genus Atomistarum, qui Metaphysicam non ignorant.

P A Z Z I U S. Miror Atomistam illum ita Metaphysi-

C

XXI.
Arduum
est scire quid
sit Physicum
quid Meta-
physicum.

cæ inopem ausum fuisse congregari cum Palanco ; quem saltem audierat Metaphysicam absolutissimam edidisse.

ROCCHIUS. Mirare potius Palancum sibi hujusmodi collocutorem elegisse ad vincendos in eo Atomistas ; non sic Atomistas , sed tantummodò Atomistarum nomina & umbras vincere potuit ; ô quam egregiam laudem , quàm ampla spolia hinc referre speravit ! sed adhuc est aliquid in optione hujusce collocutoris longè admirabilius.

PAZZIUS. Hoc forsàn , mi Rocchi , est illud alterum quod in Palanci dialogis non laudas , & de quo supra loqui occeperas.

XXII. ROCCHIUS. Ita plane. In illis dialogis video Atomistam , quem horreo ut chimæram bicipitem. Ecce unus duas personas sustinet , quas non tantùm dicam non potuisse in eo jungi , sed nec potuisseungi conjunctas. Capis me , nisi fallor , mi Pazzi , capis non potuisse Atomistam illum sociare in se uno duo tam incoibilia ingenia , quàm fuerint illa Cartesii & Maignani. Et nihilominus pro utroque pugnat : id est , pro utriusque placitis toto cœlo contrariis. Quid diceres si Thomista qui triumphat in illis dialogis sustinisset in eorum decursu personam Scotistæ , & sic personas illas ad arbitrium permutasset , an non eum ut alterum Proteum mirareris , an non potius stuperes ut monstrum coalitum ex concursu duarum incompatibilium mentium ? Atqui longe minus distant Thomas & Scotus , quàm Cartesius & Maignanus : quale igitur monstrum est mens illa tam duplex Atomistæ unius , qui ab initio tuetur partes Cartesii , mox partes Maignani , & deinceps in priores relabitur ?

PAZZIUS. Atomista fuit , mi Rocchi , qui talium Authorum mentes contrarias noverat : quare potuit quum vellet utrique authori patrocinari , quando Thomista modò se in illum , modò se in alium invehebat.

Idem collocutor non potuit pugnare pro Cartesio & Maignano.

ROCCHIUS. Dic potius, mi bone Pazzi, Atomista fuit, & Atomista non fuit: & ideo fuit monstrum immane, ingens mentis foetæ infinitis ac perpetuis contradictionibus. Qui stant à Maignano, eos esse vere ac religiose Atomistas quis nescit? eos verò qui stant à Cartesio, quomodo Palancus potest Atomistas vocare? sunt ne toto in orbe literario Philosophi, quibus magis atomi sint exosæ, ita ut nec nominentur quidem ab ipsis? nihil suis in opinionibus magis sacrum & antiquum habent, quàm divisibilitatem omnis materiæ in infinitum: hanc proclamant, hanc propugnant altius, fortius quàm Aristotelici soleant: Quare igitur Cartesiani potius quàm Aristotelici *Atomistarum* nomine donabuntur?

XXIII.
Quales sint
veri Atomis-
tæ, & quales
non sint.

PAZZIUS. Debuisses legere attente totum id quod Palancus à fronte dialogorum suorum ad Lectorem præfatur: & ibi comperisses rationem, qua permotus fuit ad hoc nomen Cartesianis imponendum; hanc videlicet quòd in ore passim habeant corpuscula, per quæ plerisque naturales effectus explicant; hæc verò corpuscula frequenter atomi vocantur; unde potuit Cartesianos, & *Corpusculatores* & *Atomistas* vocare. Authoris verba hæc sunt, quo nomine (*Atomistarum*) omnes generaliter comprehendendo in decursu operis sive *Maignanistas*, sive *Cartesianos* eò quòd corpuscula omnia atomi frequenter appellantur; quamvis divisibilia sint, ut vult Cartesius.

XXIV.
Cartesius
non fuit A-
tomista.

ROCCHIUS. Certe, mi Pazzi, si Adam cunctis animantibus terræ; & universis volatilibus cœli ad se adductis non dedisset nomina magis convenientia, scriptum non fuisset. *Omne quod vocavit Adam anima viventis, ipsum est nomen ejus*: nam hoc ideo scriptum est, quia appellavit nominibus suis cuncta animantia & universa volatilia cœli & omnes bestias terræ. Palancus autem Cartesianos minime vocavit nominibus suis, quando *Atomistas* vocavit: & mirum in modum fallor, si quis eorum tam

Gen. 1. 2.
19. 20.

alieno nomine vocatus, putet se vocatum, multòque minus provocatum ad aliquam responsionem. Neque audiendum est quod ait Palancus corpuscula, de quibus apud Cartesianos frequens sermo est in explicandis Naturæ phænomenis, frequenter etiam *atomos* appellari: nam à quibus, si placet, sic appellantur? à Cartesianis? nunquam: ab Aristotelicis? non aliter quàm abusive aut per contemptum. Illi enim nihil magis cavent quàm quòd in mentem nulli veniat corpuscula, de quibus loquuntur, aroma esse, id est, impartibilia, insectilia esse: habent siquidem semper in conspectu materiam sub quacumque molecula corpusculari capacem innumerabilium divisionum. Isti verò licet plane sciant talia corpuscula non esse aroma, nec pro talibus à Cartesio reputata, cum quò utique idem sentiunt de materia in infinitum divisibili, nihilominus *atomos* vocant.

XXV.

Atomistarum
nomen aliis
injurium: si
aliis honorifi-
cum.

Quod si fortè id agunt per solum nominis abusum, qui usitatissimus apud vulgus evasit, ferendi sunt: si per contemptum, culpandi; non ob id tantum quòd cognomen tum *Atomistarum* illud apud Cartesianos sit injurium, quàm quòd apud nos ita sit perhonorificum, ut doleamus quum audimus illud transferri ad sectam hominum tam à nobis dissentientium. Vis ut me magis explicem, mi Pazzi?

P A Z Z I U S. Volo plane: vel præsertim quia Scriptor hic noster, ut non solet ullo termino abuti, ita neminem solet contemnere.

R O C C H I U S. Scriptor itaque vester non negat plurima corpora esse molis inæqualis, & ab invicem differre per gradus plurimos magnitudinis & parvitat: tum illa corpora, quando sunt justæ seu notabilis magnitudinis vocari debere corpora, & quando sunt justæ, seu notabilis parvitat posse vocari corpuscula. Sic ea vocant Cartesiani, sic etiam vocant Aristotelici: utri-

que, sicut etiam universi homines, ut familiari exemplo utar, corpuscula vocant moleculas illas, quas videmus mille variis motibus, itibus, gyris, reditibus, spiris, incursibus intra radium luninosum moveri: sic etiam corpuscula vocant tenuissimas illas particulas, quæ è terra & aqua in vapores & exhalationes assurgunt: sic vocant minutias cujusvis detritissimi pulveris: sic tandem generaliter vocant, quidquid ipinus proprie vocaretur corpus propter nimiam exilitatem, ad quam sive natura, sive ars, sive casus illud redegit.

Atqui hæc & similia corpuscula, *atomi* frequenter appellantur, testè Palanco: quid igitur super est, nisi ut inferam non potiori jure Cartesianos, quàm Aristotelicos vocari Atomistas posse? si videlicet nomen *atomi* abusive accipitur, ut apud vulgus, pro corporibus valde exilibus seu corpusculis, licet aliàs minorum divisionum capacibus. Si verd nomen *atomi* accipitur in sensu stricto ac rigoroso pro corpusculo minimo, ac proinde insectili, nos qui à Maignano stamus, soli sumus, qui vocari Atomistæ debeamus: de cætero melius erat, si Palancus neque res, neque personas istas tam confuse permiscuisset, ut permiscuit vocando illas nominibus non suis. Visne adhuc, mi Pazzi, ut hoc eodem spiritu, quo loquor, non intermisso conquærar. apud te de alia rerum & personarum permutatione, quam longe acerbius fero, & ob quam premo altum corde dolorem.

P A Z Z I U S. Perge, annuo; voluisssem tamen, ut dedisses mihi tempus interponendi consilium, quo te decreveram exhortari ad non ita de nominibus contendendum: nam quodd Cartesiani *Atomista* vocentur, aut non, quid interest?

R O C C H I U S. Hoc satis nostrâ interest, si attendis; sed adhuc magis interest ut advertam non debuisse Palancum, enumerare inter sequaces Cartesii & Maignani &

XXVI.
Qualitet
Aristotelici
vocari possunt
Atomista.
16.

XXVII.
Maignanus
non debuit
numerari inter
Cartesianos.

In præst.
ad Leth.

me, ut enumerat quum ait, *His (qui pro ipso scriptis publicis decertarunt) accessit unus vel alter ex Theologia sacra Professoribus Catholicis, uti ex nostra Minimitana Familia RR. ac SS. P. Emmanuel Maignan ejusque discipulus R. adm. P. Joannes Saguens, &c.* Quis hæc legens non illico crederet Maignanum raptum lectione Cartesii totum in illius mentem inclinasse, nec alio fine suam Philosophiam typis dedisse, quàm ut cum aliis pluribus Cartesii discipulis pro eo *scriptis publicis* decertaret. Hoc verò quàm falsum sit non dicam, quia id satis dicunt & probant Philosophica chronica, quæ Palanco non debuerunt esse ignota: ab illis utique didicisset Maignanum tam non fuisse discipulum Cartesii, quàm Cartesium Maignani. Legere potuit Maignani vitam à me scriptam, & ibi comperisset sæculum præteritum tria tulisse primaria ingenia, quæ in locis quidem valde diffitis, sed iisdem horis incumbabant elaborandæ Philosophiæ novæ, qua veterem abolerent, quia si aboleretur, id opinabantur profuturum veritati, ac præsertim rerum Physicarum, securius obtinendæ. Ea tria ingenia sunt Cartesius, Gassendus, Maignanus; sed omisso Gassendo, cujus nullibi Palancus meminit, redeo ad id, quod cœpi dicere Maignanum nihil omnino suarum opinionum à Cartesio accepisse.

XXVIII.
Maignanus
fere in om-
nibus con-
tradixit Car-
tesio.

Equidem Philosophia Cartesii prior in lucem venit; & Maignanus illam vidit, sed si tum in sua paulò post edita typis Tolosanis, anno 1653. illius bis aut ter meminit circa difficultates ad vim magneticam & elasticam attinentes, bis aut ter contradicit: & quod, si placet, notabis, mi Pazzi, quando eadem Maignani Philosophia typis aliis Lugdunensibus post unum alterumque decennium fuit edita, comparuit inprimis aucta dissertatione prolixissima Physico-Geometrica, qua Maignanus totam fabricam Mundi Cartesiani convellit, dum demonstrat falsitatem hypotheseon vorticum, quorum ope Cartesius putavit Mun-

dum ad hanc aspectabilem formam pervenisse, aut pervenire saltem potuisse. Itaque si per istas contradictiones meruit Maignanus haberi pro discipulo Cartesii, bene est; sed res est satis inaudita, si fortè sermo non est de discipulo rebellante, ut quondam fuit Aristoteles in Platonem.

P A Z Z I U S. Adhuc contendis de nomine, mi Rocchi: non latuit Palancum, quòd Maignanus Cartesium deseruit in multis; sed nihilominus ut daret locum Maignano inter sequaces Cartesii, satis ei fuit videre illum isti consentientem in negandis formis omnibus Aristotelicis, tum accidentalibus, tum substantialibus. *Hi ergo, inquit loquens de te ac tuo Maignano, licet in multis Cartesium deserant, cum eo tamen formas tam substantiales materiales, quàm accidentales omnes à proprio subjecto distinctas & consequenter accidentia realia, ut à cunctis Peripateticis antiquitus agnita negant & impugnant, &c.* Atque is est sensus in quo haud dubie licuit Palanco vos cum Cartesianis miscere, uti etiam vocare Cartesium *Atomismi Antesignanum*, ut alibi loquitur his verbis, *Et ulterius constat vestrum Cartesium, quem Atomismi Antesignanum omnes agnoscunt, prima rerum principia designare non potuisse, &c.*

XXIX.
Cur Maignanus positus sit inter sequaces Cartesii.

Dial. 85. n. 702.

R O C C H I U S. Dele, si placet, mi bone Pazzi, omnes; & corrige nulli; nam proflus nulli veri Atomistæ, ad quos pertinet nosse quem Antesignanum habeant, militant sub vexillo Cartesii: interroga illos, ætatem habent. Interim scias nullos esse præter eos, qui stant mordicus à Maignano, hac ætate Philosophos, qui ponant atomos rigorose acceptas, id est, veras atomos pro primis materialium rerum principiis. At verum istum ac proprie dictum Atomismum Cartesius horruit, Maignanus coluit: Authores sunt qui pro & contra in rebus istis ad veras atomos vel abolendas, vel retinendas spectantibus secum vexilla conferunt, & ex adverso pugnant pugnaci-

XXX.
Nullus verus Atomista militat sub Cartesio.

ter, & tunc adhuc cum Palanco poteris Cartesium vocare veri Atomismi Antesignanum? Non id sane inoffensa veritate potes; inoffensa proprietate rerum ac nominum.

XXXI.

Cartesius
falsò dictus
est Antesignanus
Atomistarum.

Sed neque Palancum juvat quod ait nos unà cum Cartesio negare pariter universas formas substantiales & accidentales, *ut à cunctis Peripateticis antiquitus agnitas*: hinc nos forsan Cartesianos vocare potuit; sed quid est isti cognomento commune cum vero Atomismo, quem Cartesius negavit, & cujus capropter nemo, qui res clare videt & idonee vocat, illum vocabit *Antesignanum*.

P A Z Z I U S. At saltem concedis posse vos universos, qui Maignanum sequimini, Cartesianos vocari, ex hac saltem parte, quod convenitis omnino in negandis & impugnandis formis omnibus Aristotelicis.

XXXII.

Quam discordes
sint Cartesiani
ab Atomistis.

ROCCHIUS. Infanitem si concederem, mi Pazzi: Phrasis mea hæc est, *hinc nos forsan Cartesianos vocare potuit*, & tu non attendis ad insertam in ea particulam dubitandi. Audi jam meas rationes dubitandi non leves; unam & alteram. Primò sexcenta sunt Philosophica placita, in quibus sequaces hinc Cartesii, hinc Maignani toto cœlo discordant; unum est in quo concordēs vidit eos Palancus: & hoc sibi sufficere putavit ad communem nominis impositionem. Quis in Aristotelismo & in sexcentis pariter illius placitis discipulos S. Thomæ à discipulis Scoti dissentientes non videt; in uno tamen consentientes, scilicet in affirmandis formis; sicuti & nos consentimus in pernegandis. Igitur sicuti rideretur qui propter hoc unum aut fere unum, in quo illi Philosophi veteres unius sunt mentis, vellet omnes esse *Thomistarum* nomine designatos; ita continere vix risum potest, qui audit Maignanistas nominari Cartesianos, ob unicam aut fere unicam, in quam cum Cartesianis inclinant sententiam de formis Aristotelicis rejiciendis.

Secundò quoties duo Scriptores, ac præsertim contra-

nei,

nei, nihil opinionum suarum sibi mutuo debent, si quid in eis novi uterque adinvenit, non est cur id potius uni quàm alteri, tanquam authori tribuatur: hujusmodi fuerunt Cartesius & Maignanus: simul sed seorsim Philosophiam meditabantur Aristotelica meliorem: in qua publici juris facienda, si quæ est Cartesii, prævit annis admodum pauculis, multi erant ac satis multi, à quibus suam Maignanus, adhuc ineditam, Romæ docuerat. Jam verò quid vis ut hinc inferam, mi Pazzi: quid mecum hinc inferre dignaberis.

Pazzius. Inferam, quod parum interest, sua singulis vestrum dari aut relinqui nomina oportere: & à me quidem, nemo Maignanistarum deinceps Cartesianus, nemo Cartesianorum Atomista vocabitur, quandoquidem vis ac jubes tibi tuisque sacrum esse hoc *Atomista* cognomentum, de cujus erga ipsos omissione intelligo Cartesianos, deconquesturos non esse: sicque sine labore ullo utrisque vestrum indulgebatur quod opratis. Neque rem tam facilem non indulxisset tibi Palancus, mi Rocchi, sed quomodò tuam hanc aded delicatulam indolem poterat suspicari, ut te gravissime offensum putes ab eo qui te inter Cartesianos, vel Cartesium inter Atomistas innocenter locat? hoc certe est nimis Cartesianismum horrere, nimis Atomismum amare.

Rocchi. Tu ita loqueris, mi Pazzi, quia nescis quantum intersit, quod tam nomina nostra, quàm res in strâ tractentur seorsim à rebus & nominibus cæterorum. Atque ut hac horâ tecum fiducialiter agam, intelliges ex præmissis intervallo pene infinito, quod est inter eos qui Cartesio adhærent, & eos qui abeunt post Maignanum, sive quod idem est, inter veros Cartesianos & veros Atomistas, esse mihi que tibi que nihil deinceps tractandum ex omnibus, quæ in suis dialogis Palancus aut impugnar, aut propugnat contra Cartesium, quia non sumus de fal-

D

XXXIII.

Cartesius
& Maignanus
scriptores
contra
nos.

XXXIV.

Non fiet
hic sermo
nisi de rebus
ad Maignanum
spectantibus.

so illo genere Atomistarum, quos in Cartesio vidit & confodere in eo voluit. Hac via clarum est quantum tuus mecum colloquendi, & meus nostra hæc colloquia scribendi labor minuitur: si quid ab eo scriptum est contra nos directe, propter quod cogitas de reversione ad Aristotelem, hoc unum à te opponendum erit, à me refellendum, sicque multò citius nostra concertatio ad laudem Aristotelis aut Atomismi, prout alter nostrum vicerit, absolvetur. Et rursus nunc longe magis quam antè intelliges processurum multò clarius ac forsàn feliciùs fuisse Palancum in sua dialogorum Hecatontade, si non sic res & personas Philosophorum sibi tam aperte, ac fere in omnibus contradicentium confudisset.

XXXV. *Qualiter Palancus gerere se debuisse in suis dialogis* Ecce tandem, mi Pazzi, si placet audire, modum quo sese gerere in suis dialogis Palancus debuit. Noverat Aristotelismum ex universis Galliæ, ex multis Italiæ Provinciis repulsum, extorrem Atomismo regnante: quod infortunium satis patienter ferebat; sed ut vidit Atomismum in Hispaniæ Provincias etiam irrepentem ad regnandum ibi ut alibi, ferre diutius illud non potuit, mihi-que videor audire illum ad suos conversum his versibus Virgilianis.

Arma viri ferte arma, vocat lux ultima victos;
Reddite me Danaïs, sinite instaurata revitam
Prælia, non omnes hodie moriemur in alti.

Et ei quidem pulchrum ac decorum fuit involare ad arma, pro veritate quam præsumebat, & quam extinctum iri timebat in Academiis Hispanicis, quando è contra ceperat exoriri. Generosum etiam fuit insilire in eos, à quibus fortius impetebatur Aristotelismus jam desperationis plenissimus, insilire aïo in Cartesium & Maignanum; sed inconsultum fuit eos non aggredi scorsim ut de uno.

alteroque facilius triumpharet: quomodo non potuit, ut debuit, suos dialogos bipartiri? pugnare in primis contra Cartesium, & eo victo dimicare in sequentibus adversus Maignanum, seligendo sibi duos collocutores, qui bene nossent, ille res Cartesii, & iste res Maignani.

P A Z Z I U S. O quàm rapide loqueris, mi Rocchi, quàm fuse de meris nugis! Nugas voco, quia non respiciunt, nisi formam à Palanco in suis dialogis institutam: in qua licet peccasset, quid interest? modò non peccaverit in eorum materia: sive in demonstrationibus, quas ibi affert pro suis Thomisticis adversus Atomisticas opiniones vestras: istæ omnes demonstrationes mihi probantur & me coëgerunt ad Aristotelismum meum reverti; tibi è contra non probantur, nec ab Atomismo tuo, ut ais, vel transversum unguem te dimoverunt. De istis demonstrationibus agitur: at de illarum circumstantiis quibuscumque inter nos, si placet, in posterum non agatur. Quid ego & tu quærimus in his nostris colloquiis? veritatem: hæc igitur una sit colloquiorum nostrorum materia: jamque ut verum fatear, impatiens sum pugnandi cum Palanco pro formis Aristotelicis & consequentiis earum contra vestras atomos & earum consequentias, quas antehac non videram tam contrarias plerisque fidei christianæ mysteriis. Igitur determinâ tempus & locum ineundæ vicissim disputationis.

R O C C H I U S. Imo, mi Pazzi, hanc mihi gratiam indulge, ut utrumque pro tua voluntate indicas. Tantum patere ut pro candore meo aperiam tibi cogitationem, quæ hoc ipso temporis puncto meæ menti se offert. Intererat, ut bene meministi, jam sunt anni decem, nostris circa opus dogmaticum Gennari adversus atomos rediivas dialogis doctissimus & amicissimus noster Philalèthes: si fortè vellet interesse hodiernis & eos, ut solebat cæteros, moderari, an non tibi pergratum foret?

Dij

XXXVI.

Opponitur
Palancum
saltem non
peccasse in
materia dia-
logorum.

XXXVII.
Philalethes
constituitur
iudex futu-
ræ omnis
contentionis

P A Z Z I U S. Pergratum ac perhonorificum plane. Atque hinc opto ut intelligas quanta doctrinæ Aristotelicæ fiducia valeam apud Palancum; nam memini Philalethem non magis quàm te permotum olim fuisse argumentis Gennari pro illa certantis adversus atomos rediivas, unde contigit ut ab illo colluctationis nostræ palmam retuleris. Sed hodie video in his physico-theologicis Palanci dialogis genus aliud argumentorum & autoritatum ita urgentium, ut minime dubitem, quin si me patienter audieritis, id est, Palancum ore meo loquentem, sitis illico formas nostras amplexuri, & atomis vestris dicturi æternum vale.

ROCCHIUS. Amo fiduciam tuam, mi Pazzi; sed habemus; ut nosti, nostrum optimum Philalethem ruri agentem. Quid agemus?

P A Z Z I U S. Et hoc novi, quòd adhuc ruri ager per dies quindecim: etiam hoc novi, quòd pro liberanda fide cras ad illum iturus sum, & apud eum mansurus, & non sine illo rediturus. Itaque tradam ei legendos hosce novos Palanci dialogos, & unà ex me audiet quidquid consilii circa illos iniimus: audiet, polliceor, tam singulatim ac si præsens adfuisset.

ROCCHIUS. Bene omnino est, neque jam superest nisi ut te onerem salute multa, quam optimo Philalethi, ex me nunciabis.

P A Z Z I U S. Nunciabo hilariter: jamque nox imminet, abeo: vale mi Rocchi.

ROCCHIUS. Vale millies mi Pazzi.



DIALOGUS SECUNDUS.

QUAM MALE SENTIANT ARISTOTELICI de Materia prima.

PERSONÆ COLLOQUENTES.

PHILALETHES, PAZZIUS, ROCCHIUS.

PHILALETHES. Suadebat temporis serenitas, suavissime Rocchi, ut præter quod constitueram, ruri diutius agerem; sed noster Pazzius dissuasit accendendo in me novum ardorem audiendi vos colloquentes rursus de vestris hinc formis, hinc atomis, & de consequentiis ad eas pertinentibus respective.

I.
Proponitur
non agere,
nisi de rebus
atomisticis.

PAZZIUS. Noveram, mi Rocchi, pergratum tibi fore, si quanto citius perficeremus quod proposuimus: quare nihil omisi quo eriperem nostro sapientissimo Philalethi diutiores ruris delicias.

ROCCHIUS. Ego verò quàm impatienter tulissem moras longiores non dico: id intelligite, Domini mei, ex aviditate, quæ me totum occupat audiendi qui sint sermones, quos per tot dies ac noctes invicem contulistis de novis istis dialogis R^{mi} P. Palanci; sed adhuc me major urget cupido sciendi ex te, optime Philalethes, an tibi probetur & pro consulto habeatur quod ambo decrevimus eos contentionibus nostris subicere circa res unice ac vere atomisticas, omissis cæteris.

PHILALETHES. Erit mihi res ardua tot sermones, tot eorum occasione natas meæ mentis è sinu cogi-

II.
narratur
de latine ju-

dicii ferendi
prosecuturis
contentionibus.

tationes in epilogum brevem contrahere: efficiam tamen ut in narratione ista non sim prolixus, ne remora ulla fiat ardori hodiernæ inter vos disputationis. Itaque scias, mi Rocchi, Pazzium nostrum, totum plane lætabundum ad me his nuperis diebus detulisse novos illos dialogos Physico-Theologicos Palanci, mihiq; jurasse se propter illos resiliisse ab opinionibus atomisticis, quas tandem illi olim suaseras, quando contra te, ac coram me pro Genuaro certabat, id est, pro libro illo dogmatico, quod Gennarus pro formis Aristotelicis scripserat *adversus atomos redivivas*; jurasse se, inquam, cum spe, aiebat, & proposito in opiniones tam pravas nunquam ampliùs recidendi. Tum quoties licuit vacare recessui & otio, nostra dialogorum illorum lectio non intermittebatur, nisi aut per notas quas in libri margine apponebat, aut per interpellationes, quibus à me requirebat assensum, vel etiam admirationem rationum, quas Author pro sua causa passim ingeminat. Ego verò constanter ab omni assensu & admiratione abstinui; reputabam enim me deinceps longe consultiùs assensui & admirationi daturum quidquid deberem, quando vestris pugnis interesssem, & rogarer de illis mentem, in quam hinc aut inde iturus sum.

III.
Profiteatur
Judex se
nullo præ-
judicio labo-
rare in rebus
contenden-
dis.

De cæterò autem nihil contentiõum, quas jamdiu propter Gennarum sustinivistis, colui, nihil retinui, avocantibus me aliò studiis meis: tempus magis edax memoriarum quàm rerum delevit vestigia plane omnia, quæ illæ contentiones vestræ imprefferant: quare fingite me rursus, si placet, tabulam rasam: in ea de novo pingite formas aut atomos; habetis in me caput ab universis præjudiciis liberum; & capropter non inclinaturum nisi ad eam, quam alter vestrum clariùs demonstraverit, opinionem. Neque vis haud dubie, mi Rocchi, ut hinc referam cætera, quæ mihi Pazzius noster narravit, tum disputata,

Quàm male sentiant Aristotelici de materia prima. 31
tum conventa inter vos fuisse, quando de novis illis Palanci dialogis cepistis colloqui; satis est si te monuero ea generatim ac sigillatim mihi perinde nota esse ac si vestro illi anticipato colloquio adduxissem. Unum est, quod Pazzius, nisi fallor, omisit in relatione illius; omisit enim referre seriem singularem materiarum, quas proposuistis in utramque partem agitare in futuris vestris concertationibus; in quibus dissimulatâ causâ Cartesianorum illa tantum movenda est, quæ Atomistas ab Aristotelicis dividit, seu qua Maignanus ab Aristotele se divisit.

ROCCHIUS. Quin imo nihil hac in re omisit Pazzius; etenim de industria tibi, siquidem Agonothetæ nostro, reliquimus potestatem omnem seligendi ac distribuendi materias concertationum nostrarum.

PAZZIUS. Sed nec ulli æquiùs quàm tibi reservari potuit hæc potestas, optime Philalethes; quare jam inter nos ad nutum & ad arbitrium tuum pugnabitur.

PHILALETHES. Votis vestris obtempero, Domini mei, & declaro esse hoc maxime in meis, ut opera vestra resciam ab initio, utri vestrum, Aristotelistarum aio, & Atomistarum, meliùs sentiant de materia prima; tum ad formam substantialem sermo convertetur: hinc ibitur ad formas accidentales generarim; tum ad aliquas particularim: atque hinc procedetur ad consequentias opinionum magis adversantium aut faventium fidei: novi enim hoc esse quod ab Aristotelicis summe contenditur, opiniones atomisticas non esse idoneas ad ea, quæ sunt fidei explananda. Cæterum constat non posse fidem per opiniones, quibus inest falsitas exponi: hanc inesse opinionibus Aristotelicis Atomistæ clamant. Quid opus facto? Res, de quibus hîc magis litigatur, materiales sunt: quales ergo Philosophi possunt de illis meliùs opinari, nisi qui de materia prima meliùs opinantur?

PAZZIUS. Et ideo Palancus maxime totus fuit in

IV.
Statuitur
ordo materiarum quæ
in contentionem veniunt.

V.
Opponitur
Atomistis
non pollere
Metaphysi-
cā.

Dial. 60. n.
321.

stabienda vera notione materiæ primæ: ac præsertim quando & quoties invicte demonstrat atomos elementares, quamvis darentur, non eapropter fore prima rerum naturalium principia, quia non essent prima illarum materia, uti neque prima illarum forma: liquidem & ipsæ atomi ex materia & forma fierent; & quod utique adverterent, ut ait, Atomistæ, si ut ipsi pollerent Metaphysica, per quam id advertunt, & si non tam crassi essent, ut sunt in rebus physicis. Audite, si placet ipsius verba. *Deberent etiam non negare distinctionem & compositionem realem & veram actûs & potentia, substantia & accidentium, qua Metaphysicus advertit, & qua merus & grossus Physicus penetrare nequit: & non qua ignorant, quia pure ac grosse Phisici sunt, blasphemare in Peripateticis, qui Metaphysica pollent, & per illam ut subalternantem regulati, Physicam firmam & solidam subtilissimeque exponunt, altius & profundius illius principia considerantes, non quidem in minimis illis corpusculis sistendo, sed in illis etiam advertendo materiam & formam tanquam altiora principia, ex quibus constant tam ipsa corpuscula, quam omnes substantia materiales. Et hæc est una demonstratio è multis, quas alibi profert ad repellendam à corpusculis minimis sive atomis, si quæ essent, veram notionem materiæ primæ. Vis aliam, mi Rocchi; ejusdem generis?*

ROCCHIUS. Audiam libenter.

VI.
Proponitur
demonstra-
tio contra
Atomos.
Dial. 60. n.
318. & 319.

PAZZIUS. Audi Palancum ita loquentem. Vos ô Atomistæ *Nullam distinctionem realem & physicam, aut similem compositionem advertitis vestro crasso & rudi philosophandi modo sensibus nimis affixo, nisi ex corpusculis, aut inter corpuscula vel atomos: & cum in his distinguendis pervenitis ad minimum, sive ad minimas atomos, creditis jam invenisse prima rerum principia & totius Philosophiæ primordia, non considerantes quod si illa vere sint entia*

Quàm male sentiant Aristotelici de materia prima. 33
entia corporea, seu vera substantia, debeant esse adhuc ex
actu & potentia composita, potentiales & perfectibiles,
mutabilesque intrinsece per accidentia & quod illis etiam
convenire debeat quidquid vere & realiter competis omni
substantia materiali creata, titulo talis, nempe esse compo-
sitam ex materia & forma, ex essentia & esse, esseque po-
tentialem adhuc & perfectibilem per formas & modos ac-
cidentales. Pergit. Nos autem ad rerum veritatem veram-
que intelligibilitatem attendentes magis quàm ad merum
sensum & imaginationem illumque grossum modum sensi-
bilis & imaginationi affixum contemnentes, intellectu po-
tiùs quàm sensu utentes subtiliùs rerum essentias indaga-
mus, advertimusque in omni ente naturali creato esse ve-
ram compositionem ex essentia & esse, ex substantia & ac-
cidentibus, quia illam advertimus potentialem, perfecti-
bilem mutabilemque intrinsece. Habes hìc, mi Rocchi,
demonstrationem alteram quam rogasti.

ROCCHIUS. Si tertiam ejusdem generis habes ad manum, affer, si placet; eo fine ut si forte insolubiles non sunt, una fit trium solutio.

PAZZIUS. Dixerat Palancus paulò ante, *Ultra com-*
positionem ex particulis & atomis extensionem facientibus,
qua certe repugnat Angelo, nos intelligimus compositionem
realem ex essentia & esse, ex substantia & accidentibus,
tanquam ex potentia & actibus ejus; & hoc modo creatu-
ram spiritualem compositam esse dicimus. Quibus verbis
clare demonstratur, quòd si etiam in Angelis est compositio
realis ex essentia & esse, ex substantia & accidentibus,
quanto magis reperietur hæc compositio realis in atomis;
quomodo igitur erunt prima principia componentia, quan-
do ipsæ ex priotibus aliis principiis componuntur? Habes
hìc, mi Rocchi, tres unius generis demonstrationes,
quas audire voluisti; solve si potes.

ROCCHIUS. Imo, mi bone Pazzi, quomodò in
 E

VII. ⁷
 Proponitur
 alia demon-
 stratio con-
 tra atomos.

iisdem verbis ter repetitis potest esse, si quæ tamen est; nisi demonstratio una ter repetita? & rursus si quæ in illis est, adhuc quærenda est, quia latet: aut certe non patet sub forma valde splendida.

PHILALETHES. An in demonstrationibus formam quæ sese offerat, quæ niteat, rapiatque mentem; & sane quomodo veritas, quæ adhuc latet, apprehendi & laudari pro demonstrata? quare maluisse audire à Pazzio brevem demonstrationis formam, quam addeò longam demonstrationis non unius materiam: & ideo mi Rocchi, vel tu redige, vel redigat ille in formam demonstrativam verba quæ retulit.

VIII.
Elucidantur
præsumptæ
demonstra-
tiones.

ROCCHIUS. Has partes cum bona tui, Pazziique nostri venia mihi assumo, & experiri volo an satis assequar mentem Authoris, quamvis sim unus eorum, quos vocat *meros & grossos Physicos, sensibus nimium affixos, Metaphysicam ignorantes*, &c. tum si forte non assequar, Pazzius eam mihi dignabitur aperire. Ecce itaque formam demonstrativam trium textuum præmissorum. Vos Atomistæ qui estis meri, grossi & crassi Physici, qui philosophandi modum habetis nimis affixum sensibus, qui Metaphysici non estis, qui blasphematis in Peripateticis quæ ignoratis &c. non videtis in atomis vestris nisi atomos. Nos qui Metaphysica pollemus, per quam subtilius, altius, profundiusque indagamus rerum essentias, & qui ad hoc magis utimur intellectu quàm sensu, videmus in vestris atomis multiplicem compositionem ex essentia & esse, ex potentia & actu, ex substantia & accidentibus. Igitur vestræ atomi sunt compositæ, & ideo non sunt prima rerum Physicarum componentia.

PHILALETHES. Rescinde, si placet, mi Rocchi contumelias illas à majori, & jactantias istas à minori propositione talis demonstrationis, cui utique vim nullam afferunt.

ROCCHIUS. Imo vim illi affertunt multam istæ salutis in jactantiæ, nam nisi Aristotelici, homines fide digni, affirmarent se videre in nostris atomis compositionem multiplicem, quis crederet? ex hoc autem quòd id asserunt ita jactabunde, quis non movebitur ad credendum rem ita esse? ecce igitur demonstrationem illam sub forma breviori. Illa entia quæ in se admittunt multiplicem compositionem non possunt accipi pro primis componentibus. Atqui vestræ atomi admittunt in se multiplicem compositionem; quam utique, ut aiunt, nos videmus, propterea quòd magis utimur intellectu quàm sensu, subtiliùs quàm vos altiùs profundiusque indagantes rerum essentias. Igitur vestræ atomi non possunt accipi pro primis componentibus. Placet ne tibi, mi Pazzi, forma hæc demonstrationis?

PAZZIUS. Placet admodum.

PHILETHES. Mihi verò admodum displicet: neque audiui aliquando tale genus demonstrationis, ubi proponitur credendum quòd incumbit probandum. Sed neque puto Palancum voluisse, ut Atomistæ crederent quòd aiebat de illa multiplici compositione atomorum vestrarum: illam vidit, quid inde, nisi efficiat ut vos etiam videatis? nam quid est veritatem aliquam alicui demonstrare, nisi efficere ut veritatem illam nunc primum videat quisquis ille est, qui antea non videbat?

ROCCHIUS. Et nihilominus constat Palancum hanc ab Atomistis fidem exegisse: ac forsan quia novum illud dialogorum genus novum hoc demonstrandi genus requirebat exigere fidem, tacere rationem.

PAZZIUS. Audi mi Rocchi, ne te crucies hac in re. Noverat ab Atomista suo Palancus vos Metaphysicam ignorare *Quid ni dicam*, verba sunt Atomistæ colloquutoris, quòd ego *Metaphysicus non sum, sed mere Physicus*, & de his qua Metaphysica tractat non respondeo, quia ea

IX.
Aristotelici
aiunt se vi-
dere compo-
sitionem in
atomis, ubi
nulla est.

X.
Vis demon-
strationis
non pendet
nisi à ratio-
ne.

Dial 60.
n. 521.

non didici. Hinc intelligebat nihil vobis esse profuturas rationes, quas ad vestram convictionem attuler ex Metaphysica: & ideo desiderabat ut crederetis ea quæ prudenter omittebat probare. Quare sic excipit præmissum

Ibidem. Atomistæ sui responsum, *ô utinam omnes vestri ita responderent, & cum subordinatione ad eos qui Metaphysica pollent, & per eam profunda & altiora Philosophia principia quàm vestras atomos explicant: nam sic sane controversia cessaret.* Pergit, *sed probe scis audaciores vestros esse, ut Aristotelici Metaphysicam profitentibus subordinari velint.* Quem excessum audaciæ postea sic redarguit, *Cur ergo qui meri Physici estis, non debeatis credere & subordinari eis, qui Metaphysicam profitentur?*

Ibidem
n. 523.

XI.
Opponitur
Metaphysi-
cam docere
compositionem atomorum.

In quibus verbis latet hic discursus: Philosophi qui non pollent Metaphysica credere debent iis qui Metaphysica pollent, scilicet in rebus quas per Metaphysicam didicerunt: sed Atomistæ non pollent Metaphysica, Aristotelici autem pollent Metaphysica; igitur illi credere debent istis, scilicet in rebus quas per Metaphysicam didicerunt. Hinc subsumitur. Atqui per Metaphysicam didicerunt compositionem illam multiplicem atomorum: igitur Atomistæ credere debent illam compositionem multiplicem Atomorum, & ideo ab atomis remove notionem primorum componentium, quæ utique si sunt prima componentia, non sunt composita.

PHILALETHES. Deferite, si me amatis, Domini mei, res id genus ridendas: junior fui, etenim senui; nec nisi hac prima vice audiui Philosophos, quorum alii ab aliis fidem postulent circa opiniones, de quibus contendunt: nullas adhuc audieram demonstrationes, per quas postularetur assensus, & non potius cogeretur. Sed jam magis philosophice inter vos agite: agitate magis seriorem præsentem, quam si videretur, in hunc modum bipartiar.

Quàm male sentiant Aristotelici de materia prima. 37

Primum disquiratur an reuera comperiretur in atomis, si quæ essent, illa multiplex compositio, quam objicit Palancus: ac tum secundò discutietur an hujusmodi compositio, quæ in illis comperiretur, impediret quominus accipi pro primitis componentibus materialibus, id est pro materia prima rerum istarum materialium sensibilibum corporearum, de quibus vestra hæc jurgia sunt instituta. Cæterum si bene memini textuum, quos Pazzius noster modò referebat, vides, mi Rocchi, compositionem illam ab Authore insinuatam triplicem esse: nam illæ Atomæ primò componerentur ex essentia & esse: secundò ex potentia & actu: tertio ex substantia & accidentibus. Deinde verò præfatus Author in locis mox relatis triplicem illam compositionem minus probet, quam optet bona fide recipi ab Atomistis in verbo suo; nihilominus illam alibi satis probat, idque præsertim, ut recordor, ex discrimine quod necesse est esse inter eas increatum & creatum: equidem non occurrunt memoriæ meæ textus id probantes; sed extant tamen.

P A Z Z I U S. Extant sane permulti; & illos habeo in promptu: jube ut referam.

P H I L A L E T H E S. Referes eos, quum oportunior occasio referendi sese obtulerit. Interim pergo, & ut nihil dissimulem dico me nequaquam alienum esse ab hujusmodi compositione triplici admittenda in atomis: neque diffido, mi Pazzi, quin pariter Rocchius eam in atomis suis videat, ex quo cepetis illi aperire oculos per claram expositionem talis doctrinæ. Agite inter vos.

R O C C H I U S. Agam igitur tecum, mi Pazzi, per interrogationes sequentes. Quid, si placet, intelligit Palancus per compositionem ex essentia & esse? finge me nunc ex Atomistis illis, si quis tamen ex illis vel unus est, qui Metaphysicam nesciunt aut non curant.

P A Z Z I U S. Audi, si placet, hanc demonstrationem,

XII.
Qualiter
discutiri de-
beat compo-
sicio atome-
rum.

XIII.
Non re-
pugnat in a-
tomis com-
positio Me-
taphysica.

Dial. 85.
n. 103.

ex qua eruetur responsum, quod quæris. Sic loquitur Palancus. *Sed ecce ego potius evidenter demonstro, nihil nisi compositum, creatum esse posse. Etenim nihil creari potest nisi recipiendo & participando suum esse à suo Creatore. Atqui ens participans & recipiens suum esse, à Creatore, necessario est compositum ex recipiente & participante esse & ex ipso esse tanquam ex actu & potentia. Ergo implicat aliquid esse creatum nisi compositum ex essentia & esse. Pergit & hanc ipsam demonstrationem profert sub breviori forma his verbis. Ens cuius essentia est suum esse, creari non potest: ergo solum creari potest ens, cuius essentia non sit suum esse. Sed hoc necessario est compositum ex essentia & esse: ergo creari non potest nisi ens compositum ex essentia & esse. De qua demonstratione addit Palancus valde confidenter. Hac, mi Atomista, est demonstratio, si ulla est, in tota Metaphysica.*

XIV.
Quid sint
ens increa-
tum & crea-
tum.

ROCCHIUS. Sed, mi bone Pazzi, ad quid valet hæc demonstratio nisi ad stabiliendum loquendi modum, qui apud vestros Metaphysicos multo in usu est; sed qui si alte ac profunde inspicitur, falsus est, & occasio esse potest errandi circa res Physicas; imo fuit occasio Aristotelicis errandi circa illas frequenter. Communis hic est modus loquendi, quo Metaphysici omnes utimur, ut ad notandum discrimen entis creati ab increato dicamus istud irreceptum & imparticipatum esse, illud è contra receptum & participatum, quia videlicet ens creatum, ab alio utique creatum est, quia nihil creare se ipsum potest; & sic ens creatum ab increato creator: ens autem quod increatum est, à se uno est quidquid est, & semper fuit quidquid est; quia si non fuisset ab æterno quidquid est, nunquam id fuisset; quandoquidem sibi dare non potuisset quod non haberet; sed neque id recipere ab alio potuisset, quia sic non increatum, sed creatum fuisset, contra hypothesim. Itaque ens increatum, quod est Deus,

Quàm male sentiant Aristotelici de materia prima. 39
 totum suum esse habet à se, & essentialiter quidem habet
 à se, ob id quod nunquam potuerit totum esse quod ha-
 bet, aut non habere, aut à se non habere. Ex aduerso autem
 ens creatum, totum esse quod habet, à Deo habet; quin
 etiam accidentaliter habet; potuit enim Deus non edu-
 cere illud è nihilo, id est, potuit non creare.

Hinc in notionem entis creati duæ istæ notiones in-
 grediuntur, scilicet subiecti recipientis suum esse à Deo,
 & hujus esse recepti in subiecto illud recipiente: quam
 compositionem ex subiecto recipiente & esse recepto vo-
 cant Metaphysici compositionem *ex essentia & esse*. Et
 ratio illam sic vocandi hæc fuit; quia Metaphysici distin-
 guendo res ab essentiis rerum, sic passim loquuntur dicen-
 tes res quidem omnes in tempore à Deo fuisse productas;
 sed earum essentias & improductas & improducibiles fuis-
 se, si quidem æternas, invariabiles, immutabiles: hinc
 quando aliqua res de novo producitur, rursus concipiunt
 essentiam illam quæ ab æterno erat, recipere istud esse
 quod de novo producitur, & ideo cum illa jungitur. Pla-
 cet ne tibi, mi Pazzi, hæc Metaphysica, tam uostræ, Deo
 sic volente quàm vestræ; nec à nobis minus quàm à vobis,
 quoties ordo notionum id postulat, usurpara.

P A Z Z I U S. Placet quod nobiscum loquaris; sed
 non placet quod nobiscum non sentias: videris enim jam
 satis insinuasse compositionem illam ex essentia & esse,
 compositionem esse duarum notionum & non duarum re-
 rum. Nos autem hîc intelligimus duas res: aliàs compo-
 sitio quæ fieret ex illis, non esset realis; esset igitur chi-
 mærica: esset igitur nulla contra hypotesim.

R O C C H I U S. Doleo admodum quodd sic confun-
 das res & conceptus rerum; neque volo quidquam omit-
 tere ut hîc advertas errorem primum, unde alii apud
 vos pene infiniti enati sunt. In exemplum veniat Ange-
 lus, qui totum suum esse, sicut loqui solemus, recepit à

XV.
 Afferuntur
 duæ notio-
 nes entis
 creati.

XVI.
 Non sunt
 confunden-
 dæ res cum
 conceptibus
 rerum.

Deo : & jam à te rogo quænam sit illa res , quæ recipit esse illud angelicum productum : nam si quod recipitur est una res , & subjectum recipiens est alia res , è duabus unam habemus in esse angelico producto & recepo , aliam tuum est assignare quæ recipiat istam. Assigna igitur.

P A Z Z I U S. An non tu dixisti, mi Rocchi, Angelum esse quitotum suum esse recipit à Deo ? Angelus est qui recipit , & esse Angeli est id quod recipitur : quid ultra quæris ? an non habes hîc rem unam recipientem , & alteram receptam ?

R O C C H I U S. Sed tu , mi bone Pazzi , non advertis quòd Angelus qui nondum est , recipere suum illud esse non potest : at non est , antequam suum illud esse receperit : tam id quod non præexistit , non potest recipere , quàm id quod non præexistit non potest dare.

P A Z Z I U S. Equidem id non advertebam : jamque tecum consentio non posse personam Angeli esse id quod recipit esse Angeli ; sed erit perinde si Angeli essentia , quæ ab æterno est , recipiat esse Angeli : siquidem essentia illa recipiens erit res una , & esse quod recipitur , erit res altera.

XVII.
Compositio
quæ in An-
gelo est, rea-
lis non est.

R O C C H I U S. Sed iterum non advertis , mi Pazzi , quòd esse quidem Angeli est res producta ; sed essentia Angeli non est pariter res producta : imo ex sua notione improducta , atque improducibilis est , quatenus ab æterno est. Igitur quando componis Angelum ex essentia recipiente , & ex esse producto ac in ea recepto , componis utique illum ex re una non producta , & ex alia producta ; atque ita illum non componis ex duabus rebus distinctis ; quare jam plane constat compositionem illam à te præsumptam Angeli non esse realem. Neque jam si ab Angelo transeamus ad atomum , aliter discurrendum erit : nam essentia atomi , licet intelligatur instar rei , non est tamen res quæ recipiat esse atomi ; atque ita compositio

Quàm male sentiant Aristotelici de Materia prima. 41
tio ex essentia & esse in atomo non erit compositio realis,
licet aliàs objectiva & intelligibilis, resultans hinc ex re,
illinc ex non re, sed quæ nihilominus instar rei concipi-
tur.

PHILALETHES. Noli addere plura, mi Rocchi :
totum quod ais in aperto est ; ac plane gaudeo quòd
semper senserim apud me non esse habendam pro reali in
ullis entibus creatis compositionem illam *ex essentia &
esse* : in quem sentum nunc longe magis quàm antè incli-
no propter rationes quas adduxisti.

PAZZIUS. Me quoque moverent rationes illæ, nisi
obstarent autoritates, quas ex D. Thoma profert Palan-
cus. Audiamus D. Thomam sic loquentem. *Hoc est con-
tra rationem facti, quòd essentia rei sit ipsum esse ejus, quia
esse subsistens*, scilicet subsistens per se & essentialiter,
non est esse creatum. Ac deinde clariùs, *Est autem de ratio-
ne causati quòd sit aliquomodo compositum, quia ad minùs
esse ejus est aliud quàm quod quid est* : at per ista verba *quod
quid est*, intelligit S. Doctor essentiam.

Dial. 85. n.
704.

ROCCHIUS. Imo, mi Pazzi, propter istas autori-
tates discedere deberes à sententia, qua credis composi-
tionem *ex essentia & esse* realem esse : etenim si realis
esset, non dixisset S. Doctor, *est autem de ratione causati
quòd sit aliquomodo compositum*, sed dixisset, quòd sit rea-
liter compositum ; quod tacuit, quia in essentia & esse
non agnovit duas res distinctas & productas : agnovit u-
nam productam, & aliam non productam, atque ita non
rem, licet instar rei conceptam. Sed jam, Philalethe nos-
tro ita jubente, vertatur sermo ad aliam compositionem,
quam esse pariter asseris in omni ente creato, scilicet ex
potentia & actu ; & unde adversus atomos, si quæ forent,
pariter inferas eas, siquidem ita compositas, admitti pro
primis componentibus non posse, id est pro prima rerum
corporearum materia.

XVIII.
Essentia &
esse non sunt
duæ res d. f.
distinctæ &
productæ.

P A Z Z I U S. An etiam contendis, mi Rocchi, hanc compositionem ex potentia & actu non esse realem? patere ut te interrogem his verbis Palanci, *Substantia creata est ne, vel potest esse actus purus nullo modo potentialis, nec actuabilis? Item est ne summe simplex, ita quòd nullo modo sit composita?* Hoc certe mihi nunquam suadebis scienti solum Deum esse actum purum, & eapropter omnem creaturam, nedum materialem, sed etiam spiritualem habuisse antequam produceretur potentiam ad actum quem obtinuit, & adhuc potentiam habere ad varios actus, per quos mutari potest & perfici.

XIX.
Compositio
ex potentia
& actu non
est realis.

R O C C H I U S. Ego verò miror, mi Pazzi, quomodo ex jam dictis non es convictus tam in ista quàm in præmissa compositione nihil esse realitatis, vel præsertim quia ista eadem est ac illa mutatis terminis. Substantiam itaque omnem creatam, nedum materialem, sed etiam spiritualem ais esse realiter compositam ex potentia & actu: neque ab illa compositione, ut ais, reali magis eximis unum Angolum, quàm unam Atomum. Primum loquamur de Angelo, in quo, si quæ est huiusmodi potentia, de qua loqueris, quæro an illa potentia sit res creata?

P A Z Z I U S. Certe si creata non esset, utique non esset; quia præter eius increatum, quidquid est, creatum esse necesse est.

R O C C H I U S. Rursus si potentia illa est res creata, quæro an hæc res sit actus purus.

P A Z Z I U S. Jam dixi Deo uni convenire notionem hanc actus puri: & inde oritur necessitas admittendi aliquid potentialitatis, seu perfectibilitatis in omni ente creato.

XX.
Potentia &
actus non
possunt con-
jungi.

R O C C H I U S. Hinc concludo rem illam quam vocas *potentiam*, componi ex priori potentia, & ista rursus, si vere foret res creata, ex alia potentia præcedente componeretur: sed quod adhuc magis repugnat, cum nullum

Quàm male sentiant Aristotelici de materia prima. 43

fit ens creatum, quod non sit compositum, ut ais, ex potentia & actu, illa ipsa res creata, quam *potentiam* vocas, componeretur ex potentia & actu: vide autem, mi Pazzi, quomodo possit ingredi actus in compositionem potentiae. Imo si attenditur propius veritas rerum ut se habent in se ipsis, non est possibilis casus, in quo conjungatur potentia cum actu, respectu cuius est potentia: etenim accedente actu jam non est potentia ad actum, & ita nihil ex potentia & actu respectivis potest componi. Deinde omnis potentia est potentia alicujus rei, scilicet in ordine ad actum quem res illa potest recipere: igitur falsò supponitur rem omnem constare ex potentia & actu; siquidem prius est esse rem quàm potentiam rei: & similiter omnis actus est actus alicujus rei: unde prius est rem esse quàm actuatam esse: quomodo igitur potest constare res ex potentia quæ nondum est, & ex actu qui pariter nondum est?

Hinc intelligere tecum debes, mi Pazzi, res naturales aliter se habere in se ipsis & aliter in conceptibus nostris: nam nos quidem in omni re naturali concipimus potentiam qua possit perfici, & actum per quem perficitur; sed nihilominus illa potentia & iste actus non sunt duæ res: cum non sint nisi duo conceptus unius rei naturalis, quæ à Deo producta supponitur. Sic Angelus est una res, in qua considerare possumus & essentiam & esse, ut supra; in qua iterum consideramus & potentiam & actum, quum volumus: sed quòd *essentia, esse, potentia & actus* sint res quatuor Angelum componentes, quis inter Physicos credet, licet inter Metaphysicos sic loquatur: & si ab Angelo itur ad atomum, tam parum realiter atomus quàm Angelus ex quatuor rebus illis componitur, seu potius ex illis non rebus instar rerum conceptis. Habet Angelus à Deo suum unicum esse spirituale: habet atomus à Deo suum unicum esse materiale: divide postea & hoc & illud

Fij

XXI.
Res & conceptus rei sunt una eodem modo si habent.

ut ut volueris per plures conceptus: at non eapropter non erit unicum realiter & incompositum?

PHILALETHES. Altam hîc audio Metaphysicam.

XXI.
Repugnat
res omnes
singulas non
esse simpli-
ces.

ROCCHIUS. Audi altiore, si placet, optime Philalethes, & mecum cogita summam rerum omnium, sive spiritualium, sive materialium coalescere omnino ex rebus singulis sive spiritualibus, sive materialibus respective. Huiusmodi autem res singulas, licet conceptibiliter, id est, metaphysice compositas, esse tamen realiter, id est, physice simplices ac incompositas facile demonstratur in hunc modum. Da mihi unam ex illis singulis: itaque illa vel constat, vel non constat ex aliis: si primum, non unam ex illis singulis assignasti, sed plures singulas: si secundum: hoc ipso assignas rem simplicem realiter & incompositam: atque ita res omnes singulas vides esse simplicitatis & incompositionis omnino reales: ita quod tam quælibet res materialis, quàm quælibet res spiritualis simplex sit & incompressa in suo genere: ratio enim adducta pro utroque pariter genere urget; & hinc suo loco ac tempore inferetur tam nihil compositionis realis esse in atomo, quàm in Angelo, salvo discrimine quod est inter spiritum & materiam, & quod nihilominus non impedit quominus absit ab atomo realis pluralitas omnis partium materialium, sicut omnis pluralitas realis partium spiritualium abest ab Angelo.

PHILALETHES. Perge nunc, mi Rocchi, & transi ad aliam compositionem ex substantia & accidentibus, quam, ut Pazzius noster retulit, affirmat Palancus esse realiter in singulis entibus creatis, etiamque spiritualibus.

XXII.
Opponit
formalita-
tes meta-

PAZZIUS. Sed non antè, si placet, quàm dixerim omnes igitur potentialitates & actualitates quas in rebus creatis esse Metaphysica docet, chimæras fore, si reales

Quàm male sentiant Aristotelici de materia prima. 45
 non sunt, & ideo Metaphysica esset scientia plane chimæ-
 rica, siquidem non traheret nisi de chimæris. Quam Me-
 taphysicæ contumeliam ferre non valens Palancus accu-
 mulat multa D. Thomæ testimonia demonstrantia Meta-
 physicam esse maxime realem, maxime nobilem, maxi-
 me necessariam omnium scientiarum; ac deinde suum A-
 tonistam alloquitur his verbis, *ista* (testimonia) *si legis-*
ses, inde disceres sine Metaphysica vera & prima rerum
principia disci non posse, & consequenter nec principia pri-
ma Mundi corpori & entis naturalis, qua sunt principia
Philosophia, &c.

physica fo-
re chimæras

Dial. 60. n.
523.

ROCCHIUS. Absit, mi Pazzi, absit ut quod vestri
 Metaphysici peccant, id Metaphysicæ tribuam: non il-
 lius, sed vestra culpa est, quando plures meras intelli-
 gibilitates unius rei, distinctiùs cognoscendæ, & ideo plu-
 rium instar rerum per plures conceptus consideratæ, ad-
 mittitis pro rebus pluribus rem unam componentibus.
 Considerate in rebus singulis quotquot perfectibilitates
 & perfectiones vult & jubet Metaphysica considerari pro
 rebus illis singulis distinctiùs cognoscendis; sed cavete
 tum ne *non-res* instar rerum conceptas affirmetis res esse:
 sicque tolletis à Metaphysica vestra non illius chimæras,
 sed vestras. Si quot sunt intelligibilitates unius rei, tot essent
 in ea res, nulla posset assignari quæ foeta non esset mille a-
 liis & ex istis mille nulla rursus quæ suo in sinu mille alias
 non haberet: quem progressum si Metaphysica permetteret,
 nunquam ad ullius rei prima principia perveniret. Sed si-
 ne modò ut obtemperem Philalethi, qui jubet ut fiat ser-
 monis transitus ad compositionem realem ex substantia &
 accidentibus, quam Palancus opponit in singulis entibus
 creatis etiamque spiritualibus reperiri, & eo magis reper-
 tum iri nostris in atomis.

XV7:

Chimæras
non Meta-
physica, sed
mens Meta-
physicorum
quandoque
habet.

PHILALETHES. Mihi sane longum erat audire
 te de compositione ista, quæ mihi quidem est omnium

potissima & probabilissima, differentem.

XXV.
Res omnis,
quæ produ-
citur, in suo
esse per eam
producitur.

ROCCHIUS. Pareo: sed rogo, Domini mei, parcite prolixitati mei discursus, si fortè non potero in pauca verba illum contrahere. Quando Deus rem aliquam producit, utique producit integram & perfectam: nam aliàs si quid illius productioni deesset, producta non esset, contra hypotesim; sed esset partim producta, partim non producta, quod est contra notionem productionis rei unius, quæ ut differt ab omnibus rebus aliis, ita produci per productiones rerum aliarum non potest. Tum res quæ supponitur perfecta in suo esse, non intelligitur sic perfecta, nisi propter perfectiones quæ pertinent ad illud esse, & quæ in ea intelliguntur receptæ tanquam in subjecto quod esset antè in potentia ad illas, & exinde fuerit actuatum per illas. Hinc nulla res creata, ob id quod perfecta est, potest intelligi aliter quàm instar subjecti perfectionum multarum, quarum una saltem, quæ primaria omnium est, essentialis illi est: cæteræ verò essentielles non sunt, & hinc accidentales vocantur, ac revera sunt: quatenus etsi Deus producere non possit rem quæ non sit in suo esse perfecta, potest tamen producere illam magis aut minus perfectam. Jam verò tale subjectum perfectionum illi rei convenientium aliter consideratur prout in se est; & aliter prout refertur ad perfectiones, quas recipit subjective. Ex priori conceptu subjectum illud dicitur subsistere, & vocatur *ens subsistens*: ex posteriori dicitur subistere, & si rigide loquimur, ut Metaphysicos decet, vocatur *ens substantans*; quod est substantans: vulgaris tamen usus obtinuit ut vocetur *substantia*.

XVI:
Nomen
substantiæ
relativum est
& importat
multos con-
ceptus.

At hoc nomen sive *entis substantis*, sive *substantiæ*, perinde ac nomen *subjecti* omnino relativum est: & ea propter secum importat tot alios conceptus, quos sunt formæ seu perfectiones in subjecto receptæ: refertur enim subjectum ad omnes formas & perfectiones quarum est

subjectum : qua ratione necesse est , ut omnis res creata intelligatur composita ex subjecto & formis sive perfectionibus subjecti. In hunc modum omne ens intelligitur fieri ens per entitatem , essens per essentiam , existens per existentiam , subsistens per subsistentiam , substans per substantiam , ac deinde spirituale per spiritualitatem , intelligens per intelligentiam , sapiens per sapientiam , &c. sicuti extensum per extensionem , figuratum per figuram &c. Et quia huiusmodi perfectiones tam in rebus spiritualibus creatis , quàm in materialibus pene infinitæ sunt , nulla est res quæ pene infinitis compositionibus non abundet. Vide , mi Pazzi , quàm liberaliter tibi concedo illam ex substantia & accidentibus compositionem , quam contendis esse in singulis rebus creatis , etiam in Angelis , ac multò magis in atomis : si quidem isti compositioni addo alias valde multas , quæ illam præcedunt aut subsequuntur.

P A Z Z I U S. Sed , mi Rocchi , valde parca est hæc tua liberalitas , nisi adhuc concesseris compositionem illam ex substantia & accidentibus esse realem.

P H I L A L E T H E S. Monet te , mi Rocchi , perquam optime Pazzius noster : nam hoc est quod potissimum ab illo contenditur , scilicet huiusmodi ex substantia & accidentibus compositionem , quæ est in rebus creatis omnibus , esse realem , & esse perinde in causa cur nulla res creata sit vere ac pure simplex : atque hinc infert atomos vestras , si quæ forent , non eapropter fore materiam primam rerum corporearum ; ad quam spectat esse primum componentem & eapropter esse simplicem ac incompositam. Atque hinc rursus infert , quod si quæ forent , constarent ex materia & forma , tanquam ex duobus primis ipsarum , perinde ac rerum omnium aliarum principiis componentibus. Neque velim à te audire quid de istis , ac valde ponderandis duabus , illationibus sen-

XXVIT.

Requirunt
an compositio
ex substantia &
accidentibus sit
realis.

tias, donec prius audierim quid realitatis sit aut non sit in compositione præmissa ex substantia & accidentibus.

R O C C H I U S. Contineo igitur te iubente respon-
sionem quam pro illatione utraque illa parabam, & pergo
dice e cohærenter ad nostros Metaphysicos conceptus
omnem substantiam esse substantiam alicujus rei, quin
etiam substantias pro diversitate rerum esse diversas: hinc
alia est substantia Angeli, alia hominis, alia cœli, alia
ignis, &c.

XXVIII.
Res & sub-
stantia rei
non sunt
duæ res.

Neque tamen puto rem & substantiam rei, esse res duas,
licet per duos conceptus apprehendantur: & ratio est, quia
si res & substantia rei essent duæ res, una earum alteri ad-
veniret, & in hunc modum substantia adveniret rei cujus
esset substantia, & esset ejus accidens, quod repugnat;
vel præsertim quia per substantiam intelligitur subjectum
omnium accidentium. Itaque omnis res producta per se
habet esse subjectum, sive substantiam: sed quia omne
subjectum est subjectum alicujus rei, rursus non puto sub-
jectum & rem cujus est subjectum, esse res duas: nam si
equidem sunt duæ res, vel utraque pariter vel neutra es-
set subjectum; tam ista illi, quam illa isti conciperetur
advenire: essent enim duæ res pariter productæ, ac pari-
ter independentes; pariter substantes aut pariter acciden-
tes. Quare jam clare affirmo nihil realitatis esse in qua-
cumque intelligibili compositione ex substantia & acci-
dentibus, id est, ex subjecto & omnium accidentium ta-
lis subjecti.

P A Z Z I U S. Id equidem, mi Rocchi, te affirmaturum
esse præintellexi, sed maluisssem præintelligere rationem
affirmandi. Multum discurre, ac pene ad cœlos ascendis:
tua illa Metaphysica dividente ac subdividente rem unam
pene in infinitum: ac tum ad inferos descendis confun-
dendo divisiones illas omnes ac subdivisiones in hunc mo-
dum, ut affirmes non esse nisi unicam omnino rem illam,
quam

Quàm male sentiant Aristotelici de materia prima. 49
quam tot divisionibus ac subdivisionibus distinxisti.

R O C C H I U S. Id ago, mi Pazzi, ut intelligas vel tot esse res in una re, quot sunt conceptus, quibus illa res potest dividi ac subdividi; vel tot illos conceptus etiam in infinitum multiplicabiles nullam inducere aut arguere realem compositionem in ea re, quæ ita dividitur ac subdividitur. Quia enim eadem ratio valet pro divisionibus ac subdivisionibus singulis, vel per omnes, vel per nullas probatur compositio illa realis. At si per omnes probatur, vide quàm ridendum sit componi rem unam ex mille aliis, de quarum singulis eadem difficultas recurret: igitur per nullas id genus divisiones ac subdivisiones unius rei probatur rem illam esse in se compositam realiter, id est, constantem ex rebus pluribus, seu duabus, aut tribus, &c. Tum verò, mi Pazzi, quòd ascendam ego ad cælos, ut aïs, sublimando conceptus super conceptus unius rei, ac tum descendam ad inferos deprimendo & coarctando omnes illos conceptus ad simplicitatem & incompositionem illius rei, noveris me, dum id primum ago, sustinere personam Philosophi Metaphysici, & dum ago hoc secundum, Philosophi Physici personam agere.

Atque hoc est in quo vos, salvâ veniâ, turpissime peccatis, quotquot estis Aristotelici, qui Physicam cum Metaphysica ita confunditis, ut ex Metaphysica in Physicam inducatis multiplicitem rerum pro multiplicitate conceptuum. In Metaphysica vestra, & meritò, consideratis ens ut essens, seu ut in potentia ad esse, ut existens, ut subsistens, ut substantia, ut accidens, ut quantum, ut quale, ut relatum, ut locatum, &c. & sic quidem consideratis promiscue tam ens spirituale quàm materiale. Hinc in uno & eodem ente concipitis tot formas velut inhærentes, scilicet essentiæ, existentiae, subsistentiae, substantiae, quantitatis, qualitatis, relationis, ubicationis, &c. Ac tum in Physica vestra, sed immeritò, affig-

XXIX.
Multiplicitas conceptuum nullâ facit compositionem realem.

XXX.
Aristotelici male multiplicantes res propter conceptus.

mutis omnes illas formas unius entis, res esse, quasi jam non memineritis ex vestro arbitrio pependiss: omnes illas considerationes unius entis sub huiusmodi formis omnibus, quæ præter esse objectivum aliud non habent.

XXXI.

Atomistæ
omnino vi-
tant confu-
sionem rerum
& concep-
tum.

Nobis autem confusio illa vestra rerum cum conceptibus rerum & exosa est & vitatur. In Metaphysica Metaphysicos agimus, & Deo volente, si vos in ea estis Aquilæ, (quæ vestra jactantia est) nos in ea Grues non sumus; sed perinde ac vos in altissimas ac multiplicissimas, ac forsan in altiores & multipliciores quàm vos, entis considerationes assurgimus. Tum in Physicâ personam mutamus, Physicos agimus, & omnino cavemus ne quidquid in ente consideravimus, id putemus rem esse ab illo ente distinctam; hinc omnes illas entis formas intelligibiles dicimus esse opera nostræ mentis, sed non opera creatoris, qui dum rem unam producit, certe non producit nisi unam; & tamen hæc una cum sit, potest multipliciter concipi pro multitudinis intelligibili formarum seu perfectionum, à quibus licet una sit, habet quod perfecta sit.

XXXII.

Aristotelici
Metaphysici
in Physicâ male
inducunt.

PHILALETHES. Ex his quæ aïs convictus sum, mi Rocchi, aut te Atomistam non esse, aut Atomistarum duo genera esse, quorum alii Metaphysica pollent, alii non pollent, si verum est quod Palancus passim insinuat Atomistas Metaphysica non pollere. Et ego quidem hoc mihi ante suaseram accidere posse in scientiis id quod frequenter accidit in linguis. Quando enim quis didicit plures linguas solet, dum loquitur, voces aliquas unius transferre in usum alterius; sic non mirum est Metaphysicos interdum de rebus Physicis metaphysice loqui, & Physicos de rebus metaphysicis physice; sic Philosophi de rebus theologicis philosophice, sicut Theologi de rebus philosophicis theologice interdum loquuntur: & sæpe quidem audivisse me memini Mathematicos, qui voces

Quàm male sentiant Aristotelici de materia prima 51
 & cogitationes suæ Mathematicos inducebant in sermonem
 occurrentem de rebus ad Philosophiam aut Theologiam
 nostram spectantibus, mathematice loquentes ac sentien-
 tes de illis. Hinc faciliè crederem Aristotelicos Metaphy-
 sicos Physicam tractantes non satis physice, id est, nimis
 metaphysice loqui ac sentire de illa propter innumeras il-
 las, de quibus loquebaris, compositiones rei unius cuius-
 libet mere intelligibiles, quas deinde pro realibus habent,
 quando ad Physicam è Metaphysica devenerunt; sed
 nondum satis, ut video, Pazzius noster in hanc creduli-
 tatem meam inclinat.

P A Z Z I U S. An inclinare potero in vestram illam
 præventionem, unde Physicæ totius Aristotelicæ ruina
 indeclinabiliter sequeretur? an adeò hebetem me putas,
 mi Rocchi, ut non conjiciam actum esse de nostris for-
 mis omnibus substantialibus & accidentalibus, (quæ tota
 nostra Physica est) si tibi semel concesserim non esse ad-
 mittendas in Physica pro realibus compositiones, quas in
 omni ente Metaphysica considerat resultantes ex subjec-
 tis formarum & ex formis subjectorum? An Metaphysica
 considerat chimæras, quando compositiones illas consi-
 derat?

R O C C H I U S. Chimærae non sunt, mi Pazzi; sed
 à chimæris valde non differunt, si pro chimæris haberi pos-
 sunt meræ similitudines rerum, nihil aliud habentes, nisi
 quòd cum sint *non-res*, considerari tamen rerum instar
 possunt: quod utique chimæris rigide acceptis æque non
 competit. Quod autem ais inclinare te non posse in nos-
 tram illam præventionem, parco tibi præventionis nomen,
 quia confido te pariter, id est, non inaniter convictum
 iri ad rejiciendas à vera physica universas illas composi-
 tiones metaphysicas, seu mere objectivas cuiusvis entis
 & corporei & incorporei.

Audi me quæso. Si perfectiones cuiusvis entis effice-

G ij

XXXIII.
 Opponit
 omnes com-
 positiones
 metaphysi-
 cas esse rea-
 les.

XXXIV. rent compositionem realem cum illo, ubi abundarent perfectiones, ibi realis compositio major esset: & in hunc modum ens quodlibet assignabile, quod perfectius esset, esset utique magis compositum: quod evidentissime falsum est, ob id quod simplicitas sit altissima quædam perfectio, & locum habens inter divinas. Hinc si realis simplicitas perinde ac realis compositio susciperet magis & minus, res omnis creata eò simplicior foret, quod perfectior esset, licet perfectionibus pluribus abundaret. Hinc etiam manifeste infertur fabulam esse in Physica interdictam, licet in Metaphysica permissam, quidquid Aristotelici loqui solent de compositionibus realibus in unoquoque creato ente compertis propter varias formas, seu perfectiones illius.

XXXV.
An compositio Metaphysica obstaret & notationi materiarum primarum atomis.

PHILALETHES. Sed si res ita est, ut mihi jam valde persuasum est, redeamus ad duas illas superiores illationes, quibus respondere, auctore me, distulisti. Ecce duo sunt, quæ Pazzius noster ex præsumptis illis compositionibus realibus cujuslibet creati entis inferebat, unum est, quod atomi, si quæ forent, ob id quod compositæ forent, non essent materia prima, cui convenit notio entis primò componentis atque ideo incompositi. Alterum est quod illæ atomi coalescerent potius ex materia & forma, id est, ex materia seu subiecto alicujus formæ, & ex forma alicujus subiecti, sive materiæ. Et sic quidem dum inter vos agetur de valore aut nullitate utriusque illationis illius, tractabitur caput alterum ab initio indictum hodiernæ hujus concertationis, tale videlicet, an dato quod in atomis esset illa multiplex compositio, quam objicit Palancus, obstaret quominus accipi possent pro materia prima, sive pro primis componentibus rerum materialium sive corporearum, de quibus controversia tota est.

P A Z Z I U S. Certe hoc ipsum alterum est, ut bene

nemini, optime Philalethes, quod te jubente, hodie disputandum suscepimus: quin etiam ad hoc clariùs disputandum deduxerunt nos duæ illæ meæ illationes, quas in nostram memoriam revocasti, & pro quibus cum Palanco totus contendo. Agitur hic de vera notione materiæ primæ, quæ si utique prima est, incomposita est; hinc si fuerit in atomis aliqua compositio, quomodo istis notio materiæ primæ poterit convenire? & rursus si fuerit in atomis aliqua compositio, an non erit compositio ex aliqua materia & aliqua forma? quare semper eò revertendum est ut asseratur materiam & formam esse duo prima rerum omnium materialium componentia. Tum verò quòd in atomis multiplex compositio sit, nec iple Rochius contradicit, nisi quòd ait eam esse tantummodò metaphysicam, seu mere objectivam; nullatenus verò physicam seu realem. In hoc uno differimus.

ROCCHIUS. In hoc uno differimus, mi Pazzi: sed quale, si placet, hoc unum est, per quod non differimus minùs, quàm si notionem materiæ primæ darem ego rei alicui visibili creatæ, tu verò alicui dares invisibili atque increabili chimeræ? Attende igitur ad paucula hæc, quæ sum à te-petiturus, ut te hodie vel nunquam tuo te capiam in sermone. Cur itaque vis entia materialia componi ex nostris atomis, si quæ forent, tanquam ex primis componentibus non posse?

PAZZIUS. Quia Metaphysica nostra deprehendit in illis multiplicem compositionem, ut ex essentia & esse, ex potentia & actu, ex substantia & accidentibus; si enim neque res spirituales istis & similibus compositionibus non carent quomodò illis atomi vestræ carere poterunt?

ROCCHIUS. Sed adhuc, amabo, da rationem potissimam propter quam nulla res sive spiritualis, sive materialis caret illis & similibus compositionibus.

PAZZIUS. Illam satis, vel etiam nimis frequenter

XXXVI.
Opponitur
notiones
compositionis
& materiæ
primæ
esse oppositas.

XXXVII.
Queritur
cur atomi
non possint
esse materia
prima.

atruli. An oblitus es, mi Rocchi, an te oblitum simulas? Ratio potissima hæc est, quia nulla res creata, potest esse actus purus: hoc unius Dei privilegium est & equidem singularissimum: ideoque nulla est quæ non habeat aliquid potentialitatis commixtæ atque conjunctæ cum actualitaribus illi propriis & concreatis.

XXXVIII.

Quæritur
an materia
prima sit
creata.

ROCCHIUS. Adhuc rogo, mi Pazzi: tua illa materia, quam vocas primam, est ne aliquod ens creatum?

PAZZIUS. An joco id rogas? utique nostra hæc materia prima est ens creatum; nempe à primo ente quod increatum est & Deus est.

ROCCHIUS. Hoc tandem rogo. Istud ens creatum est ne actus purus?

PAZZIUS. Tædet me toties tibi repetere, mi Rocchi, solum Deum ex singularissimo entis increati privilegio esse actum purum.

XXXIX.

Qualiter
nulla esset
Aristotelicis
materia pri-
ma.

ROCCHIUS. Quiesce jam, mi Pazzi, sed sine ut inoffensis vestris Philosophis dicam eos colere Philosophiam cœcam, si quam philosophastri ulli antiquitus coluerunt. An non præconcipere potuisti me dum à te quærerem an materia vestra esset ens creatum, & an esset necne actus purus, id non quærere nisi ut ex tuis responsionibus quales noveram afferendas, inferrem materiam illam vestram ob id quod non sit actus purus, esse compositam, & ob id quod sit composita, non esse primò componerem; seu quod idem est, ut inferrem ad hominem materiam illam primam, quam admittitis, non esse primam: vides mi Pazzi, vim illationis meæ indeclinabilem?

PAZZIUS. Vim tuæ illationis video, mi Rocchi, sed indeclinabilem esse non annuo: obstat enim ne materia prima quam admitimus, sit composita, id quod demonstramus, eam videlicet esse puram potentiam.

ROCCHIUS. Ino hinc potius inferendum esset ma-

teriam primam, quam admittitis, esse summe compositam: nam quia pura potentia, si quæ est, contraponitur puro actui, quantum simplicitatis est in actu puro, tantum compositionis erit in tua illa pura potentia.

Pazzius. Sed si nulla compositio fieri potest nisi ex potentia & actu, quomodo vis puram potentiam esse compositam? Non sunt isti conceptus *potentia* & *actus* ita confundendi, ut vos confunditis. Igitur omnis potentia sub conceptu præciso potentiae, nihil habet actus ex quo componatur.

Rocchius. Igitur etiam, mi bone Pazzi, omnis actus sub conceptu præciso actus nihil habet potentiae, ex qua componatur: atque ita tam omnis actus est actus purus, quam omnis potentia est potentia pura: sicque per tuam illam per pulchram metaphysicam nihil nisi puræ potentiae & actus puri componerent nostra hæc corpora, si ad præcisiones metaphysicas pertineret illa componere. At nostra hæc corpora non componuntur ex conceptibus, sed ex rebus vere corporeis, quarum eas quæ sunt primò componentes, ut aliquas esse necesse est, incompositas esse opus est: & huiusmodi res corporeas incompositas vocamus *atomos*, quæ corpuscula sunt omnium minima, & proinde atoma, seu insectilia. Postmodum verò, mi Pazzi, concipe in istis atomis nostris tot potentias, tot actus, tot subjecta, tot accidentia, tot materias, tot formas quot voveris, quid inde? An per vestros huiusmodi conceptus res istæ minimæ corporales, si sunt insectiles, secabuntur? Secari pariter possent res spirituales, quæ utique non paucioribus, imo pluribus conceptibus diversis subjacent ob pluralitatem perfectionum intelligibilium quibus abundant, & quibus respondet seorsim sua quædam notio singularis.

Atque hinc tandem intellige vestros illos omnes conceptus metaphysicos, per quos atomos nostras dividitis, ut esse compositas probetis, nullatenus impedire posse

XL.
Materia:
quam admit-
tunt, esse
summe com-
posita.

XLl.
Nulla com-
positio me-
taphysica
obstat sim-

quin sint in se ipsis & individuæ & incompressæ: neque proinde unquam mens vestra nostris atomis adimet: notionem veræ materiæ primæ corporalis seu physicæ, de qua sermo est; quidquid interim sit de alia omni materia intelligibili seu metaphysica, de qua non agitur, & quæ in rebus spiritualibus perinde ac in materialibus reperitur. Et sic quidem jam satis multa hinc & inde disputata fuerunt de quæstione una & altera, quam tu, optime Philalethes, nobis hîc proposueras agitandam; sed jam superest ut hæc multa, quæ noster disputandi ardor non satis distinxit, aut non satis seu arguendo, seu respondendo firmavit, ea clariùs resumamus, & solidiùs statuamus in gratiam illius partis, in quam faciliùs inclinare. Sic ne mecum idem rogas, mi Pazzi?

P A Z Z I U S. Idem Rogo, vel præsertim, mi Rocchi, quia confido non parum lucis & roboris accessurum esse rebus hisce nostris hætenus agitatæ, idque in gratiam sententiæ verioris.

XLII.
Qualiter
materia prima
debeat
esse res perfecta.

P H I L A L E T H E S. Dicam ingenue, Domini mei, stupuisse me infinities, siue quoties audiui Philosophos disputantes de materia prima rerum omnium materialium, veluti de re nullius extensionis, nulliusque perfectionis, ac tandem veluti de quodam nihilo; cum è contra pateat materiam illam, si tota quanta est spectatur, eorum orbem implere, atque in suo genere perfectam esse, aliàs non computandam inter opera divina, quæ non potuerunt non esse suis in generibus perfecta omnia. Itaque per materiam primam generatim intelligo rem toto in spatio mundano productam, & illi coextensam, ex cujus variis portionibus acceptis singula pro varia mole ipsorum corpora componuntur, & partes corporum. Hinc etiam intelligo majores portiones illius materiæ in se complecti alias minores, & istas adhuc ex minoribus constare, quæ possunt etiam in alias minores dividi, atque ita deinceps.

Sed

Quàm male sentiant Aristotelici de materia prima. 57

Sed tum quæstio, & hæc quidem notabilis, sit an in portionibus illis minoribus, atque minoribus admitti tandem debeant portiunculæ minimæ, ex quibus primò fiant portiores minores, ut ex minoribus majores fiunt: quem in modum tota illa materiæ primæ massa totius orbis spatio coextensa nihil aliud erit quàm congeries minimarum id genus particularum, quæ secum unitæ aut in majori aut in minori numero componunt majores aut minores corporum moles: sicque à massa totius primæ illius materiæ compositissima devenitur ad singulas massulas, seu particulas quæ primò illam componunt; & in hoc sensu vocari possunt materia prima totius illius molis corporeæ, quam antè generatim materiam primam vocavimus. Atque hic est sensus proprius, in quo vos Atomistæ affirmatis atomos vestras esse materiam primam corporum omnium, quorum majores partes ex minoribus fiunt, ut minores tandem ex minimis. Nunquid ita, mi Rocchi?

ROCCHIUS. Ita plane: sicut etiam istæ sunt atomi, de quibus ex nuda hypothese quòd essent, negabat Pazzius quòd esse possent vera materia prima corporum istorum: ego verò affirmabam, ut meministi.

PHILALETHES. Memini, mi Rocchi; nec ullatenus probavi rationes, quæ ad id negandum afferebantur à Pazzio: si quidem ad id negandum non afferebat nisi præcisiones Metaphysicas, quibus demonstrabat quòd adhuc in singulis illis atomis si darentur, essent objecta plura conceptibilia, ex quibus non potest, aiebat, non resultare compositio valde opposita incompositioni, quæ requireretur in atomis illis ad habendam rationem materiæ primæ. Itaque rationes illas ex Metaphysica deductas non probavi; primò quia licet atomi componerentur ex rebus alterius generis non pertinentis ad realitatem materialem, de qua est sermo, non ea propter non essent incompositæ in suo genere; & hoc modo essent perinde

XLIII.
Materia
prima redu-
ci debet ad
particulas
minimas.

XIV.
Quidquid
materiale est
aut est ato-
mus, aut ex
atomis.

corpuscula incompofita, atque ideo prima principia materialia corporum. *Secundo* quia rationes illæ intelligibiles & confiderabiles in atomis fingulis, videlicet potentialitatis, actualitatis, effentiæ, exiftentiæ, fubjecti, accidentis, &c. vel funt res materiales, vel non funt; fi *fecundum*, non componunt materialiter atomos; fi *primum*, aut funt incompofitæ, aut non funt: fi *primum* ergo funt atomi: fi *fecundum*, ergo componuntur ex atomis: quidquid enim materiale eft, aut eft materia ipfa, aut componitur ex materia: & ideo aut eft atomus, aut eft ex atomis.

XLV.

Opponitur
fore in ato-
mis aliquam
formam spe-
cificam.

PAZZIUS. Sed permitte, fi placet, optime Philalethes, hanc meam brevem interpellationem. An in atomis illis non eft aliqua forma, per quam funt in aliqua entis fpecie determinata? tum verò forma illa eft ne fine fubjecto? At hoc fubjectum illius formæ, materia eft, quæ utique definitur *fubjectum formarum omnium*. Quare licet atomi effent genus quoddam materiæ fecundæ, pertingere non poffent ad hoc alterum genus materiæ primæ.

XLVI.

retorqueretur
quoddam fimilis
forma effet
in Angelis,
in quibus
effet etiam
materia.

ROCCHIUS. Permite fimiliter, optime Philalethes, ut per brevem interlocutionem à me fatisfiat interpellationi, quam oppofuit Pazzius. Satisfiet autem fic retorquendo. An in Angelis non eft aliqua forma, per quam funt in aliqua entis fpecie determinata? tum verò forma illa eftne fine fubjecto? At hoc fubjectum illius formæ, materia eft, quæ utique definitur *fubjectum formarum omnium*. Igitur Pazzius non probat hoc fuo difcurfu effe in atomis nifi materiam quæ pariter eft in Angelis; & de qua non eft fermo inter nos, qui quærimus non materiam objectivam five metaphyficam fpirituum; fed realem atque phyficam corporum. Rurfus ita retorqueo. An non illa materia, ex qua vult Pazzius componi atomos noftras, eft in aliqua determinata entis fpecie? fcilicet in fpecie entis materialis: eft igitur in illa fpecie per aliquam formam, uti per formam materialitatis; ficuti fpiritus eft

in sua quadam specie per formam spiritualitatis. Tum verò forma illa estne sine subiecto? minime: hoc autem subiectum materia est: atque ita illa materia, quam Pazzius assignat pro prima, utique non erit prima. Imo nulla erit quæ accipi pro prima possit, cum nulla esse possit contra quam argui non possit hoc ipso discursu ad dectionem alterius prioris.

PHILALETHES. Advertit viam invictam, mi Rocchi, tuæ huius duplicis retorsionis, Pazzius noster & tacet: quare pergo dicere, quòd si semel convinceret dari corpuscula id genus minima, seu puncta illa physica, materialia, infestitia, qualia per aromos suas rigidi Atomistæ intelligunt, non alienus essem à tribuenda talibus aromis vera notione materiæ primæ: nam si tales sunt, revera sunt prima illa entia materialia, ex quibus rangum ex primis materialibus principiis composuit Deus ab initio Mundum istum materiale; & quidquid in eo exinde componit solus de novo, aut à causis secundis componi efficit per concursum, quem præbet. Sed an dentur tales atomi qu's novit? nemo satis illas hæctenus demonstravit: quare, Domini mei, finire ut iudicium meum retineam, ut definiam nihil de controversia hodierna, quam sustinistis, donec mihi probe compertum sit aut à Deo productas fuisse atomos, aut utique non fuisse. Itaque, mi Rocchi, tuum erit seriò cogitare de vestris illis atomis demonstrandis: si res prospere cesserit, audacter pronuntiabo atomistica placita præferri Aristotelicis debere circa notionem materiæ primæ, sed è contra si conatus ad id tuus irritus fuerit, erit mihi aliter decernendum.

PAZZIUS. Itaque decernes aliter, optime Philalethes. Verat ingenium suum in quancumque partem voluerit nosse Rocchius, nec suas illas atomos unquam demonstrabit, denique in iduum studii & laboris, ut fortunam teneret.

ROCCHIUS. Imo, mi Pazzi, demonstratio, sed

Hij.

ALVIL.
Notio ma-
teriæ primæ
convenit a-
tomis si dan-
tur, & ita su-
perest ut
proben. ur.

I

neque una tantum, in promptu est : & cras summo mane, si Philalethes noster annuit, ad illum ibimus.

PHILALETHES. Placeat vobis, Domini mei, non venire ad me, nisi statim à prandio.



DIALOGUS TERTIUS.

QUAM BENE SENTIANT
Atomista de Materia prima.

PERSONÆ COLLOQUENTES.

PAZZIUS, PHILALETHES, ROCCHIUS.

I. **P**AZZIUS. Verebar, colendissime Domine, accessurum me longiuscule à tuo prandio: quare præceps incesse, & ut vides, pene halitus deficit.

I. Opponitur
atomos esse
indemonstrabiles, &
quare.

PHILALETHES. Imo, clarissime Pazzi, accedis horâ maxime opportunâ: nondum, ut vides, secundas mensas famuli amoverunt: adhuc non egi solitas pro cû & potu gratias: da veniam brevi orationi. Jam itaque consedeamus ad ignem: hîc tranquillè expectabimus Rocchium, qui, ut opinor, non morabitur.

PAZZIUS. Forsan præter opinionem tuam morabitur. Obstabit ne leviter incedat, onus multarum demonstrationum, quas secum se allaturum heri promisit in gratiam atomorum suarum, quas unas agnoscit pro vera & sola materia prima corporum universorum. Nisi potius gravabit illum onus susceptum demonstrandi rem, qua nullam indemonstrabiliorem esse affirmant Philosophi

Quam bene sentiant Atomista de materia prima **II**
omnes veteres, quin etiam recentiores, si pauculos istos
rigidos Atomistas excipimus. Quia enim nihil est quod
esse materiale possit, & extensum non sit: nihil quod ex-
tensum esse possit & divisibile non sit, opus omnino est
atomos, quas Atomistæ isti, materiales & extensas esse
non negant, divisibiles esse, & ideo atomos non esse.
Clarius sic aiunt. Quidquid est alicujus extensionis, etiam
est alicujus figuræ: omnis autem figura certis quibusdam
terminis clauditur: igitur atomos, si extensionem, si fi-
guram habent, ut isti Atomistæ fatentur, opus est posse
saltem dividi in eos terminos, à quibus figura illarum
clauditur. Neque non nosti, optime Philalethes, applau-
sum, cum quo argumentum istud apud omne hominum
genus pro demonstrativo accipitur.

PHILALETHES. Quoties mihi olim res erat, mi
Pazzi, cum istis rigidis Atomistis, tuo illo argumento
utebar: atque ut verum fatear, eorum neminem audivi,
qui mihi visus sit satis idonee illud solvere. Quare ne omit-
tas, si placet, opponere illud vehementer & obstinate
argumentis, quæ à Rocchio tibi proponentur ad indivisi-
bilitatem atomorum probandam.

PAZZIUS. An omittere illud potui, optime Phila-
lethes? crit sane si forsàn illud idonee solvet Rocchius
noster, ingeniosissimus Atomista; qua laude illum Palan-
cus satis frequenter exornat.

PHILALETHES. Voluit hac laude lenire convicia
multa, quibus valde frequentius illum denigrat, ut inep-
ti, rudis, crassi, hebetis, stulti; arrogantis, &c. Hæc &
similia nihil afferebant ad intentum: quare, inter nos dic-
tum sit, melius erat, si tacuisset. Sed & nos taceamus:
ecce Rocchius jam jam adest; audio ruffientem. Bene adfis,
mi Rocchi: sede, si placet è diametro Pazzii.

ROCCHIUS. Parcite moris meis, oro Domini mei:
obstitit ne maturius adessem, negotium importunum, jo-

II.
Concedi-
tur rationes
adductas ef-
se magni
momenti.

cosum tamen, quod enarrarem, si deceret à jocis exor-
diri res serias hodierni colloquii. Quare ut paululum quie-
vero promissis hesternis stabo, & demonstrabo, ut po-
tero, nullam esse vel esse posse materiam rerum omnium
materialium primam præter atomos nostras, quas deinceps
vocabo *elementares*.

III. *Opponi-*
tur atomos
non jam no-
minari, ut
ante, ato-
mos Plato-
nis.
P A Z Z I U S. Memini quòd in veteribus illis nostris
dialogis de opere dogmatico Gennari adversus atomos
redivivas, rarè solebas illas nominare sine addito *Platonis*
nomine: jam verò in his novis dialogis millies nominas,
nec vel semel vocas *atomos Platonis*. Cujus novitatis nihil
aliud esse in causa suspicor, nisi quòd à Palanco novissime
didicisti errasse te, quando aiebas Platonem fuisse ato-
mismi vestri patronum. Certe argumentis multis convin-
cit illum vestris atomis non favere: ac tum sic concludit,

Dial. 83. *Vide igitur quantum fabulentur qui atomismum Platoni*
p. 697. *adscribunt, ut ab ipso illi auctoritatem conciliare queant:*
ac tum addit, *Quæ tamen nulla foret, ut pote ex Philoso-*
pho turpissimis erroribus facundo. Itaque magistros vestros
Leucippum, Democritum, Epicurum vobis reliquit:
Platonem non vestrum abstulit. Patientiam habete.

IV. *Alii of-*
tensum est
Platonem
pro atomis
pugnasse.
R O C C H I U S. abstulit, mi Pazzi; sed ad modum quo
justis possessoribus suæ res auferuntur. Furtum laudas; ego
illud patienter fero, meæque causæ jus omne decernen-
dum relinquo nostris Lectoribus. Nolo de Platone quic-
quam tecum contendere: malo tibi deferere integram il-
lius auctoritatem, quàm in occasione tibi esse, vel illum
similiter suffragandi, vel ita minuendi, ut similiter dicas
quod *nulla foret, utpote ex Philosopho turpissimis erroribus*
facundo. Debuit igitur Palancus nobis auctoritatem adèd
nullam non invidere: debuit patienter sustinere gloriatio-
nem nostram in auctoritate adèd *nulla*: potuit istam pein-
de ac illam Leucippi, Democriti, Epicuri nobis relinquere.

Vel tandem si adèd *nulla* est, cur adèd sollicitus fuit

Quàm bene sentiant Atomista de materia prima. 63
 probandi toto dialogo octuagesimo tertio, quòd Plato non
 atomos, sed materiam & formas agnovit pro Mundi prin-
 cipiis? An id contra me satis probaverit, rursus apud nos-
 tros Lectores sit dijudicare. Hic saltem labor indicio est,
 quòd voluit, si potuit, Platonem ad suas partes pertrahere:
 at vidit illum reluctantem; & ideo divini hominis famam
 violavit, auctoritatem sprexit, dicens quòd nulla foret ut-
 pote ex Philosopho turpissimis erroribus facundo: sic au-
 thoritatem, quam conciliare sibi non potuit, sprexit, nul-
 lam vocavit: sic olim Vulpi spretæ & maturæ non erant
 uvæ, quas non poterat atrectare. Sed, mi Pazzi, rursus
 aio nolle me de Platone quidquam tecum contendere:
 novimus & Platonem & Aristotelem, amicos suos, hostes
 suos, sequaces suos, ocores suos, præcones & detractores
 pariter habuisse: novimus etiam utrumque hominem fuisse,
 qui falli, qui fallere potuerit; & in quo proinde nemo
 nostrum omnino confidere possit: quare, si placet, agatur
 inter nos perinde ac si neuter nos præcessisset: nostra hæc
 jurgia uni rationi committamus: finge me primum esse
 qui affirmo, te primum esse qui negas atomos elementares
 esse primam Mundi hujus corporalis materiam.

Pazzius. Sic omnino placet, mi Rochi: tantum
 rogo ut ubiter dicas, cur atomos, de quibus à te jam de-
 monstrandis agitur, vocas elementares.

Rocchi. Elementares voco, quia per illas in-
 telligo omnes minimas particulas ignis, aëris, aquæ, terræ,
 & earum rerum omnium, ex quibus permixtis quatuor
 illæ massæ elementares heterogeneæ coagmentantur: &
 ex quibus deinceps sunt mixta hæc omnia. Elementares
 etiam voco, veluti primordiales, ut etiam per eas intelligan-
 tur, ad quodcumque aliud rerum genus pertineant, omnes
 particulae minimæ, quæ componunt orbes cœlestes, & sy-
 dera illorum omnia.

Philalethes. Omitti potuit, Domini mei,

v.
 Non debuit
 Palancus in-
 videre no-
 bis Plato-
 nem.

vi.
 Quare a-
 tomi debe-
 ant vocari
 elemen-
 tares.

totum fere hoc prologium. Quare jam ad rem, si placeret.

ROCCHIVS. Pareo, & precor, mi Pazzi, ut mecum præintelligas omnia & singula corpora componi ex omnibus & singulis partibus ipsorum: ac deinde omnes & singulas partes cujuslibet corporis non minùs ab invicem distingui, quàm corpus quodlibet ab omnibus & singulis cæteris distinguatur.

PAZZIVS. Nihil hîc video negandum: nihil etiam ad rem, de qua sermo est, inferendum.

ROCCHIVS. Ego tamen ad rem omnino meam hinc infero omnes & singulas partes cujuslibet corporis, si seorsim accipiuntur, ut possunt & debent accipi, indivisibiles esse, & ideo atomos esse. Neque apertissima non est ratio id inferendi: si enim omnium & singularum nulla est alia, nulla est quæ ex aliis fiat: nulla ergo in alias potest dividi: ergo absolute nulla est divisibilis: ergo denique nulla est, quæ non sit atomus.

PAZZIVS. Quid ais, mi Rocchi? Manus est pars humani corporis: an igitur manus est atomus? quid ais?

VII.

Quid sint
partes sin-
gularæ sensum
acceptæ.

ROCCHIVS. Aio manum non esse partem unam humani corporis, sed esse multa millia partium illius, de quarum singulis non conjunctim, sed seorsim acceptis dico eas indivisibiles esse, & ideo atomos esse. An adhuc me non capis, mi bone Pazzi? Intellige quòd sicut manus non potest in pedem dividi, ob id quòd nihil commune sit manui & pedi, sic omnium partium, quæ manum aut pedem componunt, nulla est seorsim accepta, quæ dividi possit in aliam, ob id similiter quòd commune nihil habeant omnes & singulæ.

PAZZIVS. Capio te nunc paulò magis quàm antè; sed mihi videris, mi Rocchi, petere principium meo in hoc discursu, quando jubes singulas partes alicujus corporis accipi seorsim à singulis: sic enim nulla esset quæ non esset ultimò divisa. Quod est in questione, nam hoc ipsum

Quàm bene sentiant Atomista de materia prima 65
sum est quod à nobis contenditur nullam esse quæ possit
ultimò dividi, & ideo nulla divisione perveniri posse ad
atomos.

ROCCHIUS. Falleris, mi Pazzi, longissime abest
hic discursus ab omni petitione principii. Procedet, si vo-
lueris, de partibus omnibus & singulis conjunctissimis,
quin etiam inseparabilibus ab invicem: sed tunc dico pos-
se singulas, non sensu, sed intellectu, accipi seorsim ab
aliis singulatim: ubi est jam tua Metaphysica, mi Pazzi?
De illis autem sic acceptis verificatur, quòd nulla sit alia:
item quòd nulla sit divisibilis in alias, ac tandem quòd
nulla sit, quæ non sit atomus. An accepta tibi erit hæc de-
monstratio, Domine Philalethes? quem addis calculum?

PHILALETHES. Nec album addam, nec nigrum,
donec si quid aliud habet, opposuerit Pazzius, cui molesta
esset præoccupata ex me decisio.

PAZZIUS. Refugio, mi Rocchi, ad æcem nostram
inexpugnabilem materiæ & formæ. Licet enim concipiam
partes singulas cujusvis corporis, si seorsim à cæteris sin-
gulis accipiuntur, dividi per intellectum ultra non posse:
nihilominus adhuc intelligo in singulis illis partibus qua-
litercunque acceptis seorsim compositionem ex materia
& forma: nam singulæ sunt entia materialia & in aliqua
entis materialis specie constituta: quod sine unione aliu-
jus materiæ cum aliqua forma substantiali non potest fie-
ri: & ita ruit tua illa indivisibilitas, quam demonstrasse
credidisti, partium singularum.

ROCCHIUS. Noli, mi bone Pazzi, noli tua in
arce illa nimis confidere. Nam *primò*, licet tibi concedere
singulas illas partes integrales seorsim acceptas, de
quibus sermo est, componi adhuc ex materiæ & forma,
perinde verum esset illas in invicem non posse dividi:
quid autem nisi atomi sunt partes illæ integrales, quæ non
sunt ultra divisibiles in alias partes pariter integrales. Sc-

VIII.
Quomodo sic consi-
derentur
per intelle-
ctum.

IX.
Indivisibili-
tati atomor-
um non
obstaret co-
positio ex
materia &
forma.

cundo materia & forma, quæ partes illas singulas indivisibiles componerent pro illo vestro more Aristotelico, essent etiam indivisibiles, siquidem in subjecto indivisibili; nisi quodd si volueris, adhuc divisibiles essent ab invicem: quæ divisibilitas nihil probaret contra indivisibilitatem absolutam partium singularum & singulatum acceptarum, de quibus agitur. *Tertio* partes illæ, quas ostensum est indivisibiles esse, an non sunt ex communi nostra hypothese materiales: siquidem corpus materiale integrantes? Sunt igitur singulæ totidem portiones atque indivisibiles totius materiæ, unde habet quod sit corpus materiale: & propterea quando jam perventum fuit ad ostensionem huiusmodi partium materialium indivisibilium, quomodo nisi omnino parum philosophice recurrere potes ad aliam materiam istis partibus assignandam? In istis partibus materialibus, & in hunc modum, ut ostensum est, indivisibilibus habemus materiam vere primam: quid te crucias, mi Pazzi? noli quærere priorem.

X.
materia prima nihil est præter primas particulas materiales.

PHILALETHES. Noli etiam, mi Rocchi, urgere magis difficultatem, quam puto satis agitaram; & de qua iudicium meum sic profero. Ad inveniendam materiam primam omnium corporum laudo viam, quâ proceditur, requirendi quæ sit materia singulorum, sive aliquorum ex singulis: quandoquidem tota materia prima corporum omnium nihil aliud est quam particulares materiæ omnes simul acceptæ; quæ illa componunt: istæ verò particulares materiæ seorsim non sunt nisi aliquæ portiones totius, juxta parvitatem aut magnitudinem singulorum corporum respectivæ. Hinc quo plures aut pauciores portiones totius materiæ accipiuntur & uniuntur, eo majora vel minora evadunt corpora, quorum itaque jam non est alia materia, quàm illæ portiones, quæ sic accipiuntur & uniuntur. Sed tum istæ singulæ portiones molem aliquam habent, quæ divisibilis est in portiones minores, ut istæ

Quàm bene sentiant Atomista de Materia prima. 67
minores in minores alias, & ut vulgò creditur, sine fine :
unde aiunt perveniri nunquam ad atomos posse ; & ideo
atomos nullas esse.

Tu verò, mi Rocchi, suavisisti mihi omnes partes talium
portionum materiæ, sive talium corporum atomos esse,
quando videlicet accipiuntur, ut possunt ac debent acci-
pi, omnes & singulæ seorsim : sic enim earum nulla fit ex
aliis, & ideo in alias divisibilis non est ; ergo, ut ais, ato-
mus est : à cuius consequentiæ vi non potest mea mens de-
clinare. Hoc pacto omnes ac singulæ partes elementares
Terræ, Aquæ, Aëris, & Ignis, si seorsim eas cogitamus,
atomi sunt ; hoc pacto etiam omnes ac singulæ partes
cœli aut corporum cœlestium, sive ab istis partibus ele-
mentaribus specie differant, sive non differant, sunt simi-
liter atomi, si considerantur & concipiuntur seorsim : quod
cùm de omnibus partibus corporum omnium, qualiscun-
que sint speciei aut generis, perinde valeat, mihi jam du-
bitare non licet, quin omnia composita materialia sine
compages quædam atomorum, præter quas nulla materia
prima possit aut debeat assignari.

ROECHIUS. Adhuc multò minùs tibi de hac verita-
te dubitabitur, optime Philalethes, quando etiam demon-
stravero nihil vere ac proprie, strictè ac rigorose creari à
Deo præter atomos potuisse : nam quidquid in hunc mo-
dum creatur, ex nihilo sui producitur : ex nihilo autem
sui produci non potest, nisi quod incompositum est : siqui-
dem quidquid compositum est, patet ex suis componen-
tibus fieri ; non igitur fit ex nihilo sui, atque ita non crea-
tur. Jam verò tolle atomos ; & assigna, si potes, aliquid
materiale quod compositum non sit, ex partibus suis vi-
delicet ipsum componentibus. Quid ergo superest, nisi
creari à Deo vere ac proprie in genere materiali solas ato-
mos potuisse ? quare aut Deus nihil ita creavit, quod ne-
mo dixerit ; aut nihil nisi atomos creavit : quod erat de-
monstrandum.

XI:
Præter par-
ticulæ mate-
riales sunt
atomi.

XII:
Materiale
nihil creati
præter ato-
mos potest.

PHILALETHES. Hac demonstratione, si bene memini, utebaris olim, mi Rocchi, contra Gennarum.

Dial. 81. n.
61.

PAZZIUS. Sed audite, Domini mei, quid de hac demonstratione visum sit Palanco: *Tales*, inquit alloquens suum Atomistam, *sunt vestra demonstrationes, quales ista; quæ nuga potius verborum, quàm demonstratio est.*

XIII.
U demonstratio adducta non solvitur

ROCCHIUS. Voca illam ut volueris, mi bone Pazzi, siue *nugam* magis modestè, siue *ngas* magis latine, non interest; sed interest audire jam ac perpendere quid responderit Palancus, & an bene aut male.

Ibid.

PAZZIUS. Multa sunt quæ respondet & bene. Audite illum, *Et in primis*, inquit, *ex ea (demonstratione) si quid probatur, probatur efficaciter vestrum Cartesium atomos posuisse aternas & increatas, ac proinde cum Epicuro & aliis Ethnicis, qui Mundi materiam increatam posuerunt, rejiciendum esse. Etenim vester Cartesius cum Cartesianis omnibus atomos ponit non omnino indivisibiles, &c.* Sensus est, mi Rocchi, quod Cartesius nullas materiæ partes agnoscit indivisibiles; sed ex adverso affirmat omnes ac singulas esse divisibiles sine fine: ac proinde admittit esse compositas: nullas igitur admitteret creatas, & ita incideret in Atheismum Epicuri.

XIV.
Hæc demonstratio est etiam contra Cartesium.

ROCCHIUS. Sed quod novum respondendi generis est istud, mi Pazzi? perinde est ac si Palancus ad me conversus ira responderet. Si tua demonstratio est legitima, errat Cartesius admittendo omnes materiæ partes compositas; quia hinc cogitur admittere illas increatas, & inde labitur in Atheismum Epicuri affirmantis materiam esse increatam. Igitur tua demonstratio non est legitima. Responsionem isti similem diu vixi, nec adhuc vidi. Si vera est demonstratio mea, inquit, errat Cartesius: quid inde? audiat demonstrationem meam, & corrigat opinionem suam. Nonne quod olim demonstrabam contra Gennatum, demonstrare pariter volui contra Carte-

Quàm bene sentiant Atomista de materia prima. 69
 sium? Sed credidit Palancus me Cartesianum esse, &
 ideo Cartesium hac demonstratione lædere noluisse: unde
 jam ait: si tua demonstratio esset vera, læderet Carte-
 sium: sane lædit, & in hoc est vera: quia ille falso putat
 omnes materiæ partes quantumlibet exiguas esse divisibi-
 les in infinitum.

Est tamen in hac responsione mira quædam subtilitas,
 quam tu, mi bone Pazzi, non advertis. Vidisse Palancus
 esse in eadem salute aut in eadem damnatione cum Car-
 tesio circa divisibilitatem partium materiæ in infinitum:
 nam Aristotelici pro illa pugnant perinde ac Cartesiani;
 & cum ideo respondere perinde posset, quod si mea de-
 monstratio esset vera, errarent Aristotelici admittendo
 partes omnes materiæ divisibiles in infinitum, ob id quod
 exinde cogerentur admittere illas increatas, & ita labe-
 rentur in Atheismum Aristoteli non minus quam Epicu-
 ro imputatum de materia increata: voluit Cartesianos ic-
 rui meæ demonstrationis opponere, ut soli offenderentur;
 sed nihilominus vana est hæc subtilitas, quia non impedit
 quominus offendantur etiam Aristotelici, licet à Carte-
 sianorum tergo latentes. Tandem vides, mi Pazzi, non
 esse idoneam hanc responsionem, de qua jam satis; ad
 aliam, si placet.

XV.
 nec caprop-
 ter minus
 tangit Arist-
 otelicos.

P A Z Z I U S. In argumento illo, quo utebaris contra
 Gennarum à creatione ducto, aiebas creationem & compo-
 sitionem esse duas actiones omnino diversas, quatenus
 creatio est actio producendi aliquid ex nihilo: compositio
 autem est actio producendi aliquid ex partibus jam
 factis: inde inferebas nullum compositum præcise ut
 compositum posse creari; & ideo solas atomos creari po-
 tuisse, quia in genere materiali nihil præter atomos est
 incompositum. Itaque ad id quod aiebas creationem &
 compositionem esse duas actiones diversas, sic distinguit:
Compositio, inquit, ex parte facientis seu agentis, & ex ma-

XVI.
 Affertur al-
 responsio.

do agendi & faciendi opponitur creationi, concedo antecedens, compositio ex parte rei facta, nego antecedens & consequentiam. Addit, quia inquivoco laboras dum ais, nulla compositio creatio esse potest, inde probans nihil compositum creati posse: debuisti enim ad hoc probandum dicere, nulla compositio creata esse potest, ut inde inferres nihil compositum esse creatum, &c.

XVII.
Ostenditur
locutionem
usurpatam
esse impro-
ptiam.

R. O C C H I U S. Imo, mi Pazzi, non debui sic loqui, si loqui nolebam improprie: nam sane tam nulla compositio potest dici creata, quam nulla creatio potest dici composita. Neque tam parum physice, Deo volente, neque tam parum metaphysice loquimur, ut dicamus vel compositiones creari, vel creationes componi: res sunt quæ creantur aut componuntur: creationes autem & compositiones sunt actiones creandi & componendi; quarum utique actionum termini sunt res illæ ipsæ, quæ sic creantur aut componuntur: & tunc quidem quando illæ creationes & compositiones accipiuntur pro suis terminis, dicuntur accipi passive: sed quando sic accipiuntur, notari debet ad confusionem vitandam, illas sic accipi. Veniamus jam ad distinctionem à Palanco adductam. Mea propositio hæc est: *Omnis compositio opponitur creationi.* Ille sic distinguit. *Compositio & ex parte facientis, & ex modo faciendi opponitur creationi:* concedit: *Compositio ex parte rei facta, opponitur creationi,* negat. Quia verò compositio ex parte rei factæ nihil est nisi res facta, seu compositum ipsum, idem est ac si respondisset, compositionem opponi creationi, sed compositum non opponi creationi: qui loquendi modus à nostra Metaphysica non usuratur: compositioni creationem opponimus, & rei compositæ rem creatam. Loquamur jam inter nos, mi Pazzi, ut doctos Metaphysicos decet, & responde, si placet, ad hæc pauca interrogata. Accipio hinc creationem, illinc compositionem in sensu formali præciso ac reduplicativo pro ac-

Quam bene sentiant Atomista de materia prima. 71
tione creandi, & pro actione componendi & quæro an sic
acceptæ invicem opponantur.

P A Z Z I U S. Opponuntur haud dubie, mi Rocchi.

R O C C H I U S. Tum accipio hinc rem creatam, illinc
rem compositam, scilicet accipio in sensu pariter formali,
præciso ac reduplicativo : & quæro iterum an huiusmodi
res invicem opponantur?

XVIII.
Qualiter
creatio dif-
ferat à com-
positione.

P A Z Z I U S. Quis neget illas cum tot præcisionibus
acceptas invicem opponi?

R O C C H I U S. Sic accipiendæ mihi fuerunt, mi Paz-
zi, tum actiones creandi & componendi, tum res creatæ
& compositæ, ad constructionem meæ demonstrationis,
quam sub aliis verbis sic profero. Si actio nulla creandi
esse potest actio componendi, nulla res creata potest esse
composita : Sed actio nulla creandi esse potest actio com-
ponendi : igitur nulla res creata potest esse composita.
Cujus syllogismi minorem propositionem jam admisisti :
tota igitur difficultas in majori versatur : hæc autem diffi-
cultas sic tollitur : quatenus nulla res potest esse simul
creata & composita, nisi fiat per actionem, quæ simul sit
actio creandi & actio componendi : etenim si fieret per
actionem creandi non componeretur, si fieret per actio-
nem componendi, non crearetur : quia verò ex concessis
actio nulla creandi est vel esse potest actio componendi,
quid superest, nisi nullam rem creatam esse posse compo-
sitam ? unde infero, igitur nihil compositum creari potest :
quare si quid in genere materiali creatur, id incomposi-
tum esse necesse est, ac proinde nihil in eo genere creari
præter atomos potest. Habesne, mi Pazzi, adhuc aliquid
opponendum.

P A Z Z I U S. Aut si adhuc, mi Rocchi, Palancum sic
prosequentem. Igitur fatemur nullam compositionem esse
creationem, quia nec compositio formalis in essendo entis
facti est creatio, nec compositio activa ex parte componentis

XIX.
Oppositum
alia forma
responsionis.

est creatio : Sed nihilominus nego quod nihil compositum possit esse creatum : imo & assero ipsam compositionem in essendo posse esse creatam, licet non possit esse creatio.

ROCCHIUS. Compositio non potest esse creatio : compositio potest esse creata, oro, mi bone Pazzi, ut fiat lux.

PAZZIUS. Audi verba sequentia, & fiet lux. *Quis enim, inquit, neget Deum posse suo efficaci imperio immediate ex nihilo facere compositum aliquod & ipsius intrinsicam compositionem nihilo illius præsupposito ? Numquid Deus eget partibus antè factis ad totum faciendum, sicut homines ? Cur unica & simplici actione non possit totum cum suis partibus & unione ipsarum ex nihilo ipsius efficere immediate nihilo illius præsupposito ? Habes hîc lucem pro qua orabas, mi Rocchi.*

XX.
Partes pos-
sunt simul
creari & u-
niri.

ROCCHIUS. Imo, mi Pazzi, oro iterum ut fiat lux, quia Palancus iterum loquitur de compositione creabili, quæ mihi tam chimærica est, quàm creatio componibilis. Tam compositiones non creantur, quàm creationes non componuntur. Sed in istis nihilominus verbis adverto rationem, ob quam Palancus à demonstratione mea resistit. Putavit meæ mentis esse quodd Deus non posset eodem instanti creare omnes partes alicujus corporis & illas unire, quod est illas ponere simul, sive componere : unde ait, *Numquid Deus eget partibus antè factis ad totum faciendum, sicut homines ?* Nunquam meæ mentis id fuit ; potest utique Deus uno instanti creare omnes ac singulas partes alicujus corporis, & unire illas perinde, ac non unire ; sed nihilominus actio creandi non erit actio unien- di : erunt equidem duæ actiones simul exercitæ, sed una non erit alia : sic Deus cognoscit & amat simul ; sed ea- propter an Metaphysicus non distinguit actionem cognos- cendi ab actione amandi.

Qua Metaphysica si usus fuisset Palancus, non addidisset,

Quàm bene sentiant Atomista de materia prima 73
set, cur unica & simplici actione non possit totum cum suis
partibus, & unione ipsarum ex nihilo ipsius efficere imme-
diatè, nihilo illius præsупposito? quia enim potest Deus
creare res aliquas, & non unire, signum est, aliud esse
creare, & aliud esse unire, & ideo aliam esse actionem
creandi & aliam uniendo: sicque patet cur Deus non possit
una & simplici actione creare & unire partes totius, licet
creare illas simul & unire possit in eodem instanti, scilicet
reali: nam aliàs istud instans reale habet duo instantia ob-
jectiva, quorum in uno partes creantur, & in alio uniun-
tur: per quem rigorem metaphysicum magis confirmatur
quod dictum est de differentia inter actiones creandi, &
uniendo, seu componendi; & ex qua pendet totus vigor
ac splendor nostræ demonstrationis.

XXI.
 Aliud tamen
 est unire &
 aliud creare.

PAZZIUS. Noli, mi Rocchi, noli hanc præsumptam
 demonstrationem vocare *vestram* ac minus *tuam*. Attulit
 jam ante annos quingentos D. Thomas: nec insolutam
 reliquit: Audi Palancum. *Quin imo, ne de tua demon-*
stratione gloriaris, illam sibi, (D. Thomas) opponit his
terminis: Quod creatur est ex nihilo: sed composita non sunt
ex nihilo; sed ex suis componentibus: ergo compositis non
convenit creari. Pergit: En tuam demonstrationem: cui
respondet facillime, Quod compositum sic dicitur creari,
quod simul cum omnibus suis principiis in esse producitur,
nempe ex nihilo præsупposito, nec ante factò.

XXII.
 Opponitur
 hanc de-
 monstrationem non esse
 novam.
 Dial. 85. n.
 707.

ROCCHIUS. Imo hæc demonstratio, licet à Sancto
 Præceptore vestro jamdiu allata, vestra non est, quia
 vobis non est: nostra est, quia nobis est, mea est quia mihi
 est; & adhuc mea magis est, quia magis quàm cæteri
 Atomistæ, totus sum in illa munienda & adornanda,
 & illustranda, ut vides. Quare meæ patres hîc sunt expen-
 dere responsionem D. Thomæ, non dimidiatam, qualem
 affert Palancus, sed integram, quæ hæc est. *Ad secundum*
dicendum quòd creatio non dicit constitutionem rei compositi-

XXIII.
 Ostenditur
 D. Th. fa-
 vere isti de-
 monstrationi.

ta ex principiis præexistentibus. Sed compositum sic dicitur creari, quod simul cum omnibus suis principiis in esse producit. Sic autem responsionem istam expendo & comperio illam nostræ demonstrationi favere; nam quando ait S. Doctor quod creatio non dicit constitutionem rei composita ex principiis præexistentibus, clare ait quod si principia præexisterent, res quæ componeretur ex illis, non esset creata. Unde sub hoc respectu præexistentiæ saltem intelligibilis partium, res ex partibus illis composita non est creata: & ita nullum compositum est creatum sub illo respectu.

AAIV.
Adhuc magis
faveat per
verba se-
quentia.

Tum D. Thomas sic pergit, *Sed compositum sic dicitur creari, quod simul cum omnibus suis principiis in esse producit.* Quod idem est ac si dixisset, sed est alius respectus, sub quo compositum dicitur creari: quando videlicet omnia principia compositi, sive omnes partes compositi simul producuntur. Quo pacto, si bene capio verba S. Doctoris, è duobus compositis, quorum unum fieret ex partibus antè productis, & alterum ex partibus simul cum ipso productis, illud non diceretur creari, sed istud diceretur creari: neutrum tamen revera crearetur; & ideo D. Thomas non affirmat istud secundum creari, sed tantum ait quod *dicitur creari*, nempe ad discrimen ab illo primo, quod non dicitur creari. Atque in hunc modum de re minùs, quàm de nomine apud vos ageretur: nobis autem tota difficultas est de re, nulla de nomine.

L. part. 9.
45. A. 4.

P A Z Z I U S. Tota etiam difficultas, mi Rocchi, est apud nos de re: nam D. Thomas hîc expresse suscipit probandum quod *creari sit proprium compositorum & subsistentium.* Id autem probat, tum hac autoritate ineluctabili, *Creavit Deus Cælum & Terram*: tum hac validissima ratione, quia creatio proprie terminatur ad esse & subsistere: compositis autem proprie convenit esse & subsistere, sed non illorum p artibus.

¶ R O C C H I U S. Ad istam rationem quod spectat, vide, mi Pazzi, potuisse Deum ab initio producere partes materię aut separatas, aut conjunctas, ut voluisset: sed casu quo produxisset separatas, an non extitissent & subsisterent scorsim? sane perinde ac in composito, in quo licet conjunctę sint, nihilominus ut una non est alia, ita existentia unius non est existentia alterius; ita subsistentia unius non est subsistentia alterius: existunt, subsistunt singulę per existentias, per subsistentias suas: nihilominus hoc non impedit quominus intelligatur una quędam totalis, tum existentia, tum subsistentia, quę composito tribuitur: atque hinc compositum denominatur tum existens, tum subsistens. Erraret tamen qui crederet compositum dare sive existentiam, sive subsistentiam partibus; cum ē contra ut nihil est pręter partes ipsum componentes, ita nihil habet nisi à partibus. Venio ad authoritatem quę nullatenus nos premit, quia verbum illud *creandi* accipitur in sacris paginis passim pro eo quod est componere, seu producere ex partibus pręexistentibus.

Certe in eodem capite primo Geneseos sicut legitur, *In principio creavit Deus Cælum & Terram*, ita etiam legitur, *Et creavit Deus hominem ad imaginem & similitudinem suam: ad imaginem Dei creavit illum, masculum & feminam creavit eos*. Neque potest hęc verbum illud *creandi* accipi pro eo quod est producere ex nihilo: quia similiter scriptum est, *Formavit igitur Dominus Deus hominem de limo terra*, non igitur de nihilo: & deinde, *Et edificavit Dominus Deus costam, quam tulerat de Adam in mulierem*, non igitur de nihilo facta est. Rursus scriptum est in eodem primo capite Geneseos, *Creavitque Deus cete grandia, & omnem animam viventem, &c.* ac tum in secundo legitur, *Formatis igitur Dominus Deus de hmo cunctis animantibus terre & universis volatilibus cęli, adduxit ea ad Adam, &c.* Non igitur de nihilo facta sunt

K ij

XXV.

Partes singulę habent scorsim suam existentiam.

XXVI.

Qualiter verbum *creandi* accipitur.

Gen. c. 1. v. 27.

Gen. c. 2. v. 7.

ibid. v. 22.

hæc volatilia cœli, & illa animalia terræ, & de quibus nihilominus legitur quòd fuerint creata. Quid hinc colligitur, nisi verbum illud *creandi*, quod modò stricte, modò late accipitur, nihil hîc contra nos probare? Potuit Deus producere cœlos ex partibus ante aliquod tempus productis; potuit illos producere ex partibus non ante ullum tempus productis: sed quocumque modo id fuerit, partes creavit, cœlos composuit; qui dum nihilominus creati dicuntur, si de creatione stricte accepta sermo est, hanc denominationem debent suis partibus, quarum productio est proprie dicta creatio, ut jam satis demonstratum fuit.

PHILALETHES. Adhuc tamen, mi Rocchi, assensum Pazzii nostri non obtines.

PAZZIUS. Adhuc certe non obtinet: nam adedè se-juncta est & aliena mea mens ab illis atomis, ut nisi videro & palpavero, non credam.

ROCCHIUS. Sed quid si vidisti nihil, si palpasti adhuc nihil præter atomos, quid aies?

PAZZIUS. Curiosum est quod proponis, mi Rocchi, sed superest ut probes.

XXVII. PHILALETHES. At nolite, Domini mei, venire in
 Opponitur
 sensus, in
 quo compo-
 situm possit
 dici creatum
 examen hujus propositionis admodum curiosæ, antequam pro more meo aliquid decernam de novissima ista demonstratione, de qua tam animose contenditis, timeo ne de re minùs quàm de nomine contendetis, quando alter vestrùm affirmat, alter negat compositum esse, aut debere dici *creatum*: nam si semel supponitur, ut supponi potest, omnes & singulas partes compositi, si seorsim accipiuntur, creatas esse, siquidem ex nihilo factas; quomodò conjunctim acceptæ, non erunt creatæ, siquidem pariter factæ ex nihilo? Sed compositum nihil est præter omnes illas partes conjunctim acceptas: quare in hoc nulla esse advertitur repugnantia, quòd sit & dicatur *creatum*. Tum verò compositum sic reduplicative acceptum

non creatur, quia sic acceptum coalescit ex partibus. Hinc sub uno quidem respectu est creatum, & sub alio non est creatum; sicque dici potest & non dici *creatum* secundum varios respectus: & in hoc denominatio compositi *creati*, aut *non-creati* arbitraria videretur.

ROCCHIUS. Neque tamen arbitraria est, optime Philalethes, quia hic non agitur de composito, nisi secundum quoddam habet partes, seu sit ex partibus: & in hoc sensu nunquam est, nunquam potest dici *creatum*: ad id autem quod ais compositum esse nihil præter partes conjunctim acceptas, quæ sic creatæ sunt, si seorsim creatæ sunt, respondeo eas non posse sic conjunctim accipi, nisi supponantur creatæ; & ideo hæc acceptio simultanea non potest esse creatio; uti revera prout simul sumptæ non sunt creatæ, sed unitæ: quod in causa est cur composito convenire nunquam possit notio entis creati: quæ ideo convenire non potest in genere materiali, nisi entibus materialibus incompositis, sive atomis.

PHILALETHES. Bene est, mi Rocchi: evanuit mea illa difficultas: neque ut verum fatear, antè confidebam posse à te tam clare ac solide probari existentiam atomorum, quas mihi jam patet esse prima principia materialia rerum materialium omnium. Redeamus jam ad id quod aiebas nihil à Pazzio nostro visum unquam, aut palpatum præter atomos fuisse. An id joco aiebas?

PAZZIUS. Sic dictum arbitror.

ROCCHIUS. Serium est, Domini mei, quod aio: nec forte quicquam habet ulla demonstratio verius ac evidentius: & ut te ipsum, mi Pazzi, testem ac præconem veritatis hujus & evidentiæ reddam, ne graveris respondere ad hæc quæsitæ duo præambula, quæ ad rem meam interfunt. Quando vides aut tangis parietem, an vides, an tangis profunditatem illius?

PAZZIUS. Mihi nunquam id in mentem venit: vi-

XXVIII.
Satisfit tali
oppositioni.

XXIX.
Nihil præter
atomos
videtur aut
tangitur.

deo nihil, tango utique nihil præter superficiem illius.

R O C C H I U S. Sed quid adhuc te putas videre ac tangere quando vides & tangis superficiem illius?

P A Z Z I U S. Quid video, quid tango nisi partes extremas, sive externas, quæ sic aut sic ordinatæ componunt superficiem illam.

R O C C H I U S. Vere respondisti: & ego jam vere hinc infero te videre, te tangere nihil præter atomos, quando vides atque tangis parietem: & ratio id inferendi est, quia partes illæ externæ seu extremæ, quas vides & tangis, sunt indivisibiles in alias; sicut etiam superficies quam componunt, in nullam aliam superficiem potest dividi.

XXX.
respondetur
argumento.

P A Z Z I U S. Bene aiebam, mi Roccchi, teolari: bene id suspicabatur Philalethes; nam adeò ne me obtusum coniecisti, ut illico crederem istam superficiem, de qua sermo est, eò quòd sit indivisibilis citra, esse pariter indivisibilem ultra, sive, quod idem est, intra profunditatem parietis? Similiter partes, quæ superficiem illam componunt, capio quidem esse indivisibiles citra, aliàs enim nec externæ, nec extremæ essent; sed non eapropter sunt indivisibiles ultra; & ideo atomi non sunt, quibus utique opus est, si vere atomi sunt, absolutam & omnimodam indivisibilitatem inesse.

XXXI.
Partes non
dividuntur
in alias, sed
ab alijs.

R O C C H I U S. Arbitrabar te id etiam responsurum, mi Pazzi, & jam audi meam instantiam, propter quam certus sum, quòd tuam illam joci mei suspicionem depones. Ecce fateris superficiem illam quam vides & tangis, esse indivisibilem citra, propter quòd & externa, & extrema sit, sed non minus est indivisibilis ultra. Ratio manifesta est, quia si divisibilis esset ultra, utique primò divisibilis esset in eam, quæ immediate illam sequitur, & sic deinceps secundò ac tertio, &c. in alias quæ succedunt; quod est impossibile: quis enim non videt superficiem il-

lam internam, quæ sequitur istam externam immediate, differre ab ista: hinc facile intelligimus istam esse divisibilem ab illa, sed non in illam: & in hunc modum obtinentur superficies tam ultra quàm citra indivisibilis. Venio jam ad partes superficiem, de qua loquimur, componentes: istas itaque partes, mi Pazzi, admittis esse indivisibiles citra: Atqui sunt etiam indivisibiles ultra: differunt enim à cæteris omnibus quæ seu mediate, seu immediate sequuntur; unde sunt equidem divisibiles ab illis, sed non sunt divisibiles in illas. Ac tum quia eadem ratio valet pro partibus, quæ sibi mediate aut immediate lateraliter adherent, sequitur partes illas omnes, quæ superficiem de qua sermo est, componunt, esse omnino indivisibiles, & ideo atomos esse. Igitur, Domini mei, quando videtis & tangitis parietem, nihil videtis, nihil tangitis præter atomos.

PHILALETHES. Est aliquid lucis, & aliquid consequentiæ in tuo discursu, mi Rocchi: sed in eo mihi displicet, quòd de partibus omnibus ac singulis & superficiem & profunditatem parietis componentibus pronuncias eas esse divisibiles ab invicem cum audacia, quæ de contrario nihil dubitat, licet hæc difficultas una sit earum, quæ mire torquent omnes Philosophos. Dic nobis, si placeat, quibus perspiciliis utaris ad videndas illas atomos tuas tam omnes divisibiles ab invicem, tam omnes indivisibiles in se ipsis.

ROCCHUS. Aliis perspiciliis non utor, Dominime, nisi mentis quam Deus dedit, & philosophicus improbus labor excoluit: his munitus video etiam omnes cujusvis corporis atomos divisas ab invicem, non obstante omnium unione in una mole. Et ne rursus id joco tribuatis, efficiam verbis paucissimis ut vos etiam videatis. An inter nos jam constitutum non fuit omnes partes cujusvis corporis, cujuscumque sint numeri, vel etiam infiniti, si hæc hypotetis potest fieri, esse ab invicem distinctas, ita quòd

XXXII.
Omnes partes sunt divisæ ab invicem, licet alias uniantur.

nulla sit alia? Hinc *primò* intuli nullam esse quæ divisibilis sit in alias: hinc intuli *secundò* nullam esse, quæ non dividi possit ab aliis: neque hanc divisibilitatem nimis audacter potui affirmare, si video divisionem, scilicet singularum respectivé ad singulas, licet non respectivé ad molem indivisam, quam singulæ licet aliàs divisæ component. Ecce demonstrationem meam: Ex partibus quarum nulla est alia, nulla occupat locum alterius: igitur singulæ sunt in locis singulis, & ideo in locis diversis & in locis distantibus: juxta quam locorum distantiam distant etiam partes illæ ab invicem: quare in spatio v. g. quod occupat baculus tripalmaris, quot sunt partialia loca, tot sunt partes illa loca occupantes: atque hinc sequitur partem esse partium & locorum divisionem perinde ac distinctionem. Jamque advertitis modum, quo his quidem oculis video atomos, nihilque præter atomos conjunctim, & his ratiociniis divisim.

XXXIII.

Qualiter
partes sint
indivisibiles
in se ipsis.

Deinde redeo ad meum baculum tripalmarem, cujus assumo duo extrema; unius partes voco *primas*, alterius voco *ultimas*: cum sicut primæ sunt indivisibiles citra, ultimæ sunt indivisibiles ultra, ut patet ad oculum; neque id non patebit similiter de multis aliis partibus componentibus longitudinem baculi, si baculus frangitur ad arbitrium: nam per istas fractiones apparebunt in singulis fragmentis partes extremæ, aliæ primæ, aliæ ultimæ, aliæ indivisibiles citra, & aliæ indivisibiles ultra. Quod si postmodum intellectu accipio, ut accipere possum, omnes & singulas totius baculi partes, illas clare concipio esse pariter tam citra quàm ultra indivisibiles: & ideo tam citra quàm ultra divisibiles ab invicem. Atque hæc est característica proprietas atomorum, quas contendo esse materiam primam, & solam rerum materialium omnium.

XXXIV.

Secundò
indivisibilitate

PHILALETHES. Debeo his ratiociniis, mi Roci, cogitationem hanc quæ meæ menti se offert, videlicet

Quàm bene sentiant Atomista de materia prima 81
licet quòd frangi nihil posset, si partes rei fragilis non essent huiusmodi omnes ac singulæ tum indivisibiles in se, tum divisibiles ab invicem: namque aliter nullæ essent ultimò divisibiles, & sic nulla divisio, nulla fractio unquam fieret: apparet autem, quoties accidit aliqua fractio, partes intermedias illas, quæ fiunt extremæ, dividi ultimò potuisse ab invicem; & ideo indivisibiles fuisse, alias quidem citra, & alias ultra: at in hunc modum omnes partes intermedix possunt fieri extremæ pro arbitrio vel casu fractionum possibilium. Quapropter in modico suades me fieri Atomistam. Et tu, mi Pazzi, aliquando poteris suaderi?

P A Z Z I U S. Saltem nondum est in proximo, ut suadeat: licet enim me mirum in modum urgeat Rocchius, urget me mirabilius tum una quædam demonstratio, tum una quædam autoritas: illa insolubilis est, ista irrefragabilis.

R O C C H I U S. Quæ tua sit insolubilis illa demonstratio, quæ tua sit ista irrefragabilis autoritas contra hæc, quæ dixi de atomismo pro stabilienda prima vera materia corporum omnium, dic quàm primum, mi Pazzi, & incipe, si videtur, à ratione, quæ si demonstrativa est, omni authoritati præponderat.

P A Z Z I U S. Demonstratio nostra hæc est. Nihil materiale cogitari potest quod extensum non sit: & extensum nihil est sine partibus, à quibus suam habeat extensionem: & rursus nihil quod non sit divisibile in partes, coalescere potest ex partibus. Jam verò atomi vestræ, si quid sunt, materiales sunt, atque ita extensæ sunt & divisibiles. Et hæc demonstratio adhuc firmatur, si ad hoc attenditur, quòd nulla res extensa esse possit, quæ alicujus figuræ non sit: ubicunque autem figura est, ibi est particularis quædam dispositio linearum, angulorum, & superficialium. Hinc cogitari atomi nisi figuratæ non pos-

XXXV.
Oponitur
demonstratio
sumpta
ex figura rei
materialis.

sunt, neque cogitari sic possunt, quin illico advertatur quòd divisibiles sunt in lineas, angulos & superficies, à quibus figuram, qua sunt præditæ, obtinent. Quin etiam si quid sunt lineæ, anguli, superficies figuram illam componentes, an non materiales sunt; igitur nec illis deerit sua figura, scilicet constans ex alijs minoribus lineis, angulis & superficiebus; & sic in infinitum itur, quin perveniat ad ullum minimum materiale, sive ad ullam atomum. Hæc est, mi Rocchi, demonstratio, quam habes solvendam.

PHILALETHES. Hæc est, mi Rocchi, demonstratio propter quam ab atomismo, in quem te suadente antè inclinabar, resilio: hîc adverto difficultatem insuperabilem.

XXXVI.

Partes majores sunt ex minoribus, donec veniatur ad minimas.

ROCCHIUS. Hæc equidem fere omnibus Philosophis insuperabilis visa est, & ideo confiteri debuerunt nescire se quæ sint vera principia materialia: nam ad illa pervenire non potuerunt, nisi ad materiales atomos pervenirent. Audite me patienter, Domini mei, & enitar superare illam. Intelligite omne quod est materiale, non esse extensum nisi juxta proportionem materiæ, sive portionum materialium, ex quibus coalescit: siquidem quidquid ex materia componitur, non ex tota materia componitur, sed ex quibusdam portionibus totius materiæ. Hinc omnibus compositis materialibus competit extensio major aut minor, pro multitudine ac magnitudine portionum materiæ ipsa componentis. Sed tum non omnes illæ portiones illa primò componunt; nam si majores sunt, ex minoribus componuntur, ut istæ minores ex minoribus alijs, quæ rursus non erunt primò componentes, nisi sint minimæ: sicque obtinemus portiones materiæ primas & primò componentes, atque ideo minimas, quibus minimam extensionem tribuimus; est autem proprium extensioni minimæ non posse dividi in alias ex-

Quàm bene sentiant Atomista de materia prima. 83
tensiones : idque ad modum quo unitas numerica dividi
non potest in alias unitates , licet sit vera pars numeri ac
verum illius principium , sicut atomus una est vera pars
ac prima quædam pars continui.

Inde rursus sicut in numero non est reperire nisi unita-
tes , quæ numerum primò componunt , ita in continuo
non est reperire nisi atomos , à quibus primò componitur :
istæ atomi conjunguntur ; quælibet secum habet suam ex-
tensionem minimam : & ita ex istis minimis extensionibus
sunt minores , ut ex minoribus majores. Miror , mi Pazzi,
quòd non capias unum quid materiale minimum , & inde
unum quid extensum extensione omnium minima : tum ex
hoc uno minimo materiali , & ideo minimæ extensionis ,
ires ad omnia materialia minima , quæ sunt prima materia-
lia principia , & esse nisi atomi non possunt.

P A Z Z I U S. Concipere forsan possem , mi Rocchi ,
tua illa minima materialia , seu habentia minimam exten-
sionem , nisi obstarèt , ut aiebam , quòd non possunt con-
cipi alicujus extensionis , nisi concipiantur alicujus figu-
ræ : hoc ipso autem non erunt minima , quia minores
erunt lineæ , anguli , superficies talis figuræ.

R O C C H I U S. Sed neque tu , mi Pazzi , neque to-
tus Aristotelismus probabitis esse posse vel etiam appre-
hendi posse figuratum id , quod non aliter extensum est
quàm extensione omnium minima , quæ est extensio unius
puncti physici creati. Ecce ad figuram saltem opus est
una linea , & ad lineam saltem opus est duobus punctis
ordinatis : hinc sicut errat Mathematicus , qui in uno ma-
thematico puncto figuram admitteret mathematicam , ita
errare videretur Physicus Atomista , qui in uno puncto
physico seu quod est , in atomo una physica , faceretur
esse figuram physicam. Est equidem quodlibet punctum
physicum omnis lineæ initium & omnis figuræ , sed in se
nec lineatum , nec figuratum est.

XXXVII.
Atomi
comparan-
tur cum ni-
tatibus nu-
mericis.

XXXVIII.
Res ex-
tensionis
minimæ non
est figurata.

P A Z Z I U S. Implet me stupore tua hæc novitas. Quando, mi Rocchi, objeci tuis atomis figuram, reputavi eam non debuisse à me probari : noveram enim Atomistas etiam rigidos in hoc esse concordēs, ut suis atomis varias figuras tribuant, quas etiam putant idoneas pro explicanda faciliori ac strictiori atomorum unione ad compositionem continui. An non Maignanus ita sensit ? An non tu ipse ita sentiebas olim in tua Physica, & non ita pridem in contentione nostra circa Gennarum ? Forsan in hoc peccabat Atomismus vester : & ideo cogitas hodie de ista reformatione illius.

XXXIX.

Melius est
adimere a-
tomis figu-
ram.

R O C C H I U S. Equidem sic mihi melius hodie videtur admittere atomos omnis figuræ prorsus expertes : sic enim valde magis incompositæ admittuntur : nec potest aliquid illis melius quàm summa incompositio convenire. Propterea nihil agnosco in atomis nisi principia extensionis, seu primas extensiones, ex quibus conjunctis componitur totalis quædam extensio, quæ in figuram aliquam dilaturatur. Neque id displicere poterit Aristotelicis, qui notionem materiæ primæ perducunt ad puram usque potentiam nihil habentem formæ, nihil figuræ : ego similiter in primis principiis materialibus, præcise ut materialibus, nullam agnosco formam, nullam figuram. Quem in modum si vellent Aristotelici mutare suum illum abstractum loquendi modum, & loco illius puræ potentiæ, admittere prima entia creata, quibus puram illam potentiam tribuerent recipiendi omnem formam & figuram, facile dexterarum jungeremus, & Aristotelismus in Atomismum evaderet.

XLI.
Credibilius est esse
atomos, si
figuram
non habent.

P H I L A L E T H E S. Nihil adde, mi Rocchi, de ista metamorphosi nimis incredibili, quam proponis. Sed jam patere ut ingenue dicam, si quid ab atomistica Philosophia me sejunxit, id fuisse quòd in atomis nunquam intelligere potui figuram sine aliqua illarum possibili divisio-

Quàm bene sentiant Atomista de materia prima. 85
 ne, quæ utique atomorum notioni repugnat. Sed hodie
 proponis systema, quod magis aridet; nam revera si ato-
 mi debent intelligi ad instar punctorum materialium, nul-
 la unius atomi potest esse figura, quia nulla esse potest
 unius puncti. Et sic quidem loquuntur Mathematici de
 suis illis punctis abstractis, ex quibus componunt lineas,
 ut ex lineis superficies, & ex superficiebus profundi-
 tates corporum pariter abstractorum; sed suis illis punctis
 abstractis nullam tribuunt extensionem: tuis aliquam tri-
 buis. Vide ne in hoc imprudenter agas, ac tum dic, si pla-
 cet, quare Maignanus & qualiter putavit posse subsistere
 simplicitatem talium punctorum sive atomorum cum figu-
 ris, quibus illas esse præditas sustinuit, ita quod atomis
 aliæ sint sphericæ, aliæ cubicæ, aliæ pyramidales, aliæ
 prominulæ, aliæ recurvæ, &c. Aut enim ille peccavit
 admittendo in atomis illas figuras, aut tu peccas non ad-
 mittendo.

P A Z Z I U S. Et ideo mirabar, optime Philalthes,
 novitatem istam in Roccio, qui aut super omnes docen-
 tes se intellexit, aut non debuit ab illis per sententiam
 aded novam discedere.

R O C C I U S. Obtempero itaque tibi, optime Phi-
 lalthes: & ecce ante cætera discrimen, quod est inter
 Mathematicos & Physicos Atomistas circa materiam,
 quam considerant & tractant. Mathematicis sufficit mate-
 ria in abstracto accepta; quod sit producta vel improduc-
 ta; quod sit mobilis aut immobilis; quod sit determinata
 vel indeterminata in specie, &c. ad id non attendunt: suf-
 ficit illis materia quæcumque illa sit, modò sit in infinitum
 spatiosa; sufficit illis pro materia spatium, in quo suas figu-
 ras exarant: in quo fingunt atomum; illam aliter vocant
 punctum quod fluit: & ille puncti fluxus est linea: tum
 fingunt lineam quæ in transversum fluit, & hic lineæ flu-
 xus est superficies: tandem fingunt superficiem quæ pari-

XLI.
 quid sit ma-
 teria apud
 Mathematicos.

ter fluit ; & hic superficiei fluxus est profunditas , sive soliditas corporum : & exinde considerant infinitas figuras resultantis ex infinite variis talium punctorum , linearum ac superficierum concursibus ac incidentiis : sicque sua problemata & theoremata conficiunt ex sola hypothesi talis materiæ.

XLII.
quid sit materia apud
Physicos.

At Physici materiam requirunt productam , mobilem , in determinata specie constitutam , finitam , & per cujus partes associatas atque conjunctas fiunt illa corpora , quæ videmus. Tum verò quia hæc corpora realia sunt & concreta ; idè non illis tribuitur extensio abstracta & inaginata , ut corporibus mathematicis , sed concreta & realis : unde non est mirum quòd Mathematici suis punctis nullam tribuant extensionem realem, uti nostris tribuimus, sed minimam, ut toties dictum est , ex qua multiplicata fit totalis extensio corporum prædictorum. Ad id autem quod à me quærebas, optime Philalethes, cur Maignanus senserit tribuendas esse atomis figuras varias, puto id non aliunde accidisse quàm ex eo quòd veritas rerum tota non iñico elucescat: diu in eadem opinione fui cum illo : sed hodie mihi videtur necesse non esse admittere figuram ullam in atomis : & hanc opinionem propono. De cætero autem non affirmo illum in admissione talium figurarum peccasse : satis est ad privatæ meæ opinionis propositiōnem , quòd peccare in re illa potuerit. Forſan ego ſum qui pecco, dum ſic evado Atomista rigidior : ſed tu ipſe quid tandem hac de re arbitraris ? Quid arbitrabitur Pazzius ?

PHILALETHES. Arbitror & experior ſic valde minui difficultatem, quam patiebar in atomis admittendis.

XLIII.
Opponit
authoritas S.
Augustini.

P A Z Z I U S. Idem arbitror, idem experior ; ſed nunquam tamen eò perducatur ut in atomis illis, ſive figuram habentibus, ſive non habentibus credam poſſe ſtabiliri veram notionem materiæ primæ, de qua hic agitur : obſ-

tat enim, ut aiebam supra, una quædam authoritas irrefragabilis; & hæc est S. Augustini, *cujus præexcelsio ingenio*, plac. 87. n. 718. ut loquitur Palancus, *si comparatur Atomistarum perspicacia & Philosophia, quasi tenebra erunt in comparatione lucis, vel quasi noctua aquilinis oculis comparata.* Itaque non mihi liceret contradicere tanto Doctori, qui præsertim in libro duodecimo confessionum suarum totus esse videtur in stabilienda illa ipsa materiæ primæ notione, quam Aristotelici propugnant: ibi omnino loquitur ut unus è nobis: ibi sensit ut unus è nobis: quare nulla est ratio quæ impellere me possit ad aliter loquendum, ad aliter sentiendum. Tum quia gravissimi ponderis est authoritas ista, Palancus fuscè illam prosequitur, afferendo, suisque commentariis illustrando plures textus ex variis illius libri duodecimi capitibus desumptos, de quibus nescio, mi Rocchi, quomodo vel audebis negare quod affirmant, vel interpretari poteris in favorem atomisticæ vestræ materiæ.

R O C C H I U S. Quamvis, mi bone Pazzi, constitutum inter nos sit authoritate nimis quàm ratione pugnare pro difficultatibus istis ad statuendam veram notionem materiæ primæ spectantibus, attamen omnino placet occasio quam offers ostendendi S. Augustinum magis cum locutionibus & opinionibus nostris, quàm cum vestris ubilibet circa rem, de qua sermo est, concordare. Sed quia longum esset ac vanum interpretari seorsim tot ac tam prolixos textus, quos Palancus accumulat, audite, Domini mei, dextetatem fortè non displicituram, qua volo uti ad parcendum illi & longitudinì, & vanitati. Volo ut hîc & nunc ex me audiat is ingenuam confessionem fidei atomisticæ circa materiam primam: ac cum quando abundabit otio vestro, vacabit lectio textuum illorum, & videbitis an ita sit nec-ne quod aio Augustinum ibi suo in sermone, suo in sensu aut nullatenus, aut parum omnino discessisse ab atomismo.

XLIV.

*Ostenditur
Augustinum
nobis magis
favere quàm
adversari.*

PHILALETHES. Laudo, mi Rocchi, hanc methodum; vel maxime quia parcit tempori, cujus avaritia sola laudanda est, & aliunde spem facit audiendi clare, imo videndi aperte atomismum vestrum.

PAZZIUS. Erit etiam mihi auditu pergrata hæc confessio fidei atomisticæ: tantum subdubito, mi Rocchi, quin sub speciosa excusatione temporis male terendi effugere volueris difficultatem textuum singulorum, quos post Palancum eram ex Augustino proposuiurus.

XLV.
Quæ sit prima
confid-
ratio mate-
riæ primæ.

ROCCHIUS. Efficietne quidquam tale subdubites, mi Pazzi, candor quem in enarratione mea videbis. Itaque, Domini mei, scitote Atomistas dupliciter considerare materiam primam, juxta quam duplicem considerationem valde differenter de illa tum loquuntur, tum sentiunt. Considerant illam *primò* absolute, scilicet in se ipsa, & quatenus est quoddam ens creatum & determinatum ad esse materiæ; habet enim ex vi suæ creationis quidquid ipsi opus est ad esse perfectum & completum materiæ: habet igitur ex vi suæ creationis omnes perfectiones essentialiales & accidentales materiæ; ita quod si post creatam materiam Deus creare nihil aliud voluisset, stetisset materia in suo illo statu absoluto materiæ, ex sola hypothese quod Deus conservare voluisset illam in eodem illo absoluto statu, in quo produxisset: quem in modum nulla fuissent, donec Deus voluisset composita ex istis aut illis pluribus aut paucioribus, taliter vel aliter unitis ac temperatis portionibus materiæ fieri & comparere. An verò Deus quando creavit materiam primam totum in spatio mundano sparsam, illico selegerit illius portiones quot & quales voluerit ad aliqua composita efficienda ex illis, nescitur quidquam præter id quod Sacra Scriptura refert de operibus sex dierum. Hinc verò satis liquet quod Deus faciendo Cælum & Terram, & Sydera, & Animalia, & Arborea, &c. non aliunde fecit hæc omnia nisi ex materia

Quàm bene sentiant Atomista de materia prima. 89
 ria prima creata, & saltem intelligibiliter præcreata, cu-
 jus portiones seu majores, seu minores, seu minimæ vel
 conjunctim vel divisim creatæ conveniebant pro illis vel
 illis compositis efficiendis.

P A 2 2 1 u s. Nos, mi Rocchi, non ita loquimur de
 materia prima; nec Augustinus ita loquitur in locis à Pa-
 lanco citatis.

R O C C H I U s. Patientiam habe, mi Pazzi, donec ve-
 niam ad considerationem aliam materiæ hujus primæ. Ita-
 que Atomistæ *secundo* considerant materiam primam rela-
 tive, scilicet non aliter quàm in ordine ad composita om-
 nia, quæ fieri possunt ex illa, id est, ex certis portionibus
 illius selectis, plus minusve multiplicatis; taliter vel ali-
 ter tandem ordinatis, combinatis, dispositis ad determi-
 natos motus & effectus. Quem in modum materia prima
 nullam habens formarum omnium futurarum aut possibili-
 um in compositis futuris aut possibilibus, ac tum per
 illas omnes formabilis, nihil est omnino nisi materia pro-
 fus informis; nihil est nisi subiectum formarum omnium;
 nihil est nisi pura potentia ad omnes formas: necdum
 quanta est quantitate compositi, necdum qualis est qua-
 litate compositi, necdum habet quidquam quo sit deter-
 minata ad genus compositi ex ipsa efficiendi, ac tandem
 nihil omnino est cujusvis compositi nondum ex ipsa ef-
 fecti. Sic materia cœli, si referatur ad tale compositum
 cœleste, quod factum est ex ipsa, nihil erat nisi subjec-
 tum formæ illius cœlestis: nisi pura potentia ad illam
 formam: nondum erat quid illius cœli, nondum erat
 quanta quantitate cœli, nondum qualis qualitate cœli,
 tandem nihil erat cœli. Neque aliter unquam loquimur
 de materia præcise sive metaphysice considerata in ordi-
 ne ad compositiones vel faciendas, vel factas ex ipsa.

An non, mi Pazzi, jam ut vos loquimur? An non lo-
 quimur sicut Augustinus in locis à Palanco citatis? Quid

M.

XLVI.
 Affertur
 secunda cō-
 sideratio
 materiæ
 primæ:

XLVII.
 Atomistæ
 loquuntur
 Augustinus
 ne.

conf. l. 11.
c. 3.

ibid. c. 8.

ut patet

ibi ait Augustinus ? *Nonne tu Domine docuisti me , quòd priusquam istam materiam formares atque distingueres, non erat aliquid, non color, non figura, non corpus, non spiritus : non tamen omnino nihil ? Erat quædam informitas sine ulla specie. Et alibi. Illud autem totum prope nihil erat, quoniam adhuc omnino informe erat, jam tamen erat quod formari poterat. Tu enim Domine fecisti Mundum de materia informi, quam fecisti de nulla re pene nullam rem, unde faceres magna quæ miramur filii hominum. Sic etiam loquimur, mi Pazzi ; & hæc duo loca, quæ sunt instar omnium, satis sit retulisse.*

XLVIII.

Opponitur Augustinum non loqui de atomis.

P A Z Z I U S. Equidem hîc audio vos non absimiliter loquentes ; cur igitur opiniones vestræ non concordant cum vocibus ? Ne ullum quidem hîc est verbum de atomis : ne illas quidem nominat Augustinus : ad illas igitur inepte recurritis pro explicanda materia prima.

R O C C H I U S. Ad illas non recurrimus pro exponenda materia prima relative spectata ; de qua sic spectata hîc loquitur Augustinus ; sed ubi exponenda est materia prima qualis est in se ipsa, & ad quam sic spectatam Augustinus hîc non attendit, tunc recurritur ad atomos, quæ sunt materialia prima principia, à Deo creata & perfecta & completa in suo esse materiali ; quod utique non est in se ipso pura potentia, licet postmodum considerari possit sub respectu puræ potentiæ, sub ratione meri subiecti capacis formarum omnium, &c. Distinguite, si placet, rem materiæ à respectu materiæ : actum & in vocibus & in opinionibus concordēs erimus.

XLIX.

Aliud est res materiæ, & aliud respectus materiæ.

Exemplum accipe : vides saxa, lateres, tegulas, arenas, calcem, tigna, tigilla, clavos, &c. Hæc sunt materialia domus ædificandæ : hæc sunt tota domus : hæc sunt nihil domûs. Hæc equidem sunt tota domus, quia in domo ædificata reperies nihil præter hæc omnia ; sed etiam hæc sunt nihil domûs, quia nondum ullam habent

formam, figuram, magnitudinem, pulchritudinem, aut appellationem domus: sicque illa materialia omnia in ordine ad domum ædificandam nihil sunt, nisi quædam pura potentia recipiendi formam & figuram & magnitudinem, & pulchritudinem & alias qualitates ab Architecto accipiendas; sed tum si considerentur absolute ut sunt in se ipsis, singula seorsim sunt entia perfecta & completa in suo esse, habentia suam formam, suam figuram, suam magnitudinem, suam pulchritudinem, &c. Jam verò quod tam clare patet in artefactis nostris, non minus patet, si attenditur, in omnibus operibus Naturæ, quæ sunt artefacta divina. Namque Mundus fabricatus non fuit sine materialibus saltem intelligibiliter præproductis, ex quibus fabricaretur: unde concipitur Deum produxisse ab initio seu corpora seu corpuscula sufficientia aut unius generis aut diversi, ex quibus per supremam suæ sapientiæ artem selectis, ordinatis, & combinatis produxerit, quidquid produxit.

Illam igitur entiam quæcunque sint, saltem intelligibiliter, ut dixi, præproductam, erant tota materia Mundi: & de ista tota materia dico, quod de singulis portionibus illius dicendum est, eam videlicet fuisse illico ex vi suæ creationis ens quoddam perfectum atque completum in esse suo, ac per formam, ut ita loquar, suæ materialitatis formatum; sed in ordine ad Mundum ex ipsa fabricandum nihil omnino habebat, nisi rationem puræ potentiae & meræ capacitatis ad recipiendas omnes formas rerum, ex quibus futurum erat, dico saltem intelligibiliter futurum, ut hic Mundus spectabilis coalesceret. Jam verò tota illa prima materia, quæ à Deo creata fuit, non deperit; sed subsistit, licet obnoxia sit varietati formarum innumerabilium advenientium, aut possibiliter adventurarum: & ideo in hoc errant Aristotelici quod ubi agitur de materia prima vera & reali corporum, non as-

L:
In quo
sensu mate-
ria prima
sit pura po-
tentia.

signant pro materia nisi respectus varios & varias præcisiones materiæ: nos autem assignamus pro illa particulas sive atomos elementares ac primordiales, ex quibus & antiquæ illæ omnes compositiones divinæ cœlorum, syderum, hominum, animalium, arborum, &c. factæ sunt, & hodiernæ humanæ fiunt rerum vim & industriam nostram non superantium.

LI.
Aristotelici non loquuntur de materiâ, nisi ut abstracta.

PHILALETHES. Da veniam, mi Rocchi, retinendi ardorem tuum, qui nos in altam noctem protraheret. Oro, Domini mei, ut si quid adhuc contendendum præconcepistis, id in diem ab hinc tertiam retineatis: dabitis mihi biduum otii ad perficiendum momenti satis magni negotium, quod suscepi. Tanquam dico non mihi videri valde ponderandam in his locis à Palanco citatis auctoritatem S. Augustini: non quòd excelsus Philosophus non fuerit, sed quòd hîc minùs agit Philosophum, quàm Oratorem pium & humilem de rebus Philosophicis istis pie & humiliter discurrentem. De cætero convicit me Rocchius, mi Pazzi, materiam primam quæcunque illa sit, esse quid valde reale, & perfectum atque completum in suo esse creato; & hinc mihi minùs placet quòd Aristotelici non aliter loquantur de materia physica, quæ hîc inquitur, quàm loquerentur de ente aliquo præciso & abstracto, dum aiunt materiam nihil esse nisi puram potentiam, nisi meram capacitatem subjectivam formarum omnium, &c.

LII.
Materia physica consistit vere in atomis.

Dicant saltem materiam primam corporum omnium esse aliquod ens realiter productum, & existens per se atque subsistens, quod tum considerari potest sub respectu puræ potentiæ, sub respectu capacitatis subjectivæ formarum omnium, &c. Sic enim admitterent materiam physicam; de qua deinde ut vellent, metaphysice loquerentur. Magis ergo placet quòd aiunt Atomistæ, quando adducunt materiam primam, de qua dicunt quid

Quàm bene sentiant Atomista de materia prima 93
sit, ut quoddam consistat in atomis elementaribus, vere creatis, vere realibus, vere in suo esse materiali perfectis atque completis; sed quæ nihilominus subjacent necessariis omnibus præcisionibus atinentibus ad metaphysicas varias considerationes materiæ, quando & quoties opus est de illa loqui, ut Metaphysici solent, attendendo non ad res, sed ad rerum respectus, seu conceptus præcisos.

P A Z Z I U S. At obstat, Domine mi Philalethes, quin Atomistarum more loquamur & sentiamus de materia prima, ratio invictissima, tibi que notissima, qua probatur composita naturalia, de quorum materia prima hæc disputatur, esse entia per se, quæ aliàs non forent, nisi entia per accidentia; si materia & forma ex quibus componuntur, essent entia completa: hoc in causa est cur nobis maxime caveatur loqui aliter de materia & forma, quam sicuti de duobus entibus incompletis.

LIII.
Opponitur
composita
fore entia
per acci-
dentia.

R O C C H I U S. Et hoc in causa est, mi Pazzi, cur vestra Physica nihil nisi Metaphysicam sapiat; neque diffido me id probaturum tibi, quum opus fuerit.

P H I L A L E T H E S. Novi, Domini mei, cujus ponderis sit hæc difficultas & cujus solutio pendeat ex notione vera formæ substantialis; de qua, si videbitur, inter vos certabitur, ut aiebam, post biduum in his ipsis ædibus meis.

R O C C H I U S. Imo, si placet, in meis suburbanis certabitur de illa, & ibi tres unà prandebimus.

P H I L A L E T H E S. Fiat ut petis, mi Rocchi.

P A Z Z I U S. Fiat, mi Rocchi, & para prandium philosophicum, quo nullum potest esse nobis acceptius.



DIALOGUS QUARTUS.

QUAM MALB. SENTIANT.

Aristotelici de forma substantiali.

PERSONÆ COLLOQUENTES.

PHILALETHES, PAZZIUS, ROCCHIUS.

¹
Hic primò
agerur
de entibus
per acci-
dens.

PHILALETHES. Oh quam bene pransi sumus, mi Pazzi! Quas gratias agemus hospiti, qui tam læto ac tam lauto epulo nos excepit?

PAZZIUS. Gratias, quas amici solent sine ullo apparatusu verborum, optime Philalethes: fere majores agerem, si nobiscum familiaritùs egisset, nisi modum excessisset prandii philosophici, quod rogaveram ut pararer. Antè philosophari tecum, mi Rocchi, quàm convivari voluimus.

ROCCHIUS. Et ego sane volui dare tibi epulum philosophicum isto suavius, mi Pazzi; sed res non successit è voto. Mihi summo mane qui emerent aliquot puras potentias & aliquot actus simplices, ex quibus volebam, si res fieri poterat, confici juscum, quod palato tuo melius sapuisset. Sed negabant omnes habere se venalia hæc rerum genera, quæ si haberent, aiebant, vili venderent, siquidem à nemine requisita. Suspikor te male prandisse: quid enim dare potui quod tuo gustui faveret? Offerre non erat nisi atomos, quas non amas, & entia per accidens, quæ odisti.

PHILALETHES. Sic agitur apud urbanos & doctos.

hospites, mi Rocchi, postquam paverunt corpus, animum recreant. Dediti epulum instructum & recentissimis Trutis, & pinguisimis Mullis, & prægrandibus Soleis, & condimentis & dulciariis multis, quibus anima fuit vinum rubellum delicatissimi morlûs, cui sub finem Apianum accessit, & ais posuisse te nihil nisi atomos & entia per accidens in conspectu nostro. Alias utique necesse est esse atomos quas Pazzius non amat, & alia esse entia per accidens quæ odit: nam utrisque istis vespertem illum vidi, nec minori quàm me. cum appetentia, durante prandio.

P A Z Z I U S. In causa paris tecum appetentiæ fuit, optime Philalethes, quodd atomos non esse, & entia per se reputavi esse. quæcumque Rocchius iusserat elui nostro potuique apponi; sed ab his jocis, Domini mei, veniamus quàm primum, ut solemus, ad seria.

R O C C H I U S. Nisi tuæ seriæ indoli morem gerere oporteret, mi Pazzi, non tam festinanter à mensa ad musæum properareretur. Hic Domini mei, securi erimus à luctantibus ventis, qui mox exorti sunt: hinc residuum diei dabimus concertationi futuræ, qualem Philalethes noster iniri iusserit.

P H I L A L E T H E S. Author sum ut inde initium sumat, ubi nuperrima finem habuit. Fuit verò, si bene meminî, difficulas hæc ultimò pertractata, scilicet quòd tu quidem, mi Rocchi, contendebas materiam primam omnem in se ipsa spectatam revera esse ens creatum, perfectum atque complerum in genere suo, licet respective ad compositum ex ipsa faciendum habeat rationem entis incompleti propter rationem intelligibilem potentia, quam habet ad formam illius: Pazzius verò aiebat se non posse admittere tuas illas locutiones & opiniones de materia, veluti de ente completo; quia si materia & forma essent seorsim entia completa, non fierent ex illis unitis nisi entia per acci-

II.
Distinguen-
dum est in-
ter entia per
se, & entia
per accidens.



DIALOGUS QUARTUS.

*QUAM MALE SENTIANT,
Aristotelici de forma substantiali.*

PERSONÆ COLLOQUENTES.

PHILALETHES, PAZZIUS, ROCCHIUS.

¹
Hic primò
agetur
de entibus
per acci-
dens.

PHILALETHES. Oh quam bene pransi sumus,
mi Pazzi ! Quas gratias agemus hospiti, qui tam læto
ac tam lauto epulo nos excepit ?

PAZZIUS. Gratias, quas amici solent sine ullo ap-
paratu, verborum, optime Philalethes : fere majores age-
rem, si nobiscum familiarius egisset, nisi modum excessis-
set prandii philosophici, quod rogaveram ut pararet. An-
tè philosophari tecum, mi Rocchi, quam convivari vo-
luimus.

ROCCHIUS. Et ego sane volui dare tibi epulum
philosophicum isto suavius, mi Pazzi ; sed res non succes-
sit è voto. Mihi summo mane qui emerent aliquot puras
potentias & aliquot actus simplices, ex quibus volebam,
si res fieri poterat, confici jusculum, quod palato tuo me-
lius sapuisset. Sed negabant omnes habere se venalia hæc
rectum genera, quæ si haberent, aiebant, vili venderent,
liquidem à nemine requisita. Suspicio te male prandisse :
quid enim dare potui quod tuo gustui faveret ? Offerre
non erat nisi atomos, quas non amas, & entia per acci-
dens, quæ odisti.

PHILALETHES. Sic agitur apud urbanos & doctos

Quàm male sentiant Aristotelici de forma substantiali. 95

hospites, mi Rocchi, postquam paverunt corpus, animum recreant. Dedisti epulum instructum & recentissimis Trutis, & pinguiissimis Mullis, & prægrandibus Soleis, & condimentis & dulciariis multis, quibus anima fuit vinum rubellum delicatissimi morsûs, cui sub finem Apianum accessit, & ais posuisse te nihil nisi atomos & entia per accidens in conspectu nostro. Alias utique necesse est esse atomos quas Pazzius non amat, & alia esse entia per accidens quæ odit: nam utrisque istis vescentem illum vidi, nec minori quàm me cum appetentia, durante prandio.

P A Z Z I U S. In causa paris tecum appetentiæ fuit, optime Philalethes, quodd atomos non esse, & entia per se reputavi esse quæcumque Rocchius iusserat elui nostro potuique apponi; sed ab his jocis, Domini mei, veniam quàm primum, ut solemus, ad seria.

R O C C H I U S. Nisi tuæ seriæ indoli morem gerere oporteret, mi Pazzi, non tam festinanter à mensa ad musæum properareretur. Hîc Domini mei, securi erimus à luctantibus ventis, qui mox exorti sunt: hîc residuum diei dabimus concertationi futuræ, qualem Philalethes noster iniri iusserit.

P H I L A L E T H E S. Author sum ut inde initium sumat, ubi nuperrima finem habuit. Fuit verò, si bene meminî, difficultas hæc ultimò pertractata, scilicet quòd tu quidem, mi Rocchi, contendebas materiam primam omnem in se ipsa spectatam revera esse ens creatum, perfectum atque completum in genere suo, licet respectivè ad compositum ex ipsa faciendum habeat rationem entis incompleti propter rationem intelligibilem potentiæ, quam habet ad formam illius: Pazzius verò aiebat se non posse admittere tuas illas locutiones & opiniones de materia, veluti de ente completo; quia si materia & forma essent seorsim entia completa, non fierent ex illis unitis nisi entia per acci-

II.
Distinguen-
dum est in-
ter entia per
se, & entia
per accidens.

dens ; nullatenus verò entia per se, qualia esse composita naturalia totus Aristotelismus obtestatur. Evacuate itaque *primò* hanc superstitem de materia prima difficultatem ; ac tum *secundò* movebitis aliam cum illa conjunctissimam, quæ est de forma substantiali. An vobis, Domini mei, ordo iste probabitur ? Probatum iri confido ; & eapropter oro te, mi Pazzi, ne quæstio ulla fiat de nomine, ut edicas clare quid sit ens per se, quid sit ens per accidens apud vestros Philosophos : quid mali sequeretur ex vestris illis entibus *per se* ablegatis, & ex alienis entibus *per accidens* in Philosophiam introductis. Verùm ut id valde breviter agas, tantùm desidero ; nam intelligentibus pauca.

III.

Quid sint
alia entia
apud Aristoteli-
cos.

P A Z Z I U S. Res quaeritur fere non necessaria ; nam quis nescit eas per se apud Aristotelicos illud vocari, quod resultat ex duobus entibus incompletis, ac subordinatis, quorum unum se habet instar potentiae, & aliud instar actûs potentiam actuantis : unde fit ut penetrative sine ad invicem, & unitatem specificam efficiant, quam vocamus unitatem compositi naturalis : talium verò entium illud quod est potentiale ac subiectivum vocatur *materia* ; & illud quod est actuosum sive perfectivum vocatur *forma substantialis*. Quotiescunque autem accidit duo quædam aut plura entia completa, & ideo non subordinata, invicem conjungi solâ partium conjunctione, licet hæc conjunctio fiat per partes minimas easque confundat, tunc compositum quod ex illis coalescit, est per accidens, nihil habens commune cum composito naturali, quod est per se. Hinc apud nos aliud omnino est compositio naturalis, & aliud mixtio elementaris ; potest tamen mixtio elementaris in compositionem naturalem transire, quando scilicet aliquid unius elementi per alterius prædominium corrumpitur & transit ad formam substantialem illius. Rem, si opus est, explicabo clariùs per exempla.

RÖCCHIUS.

Quam male sentiant Aristotelici de forma substantiali. 97

R O C C H I U S. Parce isti labori, mi Pazz! pauca hæc quæ dixisti, sufficiunt, ut inferam non posse fidem humanam pervenire ad credendum esse in rerum naturam, composita id generis naturalia, qualia vos admittitis. Sed quia nondum inter nos agitur de forma substantiali vestra, quæ est incredibilissimum ens, satis erit si jam ostendero inutilem fore ad perfectam naturalem compositionem materiam, quæ non esset ens in se completissimum ac perfectissimum in genere materiali: etenim composito deesset illud perfectionis materialis, quod deesset materiæ: deesset illi complementum illud materiale, quod deesset materiæ: & ideo ut compositio naturalis perfecta & completa sit, necesse est materiam perfectam & completam esse: vel præsertim quia quod assertis de duobus entibus incompletis, nempe de materia & forma sese complementibus in compositione, fictitium est, ob id quod nihil de perfectione unius possit transire in perfectionem alterius: & ideo rursus ex duobus entibus imperfectis nunquam exurgeret compositio ullâ naturalis perfecta. Itaque materia prima tam perfecta fuit quando creata fuit à Deo, quam perfectum deinde fuit, quidquid ex illa coaluit; an postquam Deus materiam illam creavit, dici de illa non potuit; & vidit Deus quod esset bona? Si bona fuit, igitur perfecta & completa fuit in suo esse.

P A Z Z I U S. Sed si bona fuit, & perfecta & completa in suo esse, permisset scorsim ab omni forma subsistere: quod esse impossibile Thomistis placet: & saltem constat illam ne uno quidem temporis momento scorsim ab omni forma subsistisse, si creditur S. Aug. quem Palancus refert ita loquentem in libro primo de Genesi ad litteram c. 15. *non quia informis materia formatis rebus tempore prior est, cum sit utrumque simul concreatum & id unde factum est, & quod factum est.* Ac deinde, ita creator Deus non priorem tempore fecit informem materiam; & eam postea

IV.
Materia
debet esse
completa
in suo genere.

V.
Opponitur quod si esset completa, posset existere scorsim.

Dist. 89.
8. 725.

Ne.

quasi secunda consideratione formatis : formatam quippe creavit materiam : Quod S. Doctor fufè profequitur & elucidat exemplo vocis, quæ materia verborum est, neque tamen sine verbis est. Hinc si materia & forma createæ fuerunt, faltem indubitatum erit materiam nunquam substitiſſe ſeorſim ab omni forma.

VI.
Potest ex
hac mate-
ria fieri
alius Mun-
dus.

R O C C H I U S. Tu verò cur non attendis, mi Pazzi, nihil intereſſe, ad rem meam quòd materia ſubſtiterit, aut non ſubſtiterit ſeorſim ab omni forma ; ſufficit illi ad rationem entis completi quòd ſubſiſtere ita potuerit. De cætero autem, ut noſti, Scripturam de opere ſex dierum, quam S. Auguſtinus hic intelligit ad ſpiritum, intelligunt alii multi Sancti Patres ad literam de vera diſtributione ſex dierum : juxta quam acceptionem ſi multæ portiones materiæ primæ ſtatim acceperunt formam ſuam, uti portiones ex quibus illico creavit Deus cælum ac terram, multæ aliæ non ſtatim acceperunt ſuam, ſed ſucceſſive, ut illæ ex quibus formata ſunt luminaria, elementa, animalia, ligna, &c. Atque ut ſcias, mi Pazzi, qualiter vere intelligere poſſis materiam primam, ex qua factus eſt hic Mundus, cogita Deum ex hac ipſa materia formare poſſe Mundum alium plane diſſimilem.

VII.
Qualiter
Mundus ille
alius fieret.

Cogita Deum poſſe ab invicem partes omnes, & ad minimas uſque, cœli ac terræ diſjungere, & omnium pariter elementorum atque mixtorum ; tum permiscere omnes, inturbare, confundere, figere alias, alias agitare, & ſic tandem omnes redigere in quoddam chaos informe : ſicuti tum ex illis poſſet nova omnino genera ſyderum, elementorum, atque mixtorum producere ; quem in modum novus ille Mundus nihil haberet cum iſto ſimilitudinis. Adhuc cogita novos Philoſophos, qui te audiente de materia prima novi Mundi diſcurrerent, & dicerent illam nihil aliud fuiſſe ab initio niſi puram potentiam, nihil niſi ens potentiale, ſubjectivum, incomple-

Quam male sentiant Aristotelici de forma substantiali. 99
 tum, insubsistens, neque quid, neque quantum, neque
 quale, ac prope nihil. Rideres eos & diceres vidisse te
 materiam bene perfectam atque completam, ex qua
 Mundus ille novæ creationis compactus fuisset; assereres
 illum fuisse factum ex aëre quem spirasses, ex igne quem
 accendisses, ex aqua de qua bibisses, ex terra super quam
 ambulasses, ex omnibus tandem his corporibus quæ aut
 oculis spectasses, aut manibus tractasses, &c.

Atqui illa ipsissima materia, quæ juxta meam hypo-
 thesim fieret materia novi Mundi, fuit materia istius.
 Quare igitur Aristotelici quando physice loquuntur de
 materia prima hujus Mundi, non dicunt sicut Atomistæ
 materiam primam hujus Mundi esse omnes partes mate-
 riales, ut cælestes & elementares, ex quibus diversi
 mode formati Deus Mundum istum produxit, ut ex iisdem
 aliter atque aliter formati, novum illum produceret? &
 in quibus utique partibus prout sunt entia physica reperiri
 potest nihil illius entis pure potentialis, subjectivi, incom-
 pleti, insubsistentis, neque quanti, neque qualis, &c.

P A Z Z U S. Nihil apud nos, mi Rocchi, de specula-
 tionibus illis tam à Philosophia nostra distantibus ali-
 quando audiui.

R O C C H I U S. Audi jam alias, quæ Philosophiæ ves-
 træ favebunt. Hæc ipsa corpora quæ vides, mi Pazzi, quæ
 tangis, quæ spiras, quæ te nutriunt, quæ te ornant, &c.
 si reducerentur in illud chaos, de quo loquebar, evade-
 rent quid informe: atque hoc modo materia novi Mun-
 di antequam formaretur, fuisset informis; quamquam
 hæc informitas non obstat veræ ac reali præexistentiæ
 ac præsubsistentiæ illius in suo esse materiali. Sed tum li-
 ceret novis illis futuris aliquando Philosophis loqui me-
 taphysice de materia illa, & dicere quod fuisset pura po-
 tentia, quod fuisset quid potentiale, incompletum, in-
 subsistens, non quantum, non quale ac pene nihil, scili-

VIII:
 Mater. di
 est indifferens
 ad varias
 formas

IX.
 Q. Mater.
 materia sic
 ri, oculi ing
 formis.

cet relative ad formas, quas deinde obtinuisse.

X.
Alia est
materia
physica, &
alia meta-
physica.

Atque ita, mi Pazzi, clare vides modum diversum, quo discipuli debet de materia prima, quando scilicet de illa discurretur aut physice, prout est in re ipsa, aut metaphysice prout est in conceptu. Hic autem agit de materia prima ut est in se ipsa, & non prout est in conceptu: materiam physicam quærimus, & vos metaphysicam profertis: unde dicitis illam esse nihil nisi ens incompletum, & inde aliud ens incompletum fingitis, quod est forma, ut ex illis duobus entibus incompletis efficiatur ens completum, quod vocatis *compositum naturale*, & *ens per se*; sed nihilominus sub speciosis illis verbis *compositi naturalis* & *entis per se*, nihil profertis nisi compositum metaphysicum, quando non de metaphysico, sed de physico sermo est.

XI.
An materia, si redigeretur in chaos, esset informis.

PHILETHES. Valde in his tuis disquisitionibus physicis & metaphysicis materiæ primæ delector, in quibus miram simul novitatem atque ingenuitatem adverto. Unum est adhuc, quod scire velim de tua illa hypothesi, juxta quam iste Mundus fieret materia novi Mundi post dissociationem ac perturbationem omnium partium, ex quibus corpora hæc omnia componuntur: partes illæ ita dissociatæ ac perturbatæ, & in quoddam chaos redactæ haberent ne singulæ aliquam formam, aut essent ne prorsus informes? Ex tua siquidem responsione intelligetur quid fuissent illæ ipsæ partes materiales in se ipsis, supposito quòd ex illis ita dissociatis, ita perturbatis & confusis, adeòque præexistentibus sive antecederent creatis, produxisset Deus Mundum istum. Neque parum, ut opinor, proderit id particulatim scire, ad extricandam disputationem, quæ modò agitabitur inter vos de forma substantiali compositorum naturalium.

P A Z Z I U S. Eram id, mi Rocchi, pariter rogaturus; quia non video quid satis recti ac consulti responde-

Quam male sentiant Aristotelici de forma substantiali. tor
re possis, siue partes illas minimas nullius, siue alicujus
formæ aut fuisse aut futuras fuisse, aut deinceps esse posse
participes affirmaveris.

*R O C C H I U S. Jam nostis, Domini mei, me in ea
vobiscum esse opinione communi, qua reputatur materiam
omnem primam, ex qua Deus Mundum istum visibilem
composuit, non fuisse à Deo prius creatam prioritate ulla
temporis: sed statim ac creata fuit, fuisse seu divisam, seu
compactam, mixtam, temperatam, ut opus erat ad forman-
das vires ac naturas rerum, quarum creationem Scriptu-
ra enarrat. Sed nihilominus potuit Deus materiam illam
creare longe ante Mundi efformationem: potuit illius
omnes partes separatim creare, qua ratione singulæ fuis-
sent totidem atomi separatæ: potuit non separare omnes,
sed ex quibusdam moleculas componere, quæ ob parvi-
tatem suam reputari pro atomis possent, licet atomi non
essent: potuit denique omnes illius materiæ primæ partes
plus minusve dividere, plus minusve agglomerare, & ita
omnes relinquere in confuso: ad quem statum redigere
posset pariter, si vellet, illam ipsam materiam. Quâ sup-
positione factâ admitto equidem in singulis partibus for-
mam metaphysicam siue mere objectivam, per quam sunt
id quod sunt; admitto in illis entitatem, substantiam, exis-
tentiam, subsistentiam, unitatem, veritatem, bonitatem,
mobilitatem, quæ omnes & similes formæ nihil realitatis
addunt realitati partium singularum: & idem dico de mul-
tis hujusmodi partibus, quas Deus ab initio conjunxisset,
quia si non afferunt singulæ nisi formas mere objectivas,
non potest omnium forma esse nisi mere objectiva.

Quod si postmodum agitur de forma externa, quæ
consistit in ratione aliqua & proportionem partium, satis
intelligitur nullam id genus formam esse in singulis parti-
bus seorsim; sed aliquam esse in multis conjunctim. At
hujusmodi forma non illa est, de cujus generatione mihi

XII.
Eset in par-
tibus divisæ
forma meta-
physica.

XIII.
Quæ enim ha-
berent for-
mam exter-
nam.

recum, mi Pazzi, jam certabitur: agetur enim de illo genere fictissimi entis, quod vocatis *formam substantialem*, & quam asseritis ex materia gigni, quæ semel genita illam actuer, informet, sitque comprincipium illius ad formationem compositi substantialis.

P A Z Z I U S. Non deberes, mi Rocchi, *fictissimum* vocare illud ens, quod vel te invito tuis in atomis reperitur, demonstrante id Palanco, ex occasione illius ignear atomi, de qua erat olim inter nos disputatio, quando pugnabam pro Gennato; & gaudeo quòd hæc ipsa disputatio redeat; quia nisi plane cæcus fueris, videbis claram & evidentem compositionem ex materia & forma substantiali in illa tua ignea atomo, quam proponebas in exemplum.

R O C C H I U S. Grande, mi Pazzi, polliceris in atomo una spectaculum.

XIV.
Opponitur
materiam &
formam esse
in atomo.

P A Z Z I U S. Aperit tantum oculos & vide in atomo illa ignea materiam communem, quæ transmutabilis est de esse ignis ad esse aquæ, aut alterius elementi vel mixti: compositionem de qua sermo est, in transmutatione illa videbis. Itaque Atomista colloquens cum Palanco sic illum rogabat, *in qua atomo ignea vellem mihi distincte assignares qua materia illa sit, quam vocas communem*. Ecce responsum nostri Authoris. *Facile id tibi ostendam, siquidem illa, quam fingis, atomus ignea evidenter corruptibilis esset & destruibilis frigore nimio circumsepta. Si enim corpus igneum non quidem minimum ut atomus, sed sensibilis magnitudinis, undique frigore vel aqua circumseptum extinguitur. . . . cur minima ignis particula destruenda non foret? At dum sic destrueretur, certe non annihilaretur; cum in agentibus naturalibus vis annihilandi nulla sit; sed transmutaretur in aliud specie distinctum corpus, vel elementum, quod esset substantialiter corrumpi*. Addit, *Quo supposito jam facile tibi respondeo quòd in illa ignis atomo, seu minimo ignis particula, materia communis esset illa*

Dial. 86. u.
72. & 73.

Quam male sentiant Aristotelici de forma substantiali. 103
pars subjectiva, qua de esse ignis transmutaretur ad esse al-
terius elementi, & cætera quæ omitto. 1

ROCCIVS. Potes, mi Pazzi, sine scrupulo illa
omittere, si non sunt majoris claritatis ac certitudinis ad
probationem formæ substantialis per ostensionem materiæ
communis in atomo ignea, de qua sermo est. Nam quo-
modo hîc ostendit Palancus materiam illam communem
transmutabilem de esse sub una forma substantiali, ad esse
sub alia pariter substantiali, nisi supponendo quod est pro-
bandum: scilicet supponendo quodd atomus ignea, quæ
v. g. sub aquis mergeretur, corrumpereetur substantialiter,
id est, amitteret formam ignis, & acquireret formam aquæ:
atque ita supponit in atomo illa ignea formam ignis: at
nunquid hoc ipsum est, quod in quæstione est?

Errat, mi Pazzi, quisquis ille est, qui putat posse ato-
mum igneam evadere atomum aqueam: non sic naturæ
æterum mutantur; intricari, permisceri, obrui, confundi pos-
sunt & ad sensus nostros deperire; sed nunquam pereunt:
jamdiu Mundus universus aut igne conflagrasset, aut ab-
sorptus fuisset aquis, aut in terram compactus, aut in æ-
rem sparsus, si possent elementa ita substantialiter in invi-
cem transmutari. Sed noli credere, donec ita probavero:
sufficiet autem ad id probandum disputatio hæc inter nos
hodie renovata de atomo illa ignea: nam si ex minima
materiali particula ignea non potest educi per generatio-
nem forma substantialis illi correspondens, non poterit ul-
la talis forma per generationem educi ex majori materia-
li mole ignea: & hinc procedendo ad cæteras omnes por-
tiones materiales, patebit nullam esse, quæ generari ex
præsupposita ulla materia possit, formam substantialem.
Dic, si placet, optime Philalethes, quid hac de re tibi vi-
deatur antequam animosius colluctemur atque contendam-
us de illa ego & Pazzius.

PHILALETHES. Clarum est, Domini mei, non

XV.
Palancus in
hoc dicitur
su peric
principium.

XVI.
Naturæ æ-
terum non
mutantur.

XVII.
Ex noticia
unius atomi
pendet noti-
tia rerum
omnium na-
turalium.

esse aliter discurrendum de majoribus molibus materiæ in ordine ad majores formas substantiales, quàm de minoribus in ordine ad minores, & de minimis in ordine ad minimas. Unde si ex minima particula materiali non potest educi forma ulla minima substantialis, merito inferretur nullam esse materialem molem, ex qua forma ulla substantialis, per generationem scilicet, ut disputatur, educi possit. Ergo agite ut cepistis: nam decisio formæ substantialis educibilis per generationem aut non educibilis ex minima illa materiali particula ignea, sive atomo ignea, transferri haud dubie poterit ad hujusmodi formas omnes substantiales educibiles aut non educibiles ex suis respectu in molibus materialibus: & in hunc modum considerate, si videbitur, necum qualiter ex noticia unius atomi pendeat quidquid à tot annis, tot inter Philosophos disputatur de principiis & materialibus & formalibus corporum omnium constitutivis.

R O C C H I U S. Ita reputaveram apud me? & ea propter ut olim contra Gennarum, ita hodie contra Palancum assumo mihi hæc duo demonstranda; unum est, non posse ullam formam substantialem educi per generationem sive gigni, ex atomo ista materiali, quam voco *igneam*: alterum est, formam illam, si forsan ita educeretur, non fore computandam inter vera principia naturalia illius atomi.

P A Z Z I U S. Quare igitur, mi Rocchi, rationes alias ab his, quibus utebaris olim contra Gennarum: nam istas vidit Palancus & risit: tantum abest ut pro demonstrativis habuerit.

XVIII.
Quid sit atomus in ratione entis absoluti.

R O C C H I U S. Mihi satis est, mi Pazzi, si eas ridere non debuit; si pro demonstrativis habere debuit. Jam tecum ago, & circa primum ita discuro. Particula illa minima materialis considerari aliter non potest, quàm in ratione entis absoluti, aut in ratione entis respectivi. Sub

prima

Quàm male sentiant Aristotelici de forma substantiali. 105
 prima ratione aliud nihil est, nisi ens creatum tale, id
 est, materiale, & capropter ab ente spiritali distinctum:
 quam utrique distinctionem, perinde ac suam plane in-
 tegram constitutionem in suo genere, aut etiam in sua spe-
 cie entis materialis habet antecedenter ad formam sub-
 stantialem, de qua sermo est, seu educibilem, seu educam.
 Nisi quodd in illo ente materiali potest metaphysice atren-
 di forma objectiva materialitatis, per quam in esse entis
 materialis constituitur, sicut ens spiritali juxta similem
 considerationem metaphysicam constituitur in esse entis
 spiritalis per formam objectivam spiritalitatis. At de
 forma illa materialitatis non agitur, tum quia mere ob-
 jectiva est; tum quia illa non educitur de ente materiali,
 sed potius consideratur veluti præcedere illud, ad hoc ut
 illud in esse perfectio entis materialis constituat.

P A Z Z I U S. Potuisti prætermittere hanc considera-
 tionem entis absoluti: quia non materia spectata absolu-
 te, sed spectata relative ea est, è qua dicimus formas sub-
 stantiales educi.

R O C C H I U S. Et nihilominus ad educationem vere
 physicam talium formarum requireretur eam fieri è ma-
 teria absolute spectata: nam quia materia per respectus
 nostros redditur materia mere objectiva, quæ nisi pa-
 teret mere objectivâ poterit esse illa educio? Hic autem desi-
 deratur educio physica è materia physica, & requiritur
 modus physicus educationis illius. Igitur mihi videris fate-
 ri, mi Pazzi, nihil ullius formæ substantialis educi posse
 ex illo minimo ente materiali, de quo agitur, accepto
 in sensu absoluto & physico, quia videlicet in ente quod
 nihil omnino nisi materia est, nihil formæ est, imo nihil
 relationis ad formam habet, seculâ consideratione nos-
 trâ respectivâ, ad quam venio, te jubente. Itaque parti-
 cula illa minima materialis sub altera ista ratione entis
 respectivi, scilicet entis perfectibilis, actuabilis, infor-

XIV.
 Ex ente
 relativo non
 potest educi
 forma phy-
 sica.

nabilis quid est, mi Pazzi, dic tu ipse, ne si ego id definiero, aberrem à mente, juxta quam desiderares id definiri.

P A Z Z I U S. Id definire, mi Rocchi, audacter poteras, quia nosti materiam consideratam respectively ad formas ex ipsa educibiles, nihil esse juxta nos, nisi puram potentiam receptricem illarum; neque enim potest aliter quàm subjective ad illarum ex seipsa educationem concurrere: & hic quidem concursus, licet mere subjectivus, sufficit ad verificandum quidquid Aristorelici docent de formis substantialibus ex materia educitis, aut educibilibus.

XX.
Quid sit
discriminis
inter educi
& subjecto,
& recipi in
subjecto.

R O C C H I U S. Imo, mi Pazzi, concursus ille mere subjectivus, atque ita mere receptivus, non sufficit ad unius vel tenuissimæ formæ educationem è materia, licet plane immensa supponeretur. Nam *primò* id quod est *educi* è *subjecto* & id quod est *recipi in subjecto* sunt duo quædam prorsus diversa: *educi* quid est nisi extrahi? *Recipi* quid est nisi intromitti? extrahi autem & intromitti nunquid duo sunt prorsus contraria? quare mihi semper ineptissimus visus est modus ille loquendi Aristotelicus, juxta quem aiunt formam substantialem educi è materia per receptionem in illa, nec educi nisi quando recipitur: an non ineptissime loqueretur qui diceret vinum educi è lagena quando immittitur? lagena per educationem vini evacuatur; per immissionem impletur: hinc intellige quantum educitio & receptio formæ inter se differant. *Secundo* si materia ad educationem formæ hoc tantum confert quòd illam recipit, nihil omnino de suo esse confert ad generationem illius: unde igitur, mi Pazzi, forma recipit suum esse?

P A Z Z I U S. Aut è materia, aut è potentia materiæ, ut volueris: modò non de nihilo illud accipiat, contenti sumus: neque tam scrupulose nugæ istas inquirimus.

XXI.
Aristote-
licus

R O C C H I U S. Nugæ tamen istæ scrupulosissime inquirendæ sunt, ne in nugæ & in chimæras abeat quidquid

Quàm male sentiant Aristotelici de forma substantiali. 107
 de vestris formis substantialibus affirmatis. Ecce, mi Pazzi, forma vestra substantialis est ens vere ac physice productum, ut dicitis: atque ita vel de nihilo, vel de aliquo fit, quoties ab agentibus naturalibus fit. Tum admittitis illam non de nihilo fieri: & ideo vestrum est assignare illud aliquid, de quo fit. Quæro à te quid sit illud aliquid, & respondes esse aut materiam, aut potentiam materiæ, ut voluero? neutrum placet, sed & neutrum à vobis suffineri potest. Namque id de quo fit forma, quando jam semel facta est, reperiretur in ea, tanquam constitutivum illius; sed in forma jam facta nihil est materiæ, nihil est de potentia materiæ, ut conceditis: igitur nec de esse actuali, nec de esse potenciali materiæ facta fuit. De quo igitur facta est? hoc iterum quæro: nec habes responsum.

signant ex
 quo fiat
 forma sub-
 stantialis.

PHILÆLETHES. Nec miror, mi Rocchi, quòd Pazzius noster obmutescat. Millies audiui hoc argumentum, & audiui neminem qui responderet: aio neminem qui responderet idonee: cò siquidem tendit quicquid responderetur, ut dicant formam substantialem educi de aliqua potentia vel potentialitate subjectiva materiæ; quod idem omnino est ac si dicant formam substantialem recipi tantum in materia sic transformata per vim agentium naturalium: unde sequitur agentia naturalia vel nullam id genus formam producere, vel producere de nihilo: quia revera nihil quod pertineat ad entitatem sive actuale, sive utcunque potentialem materiæ ingreditur aut ingredi potest in constitutivum entitativum ralis formæ substantialis. Non igitur de materia fit; ac proinde de nihilo fit: hoc autem repugnat, quia vis creandi nulli naturali agenti convenit.

XXII.
 Nihil ma-
 teriæ consti-
 tuit formam.

ROCCHIUS. Et eapropter videte, Domini mei, quantum intersit mihi vim facere in hoc argumento, ex quo pendet totius atomistica Philosophiæ veritas: & in quo

XXIII.
 Non sicut
 dicitur in en-
 tium for-

O ij

nam geni-
tam &
creatam.

to ius Aristotelicæ Philosophiæ falsitas comprobatur. Etenim hoc ipso ictu, quo formæ omnes substantiales rescinduntur, pater & omnes accidentales rescindi: sicque ruit totus Aristotelismus, quo ruente opus erit recurrere ad Atomismum, sive ad atomos, quales admittimus talium formarum sive substantialium, sive accidentalium, si quæ forent, vim omnem & activitatem habentes. Neque mihi arduum erit, si voluerim, multiplicare vim hujus argumenti rogando te, mi Pazzi, discrimen quod admittitis inter formam substantialem creatam & formam substantialem genitam. Ecce quando Deus ab initio ignem produxit, concreavit, ut dicitis, formam substantialem ignis: & nos quando ignem accendimus, formam illam generamus: dic jam si placet, quid habeat ista de materia magis quam illa; quid illa minus habeat quam ista? An non materia utramque pariter recipit: an non per utramque pariter transmutatur? Utraque igitur vel erit pariter creata, vel erit pariter genita: selige quod malueris.

P A Z Z I U S. Illa fuit creata, ista est genita, mi Rocchi: & hoc habe discrimen. Illa fuit producta hoc ipso instanti primo, quo materia, & sine ulla dispositionibus in materiam præintroducitur: ista verò supponit materiam longe antè productam, neque nisi post introductas in materiam dispositiones producit: quare illa est creata, ista est genita.

XXIV.
Refellitur
discrimen
adductum.

R O C C H I U S. Non respondes, mi Pazzi: illa si de nihilo materiæ facta est, creata est: si de aliquo, genita est: ista similiter genita est, si de aliquo; creata est, si de nihilo: quod autem sit cœva materiæ vel non sit; & quod eam præcesserint, aut non præcesserint dispositiones in materiam introductæ, id non pertinet ad rem, de qua jam sermo est. Si Deus olim formam ignis creavit, ideo creavit quia de materia non produxit, sed de nihilo materiæ: quare si à nobis de pari nihilo materiæ produce-

Quàm male sentiant Aristotelici de forma substantiali. 109
 retur, pariter crearetur. Aut si Deus illam de materia produxit, non creavit, sed genuit: quare similiter si nos istam generamus, de materia producimus: sed si de materia producimus, aliquid præerat in materia, quod postea reperitur in forma: aut si nihil materiæ jam in forma est, signum est nihil formæ in materia præexistisse, & ideo formam de nihilo materiæ factam fuisse. Quære igitur, mi Pazzi, alias latebras; sed frustra quæres: univèrsas novi: ubique te persequeretur: sui olim unus è vestris: nec pro hisce rebus ad atomistica castra transfugi, nisi quia vestra vidi male munita. Redeo jam ad atomum igneam, de qua cepit sermo fieri, & contendo adhuc animosius quàm antè nullam de materia illius minima educi posse formam substantialem ignis: aut si quæ forsan educeretur, illam non fore in hoc casu cum materiâ comprincipium talis atomi.

PHILALETHES. Et sic ut video, mi Rocchi, cadis in illud aliterum, quod suscepisti probandum, adductâ in exemplum atomo illâ igneâ, scilicet formam substantialem, si de materia fieret, non posse pro principio rerum materialium accipi. Quæ difficultas parvi momenti est: nam dummodò sit forma substantialis, parum interest quòd nominetur aut non nominetur principium: si verò nulla est, cur disputabitur de tali nomine tribuendo illi, aut denegando? Nihilominus age adhuc de ista difficultate, si annuerit Pazzius.

PAZZIUS. Annuo plane, neque necesse est ut Rocchius hic quicquam loquatur. Habemus, optime Philalethes, argumentum quo utebatur olim in systemate suo eucharistico contra Gennatum & à Palanco refertur verbis ipsissimis. *Fit igitur forma particula ignis ex materia talis particula; sed si fit, est effectus; si verò est effectus, cur principium dicitur? non enim ad principia pertinet effici, sed efficere.* Addebat Rocchius hanc difficultatem talem

XXV.
 Forma,
 quæ fieret,
 non esset
 principium.

Dial. 86.
 n. 73.

esse, cui solvenda totum Lyceum adhuc impar fuit. Quæ verba etiam Palancus ibidem refert, & propter quæ, utpote nimis audacia, sic respondet. *Stupro arrogantiam in argumento prorsus futile, ne amplius dicam*: ac deinde invictissime illud in Atomistas retorquet ostendendo suspensionem, quam propter illud sibi cum Epicuro conciliant atheismi.

PHILALETHES. Perge, Pazzi, & dic quæ sit ista retorsio.

ROCCHIUS. Ego verò rogo te, optime Philalerthes, ut ad istam retorsionem valde attendas: ex illa enim, ut confido, intelliges quid futilitatis, quid arrogantiae sit aut non sit in argumento illo, quod proponebam olim contra Gennarum, & hinc etiam iterum propositurus contra Palancum, nisi Pazzius me prævenisset.

XXVI.
Retorque-
tur argum-
tum & ob-
jicitur Epi-
curismus.

P A Z Z I U S. Retorsio hæc est: audite Palancum. *Etenim in primis, si talis est hac vestra difficultas, ad injuriam ducere non potestis, si quis suspicetur vos cum Epicuro ponere atomos aternas & increatas pro primis rerum effectivis principiis: nam ut tecum loquar, atomus si sit, est effectus, si verò est effectus, cur principium dicitur? non enim ad principia pertinet effici, sed efficere. Atqui atomus per se non solum dicitur, sed revera est principium, cum alia principia rerum materialium non agnoscatis, nisi atomos; ergo atomus, vestro sensu non sit, nec est effectus, nec ad ipsam pertinet effici, sed efficere: non ergo atomi sunt facta, & consequenter nec creata, sed efficientes omnia. Quid ergo restat, nisi atheismus.*

XXVII.
Clarids
probat
formam, si
fieret, non
fore princi-
pium.

ROCCHIUS. Da, si placet, mi Pazzi, librum in quo legis hanc retorsionem: vix enim puto illam his verbis ab homine tam docto fieri potuisse: volo his oculis illam legere. Sane ita est; sed jam attendite, Domine; volui probare quod forma non esset cum materia com- principium rei materialis, si fieret ex materia, quia sic.

Quàm male sentiant Aristotelici de forma substantiali. 111
 esset effectus materiæ. An non ita est ? Id primum quod
 in re materiali attenditur, materia est : sed tum ex mate-
 ria fit forma, ut dicitis, quæ propterea non potest nisi ut
 quid secundum attendi : igitur forma non est primum rei
 materialis principium : sed cum addito secundum, si fas
 est ita loqui : atque ita non est principium absolutum, de
 quo agitur. Quis sciens lateres fieri ex terra & aqua & ig-
 ne diceret eos esse prima principia materialia domûs, &
 non potius diceret terram, aquam & ignem esse prima il-
 lius principia materialia ? Sed si tum aqua ex terra fieret,
 aut ex igne, quis aquam reputaret pro principio materiali,
 siue pro principio absoluto ? At sic est de forma, quæ si
 ex materia, ut ex principio fit, quomodò comprinci-
 pium absolutum esse potest cum illa, ex qua vere efficitur ?

Quid igitur retorquet Palancus ? retorquet quod nos-
 træ atomi, aut non fierent à Deo, quod sapit atheismum
 Epicuri ; aut non essent prima principia materialia ; quia
 fierent, scilicet à Deo. An id à Philosopho tantum non
 oscitante potuit retorqueri ? Quærantur hîc prima princi-
 pia materialia : tum convenitur prima illa esse, quæ ex
 aliis non fiunt : convenitur etiam formam fieri ex mate-
 ria ; hinc concludo formam non esse in rebus materiali-
 bus principium absolutum. Quid Palancus ? concludit a-
 tomos non esse principia similiter rerum materialium, quia
 fiunt à Deo : id concludere potuisset, si atomi nostræ ex
 aliis prioribus atomis fierent : quia sic non nostræ ; sed
 illæ ex quibus nostræ fierent, essent principia huiusmodi
 materialia. At quod à Deo fiant, id non interest ad notio-
 nem principii materialiis ? Agitur de principiis materiali-
 bus primis ; & Palancus dicit illa fuisse creata à Deo : an
 non propterea non sunt prima principia materialia ?

Adam à Deo est : an non propterea non est hominum
 primus ; Sed Cæin ab Adamo est, & hoc sufficit ut Cæin
 non sit principium humani generis. Si forma tam non

XXVIII.
 Non obstat
 notioni prin-
 cipii materi-
 alis esse à
 Deo.

XXIX.
 Quod ostendit
 dicitur variis
 exemplis.

ficeret ex materia, quàm materia non sit ex forma, in hoc casu admitterem materiam & formam pro comprincipiis, seu principiis coævis & æquè primis: sed quandiu audiam ab Aristotelicis formam à materia præcedi & de illa fieri, tamdiu denegabo illi notionem principii absoluti, & illam dabo soli materiæ, non obstante quòd materia sit à Deo: quia hîc de causa prima materiali agitur & non de causa prima efficiente. Quid jam tibi, Domine Philalethes, videtur de retorsione à Palanco facta?

PHILALETHES. Video, Domine Rocchi, Palancum à primis causis materialibus, de quibus agitur, transiisse ad causam primam efficientem, de qua non agitur.

ROCCHIUS. Et ideo vides illum nullatenus mei fregisse vim argumenti.

PAZZIUS. Sed saltem illam fregit, mi Rocchi, quando addidit *solum esse contra rationem principii, quòd in eo genere in quo est principium, ex altero fiat: secus verò quòd in altero genere fiat ex alio*. Unde rectissime concludit formam substantialem esse principium in genere causæ formalis, licet fiat ex materia, aut etiam à causa efficiente.

ROCCHIUS. Oh quàm distamus, mi bone Pazzi! Tu ais argumenti mei vim his verbis frangi; & ego aio illam his verbis multiplicari. Nam dum notionem principii respectu formæ ita limitat, ut dicat illam esse tantummodò principium in genere causæ formalis, quid dicit nisi formam illam non esse principium primum & absolutum in compositis materialibus? Quærentur prima principia rerum materialium: qualia sunt quæ profertis? assertis materiam pro primo, & formam pro secundo: suntne secunda principia, quæ hîc quærentur & non potius prima? Nos pro primis principiis assignamus atomos omnes; quia nulla earum sit de alia: sic formæ omnes vestræ assignari pro primis principiis materialibus possent, si non fierent

XXX.
Vix argu-
mentum per
responsionem
firmatur.

Quàm male sentiant Aristotelici de forma substantiali. 113
ficerent ex suis respective materiis.

Ubi est ergo jam , Domini mei , arrogantia , ubi est
futilitas argumenti à me propositi ? ubi est ratio excla-
mādi , sicut exclamat Palancus , *Est ne hac difficultas ,*
cui solvenda totum lyceum adhuc impar fuit ? Putavit ne
lectorem , qui sciret , accepturum pro idoneis solutioni-
bus contumelias illas ac derisorias exclamationes ? An tē
difficultatem illam risit quā solvit : solvenda prius erat
ac tum ridenda : sed nullis fuit excipienda conviciis. Scrip-
tores aliquando audacter loquuntur , ad id permoti clari-
tate ac evidentia rationum quas proferunt ; sed non ea-
propter cum arrogantia. Ecce ipse Palancus postquam sa-
tis fuse tractavit demonstrationem meam pro atomis à crea-
tione ductam & quam vocat *affectatam* , nonne ait ? *Se d*
directe contra tuas atomos late militavi (citat plura suae
Physicæ loca) *argumentis , quibus nullus haecenus ves-*
trum respondere ausus est : Si quid simile dixissem , cre-
deret à Palanco id arroganter dixisse : ego verò id laudo
& audaciæ nobili tribuo : & supra , si bene meministis ,
quando de materia prima egimus , tantum in hoc incubui ,
ut videretis me saltem unum esse , qui respondere au-
derem.

PHILALETHES. Non hac prima vice notavimus ,
Rocchi noster , tuam in scribendo modestiam ; & roga-
mus ut deinceps nullatenus attendas ad illas immeditatas
vehementias Adversarii tui , qui de cætero te novit &
amat. Quæritur hîc veritas & aliud nihil : quare redea-
mus ad institutum. Et quia tu , mi Rocchi , jam satis mul-
ta dixisti contra existentiam formæ substantialis , tuum jam
est , mi Pazzi , afferre quidquid pro illius existentia stabi-
lienda optimi ac demonstrativi habueris : ac tum in opi-
nionem quæ hinc aut inde venior & evidentior visa fue-
rit , inclinator.

P A Z Z I U S. Incipio ab una & altera interrogatione ,

P

XXXI.
Nulla
fuit in argu-
mento arro-
gantia.

XXXII.
Imponitur
probatio
formæ sub-
stantialis.

qua Palancus his verbis adornit suum Atomistam. *Et in primis à te rogo, an cum Epicuro & Cartesio ponas omnes atomos esse homogeneas, seu ejusdem rationis & species?* Atomista sic respondet. *Minime gentium: nam eas pono specie distinctas secundum specificam distinctionem elementorum.* Thomista sic instat. *At quomodo specie differre possunt, nisi constent ex materia ex se communi, & forma speciali, à qua propriam speciem sortiantur?* Ex quibus pauculis verbis construitur hæc ineluctabilis demonstratio contra vos, scilicet rigidos Atomistas qui ad discrimen ab Epicuro & Cartesio admittitis non homogeneas, ut illi, sed heterogeneas atomos vestras; id est, specie distinctas.

XXXIII.
Qualiter
Aristotelici
demonstrant
formam
substantia-
lem.

Itaque demonstratio hæc est. Res omnes, quæ pertinent ad diversam speciem, habent illam diversitatem specificam à materia & forma. Igitur vestræ atomi constant ex materia & forma. Cujus enthymematis propositio prior & in qua est tota difficultas, hinc certa & evidens est, quodd materia in rebus omnibus ex sua notione communis est: quare refugere opus est ad formam specialem, propter quam specificè distinguantur. Neque demonstratio hæc sola est. Pergam, mi Rocchi, ad alias, si hæc te non convincit.

ROCCHIUS. Imo, quia hæc me non convincit, nondum perge ad alias. Antè opus est, ut ego, si potero te convincam, quodd dum Physici requirunt species physicarum rerum physicarum, non debent constitutionem talium specierum referre ad sola nomina mere relativa, nihilque sonantia nisi conceptus mere metaphysicos; quibus equidem res omnes subsunt, sed ex quibus nullæ componuntur. Hujusmodi autem sunt nomina illa vestra *materia & forma*, quæ unice respondent notionibus illis vestris abstractis hinc subiecti perfectibilis, hinc actus perficientis: unde non aliter definitis materiam, quàm adducendo notionem puræ potentæ, sive subiecti pure

Quàm male sentiant Aristotelici de forma substantiali. 115
passivi; nec aliter formam, quàm per notionem actûs
simpliciter sive pure recepti, & simpliciter sive pure per-
ficientis. Et nihilominus creditis causam physicam attigisse
diversitatis specificæ rerum materialium, de quibus sermo
est, dicendo illas constare ex materia communi & forma
speciali.

Ego verò modum illum loquendi adverto & multis
contradictionibus laborare, & aliunde omnino inutilem
esse, atque omnino insufficientem ad exponendam in sen-
su reali seu physico diversitatem specificam rerum. Sed
parcite, Viri eruditi, si forsan non potero tot cogitata quæ
occurrunt arctare, quo equidem vellem, compendio; fa-
vete, oro, linguis, dum enitar tamen non esse nimius. At-
que in primis quidquid aiunt Aristotelici de materia com-
muni rerum naturalium materialium, si non omnino acci-
pitur in sensu præciso & abstracto, apertissime falsum est.
Etenim si ne vel unius atomi materia eadem est ac mate-
ria alterius, quomodo generatim res omnes ac singulæ
materiales non habent materiam plane diversam? Ubi
est igitur illa materia communis Aristotelica? id tamen
non impedit quominus materia rerum omnium materia-
lium communis sit, imo una sit, in sensu illo videlicet
præciso & abstracto, in quo non aliter consideratur quàm
sub respectu puræ potentiae, & subiecti pure passive se
habentis ad formas receptibiles aut recipiendas; sed tum
materia sic præcise & abstracte sumpta nullibi gentium
est extra mentem, quæ sic illam abstrahit & præscindit;
unde fit ut nec sit, nec esse possit pars physica ullius rei
materialis; atque ita nec concurrat, nec concurrere pos-
sit ad physicam specificam constitutionem illius.

Sed neque minùs falsum est quod aiunt de illa forma
speciali constituyente speciem rerum naturalium materia-
lium, dum putant materiam, quàm vocant *communem*,
posse ab illa recipere distinctionem specificam. Etenim

XXXIV.
Nullibi est
materia
communis
Aristotelica.

XXXV.
Nullibi est
forma, per
quam aiunt
materiam
specificari.

non magis potest distingui specificè materia per formam, quàm forma per materiam; si quidem ut forma nihil de suo esse formali habere potest à materia, ita nihil de suo esse materiali habere materia potest à forma: habent materia & forma seorsim naturam suam, ideoque speciem suam, si verum est illas esse duo entia realia, ut Aristotelicis placet. Supponamus igitur materiam & formam esse duo entia realia, ideoque realiter distincta: supponamus illa intime unita, supponamus illa (quamquam id entibus materialibus non conveniat) penetrata: quid inde? Hoc constat, res omnes sic ab invicem differre, considerato statu ipsarum physico, ut nihil unius sit aliquid alterius: hinc nulla res potest per alteram, vel etiam similem, esse id quod est in se ipsa: uti non potest ignis esse ignis per aërem, & aër esse aër non potest per ignem, &c.

XXXVI.
Nullum
ent. specificum
cari potest
per aliud.

Unde concludo quòd si materia & forma sunt entia tam realia, tam realiter distincta quàm ignis & aër, nihil discriminis sui specificì ab invicem mutantur. De cætero formæ illæ licet sint speciales, ut aiunt, non capiuntur omnes in uno conceptu formæ, sicut omnes materiæ, licet sint per se ac in se speciales, ut contendimus, conveniunt in uno conceptu, præciso scilicet & abstracto, materiæ: atque ita perinde omnes formæ, omnes materiæ & erunt communes & erunt speciales: communes quidem, quatenus omnibus idem conceptus communis est: speciales verò, quatenus nihil reale haberent omnes ac singulæ, quod ad alias pertineret.

P A Z Z I U S. Condonabistamen, ut confido, mi Rocchi, brevem hanc interlocutionem homini non ferenti tenebras illas, quibus Aristorelismi nostri splendorem offundis. Nos clare dicimus varietatem rerum specificam à materia non esse, quia in omnibus est eadem; sed esse à forma, quæ in omnibus non est eadem: quid clarius?

Quam male sentiant Aristotelici de forma substantiali. 177
Tu verò de materia uti de forma dicis esse tum similiter eandem, tum similiter diversam; quod est confundere duo illa tum distincta principia.

ROCCHIUS. Ne conqueratis, mi Pazzi; mei ex adverso propositi est afferre lucem aliquam tenebris vestris, hinc exortis, quòd propter hæc duo nomina, *materia* & *forma* absque alia superaddita ratione vultis materiam & formam esse duo entia realia, & ab invicem realiter diversa; & de cætero non attenditis quòd cum non sint nisi nomina relativa, possunt uni & eidem rei per respectum duplicem convenire. Id ut probem, volo tibi ostendere qualiter materia & forma sint pariter in ente, quod vocatis *materiam*: & pariter in ente, quod vocatis *formam*. Etenim illud ens, quod vocatis *materiam*, non est ens in communi; item non est ens spirituale: igitur est ens materiale: atque ita fit materiale per aliquid, per quod & ab ente in communi & ab ente spirituali distinguitur. Rursus illud ens quod vocatis *materiam*, non est individualiter unum in rebus omnibus, sed individualiter multiplex pro multitudine rerum materialium, & partium quas habent: unde fit ut illa singula entia distinguantur ab invicem per aliquid: illud verò est forma quædam individuans. Sed insuper sicut necesse non est entia spiritualia titulo spiritualitatis esse speciei unius, ita neque id in entibus materialibus necesse est titulo materialitati; quapropter illa prædicta entia materialia individualiter distincta, possunt, vel saltem aliqua ex illis, esse specificè distincta, idque per formam specificantem, quam aliæ multæ ab ipsa dependentes comitabuntur.

Hinc vide, mi Pazzi, quot formæ in materia sunt, antequam de illa prodeat, sive fiat, illud ens alterum, quod vocatis *formam*. Atqui tam multiplex est materia in isto ente altero quod vocatis *formam*, & quod ponitis pro comprincipio rerum naturalium materialium. Etenim om-

XXXVII.
Nomina
materia &
forma sunt
relativa.

XXXVIII.
Qualiter
sunt multæ
materialitates
& formalitates.

nes formæ saltem in hoc quodd sunt formæ conveniunt omnes : id autem in quo conveniunt, materia est susceptiva discriminis, quod aliunde recipiunt. Tum omnes quidem individualiter sunt distinctæ ; sed non omnes sunt speciei diversæ : ac proinde in illis est aliquid quod recipit minus discriminis , & in aliis aliquid quod recipit magis discriminis : & in hoc materia non est eadem , sed diversa. Nisi quodd insuper id quod recipitur ad distinguendum id quod recipit , etiam recipit alias formas accidentales ad ipsum consequentes : & ita receptum evadit recipiens , sicque subit notionem materiæ recipientis : hoc est, evadit materia ; juxta quod dicitis, mi Pazzi , materiam & formam distingui penes notionem recipientis & recepti, perfectibilis & perfectivi , potentialis & actuantis , &c.

P A Z Z I U S. Nunquam audiui tot præcisiones , mi Rocchi, neque ut suspicor tam superfluas ad rem , de qua est præsens sermo.

XXXIX.
Qualiter
discutitur de-
beat de spe-
ciebus rerû
spiritualium

R O C C H I U S. Adhuc tria verba , mi bone Pazzi , & rem conclusi. Venio ad Angelos , quos alii quidem vestrum omnes , alii non omnes affirmant esse speciei diversæ : ad hujus autem specificæ diversitatis expositionem an pariter refugietis ad materiam communem & formam specialem ? sicne confundere species rerum materialium cum rerum spiritualium speciebus audebitis ?

P A Z Z I U S. Nostrum neminem audiui , qui crassum in hunc modum diceret speciem angelicam componi ex materia & forma.

R O C C H I U S. Quid ergo dicitis ?

P A Z Z I U S. Dicimus de specie angelica id , quod generatim affirmant Logici de omni specie, videlicet eam componi ex genere & differentia ; scilicet ex genere communi & differentia particulari. Atque hinc sistimus nihil ultra quærentes.

XL.
Recur-

R O C C H I U S. Ego verò contendo , mi Pazzi, Phi-

solophum non debere hic sistere, sed ultra disquirere quid sit genus illud commune, quid sit illa differentia particularis; quid sint, aio, non in sensu solum abstracto, in quo satis paret verificari quod dicitis, sed etiam in sensu concreto sive physico, seu reali, in quo æque patet compositionem specificam nullam ex illis fieri, & de quo tantum hinc agitur. Sed tum quid agis, quando jam ais speciem angelicam componi ex genere communi & differentia particulari? Quid nisi mutas verba, sed quæ in eundem sensum coincidunt? Nonne illud genus angelicum est quid commune, potentiale, subjectivum, perfectibile per varias actualitates, sive perfectiones formales, & ideo materiale in sensu, quo materia vestra non est nisi pura quædam potentia, & subjectum mere passivum atque indifferens ad omnes formas? Rursus nonne illa differentia particularis angelica est aliquid actuans, perficiens, informans, ac proinde est aliquid formale, sive aliqua forma?

Quo pacto si attenditur ad notiones materiæ vestræ, & formæ vestræ, perinde affirmandum erit Angelos in speciebus suis constitui per materiam communem & formam specialem; sed neque negare soletis omne, quod in Angelis potentiale, perfectibile, passivum ac subjectivum est, id pro materia esse, sicut ex adverso quidquid in illis est actuans ac perficiens, id esse pro forma. Quæ autem hæc est perversitas Philosophiæ admittentis in rebus spiritualibus perinde ac in materialibus materiam & formam? An eadem omnium est compositio? an eadem est, mihi Pazzi, materia Cælorum & Angelorum?

P A Z Z I U S. Quomodo eadem est, si plane in Angelis nulla est, nisi secundum notionem illam abstractam & mere objectivam entis potentialis & perfectibilis? qualiter & forma in illis est juxta notionem aliam pariter abstractam & objectivam entis actuantis & perficientis. Sed quòd tandem tendunt hæc tua interrogata? Ego sane non video.

runt implicite Aristotelici ad materiam & formam.

XLI.
Et hoc est omnino incongruum.

XLII.
Qualiter
processum
fuerit ad
rejectionem
materiæ &
formæ.

PHI LA LE THES. Et ego valde miror, amice Pazzi, quòd id non videas. Agitur inter vos de forma substantiali, quam demonstrare voluisti ad hominem ex diversitate specifica, quam Rocchius in atomis suis admittit; aiebas nempe illas non fore speciei diversæ, nisi constarent ex materia communi & forma substantiali. Hic verò postquam fuse ostendit falsum in sensu physico esse quidquid Aristotelici affirmant de materia illa communi, neque minùs pro falso reputari debere quod contendunt materiam illam communem specificari per formam specialem quæ illi advenit: postquam hinc intulit materiam illam & formam vestram non esse nisi duo nomina relativa, quæ proinde uni & eidem rei sub diverso respectu acceptæ adaptari possunt, tentavit id probare ab exemplo specificæ diversitatis, quæ in Angelis est, nec esse tamen potest à materia illa communi, & forma speciali, unde, ut dicitis, entia materialia suas species sortiuntur. Et tu jam concessisti non equidem esse in Angelis materias & formas istius modi crasse acceptas, licet in illis sit tum aliquid potentiale, quod pro materiali potest accipi, tum aliquid perfectivum, quod accipi potest pro formali: quare affirmasti materiam & formam non esse in illis, nisi secundùm notionem abstractam & objectivam entis hinc potentialis & perfectibilis, illinc actuantis & perficientis. An adhuc non capis, mi Pazzi, quid tandem Rocchius à te responderi voluerit?

XLIII.
Species
atomorum
non eget ma-
teria & for-
ma, ut in
Angelis.

P A Z Z I U S. Nòndum capio, Domine Philalethes. Respondi tandem à te voluit hoc ipsum quod respondisti: videlicet illud generis & differentiæ, sive illud materiæ & formæ, quòd qualitercunque intelligitur constituere speciem angelicam, non esse duo entia realia, seu realiter distincta; sed tantummodò duos varios respectus metaphysicos, qui constituunt speciem metaphysicam, sive quod idem est, speciem accep-
tana

Quàm male sentiant Aristotelici de forma substantiali. 121
 tam in solo sensu metaphysico, abstracto & objectivo, de
 quo non agitur. Hinc autem aut fallor, aut inferre voluit
 quòd sicut Angeli sunt sua in specie physica independen-
 ter à materia & forma distinctis, ita independenter ab iis-
 dem atomi suam speciem habent: ita quòd ut illis ad suam
 speciem sufficit esse id quod sunt, sic idem sufficit atomis,
 ac proinde utrisque conveniunt suæ physicae species respec-
 tive sine ulla compositione reali, & eapropter sine sub-
 sidio illius formæ substantialis, quam stabilire decreveras
 per hoc ipsum, quod Rocchius aiebat de specifica diver-
 sitate atomorum suarum.

ROCCHIUS. In meam omnino mentem introisti,
 optime Philalethes: nihil aliud à Pazzio nostro respon-
 deri, nihil aliud ex responsis illius inferre volui: quare
 tantum superest, viri eruditi, ut ad profundiorè meæ
 mentis apertionem dicam nihil minus philosophicum co-
 gitari posse, quàm quod vulgò apud Aristotelicos creditur
 speciem unius rei pendere ab adventu & consortio alte-
 rius, ita quòd una res possit intra suam speciem poni, &
 intra eandem perfici ab alia. Nam quid est species physica
 cujuscunque rei, nisi natura illius, ac proinde nisi totum il-
 lud, quod res illa est ex titulo suæ productionis? Quare
 gratis omnino fingitur rem illam esse id quod est propter
 aliam, quæ illi advenit, aut illi utcunque jungitur: ut
 una res evadere non potest alia, ita per aliam intrinsece
 mutari non potest: quia verò nihil magis est intrinsecum
 rei, quàm species seu natura rei, eapropter non sunt co-
 gitabilia duo entia realia, à quorum uno alterius natura
 pendeat. Hinc, ut aiebam, philosophicum nullatenus est
 quod vulgò jactatur de forma illa substantiali materiam in-
 trinsece perficiente, & illi dante speciem suam, id est, na-
 turam.

Equidem si materia & forma essent duo entia realia,
 essent duæ species rerum, ex quibus conjunctis una quæ-

XLIV.
 Species uni-
 us rei non
 potest pen-
 dere ab alia
 re.

XLV.
 Materia &
 forma, si quæ
 essent, essent

Q

dux species
rerum.

dam totalis species resullaret; sed non idcirco illæ species sese mutarent invicem: & sic quidem accidit in omnibus mixtis, sive compositis, in quibus singula componentia manent quod erant, licet novum mixtum, sive compositum efficiant. At quando quæritur species alicujus rei simplicis, sive spiritualis ut est Angelus, sive materialis ut est atomus, jam non est recurrere ad partes componentes, à quibus suam speciem habeat. Et in hunc modum atomus ad hoc ut sit id quod est in hac vel illa specie physica materiali, minime opus habet forma ulla substantiali Aristotelica, etsi tale genus entis per hypothesein non admittendam esset in usu naturæ ad constituendas species physicas rerum compositarum, sive permixtarum.

XLVI.

Quidquid
non est res
ipsa extra-
neum est ad
illam.

PHILALETHES. Rescindo cum tua bona venia filium sermionis, quem superflue de re ista protraheres, mi Rocchi: satis quippe jam intelligo rei cujuslibet naturam plane totam esse intraneam, nec aliud esse præter rem ipsam; quare nihil extraneum potest esse aut evadere natura cujusvis rei assignabilis. Et hinc accipiendo speciem pro natura, clarum est species atomorum esse independentes ab omnibus adventitiis intelligibilibus formis substantialibus, etiamsi essent id genus formæ in compositis naturalibus admittendæ propter alias rationes adhuc intactas, & à te jam, Domine Pazzi, si quæ in promptu fuerint, audiendas. Ino, ut memini, eras jam paulò antè in proximo ut alias proferres, nisi ejus, quam proposueras veluti primam, privatum examen Rocchius proposuisset, quale audivimus.

PAZZIUS. Eram certe in proximo ut alias & quidem multas proferrem uno narrationis tenore; sed eas fere omnes prævenit Rocchius suâ illâ prolixissimâ responsione ad primam: quapropter eas tacebo; sed istam firmabo autoritate, quæ una totum Atomismum prostrat.

ROCCHIUS. Quæ igitur hæc est tam gravis auctoritas, mi Pazzi?

Quam male sentiant Aristotelici de forma substantiali. 123

P A Z Z I U S. Hæc est, mi Rocchi, autoritas Concilii Viennensis sub Clemente V. relata à Palanco in dialogo 42. contra Cartesium, sed quæ Maignanum & ejus sequaces æque premit ac perimit. Itaque ibi definitur *Unigenitum Dei filium partes nostra natura simul unitas, humanum videlicet corpus passibile & animam intellectualem seu rationalem corpus vere & per se & essentialiter informantem assumpsisse ex tempore.* Quibus verbis patet animam rationalem esse vere ac per se, & essentialiter formam corporis: sed quia reputari potuisset hæc verba non continere nisi opinionem philosophicam, cui contradicere liceret, Concilium declarat his verbis sequentibus informationem illam, de qua loquitur, non esse rem opinionis, sed fidei.

XLVII.
Opponitur
authoritas
Concilij
Viennensis.

Porro, inquit, *doctrinam omnem, seu positionem temere asserentem, quod substantia anima rationalis aut intellectiva vere & per se humani corporis non sit forma, velut erroneam ac veritati catholica fidei inimicam sacro approbante Concilio reprobamus definientes, ut si quisquam deinceps asserere, defendere, seu tenere pertinaciter præsumpserit, quod anima rationalis seu intellectiva non sit forma corporis humani per se & essentialiter, tanquam hæreticus sit censendus.* Audi præterea, mi Pazzi, hanc decisionem confirmatam deinceps fuisse in Concilio Lateranensi sub Leone X. ubi statuitur animam rationalem non solum vere, per se & essentialiter esse formam corporis humani, sed esse immortalem & multiplicabilem pro multitudine singulorum individuorum.

XLVIII.
Additur
hanc veritatem
pertinere
ad fidem.

R O C C H I U S. Nemo est, mi Pazzi, qui ab his tam gravibus autoritatibus possit declinare; sed quid, si placeat, inferis ex illis ad rem præsentem?

P A Z Z I U S. Infero quod inferendum est, scilicet esse in omnibus compositis naturalibus formas substantiales id ipsum præstantes in suis respective compositis, quod anima rationalis præstat in corpore humano, quantum ad id

XLIX.
Opponitur
idè esse dicendum
de omnibus formis

Q ij

quod est informare illa , ut apta sunt informari.

ROCCHIUS. Noveram id à te inferendum esse , mi Pazzi ; sed non noveram rationem id inferendi : hanc rogabam.

P A Z Z I U S. Hanc accipe. Tunc temporis erant Philosophi asserentes animam rationalem non esse penetrative in toto corpore ; sed assidere tantum & perstare in una quadam parte illius , unde totam corporis machinam regeret atque ad arbitrium moveret , sicut Magister navis vertit , convertit , dirigit , avertitque illam , ut vult , è puppi , ubi clavum tenet. Hæc opinio tribuebatur Platoni , non aliter animam humanam in humano corpore admittenti , quam ut motorem in mobili : quare , Palanco *Dial. 43.* sic loquente , *Omnes censent Platonem negasse animam esse vere & per se formam corporis , quia ponebat eam esse in corpore , tanquam motorem in mobili.* Quia igitur displicebat Concilio talis opinio de anima nec penetrante , nec informante totum corpus , unde sequebatur animam non esse vere & per se formam corporis ; idcirco declaravit hæreticos deinceps fore censendos id genus Philosophos , qui negarent animam rationalem esse vere , per se , & essentialiter formam corporis : & hæc equidem declaratio ferit aperte Atomistas , quorum plerique censent animam rationalem non esse toto corpore diffusam , sed tantum residere in glandula quadam pineali , ubi sensationes & cogitationes suas omnes exercet : nunquid enim hinc sequitur animam non esse vere , proprie & essentialiter formam corporis ?

L.
Non valet
transitus ab
anima ra-
tionali ad
alias formas.

ROCCHIUS. An id sequatur nec ne , nondum disquiritur ; sed neque id interest ad supradictæ illationis rationem à te rogatam : videris , salvâ pace , mi Pazzi , nolle respondere directè. Redeamus itaque ad caput. Ecce juxta præmissam decisionem Conciliarem , Anima rationalis est vere , per se , & essentialiter forma corporis : tu

Quàm male sentiant Aristotelici de forma substantiali. 125
hinc sic infero. Igitur in omni composito naturali est aliqua forma substantialis vere, per se & essentialiter informans illud. Ego verò nego hanc consequentiam & quæro à te rationem, qua moveris ad id inferendum.

P A Z Z I U S. Ratio qua moveor ad id inferendum ; est quia videtur omnino similiter discurrendum esse de cæteris omnibus compositis naturalibus , uti de composito humano , in ordine ad formam per quam actuantur, cum hoc tamen salvo discrimine , quod forma compositi humani spiritualis est , formæ autem cæterorum compositorum materiales sunt.

R O C C H I U S. Sed nunquid advertis, ni Pazzi, quòd dum ais discurrendum esse de omnibus compositis naturalibus, uti de composito humano *in ordine ad formam per quam actuantur*, supponis hanc formam, de qua est quæstio. Equidem si forma quædam est in illis, hæc utique erit & vere, & per se, & essentialiter forma illorum ; sed nunquid probanda est , antequam de illa id statuatur ? Quare difficultas redit : & jam tertio rogo à te rationem inferendi vestras formas materiales in suis respective compositis ex illa forma spirituali , quam Concilium definivit esse vere, per se, & essentialiter formam corporis humani. Ubi est ratio illa jam tertio rogata , mi Pazzi ?

P A Z Z I U S. Ratio hæc tam aperta est , ut inter nos non quærat : imo è nostris plerique putant, quòd quando Concilium Viennense definivit animam rationalem esse vere, per se & essentialiter formam corporis humani , id de illa definivit ita censendum ab exemplo formarum materialium , quæ ideo sunt vere , per se & essentialiter formæ suorum respective corporum , quia illa tota pervadunt & tota intime actuant, sive penetrant. Unde ad abrogandam opinionem Philosophorum , qui asserbant animam rationalem non esse toto corpore diffusam , aut in eo non esse nisi ut est motor in mobili , definiit illam

17.
Adversarij
petunt prius
cipium in
hoc discerni.

esse vere, per se, & essentialiter formam corporis humani; eo fine ut intelligeretur eam totum corpus inhabitare, & illud per penetrationem intimam actuare; ob id videlicet quòd nisi hoc modo plane penetrativo inhabitaret illud & actuator, non esset vere, per se & essentialiter illius forma.

LII.
Nihil
censeri po-
test defini-
tum pro for-
mis substan-
tialibus.

ROCCHIUS. Bene est, mi bone Pazzi, jamque intelligo æquum esse ut ratio quæ inter vos non quæritur, aut à me non quærat, aut non communicetur quærenti; quamquam hinc valde suspicor aut nullam esse, aut adeò levem esse, ut erubescas afferre. Quid igitur, optime Philalethes, agendum in ista controversia est? Quid propugnabo, quid impugnabo si placet?

PHILALETHES. Quid conquereris, mi Rocchi? Obtinuisti jam à Pazzino nostro pro ratione quam quæris optionem inferendi tu ipse vel sic, Anima rationalis est vere, per se & essentialiter forma corporis humani: ergo dantur in omnibus compositis naturalibus formæ materiales, quæ sunt vere, per se & essentialiter formæ suorum corporum respective. Vel sic, Dantur in omnibus compositis naturalibus formæ materiales, quæ sunt vere, per se & essentialiter formæ suorum respective corporum: ergo anima rationalis est vere, per se & essentialiter forma corporis humani. Tuum est aut hoc aut illud inferre, quod est perinde Pazzino ad rem suam, aut ostendere neutrum posse inferri: sicque nihil ex definitione præmissa Concilii Viennensis probari quod favere possit formis substantialibus materialibus Aristotelicis, de quibus agitur. Ad hoc, si bene videtur, rota difficultas præsens redigitur.

LIII.
Concilium
non patrocini-
atur formis
substantiali-
bus.

ROCCHIUS. Ad hoc certe redigitur: & proinde mihi assumitur ostendendum definitionem illam conciliarem de anima rationali vere, per se & essentialiter forma corporis nostri adversari longe magis, quam patrocinari formis substantialibus materialibus Aristotelicis; ita

Quàm male sentiant Aristotelici de forma substantiali. 127
quodd sic potius inferri debeat. Anima rationalis est vere
per se & essentialiter forma corporis nostri : ergo nullæ
sunt in suis respective compositis naturalibus formæ mate-
riales, quæ sint vere, per se, & essentialiter formæ illorum.
Cujus consequentiæ rationem, etsi non rogatus, statim
reddo ; quatenus hinc præsertim anima rationalis est vere,
per se & essentialiter forma nostri corporis, quodd illud
totum pervadat & actuet penetrative : & hoc quidem illi
convenit ob id quodd spiritalis sit : hinc autem sequitur
nullas formas materiales, si quæ sint, posse vere, per se &
essentialiter esse formas suorum corporum, ob id unum
quodd sint materiales & ideo ad eorum penetrationem tam
activam, quàm passivam ineptæ.

Sed tum ratio universalior & urgentior, ob quam nec
formæ substantiales materiales Aristotelicæ potuerunt esse
in causa præmissæ definitionis de anima rationali ; nec po-
test hæc de finitio in causa esse admittendi formas hujusmo-
di substantiales, hæc est : quia si Patres Sacri Concilii Vien-
nensis definitionem de anima rationali non stabiliissent,
nisi in præconcepta opinione philosophica de cæteris for-
mis substantialibus materialibus, definitio illa non supe-
raret certitudinem istius philosophicæ opinionis ; neque
enim potest propositio quæ infertur, esse certior illa unde
infertur : sicque non esset de fide id, quod conciliariter
fuit definitum de anima rationali ; quod nemo dixerit. Si
verò propter id quod definitum de anima rationali fuit in
tali Concilio, admittendæ sunt formæ cæteræ substantia-
les materiales, hæc admissio attingeret certitudinem il-
lius definitionis conciliaris : etenim propositio quæ sequi-
tur ex alia, si vere sequitur ex illa, æque certa est ac illa ;
sicque de fide pariter esset dari hujusmodi formas substan-
tiales : quod etiam nemo dixerit.

P A Z Z I U S. Cur, si placet, mi Rochei, nemo id
dixerit ?

LIV.
nihil hæc de
re fuit in
Concilio de-
finiuntur.

LV.
Inter animā
& formas
ceteras non
est propor-
tio.

ROCCHIUS. Nemo id dixerit, mi Pazzi, quia temere diceretur. Ecce de anima rationali scitur quod sit ens creatum à Deo, spirituale, activum, & exinde actuosum & aptum ad informationem penetrativam humani corporis: de formis autem substantialibus materialibus nescitur an sint, & adhuc minùs à quo, & ex quo sint; hoc tantum scitur quod si quæ sunt, materiales sunt, & ideo actuosæ non sunt, ac proinde ineptæ sunt ad omnem informationem penetrativam: quomodo igitur esse de fide potest circa istas id, quod circa illam fides affirmat in ordine ad notionem veræ, propriæ & essentialis informationis.

LVI.
Non est con-
nexio inter
Philosophiam
& fidem.

PHILALETHES. Non est, Domini mei, cur hac in re diutius hæreatis: non est ad fidem pro his jurgiis philosophicis recurrendum. Equidem fieri potest, ut quando Sancti Præfules in Concilium adunati statuunt aliquod dogma fidei, attendant ad opiniones philosophicas, quibus sunt imbuti; sed nihilominus non propter illas quidquam definiunt; quia non propter illas Spiritus sanctus illis suggerit quid debeant definire. Similiter desiderant quidem ut Philosophi de suis rebus discurrant quantum fieri potest cohærenter ad statuta fidei dogmata: qualiter & ipsi cohærenter ad ipsa philosophantur; sed non propterea confundunt opiniones suas philosophicas cum decisionibus fidei: uti neque volunt cum istis confundi opiniones philosophicas aliorum. Itaque de fide est animam rationalem esse vere per se & essentialiter formam corporis nostri; sed quod hæc decisio facta sit propter opiniones, quæ tunc vigeant apud Aristotelicos de forma substantiali; aut quod propter illam standum sit in opinionibus, quæ de ista forma substantiali adhuc vigent apud illos, hoc non est de fide: hoc disputationi relictum est.

ROCCHIUS. Ita sit, ut ait Dominus Philalethes, mi Pazzi, & hodiernam litem conclusimus.

P A Z Z I U S.

Quàm male sentiant Aristotelici de forma substantiali. 129

PAZZIUS. Quomodo illam conclusimus, mi Rocchi, si necdum scitur in quo sensu accipias decisionem conciliarem, de qua sermo est: si enim in legitimo, seu in Aristotelico sensu illam acciperes, placeret tibi quidquid de forma substantiali generatim ac particulatim docetur in scholis nostris.

LVII.
Supereſt ut
ſeratur ſen-
ſus Concilii.

PHILALETHES. Sed, ut vides, mi Pazzi, jam multò antè debuisti finem imponere hodiernæ concertationi, quæ ad fere unam ultra solitas horam protracta est. Quare in crastinum differatur loqui de sensu quem rogas; de cætero, si per diei amœnitatem id liceat, ibimus in cultissimos atque amplissimos hortos hominis Mathematici, capitis me? Saluremus igitur, mi Pazzi, hospitem nostrum Rocchium & abeamus.

ROCCHIUS. Valete, Domini mei, & hospes & hospitium vestra sunt.





DIALOGUS QUINTUS.

QUAM BENE SENTIANT
Atomista de forma substantiali.

PERSONÆ COLLOQUENTES.

PAZZIUS, ROCCHIUS, PHILALETES.

I.
Hic agitabi-
tur sensus
præmissi
Concilii
Viennensis.

PAZZIUS. Fefellit me spes mea, Domine Rocchi, reputabam id me diligentiae meae debitum, ut te in his hortis præcederem : & me, ut video, præcessisti. Hac prima vice in illos veni ; sed quale, si placet, genus hortorum est istud, ubi hortum minus quam villam & vineas & agros video : rura in urbe video : nihil simile conjicere potui de horto intra urbis moenia comprehenso.

Pl. l. 19. c. 4.

ROCCHIUS. Veteres, mi Pazzi, Plinio testante, pares in ipsa urbe delicias, agros villasque, hortorum nomine possidebant. Sed è Veteribus illis primus qui hoc instituit, homo est quem odisti : & propter quem, si novisses, fortè renuisses huc convenire.

PAZZIUS. Veterum neminem odi, sed nec quemquam hominum hac ætate viventium ; tum quomodo odi hominem, quem non novi ? Ænigma loqueris, mi Rocchi. Ille, quisquis est, qui primus rura in urbes transtulit, rectius equidem egisset, si ruri coluisset agros, & in urbe domos ædificasset ; vanitatis aut voluptatis notam effugisset : illum non laudo, sed illum non odi ; & ludis cum ais quòd huc propter illum non convenissem. Solve tuum illud ænigma : Oedipus non sum.

Quàm bene sentiant Atomista de forma substantiali. 131

ROCCHIUS. Non solvam, sed solver Plinius ita loquens. *Primus hoc instituit Athenis Epicurus otii magister. Usque ad eum moris non fuerat in oppidis habitari rura.* Ille, inquam, Epicurus atomorum patronus, quem si non odisti, saltem non amas.

PAZZIUS. Capio te, mi Rocchi; sed num ego bene conjeci hoc institutum habitandi rura in oppidis, opus fuisse indolis in vanitatem, aut in voluptatem propensæ? Neque hac de re proludentur plura: magis nostrâ interest quod habeo narrare tibi, Dominum Philalethem forsan huc non conventurum, uti decreverat: quod mihi per literas hoc summo mane significavit: enisurum tamen pro virili ut conveniret, mox subjungebat. Interim ergo dum illum expectabimus dic, si placer, quid in ambulacris istis, sub quercubus istis animo volveris magis opportunum pro sensu Catholico, in quo ut à nobis, sic à vobis oportet accipi dogma illud Catholicum Concilii Viennensis definientis animam rationalem esse vere, per se & essentialiter formam corporis humani. Tum si dignaberis, hinc venies ad sensum, in quo Atomistæ accipiunt quidquid generatim loquuntur de omni forma substantiali: nam, quod sæpe notavi, sermo equidem vester in multis nobiscum communis est; sed sensus in quo illum accipitis, communis non est: quem de cætero resciri opus est, ut judicetur quinam illi sint, an Aristotelici, an Atomistæ qui de rebus hisce disputatis meliùs sentiant.

ROCCHIUS. Bene est, mi Pazzi: quare si annuis, ad hujus ambulacri caput sedeamus, unde Philalethem, si fortè à suis curis liber esse poterit, venientem adverteamus. Jam ingenue dicam nihil me ad rem præsentem animo voluisse, quod non me rapuerit in admirationem audaciæ; qua vos Aristotelici præsumitis nihil nisi ad sensum vestrum, id est, ad sensum Aristotelis, definitum in Conciliis fuisse; unde sequeretur non minùs ad fidem

II.
Opponitur
Atomistas
loqui, sed
non sentire
ut cæteros,

III.
Nihil in
Conciliis
definitur ad
sensum hujus
aut illius
Philosophi.

pertinere sensum illum vestrum philosophicum dogmatis definiti, quàm dogma ipsum. Quis parem ferre audaciam patienter potest?

Dial. 43.
n. 353.

P A Z Z I U S. Ferenda tamen est, si ratio illam suadet, ut revera suadet. Audi Palancum affirmantem quod *tempore præfatorum Conciliorum*, (loquitur de Viennensi & Lateranensi supra dictis) *in tota Ecclesia & in cunctis ejus Universitatibus nomen forma accipiebatur in sensu Aristotelis, seu Peripateticorum, nempe pro actu primo materia, ex quo cum illa sit unum primum & per se & non secundum accidens. Addit, Nec alia exceptio forma substantialis audita est in Academiis Catholicis, tum nec in Ethnicis... usque dum Cartesiani orti fuere.*

IV.
Opponitur
contradice-
tes hac in re
Aristotelis
contradicere
fidei.

Hinc autem tum certissime, tum evidentissime conclu-
dit in hunc modum, Ergo qui asserant animam intellecti-
vam non esse formam corporis humani in sensu Aristotelis,
seu Peripateticorum, qui solus vivebat in Ecclesia tempore
præfatorum Conciliorum, aperte contradicunt eorum defini-
tionibus, quibus pro fidei dogmate tenendum asserunt ani-
mam rationalem esse vere, proprie & per se & essentialiter
formam humani corporis, eo nempe sensu, quo tum in Ec-
clesia accipiebatur forma. Qui totus discursus eo tendit, ut
statuatur nihil in Conciliis præfatis definitum fuisse, nisi
in sensu, in quo Patres Conciliares id definiebant: id au-
tem definiebant in sensu Philosophi quem sequebantur,
id est, in sensu Aristotelis, & qui propter illos erat sensus
Ecclesiæ. Quis autem neget Atomistas cogi ad accipien-
das in sensu Ecclesiæ definitiones Ecclesiæ; ac proinde
in sensu Aristotelico, qui cum Ecclesiæ sensu comperit-
tur unus atque idem?

V.
Definitio-
nes Conci-
liorum sunt
ad sensum
Spiritus san-
cti.

R O C C H I U S. Scriptum est, mi Pazzi. *Cavete au-
tem ab hominibus; Tradent enim vos..... cum autem
tradent vos, nolite cogitare quomodo aut quid loquamini:
dabitur enim vobis in illa hora quid loquamini. Non enim*

Quàm bene sentiant Atomista de forma substantiali. 133
vos estis qui loquimini: sed spiritus Patris vestri, qui loquitur
in vobis. Atque id quidem scriptum est pro casu tuendæ fi-
 dei, quantò magis pro casu illius stabiliendæ: sic ne putas
 sacros Præsules, qui Concilio interfunt, querere apud
 Aristotelem quid loquantur, vel etiam Aristotelem esse,
 qui loquitur in illis? Erras: non sunt ipsi qui loquuntur:
 datur illis quid loquantur; in illis loquitur Spiritus Patris
 nostri; spiritus æternæ veritatis, spiritus immensi luminis.
 Quare licet Præsules; qui præfatis Conciliis aderant,
 Aristotelici fuissent, quos è contra verisimilius est Plato-
 nicos fuisse, ut olim agens pro Gennaro convictus es: quid
 inde? An aliquid definire potuerunt aliter quàm in sensu
 Spiritûs, qui in illis non loquentibus loquebatur? Sed tum
 an iste sensus, quem esse verum & infallibilem nemo du-
 bitat, sit Aristotelicus, aut Platonius, sive Atomisticus,
 id nobis relinquatur disquirendum. Nisi etiam quòd sen-
 sus Aristotelis non idem apud omnes Aristotelicos est,
 sed valde varius atque multiplex; unde quavis res que
 definitur, habenda esset pro definita in sensu Aristotelis,
 adhuc de illo contenderetur.

Sed quod imprimis notandum est, ecce non pertinuit
 ad præfata Concilia definire animam rationalem esse ve-
 re, per se & essentialiter formam humani corporis, acci-
 piendo formam in sensu Aristotelico; quia hic sensus ad
 philosophicam disquisitionem omnino attinet: tu vero
 audes cum Palanco id definire; tu jubes ut eadem no-
 men formæ hic accipi, sicut accipis; & rursus credam te
 accipere in sensu, quo illi Præsules acceperunt, & illos
 Præsules accepisse illud in sensu, quo accepit olim Ari-
 stoteles: nimia sunt, nimisque incredibilia, quæ propois
 credenda. Rem definitam credo; sensum in quo ais esse
 definitam non credo: ais Aristotelicum esse; dic & pro-
 ba infallibilem esse: alijs enim esse non potest materia
 diuinæ fidei; sed neque humanæ fidei, apud Sapientes;

VI.
 Sensus
 Philosophi-
 cus spectat
 ad decisio-
 nem philo-
 sophicam.

quibus ubi de rebus mere philosophicis agitur, non sufficit ad credendum autoritas, quæ non est ratione munita. Habemus hîc Dominum Philalethem, mi Pazzi; eamus obviam.

P A Z Z I U S. Sed recordare, si placet, non respondisse te ad id quod aiebam sensum, in quo Patres Concilij aliquid definiunt, evadere sensum Ecclesiæ per eos repræsentatæ: quare tum ab illo sensu tam resilire nemo potest, quàm à dogmate definito.

VII.
Sensus
dogmatis
non est re-
velatus ut
dogma ip-
sum.

R O C C H I U S. Si tamen bene attendisti, bene respondi verba Concilij verba esse Spiritus sancti, qui utique dum Patrum mentes illustrat seu potius dicitur quidquid definiunt ad fidem spectans, nec Aristotelem sequitur, nec Platonem, licet, quod humanum est, Patres Aristotelem aut Platonem sequantur, sicque accipiant quod divinitus inspiratur, in sensu magis favente Aristoteli, aut Platoni. Tandem donec probaveris sensum philosophicum dogmatis perinde revelatum esse ac dogma ipsum, probabis nunquam ab autoritate Concilij, autoritatem Philosophi, quem sectaris. Atque ut verbo dicam licet Patres Concilij essent magis propensi in aliquem sensum philosophicum-dogmatis definiti, non ea propter is sensus evaderet sensus Ecclesiæ, quæ nulli unquam Philosopho se addixit; sed neque se addicere potuit præter casum infallibilitatis in hac vel illa Philosophia revelatæ. Addam exinde plura, si opus fuerit.

P H I L A L E T H E S. Valet Dominus mei, & parcite. Parum absuit quin importunus hospes eripuerit mihi geminam voluptatem, & hîc deambulandi hac lætissima die vobiscum, & colloquendi de rebus vestris, de quibus aut fallor, aut loqui cepistis post non longa prologia.

VIII.
Omnis
sensus philo-
sophicus est
fallibilis.

R O C C H I U S. Nihil nobis prologium fuit, nisi quòd Pazzius à me audivit istud hortorum genus, quod mirabatur, ruris in urbe, institutum ab Epicuro Athenis fuisse.

Quo audito confestim rogavit me quid cogitassen de sensu philosophico, in quo Patres præfatorum Conciliorum definierunt animam rationalem esse vere, per se & essentialiter formam corporis humani. Respondi sensum illum sive Aristotelicus, sive Platonici fuerit, revelatum non esse, sed neque in ullo sensu humano fallibili definitum id fuisse; pertinente fide ad sensum infallibilem ideoque divinum. Dixi non esse homines, qui loquuntur in Conciliis, sed Spiritum sanctum esse qui loquitur, ac proinde loquitur suo in sensu & valde independente ab omnibus principiis philosophicis humanis aut his, aut illis. Quare hinc eram illaturus, nisi tuus adventus id distulisset, nihil in gratiam formæ substantialis Aristotelicæ posse certo colligi ex sensu, in quo Patres præfatorum Conciliorum acceperunt, aut non acceperunt nomen formæ, quando definierunt animam rationalem esse vere, per se & essentialiter formam corporis nostri.

PHILALETHES. In hanc tuam opinionem facile inclino, mi Rocchi: quare author sum, ut dimissâ istâ de præfatis Conciliis lite, clare atque ingenue dicas quid per formam substantialem intelligas, debeatque attentâ solâ ratione intelligi. Heri Pazzini nobis protulit formæ substantialis atomisticæ notionem aliam, quam impugnâbas: profer hodie nobis formæ substantialis atomisticæ notionem aliam, quam impugnet sicque apertius fiet, utra è duabus admitti debeat.

PAZZI U S. Ita inter nos constitutum jam fuit, Domine Philalethes; sic tamen ut mihi liberum relinquatur impugnare ab authoritate præfatorum Conciliorum, si quid de forma substantiali dictum audiam, quod non cohæreat cum notionem veræ, propriæ, & essentialis informationis, quam tribuunt verbis expressissimis animæ rationali. Nam licet non sit ea mens Conciliorum, ut definiant res philosophicas velut res fidei; nulla tamen in

I X.
Queritur
quid sit forma substantialis apud Atomistas.

decisionibus rerum ad fidem pertinentium verba philosophica usurpant, quæ Philosophiam veram non sapiant: & ideo verior censei debet Philosophia illa, cujus placita illustrius quadrant cum locutionibus philosophicis, quas Concilia seligunt ad ea, quæ sunt fidei, expresse ac simpliciter significanda, ne prætermissa optio sermonis ad id magis idonei fiat occasio theologicæ, vel etiam philosophicæ peccandi.

X.
Nihil ex
Concilio
colligi potest
pro formis
materialibus

R O C C H I U S. Ita sit, Dòmine Pazzi. Absit velle me hîc aliter loqui, quàm cohærentissime, utut petero, ad id quod Concilia de anima rationali loquuntur; hac in voluntate tibi consentio: sed vide in quo differimus. Tu in verbis illis, quibus affirmatur animam rationalem esse verè, per se & essentialiter formam corporis humani, vides formam substantialem materialem Aristotelicam: ego verò in illis nihil video, quod illam non omnino reprobet: quare jam patienter audite, Dòmini mei, quæ sit apud Atomistas notio vetæ formæ substantialis materialis omnino diversæ ab illa, pro qua in scholis Aristotelicis tam pertinaciter certatur.

P H I L A L E T H E S. Sed sustine paulisper, mi Rocchi, donec suggerero duo esse, quæ ad notionem illam illustrandam statui debeant. Unum est, quod nullibi sit genus illud entis materialis, quod Aristotelici *formam substantialem* vocant. Alterum est, quod omnis activitas, quæ est in compositis materialibus, esse perinde possit in illis independententer ab illo ipso entis materialis genere, quod, ut dixi, vocant *formam substantialem*: Itane videtur?

XI.
Aliquid est
materiale
aut ab in-
trinseco, aut
ab extrinse-
co.

R O C C H I U S. Itæ plane, quamquam omitti potuit illud primum, ob rationes plurimas, quibus ostensum fuit à me in dialogo præcedente qualiter sit genus illud entis improducibile: unde nullibi esse, quod produci non potest, satis manifestum esset. Igitur agam quod suggeris, Dòmine Philalethès: atque ut vincatur nullibi esse

tale

ale genus entis, de quo jam agitur, tantum rogo ut advertatur nihil esse materiale posse nisi dupliciter: nempe aut ab intrinseco, aut ab extrinseco, sive quod idem est, aut absolute, aut relative. Illud ab intrinseco & absolute materiale est, quod ex toto aut ex parte est aliquid talis entis creati, quod vocamus *ens materiale*, sive *materiam*: atque in hoc sensu totum corpus humanum materiale est, quia singulæ illius partes, sunt utique partes illius entis ab initio creati, quod est universa materia elementaris: homo verò ex parte materialis est, videlicet propter partem corporalem, cujus singulæ portiones sunt totidem portiones materiæ elementaris à Deo creatæ. Illud autem est materiale tantum ab extrinseco & relative, quod equidem in se materiale non est, ob id quod nihil sit, nihilque habeat materiæ in se; sed nihilominus habet aliquam connexionem cum ente ab intrinseco & absolute materiali, aut aliquam dependentiam ab illo, aut quancunque aliam relationem ad illud.

Quem in modum similiter spirituale nihil esse nisi dupliciter potest, scilicet aut ab intrinseco & absolute; aut ab extrinseco tantum & relative: à cuius discriminis expositione; ob id quod sit obvia nimis facilisque, abstinco. Sed tum nihil potest intelligi materiale ab extrinseco & relative, quod non sit aliquid in se ipso, scilicet ab intrinseco & absolute: sicque venio ad illud entis materialis genus, quod vocant *formam substantialem*, & de qua facile intellegerem quod esse posset materialis ab extrinseco & relative, quia, ut aiunt, educitur è materia aut è potentia materiæ, & insuper tam in operari quam in esse ab illa pender, ad illam coarctatur, cum illa necessariò jungitur.

Superest ut intelligam per te, mi Pazzi, quid sit forma illa substantialis in se ipsa per constitutionem suam intrinsecam & absolutam: est enim, ut ais, ens productum (quæcunque interim sit ejus productio) ens in suo

XII.
Similiter
aliquid est
spirituale u-
no aut altero
modo

XIII.
Quæritur
quid sit in se
forma sub-
stantialis.

genere perfectum, ens multis proprietatibus abundans : de illo ente quæro quid sit in se, quid sit intrinsece, quid sit absolute. Nihil est, nihil habet in se materiæ, ideoque materiale non est ab intrinseco & absolute : nihil est, nihil habet spiritus, & ideo nec ab intrinseco, nec absolute spirituale est : dic mi Pazzi, quid est?

Dial. 46.
n. 376.

P A Z Z I U S. Dico ens illud esse materiale in se : ac tum addo cum Palanco errare vos omnes Atomistas, quum creditis materiale in se nihil esse posse, nisi vel materia sit, vel aliquid materiæ in se contineat : *Vestra*, inquit, hæc *intelligentia voluntaria est & qua vobis omnino praeludit aditum ad veritatem intelligendam*, hanc scilicet veritatem philosophicam de forma substantiali, quæ nihil materiæ est, & nihilominus materialis est. Ac tum attende ad interrogationes sequentes, quibus Atomistam suum vehementer urget. *Et quidem à te rogo*, inquit *utrum quidquid regale dicitur debeat esse Rex ipse, vel aliquid ipsius Regis continere entitative?* ac deinde, *Rogo iterum, an quidquid divinum dicitur, debeat entitative esse Deus, vel aliquid Dei entitative continere? item an quidquid humanum dicitur debeat esse homo, aut aliquid ipsius entitative continere? & sic de pluribus aliis denominationibus.* Neque jam dubito quin cum Atomista interrogato respondeas minime id opus esse, cum plurima sint quæ regia, quæ divina, quæ humana denominantur, nec tamen sunt entitative aliquid Regis, Dei, aut hominis. Cogita formam substantialem denominari sic materialem posse, quin sit entitative quicquam materiæ.

XIV.
Convellitur
responsio
per notionem
denominati-
onis intrin-
secæ & extrin-
secæ.

R O C C H I U S. Quid ergo, mi Pazzi? sicne puras Palancum effugisse difficultatem? sicne puras illam effugere? sicne perinde ac ille nescis, aut nescire te simulacrum denominationem aliam intrinsecam, & aliam extrinsecam esse? Hanc distinctionem revocare Palanco ex Logica in memoriam debuit suus ille Atomista interrogatus, & addere

Quàm bene sentiant Atomista de forma substantiali. 139
 id omne quod denominatur regium, divinum, humanum,
 scilicet per denominationem intrinsecam, esse aliquid
 Regis, Dei, & hominis: secus verò id, quod taliter deno-
 minatur per denominationem extrinsecam. Hoc pacto
 caput regis *regium* dicitur, & est aliquid Regis, sive Rex
 ex parte: diadema verò Regis *regium* dicitur, & neque
 Rex est, neque pars Regis. Similiter misericordia Dei,
divina dicitur, & est aliquid Dei: gratia verò quæ à Deo
 datur, *divina* dicitur, sed nihil est Dei. Rursus intellec-
 tus hominis *humans* dicitur & est aliquid hominis: pi-
 leus hominis *humanus* dicitur & nihil est hominis. Jam
 itaque tuum erit declarare, mi Pazzi, quænam sit deno-
 minatio illa, per quam forma illa vestra denominatur *ma-
 terialis*: estne denominatio intrinseca? estne denominatio
 extrinseca? loquere.

P A Z Z I U S. Loquar, & objurgabo vos cum Palanco
 his verbis, *Cur hanc denominationem materialis tam stric-
 te semper accipitis, ut nihil materiale esse vel dici velitis,
 nisi sit entitativè materia, vel aliquid materiae entitative
 contineat!*

Dial. 46.
 n. 378.

R O C C H I U S. Sed neque sive tu, sive ille hac objur-
 gatione difficultatem effugitis: imò caditis in abyssum.
 Sic quippe fatemini formam illam vestram substantialem
 neque materiam esse, neque aliquid materiæ continere:
 atque hoc idem est ac fateri denominationem illam, qua
materialis denominatur, non esse intrinsecam, id est, ab
 intrinseco formæ petitam: superest igitur ut sic extrinse-
 ca, id est, petita ab extrinseco formæ: hoc autem extrin-
 secum est materia, cum qua videlicet forma illa unitur, ut
 dicitis, è qua educitur, & à qua pender in operari pariter
 ac in esse.

XV.
 Hinc se-
 quitur for-
 mam non
 esse materia-
 lem ab in-
 trinseco. j.

P A Z Z I U S. Sic dicimus, & hinc formam illam adeno-
 minamus *materialem*: an id ad denominationem istam non
 sufficit?

ROCCHIUS. Id plane sufficit ad denominationem extrinsecam. Sed tandem, mi Pazzi, oro te, loquere: concedisne, negasne denominationem illam esse mere ac omnino extrinsecam?

PAZZIUS. Extrinseca sit; sed quid inde?

XVI.
Denomina-
tio extrinse-
ca nihil af-
fert ad rem
in se ipsa.

PHILALETHES. Noli, mi Pazzi, noli dicere *quid inde*? Inde pendet totius Atomismi exaltatio, aut totius Aristotelismi ruina. Quare jam sinite, Domini mei, ut pro more meo dicam quid mihi verisimilius videatur circa denominationem, de qua certatis, & ex qua, nisi fallor, pendet, ut aiebam, exaltatio Atomismi, vel Aristotelismi ruina. Certum est per nullam denominationem extrinsecam perveniri posse ad intelligendam intrinsecam rei constitutionem; quia id unde denominatio illa petitur, est aliquid extraneum rei, & ab illa distinctum, licet cum illa conjunctum sit sive realiter, sive modaliter, sive utcumque aliter. Hinc ad intelligendam constitutionem intrinsecam diadematis regii, nullatenus sufficit quod sciat Regem illud diadema tulisse aut ferre, & hinc *regium* denominari: totum hoc diademati extraneum est; quisquis ille est qui scire vellet quid & quale sit diadema illud in se ipso; ulterius quæreret, sitne vel ex auro, vel ex argento compactum, his vel illis gemmis intextum, his vel illis cælaturis ornatum, &c. Sic etiam est ad rem præsentem.

XVII.
Agitur de
constitutivo
intrinseco
formæ.

Audiunt Atomistæ Aristotelicos, qui suam illam formam substantialem *materialem* denominant: neque illam ita denominant nisi à materia, quæ est quoddam genus entis tum prius illa, tum omnino distinctum ab illa, quamvis cum illa penetratum supponeretur; unde inferunt denominationem illam esse omnino extrinsecam; sicque ralem formam ab intrinseco materialem non esse. Hinc aiunt, quid igitur est ab intrinseco forma illa? materialis ab intrinseco non est; Spiritualis ab intrinseco non est:

Quàm bene sentiant Atomista de forma substantiali. 141
quid igitur est? Fateor, si me Rocchius sic urgeret, mi Pazzi,
nescirem quàm evaderem: suggere mihi, si habes, aliquam
evasionem.

P A Z Z I U S. Evadi posset forsan dicendo formam
esse aliquod genus entis medium inter genus entis ma-
terialis, & genus entis spiritualis: & hæc evasio stabiliri
posset in eo quodd saltem aliquæ formæ substantiales ma-
teriales sunt, quæ gradum sensationis attingunt, ut sunt
illæ, quas *animas sensitivas* vocamus.

P H I L A L E T H E S. Non puto, mi Pazzi, hanc
evasionem esse Rocchio placituram.

R O C C H I U S. Imo verò placet, quia evasio est à
minoribus tenebris ad majores, in quibus tumulari ne-
cesse sit formam illam substantialem Aristotelicam.
Etenim si forma illa ex minima sui parte spiritualis esset,
vel utcumque ad spiritualitatem accederet, hinc multò
difficilius, ne dicam multò impossibilius explicaretur
eductio illius à sine materiæ: nisi quodd hoc esset fingere
materiam ab intrinseco spiritualement, & spiritum ab intrin-
seco materialem in uno ente, quæ fictio nulla tene-
brosior visa est. Sed neque puto, mi Pazzi, velle te hanc
evasionem tueri, & expropter quum dixisti sic evadi posse,
addidisti *forſan*, quæ est particula dubitandi.

P H I L A L E T H E S. Hanc particulam notavi: neque
vult, ut eo jicio, Pazzius noster evasionem illam tueri;
sed nondum tamen tuis conatibus adhuc aboluisti genus
illud entis materialis, quod Aristotelismus vocat *formam
substantialem*; superest enim ut probes, quod antè mo-
num, explicari posse independenter ab illo entis genero
a& vitatem omnem, mire variam atque multiplicem, quæ
in compositis omnibus materialibus etiamque animatis re-
peritur. Alia enim si materia non est capax talis activita-
tis, recurrendum pro ista explicanda erit ad aliud genus
entis, & hæc genus entis erit forma illa, de qua jam
agitur.

XVIII.
Forma non
potest media
re inter spi-
ritum & ma-
teriam.

XIX.
Aiunt non
esse posse si-
ne forma
vim sentiendi

Pazzius. Duram Rocchio nostro imponis, optime Philaethes, provinciam: nam etsi fortè probare posset materiam atomisticam elementarem esse capacem recipiendæ à Deo in se omnis activitatis illius, quæ tota reducitur ad motus locales, tardos, veloces, diuturnos, breves, intermissos, restauratos, sursum, deorsum, quaquaversum excitatos, ac tum quibuscunque viis, & quibuscunque modis exercitos, quomodo convincere aliquando posset non esse opus forma substantiali ad usum activitatis illius sensitivæ, quæ in animalibus est? an auderet atomis suis elementaribus tribuere vim sentiendi? Hæc est arx, unde Aristotelismus nunquam ejici poterit; & è qua prodit ad tribuendas suis respective formis substantialibus omnes activitates naturales vegetabilium, mineralium, metallorum, mixtorumque tandem omnium & elementorum, ex quibus fiunt mixta universa. Agedum, mi Rocchi, hora est exaltandi atomos tuas.

XX.
Saltem ato-
mi sunt ca-
paces omniū
motuum lo-
calium.

Rocchio. Parce jocis, mi Pazzi, donec compeſcam illos, si potero: & jam quidem non omnino alienus videris post tot rationes, quas ad id efficaces ex me audiisti, ab eo quod atomi nostræ elementares, perinde ac vestræ formæ substantiales, si quæ essent, capaces sint tam active quàm passive motuum omnium qualiumcunque localium; & exinde virium omnium sufficientium ad eos motus seu communicandos, seu subeundos: si enim forma ignis, ut loquimini, potest accipere à Deo vim motus sursum, cur recipere illam non potuit particula ignis, sive, ut loquimur, atomus ignea? cūque idem pronunciari debeat de omnibus atomis elementaribus, hinc patet nullos esse in quibuscunque mixtis, aut à quibuscunque mixtis prodeuntes effectus assignabiles pro quocunque motu locali, qui referri non possint ad vires motrices seu passivas, seu activas inexistentes atomis elementaribus. Ex hoc autem uno principio semel admissio

Quàm bene sentiant Atomista de forma substantiali. 143.
evidens redditur superfluitas formarum omnium substantialium in iis mixtis, seu compositis saltem omnibus, in quibus nihil est præter vires motrices locales, seu activas, seu passivas, à quibus effectus illorum universi pendent.

P A Z Z I U S. Sed tum quando pervenitur ad composita sensitiva, seu animalia, an ad vim sentiendi explicandam sufficiunt motus illi locales, vires illæ locomotrices atomorum vestrarum? Hic ut obmutescant Atomistæ necesse est: hic Aristotelistæ triumphant: hic audiuntur assignare in animalibus illis pro principio sentiendi formam substantialem sensitivam, sive animam sensitivam.

R O C C H I U S. Bene ais, mi Pazzi, Atomistæ hic obmutescere; sed adhuc magis obmutescerent Aristotelistæ, si saperent. Quid nisi ridendos jactatis triumphos, quando pro exponendo in brutis principio sentiendi, hoc est, percipiendi, & discernendi res sensibiles, cum amore, cum odio, cum voluptate, cum dolore, cum spe, cum metu, &c. cogimini vos perinde ac nos recurrere ad rem materialem, de qua parum interest, quod eam denominetis *formam*, aut *animam*, aut quid simile: nihil enim ad cognitionem intersunt nomina, quæ pro arbitrio usurpantur, neque de cætero non sunt nobis communia.

P H I L A L E T H E S. Ita est, Domini mei, reluctatur humana mens, resilitque à tribuenda rei materiali notitia: quare hic obmutescite ambo, si creditis: hic scopulum attingitis, ad quem frangitur omnis, quamquam immanis, omnium Philosophorum superbia. Hic non apparet medium, quod Philosophi beate teneant, aut tenere possint, sed utrinque in opiniones periculosas inciditur. Si quis cum Cartesio brutis omnem notitiam adimit asserendo ea esse mera automata, quid agit? nisi quod corporeis organis & corpusculis per organa illa fluentibus, tribuit operationes humanis similes, ac sæpe humanis perfectiores, quas ideo sine aliqua notitia exerceri posse credibile mi-

XXI:
Opponitur
atomis non
esse capacis
sensationis,

XXII:
Temere ad-
mitur brutis
omnis cogni-
tio.

nus est, quàm exerceri cum notitia, quæ nostram superat. Legistis haud dubie opusculum illud Hieronimi Rorarii Exlegati Pontificii, sicque inscriptum, *Quod animalia bruta ratione utantur melius homine*: ibi, ut meministis, referuntur tam mira, tam stupenda facta brutorum, tam redolentia sapientiam, ut per ea facile suadeatur non fuisse nimis audacem inscriptionem illam.

XXIII.
Periculosum
est admittere
cognitionem
in brutis

Si quis ex adverso contra Cartesium affirmat rem materialem, (sic voco qualemcunque formam substantialem materialem, sic voco qualemcunque materialem congeriem atomorum) capacem esse notitiæ; quid agit? nisi quodd spiritum cum materia confundit; & fores aperit suspitioni, posse Deo volente lapides perinde ac homines philosophari, vel saltem posse videre, audire, odorari, &c. ut bruta vident, audiunt, odorantur, &c. videlicet redigendo materiam illam lapidum in membra & organa, & contemperando illam & attenuando illam in corpuscula, quæ talibus membris atque organis afferant vium idoneam motricem, sive vitalem ac sensitivam. Equidem intelligimus nullum esse contemperacionis, mixtionis, combinationis; configurationis, ac motionis localis genus, cujus incapax sit materia, quæ propterea est contemperabilis, miscibilis, combinabilis, configurabilis & mobilis in omnem modum; sed tum non capitur qualiter sit cognitionis capax, etiam si talis qualiscunque modificatio per divinam industriam pararetur: etenim materia illa qualitercunque modificata non superaret gradum materiæ; sicque subsisteret infra gradum spiritûs, cui soli convenire generatim cognitio potest: est autem omnis sensatio cognitio quædam.

XXIV.
Difficile v-
tatur deo
illa vitiosa
extrema.

Neque jam opus est ut inferam, quod per vos clare inseritis tam nullas formas materiales, quàm nullas atomos, aut factas ex atomis compositiones, capaces ullius sensationis esse. Ubi ergo jam erit, Domini mei, medium il-

lud.

Quàm bene sentiant Atomistæ de forma substantiali. 145
 lud quod quæritur, & sine quo vitari non potest, sive primum illud vitiosum extremum denegandi brutis omnem sensationem, sive istud secundum, neque minus vitiosum, admittendi sensationem in materia, quæ est illius incapacissima. Quare jam ut vobis, ita Philosophis universis suadeo, ut hac dere obmutescant, pro qua illustranda nihil, salva pace, nisi tenebras afferunt. Sed tu, mi Rocchi, qui, si bene memini, parabas jam ante annos decem tractatum *de corpore & spiritu* inscribendum, an illum absoluvisti; an habes in illo aliquid quod reputari possit pro luce parumper idonea & sufficiente ad enodationem hujusce difficultatis? hanc nobis, si quæ tibi affulsit, communica.

ROCCHIUS. Jussisti, Domine Philalethes, semel ac bis, ut hac de re obmutescerem: jamque jubes ut loquar: malo priori jussioni obtemperare. Quod autem rogas, an absolverim tractatum, quem ante annos decem ceperam meditari circa corpus & spiritum, absolutus quidem est; sed hoc opus hujusmodi est, cujus editioni præire debeant hæc duo, quæ Horatius præcipit, *in Meci descendat judicis hufes: . . . nonumque prematur in annum*; Annus ille nonus nondum advenit, & eris tu mihi Mecius ille. Interim mihi satis est si probaveris, quod antè aiebam, nempe quòd si Aristotelici saperent, adhuc magis obmutescerent hac in re, quàm Atomistæ.

PAZZIUS. Id equidem aiebas, mi Rocchi; sed unde id probas?

ROCCHIUS. Id probo, mi Pazzi, ex eo quòd si vis sentiendi à Deo inferi posset rei alicui materiali, hæc insertio magis conveniret rei minùs materiali; hoc est, rei magis simplici, ac proinde magis ad spiritualitatem accedenti. Unde apparet atomos nostras elementares, siquidem quàm minime materiales, nec enim sunt nisi puncta individua materiæ in se ipsa simplicissimæ, aptiores fo-

XXV.
 In re ista
 deberent
 Aristotelici
 magis ob-
 mutescere.

Hor. de arte
 Poëtica.

re, quàm formas Aristotelicas ad admittendam vim sentiendi.

XXVI.

Opponitur
simplicitas
formæ in
brutis per-
fectis.

P A Z Z I U S. Id equidem ita foret ; nisi Aristotelici tuæ illi difficultati obviam ivissent affirmando formas sensitivas, sive animas brutorum, ac præsertim perfectorum simplices atque indivisibiles esse ; & ecce quomodo sunt aptæ saltem non minùs quàm vestræ atomi ad habendam vim sentiendi : ut de cætero taceam omnia hominum præjudicia esse adversus atomos in gratiam formarum substantialium, quas vocamus *animas sensitivas*, circa prædictam illam vim sentiendi.

XXVII.

Ostendi-
tur quàm
falsa sit talis
simplicitas.

R O C C H I U S. Sed quid, mi bone Pazzi ; sufficit ne Aristotelicos aliquid affirmare, ad hoc ut illico indubitatum sit ? & hîc quidem oh quàm parum cohærenter loquuntur ! Quid non alibi clantant ut faveant divisibilitati materiæ in infinitum, ita quòd contendant divisionibus infinitis patere partem quantumlibet minimam proportionalem continui, atque hinc rideant indivisibilitatem atomorum nostrarum ? hîc autem agnoscunt pro indivisibilibus grandes materiæ massas, quales utique sunt formæ substantiales sensitivæ, sive animæ sensitivæ boum, camelorum, elephantorum, &c. coëxtensæ toti animalium illorum moli. Tum si quæritur cur formis illis ita coëxtensis hanc indivisibilitatem affingant, respondent illas hinc fieri aptiores atque proniores ad sentiendum : quâ viâ res materiales, quasi pro arbitrio aut posse in infinitum dividi, aut nullatenus posse dividi affirmant : & hinc arbitrium illud magis elucescit, quòd animas animalium imperfectorum non negant esse divisionibus multis obnoxias. An istæ ad admittendam vim sentiendi non egent ut illæ, siquidem minùs sensitivæ non sunt, æquali simplicitate atque indivisibilitate ? An si major forma, ut elephantum, potest indivisibilis esse, minor quædam, ut est illa vermiculi, esse talis non poterit ?

PAZZIUS. At quinos nec ad maiorem, nec ad minorem molem formæ sensitivæ attendimus, quando alias quidem indivisibiles esse, alias autem esse divisibiles affirmamus: non te latet, mi Rocchi, experientia, quâ novemur ad assertionem hujus discriminis. Videmus animalia, quorum partes à toto rescissæ aliquandiu vivunt: & alia quorum partes, si pariter rescinduntur, illico non vivunt. Ista vocamus *perfecta*, & animam quæ in eis est, dicimus indivisibilem esse, quia si divisibilis esset, divideretur & maneret aliquandiu in partibus divisis, quæ idcirco tamdiu viverent. Tum illa vocamus *imperfecta*, & animam quæ in illis est, affirmamus esse divisibilem, propter vitam quæ aliquandiu est in partibus divisis, nec esse nisi ab anima potest. An hæc ratio non est urgens pro præfato discrimine inter animas sensitivas brutorum, aliorum quidem divisibiles, aliorum verò indivisibiles?

XXVIII.
Quæ sint
animalia
perfecta,
quæ imper-
fecta.

PHILÆTETHES. Tene eos tuum, mi Rocchi; & attendere, Domini mei, recidisse vos in horribiles tenebras, quando recidistis in hoc quòd sive formis, sive atomis vitam sensitivam tribuitis, constituendo in illis animam sensitivam, de qua caliginosissimum est quidquid pro illius divisibilitate, aut indivisibilitate sive affirmatur, sive negatur. Pro principio generatim verissimo haberi potest rem materialem, quæ coextenditur alteri rei plures partes habenti, plures etiam partes habere, arque ita divisibilem esse: hinc anima sensitiva, si res est materialis, & coextensa cuivis moli corporeæ, qualis est moles animalis cujusvis, obnoxia est divisioni totius molis illius. Tum verò quòd moles illa divisa vivat, aut non vivat, explicari aliunde id debet; uti forsitan ex organis, quorum aut pars multitudo, aut pars dependentia, aut pars connexio non est pariter necessaria in omnibus animalibus ad exercitium vitæ.

XXIX.
Omnis
forma ma-
terialis est
divisibilis.

Pæterea vis sentiendi nihil habet commune cum re

XXX.
Vis sen-

sciendi nihil
habet com-
mune cum
materia.

materiali, sive divisibilis, sive indivisibilis affirmetur : quare donec per felix studium hominis supra mortales cæteros eruditi, aut per beneficium Dei sua revelatione nostram inscitiam sublevantis innotescat quid sit sensatio in brutis, quid in eis sit hujusmodi sensationis & vis & causa, malle Philosophos tacere de re apud ipsos tam ignorata ; de qua ubi loquuntur, transeunt, ut suspicor, fines suos. Ergo nolite agere ultra, si mihi faveris, nisi de formis, quarum activitas tota sit infra vim sentiendi. De istis, Domine Rocchi, tuum sit enarrare ingenue in conspectu nostro, quid sentiant Atomistæ : nam præter formæ nomen valde æquivoce usurpatum scio hac in re nihil esse vobis & Aristotelicis commune.

XXXI.
Quid sit
forma sub-
stantialis
apud Ator-
mistas.

ROCCHIUS. Sed neque aliud esse nobis commune potest cum hominibus, qui præter hæc duo genera entis, videlicet spiritûs & materiæ, tertium quoddam genus entis, contra omnem philosophicam veritatem agnoscunt & *formam* vocant. Nostra itaque mens de forma substantiali mixtorum, sive compositorum omnium materialium hæc est. Nomen *formæ* nomen abstractum est, quo nihil significatur præter rationem, modum, conformationem rei, sive rerum quæ taliter vel aliter coeunt, commiscuntur, contemperantur, conferentibus singulis id quod habent propriæ rationis, modificationis, conformationis, propriæ contemperationis, & activitatis aut inertię ad unam totalem & adæquatam totius compositi conformationem, seu formam. Qua via intelligitis, Domini mei, singulas particulas minimas elementares, ac proinde singulas moleculas & moles, quæ coalescunt ex illis & in compositionem veniant cujusvis mixti, seu compositi materialis, suam habere formam particularem, suam particularem vim agendi & patiendi, suam particularem vim sese permiscendi, atque intromittendi vicissim : hinc autem non potest non resultare una quædam totalis & adæ-

Quàm bene sentiant Atomista de forma substantiali. 149
quata forma totius mixti, seu compositi materialis.

Atque in hunc modum sicut omnes ac singulæ particulæ materiales simul sumptæ & consideratæ præcise sub respectu molis quam habent & quam sibi communicant, sunt tota materia cujuslibet compositi materialis: ita omnes illæ ipsæ ac singulæ particulæ consideratæ aliter sub respectu activitatis, aut inertię, aut cujusvis alterius modificationis quam habent & quam sibi communicant, sunt tota forma completa, & adæquata præfati ejusdem compositi. Et revera sicut non potest non resultare una quædam totalis moles corporea ex pluribus corpusculis adunatis ac quocunque pacto inter se cohærentibus, ita non potest non componi una quædam totalis activitas corporea ex illis iisdem corpusculis habentibus, sibi que communicantibus particularem illam activitatem, quam perinde ac molem habent ex titulo suæ creationis; quæ utique activitas maior aut minor, est illis sua particularis natura, sive forma. Neque propterea opus est aliam in compositis materialibus desiderare materiam, quàm quæ coalescit ex singulis particulis elementaribus, habentibus singulis molem suam; aut aliam in iisdem formam, quàm quæ exurgit ex formis particularibus, id est, ex modificationibus & activitatibus talium particularum elementarium.

P A Z Z I U S. Ego verò hîc non adverto, mi Rocchi, formam, quam Aristotelici desiderant à materia præjacente distinctam: totum id quod narras de atomis elementaribus adunatis & permixtis, totum id, inquam, materia est.

R O C C H I U S. Id totum materia est, si attenditur illarum moles: sed simul id totum forma est, si attenditur illarum activitas per connexionem contemperata: si attenditur hæc contemperatio ex singularum conjunctis temperamentis consurgens: & quæ vera totius compositi

XXIII.
Quid sit
materia
apud Atomistas.

inaterialis conformatio est, siue quod idem est, forma.

XXXIII.
Proponi-
tur nova de-
monstratio
formæ sub-
stantialis.

P A Z Z I U S. Verba sunt: nec quiesco, mi Rocchi, donec in compositò materiali videro formam, siue perfectionem formalem à materia præjacente distinctam, & qualem Palancus noster Atomistæ vestro demonstravit, Leone in exemplum adducto: ad istam demonstrationem si attendisses, quum legisti, fuisses ut ille convictus.

R O C C H I U S. Legi, attendi, nec convictus fui, neque fui ab illo leone territus: sed fac, si poteris, ut convincar: fac ut expavescam ad conspectum leonis illius.

P A Z Z I U S. Hanc hypothesim præmittit Palancus, *Circumscribe, rogo, integrum leonem vivum undique, quasi mathematicæ superficie aliqua continente, in qua totus Leo contineatur & circumscribatur, ut posset in vase aliquo undique clauso.* Hac hypothesi præmissâ sic interrogat suam Atomistam, *Nunc à te rogo*, inquit, *an Leo ille vivus possit mori remanente totâ illius materiâ intra illam superficiem circumscribentem?* Atomistam annucentem iterum cogat, *An si saltem divinitus illa compago atomorum resoluta instauraretur, iterum viveret leo?* Neque id negatur ab Atomista, qui tertio rogatur, *An leo vivus sit aliquid substantialiter perfectius, seu maioris realiter perfectionis, quàm leo putrefactus, aut in cadaver putridum resolutus?* Et hoc tertium ab Atomista conceditur: unde sic demonstrative infert Palancus, *Ergo dum leo moritur, vere & realiter amittit aliquam perfectionem substantialem, quam vere & realiter habebat, dum viveret: & sic subsumit. Atqui nihil totius materiæ in præfato casu amittit; nam supponimus nec minimam quidem atomum abscedere Ergo illa perfectio substantialis, qua realiter deficit, totâ scilicet materiâ permanente, realiter distinguitur à tota materiâ, &c.* Vides, mi Rocchi, vel invitus in his verbis formam substantialem leonis vivi, quæ toti materiæ leonis est superaddita, & in illo est per-

Dial. 50.
n. 431.

Quam bene sentiant Atomista de forma substantiali. 151.
festo quædam substantialis, qualis utique in ipso non est,
quando est mortuus; & quam recuperaret, si divinitus
revivisceret. Illam formam tandem hic vidit Atomista ille,
quem Palancus interrogabat; nihilque respondit: finge te
pariter interrogatum, quid responderes?

ROSCINIUS. Placuit sibi Palancus Atomistam
nimis persuasibilem, ni Pazzi, quia nimis nescientem vel
ipsa tyrocinia doctrinæ Atomisticæ. Audi ex me quid
debuerit respondere: neque scio an tu ipse formam illam
quam in verbis præmissis tam clare vides, posthac vel sub-
obscurè visurus sis. Respondere debuit non esse opus tan-
to verborum apparatu ad supponendam necem leonis. Ec-
ce moritur leo, & in eo mortuo est eadem materia, quæ
fuit in vivo: eadem sunt membra, eadem organa, eadem
sanguinis copia, & humorum omnium eadem mensura,
quia derepente mortuus est, & hæc omnia evanescere
derepente non potuerunt. Bene est; sed nihilominus si
materia illa est eadem in mole, at jam non est eadem in
virtute: non est eadem in membris, in organis, in humori-
bus: vel enim fracta fuerunt membra, vel læsa organa,
vel vitiata humorum temperamenta: sanguis substituitur, aut
ex vasibus effluxit, aut quid simile accidit, propter quod leo
interiit. Hæc membrorum textura, hæc series organorum,
hæc temperies humorum, hæc circulatio, hæc temperan-
tia sanguinis: hæc & similia quæ vivum constituiebant
leonem, si mortuo jam desunt; sed hæc non erant forma
illa substantialis Aristotelica, quam, ut vult Palancus, leo
per necem suam amisit: hæc non erant tertium illud ge-
nus entis, quod neque materia est, neque spiritus. Totum
per quod vixit leo, materia erat, sed taliter membris con-
texta, taliter organis distincta, taliter humoribus tempe-
rata, taliter coherens, taliter fluens, &c.

Atque ut videas, mi Pazzi, superfuitatem tuæ illius
formæ substantialis leoninæ, an mortuus est leo quandiu

XXXIV.

Qualiter
consistat vi-
ta in certa
quodam ha-
bitudine
corporis.

XXXV.

Et mors cō-
sistit in amif-

sione præ-
missæ habi-
tudinis.

valuit suâ illâ pristinâ dispositione, plenitudine, agitatione organicâ? minime. An non viveret adhuc, si non amisisset pristinam illam totius corporis habitudinem bonam, quâ valebat? etiam. Sic te interpreteror brevitatis causâ, ut inferam leonem illum, quando interit, amisisse nihil præter illam totius corporis habitudinem bonam, quæ erat vita illius. Quare hoc unum jam scire oportet, an forma illa substantialis, quæ secundum Aristotelicos constituebat leonem vivum, esset aliquid tali totius materiæ corporalis habitudini superadditum. Quid ais?

XXVVI.

Obijcitur
talem habi-
tudinem esse
aliquid super-
additum ma-
terix.

P A Z Z I U S. Aio non esse morem apud Aristotelicos explicandi formam substantialem, quâ animal vivit, per illam id genus bonam habitudinem totius corporis, quia hæc accidens quoddam est, aut potius una quædam conjunctio multorum accidentium. Sed quamvis ita esset, adhuc integra esset demonstratio nostri Scriptoris, qui contendit leonem vivum esse substantialiter perfectiorem leone mortuo: hinc enim Atomistæ satis urgentur ad admittendam perfectionem substantialem superadditam materiæ præjacenti. Tum si talis perfectio sit forma, de qua loquimur, si sit habitudo illa, de qua loquuntur, utrinque pariter verificabitur dari entia materialia, quæ mediant inter materiam & spiritum, sicque venient paulatim in notitiam formarum Aristotelis: namque haud dubie non negatis bonam illam habitudinem totius corporis viventis esse perfectionem superadditam illi corpori, siue materiæ; ex qua totum corpus coalescit: siquidem aliàs corpus illud nunquam interiret, quia secum haberet identificatam bonam illam habitudinem, in qua, ut dicitis, vita consistit. Sed nunquid etiam affirmabitis vitam hominis nihil aliud esse quàm habitudinem similem, ut inde similiter inferatis animam rationalem esse perinde superfluam ad vitam hominis?

XXXVII.
Dificultas

P H I L A L E T H E S. Erit deinde sermo de vita hominis, si

si videbitur. Sed hîc finite, Domini mei, ut dicam videre
me difficultatem omnem de forma substantiali jam eò
reductam, ut sciatur pro corporibus generatim omnibus
sive non organicis, sive organicis, an tota modificatio to-
tius materiæ, ex qua constant, & per quam istam Atomis-
tæ explicant formam substantialem illorum, sit perfectio
substantialis superaddita materiæ præjacenti: si enim ita
est, hæc perfectio neque materia, neque spiritus est: at-
que hinc patet iter ad admissionem formæ substantialis.
Videte punctum, unde rursus Aristotelismi aut Atomismi
tota moles vel sursum, vel deorsum itura est.

R O C C H I U S. Sursum ibit Atomismi moles, Domi-
ne Philalethes, si non aljunde id pendet, quàm ex of-
tensione identitatis realis inter materiam modificatam &
inter qualemcunque aut qualitercunque perfectam modi-
ficationem ejusdem materiæ. Accipiaturs itaque ad id of-
tendendum modificatio materiæ in corpore omnium per-
fectissimo, sive non organico, sive organico: quid erit
reperire in illo corpore nisi tot & tales partes materiæ?
quòd sint tot, id ad numerum refertur: quòd sint tales,
id refertur vel ad naturam singularem ipsarum, & quam ex-
tra corpus illud pariter haberent, & de qua proinde non
est sermo; vel ad habitum & respectum quem omnes ha-
bent in illo corpore, uti quod sint taliter locatæ, taliter
connexæ, taliter permixtæ, taliter temperatæ vicissim,
taliter motæ aut mobiles, taliter immotæ ac quiescentes,
&c. In quibus omnibus modificationibus nihil omnino
est nisi respectivum: & ideo nulla est nisi respectiva per-
fectio, quam usus permittit vocare substantialem propter
subjectum quod est substantia; sed quam ratio verat ac-
cipere pro substantia realiter distincta ab ea, quæ est sub-
stantia subjecti modificati, hoc est, materiæ modificatæ.

Atque ut hæc veritas magis pateat, accipiantur seorsim
singulæ corporis præfati ac perfectissimi partes, & quæro

XXXVIII.

Habitu-
do corporis
nihil subst-
antiale su-
peraddit
corpori.

XXXIX.

Tantum
addit per-

seclionem
respectivam

154

Dialogus quintus.

quid substantiæ novæ noviterque productæ accidat singulis eo titulo quòd habeant talem nexum , talem situm , talem motum , aut talem quietem , &c. Nihil sane. Hinc variate nexum , situm , motum , quietem , &c. Quid inde ? erunt in se ipsis quod erant ; unus illis deerit respectus , in quo erant ad invicem : & deerit illis illa perfectio respectiva , quæ nec ipsa maior erât , nisi respective ad perfectiores operationes , pro quibus per pristinam modificationem erant idoneæ.

XL.
Nihil sub-
tile per col-
lectionem
aut disper-
sionem ac-
quiritur.

Tandem adhuc , si placet , omnes & singulas , quæ corpus illud perfectissimum componunt , cogitate non semper illud composuisse ; cogitate itaque illas in statu dispersionis : quid exinde accidit ? collectæ fuerunt ; sicque connexæ , sic ordinatæ , sic temperatæ , sic agitatæ , &c. Excreverunt in tale corpus , quod ubi deperibit , quid accidet , nisi quòd revertentur in diversum aut similem dispersionis statum ? sed ut nihil rei acquirerunt quum collectæ sunt , ita nihil rei amittent , quum dispergentur. Sed jam tempus est , mi Pazzi , ut tecum redeam ad leonem illum , quem Palancus sub mathematica superficie conclusit , ut occideret : ecce illi occiso deest tantum perfectio substantialis respectiva , quæ non erat res producta , & ita non erat forma substantialis producta , qualem Scriptor vester per necem leonis voluit demonstrare. An non prædixi , quòd forsan evanesceret ex oculis tuis forma illa substantialis Aristotelica , quæ tam clare illos feriebat ?

P A Z Z I U S. Atqui nondum evanuit : adhuc enim video in leone vivo aliquid reale , quod in mortuo non erit ; & propter quod realiter atque substantialiter perfectior est leo vivus , quàm mortuus : illud autem reale atque substantiale quid est , si non est forma substantialis Aristotelica illa , quam Palancus hoc argumento habuit pro demonstrata ?

XLI.
Sufficit ad
vitam certam

R O C C H I U S. Illud reale , mi Pazzi , est modificatio illa realis atque substantialis , de qua aiebam , & quâ unâ

pereunte necesse est tuum illum leonem mori: de cætero enim finge formam illam tui leonis substantialem Aristotelicam, quam Palancus habuit pro demonstrata, finge, aio, incorruptam, finge, si vis, incorruptibilem: an propterea non morietur leo, si sit in eo notabilis vel membrorum fractio, vel organorum læsio, vel inflammatio, aut retentio sanguinis, vel quid simile? Habes igitur in illa pristina modificatione materiæ, seu in illa pristina bona habitudine totius corporis perfectionem realem ac substantialem, quâ leo vivus prævalet mortuos; sed illa modificatio substantialis non est substantia superaddita substantiæ modificatæ; & ideo non est forma illa substantialis Aristotelica, & materiæ præjacenti superadlita, qualem falso putasti demonstratam à Palanco fuisse.

quædam
modificatio;

Tum illi modificationi succedit alia, quæ est cadaverica, & ideo minus perfecta, siquidem jam non vitalis, ut antè: & hæc successive pejor fit ac tandem in putredinem abit. Sed vide, mi Pazzi, rursus quàm superflua sit tua illa forma substantialis; si colligeretur denuo tota illa materia quæ constituebat leonem; si omnes ac singulæ partes illius redderentur suo priori statui, redintegraretur corpus leonis, essetque pariter sanum ac vegetum, ideoque vivens ut antè. At tandem, quod est valde notatu dignum, si tanta est formæ illius substantialis Aristotelicæ superfluitas in corporibus organicis ac viventibus, quantum major erit in cæteris inorganicis & non viventibus?

XLII.
Sufficit ad
mortem alia
nova modi-
ficatio.

PHILALETHES. Jam antequam id moneres, notaveram apud me atque intuleram nihil ob stare, quin generatim pro quocunque statu cujusvis rei materialis assignabilis explicando sufficiat illa totalis materiæ modificatio, quæ consistit in omnium ac singularum talis materiæ particularum habitudine ad invicem, id est, in respectiva proportionem, cohæensione, activitate, &c. Hoc ipso enim quòd certa quædam materia, id est, certa quædam mate-

XLIII.
Partes ip-
sæ sunt ma-
teria & for-
ma sub di-
verso respec-
tu.

riæ quantitas, supponitur taliter aut taliter modificata, omnino implicat quod non sit tale aut tale corpus, quod ex illa constat: atque hinc itur à corporibus minùs perfectis ad perfectiora, pro quibus aliud nihil requiritur, quàm perfectior modificatio ejusdem materiæ, ac præsertim materiæ perfectioris. Et vide jam, mi Rocchi, an satis assequar tuam mentem. Omnes elementares particulas, ex quibus corpus aliquod confurgit, consideratas præcise secundùm multitudinem & molem, vocas *materiam*: ac deinde talium particularium modificationem consistentem in earum proportionem, cohæsione, activitate, &c. vocas *formam*: præterquam, ut verum fatear, mihi jam non licet aliam desiderare.

XLIV.
Opponi-
tur animam
rationalem
esse formam
hominis.

P A Z Z I U S. Tibi tamen licebit saltem, optime Philalethes, aliam desiderare in homine: nam nunquid anima rationalis in homine forma est hominis, ut à prædictis Conciliis definitum fuit? Nunquid est vita hominis? sicne auderet Rocchius affirmare nihil aliud formam, nihil aliud vitam hominis esse, quàm certam aliquam modificationem particularum elementarium, ex quibus constet moles organica humani corporis? An aliquid est à ratione? an aliquid est à fide tam alienum?

XLV.
Forma
hominis est
in habitu-
dine animæ ad
corpus.

R O C C H I U S. Nihil alienum à ratione, nihil alienum à fide hætenus ex me audiisti, mi Pazzi, nihil in futurum audies, si Deus me juverit, ut confido. Ecce homo constat ex anima rationali & corpore organico, tanquam ex duabus partibus ipsum componentibus: atque in hoc sensu ambæ istæ partes induuat rationem materiæ, juxta notionem receptissimam, quâ materia est omne id, ex quo inexistente aliquid fit. Tum ultra quod omnes ac singulæ partes corporis humani se habent certo quodam modo ad invicem, quo videlicet ordinantur, cohærent & contemperantur, ut par est, pro integrandis membris, organis, humoribus, &c. est etiam aliqua par-

Quàm bene sentiant Atomista de forma substantiali. 157
ticularis habitudo connexionis inter animam & corpus ; aliqua particularis dependentia corporis ab anima : & aliqua particularis dominatio animæ supra corpus : itaque tota illa modificatio habitudinis animæ ad corpus, & corporis ad animam est forma totalis & adæquata hominis.

PAZZIUS. Novum est hoc loquendi genus, mi Rocchi.

ROCCHIUS. Tibi nescienti nostra mysteria novum est : sed de cætero antiquum est ; atque ut illud plenius discas, audi me patienter.

PHILALETHES. Audiemus te : at nescio an patienter, si non uteris compendio : an non advertis solem occumbere , ac proinde imminere horam abeundi.

ROCCHIUS. Vetabat ardor loquendi, ne id adverterem. Abeamus, & complebo sermones meos , antequam attigerimus metas ambulacri hujus. Dicam igitur, Domini mei, nobis aliam esse materiam adæquatam, aliam inadæquatam : & similiter formam aliam adæquatam & aliam inadæquatam. Materia adæquata, sive totalis est id totum, ex quo inexistente aliquid fit : & ita omnes partes compositi sunt tota materia compositi : materia verò inadæquata, sive partialis est id quod in composito est magis passivum, atque ita magis subjectivum & potentiale. Similiter forma adæquata, sive totalis est id per quod omnes partes compositi se habent certo quodam modo ad invicem , & sic tota omnium partium ad invicem modificatio est tota forma compositi : forma verò inadæquata & partialis est id, quod in composito est magis activum , & ita magis actuans atque perficiens, Unde patet qualiter denominationes *materiae* & *formae* pendeant ex diversis respectibus : quandoquidem unum, & idem sub diversis respectibus acceptum vocari potest modò *materia*, modò *forma* compositi.

Et hinc rursus patet quare non recurri debeat ad illud tertium genus entis ficti, quod *formam substantialem* vo-

XLVI:
quid sit materia hominis adæquata, quid inadæquata.

XLVII:
quid sit forma hominis adæquata,

quid inad-
guata.

cant, pro explicanda vera forma cujuslibet compositi materialis : ecce quidquid illud componit , sub hoc generali respectu materia illius est : & rursus quidquid componit & perficitur , materia est ; quidquid componit & perficit , forma est , præter formam illam , de qua dixi , adæquatam in omnium partium ad invicem habitudine consistentem . Atque hinc tandem patet quomodo anima rationalis in homine sit per se , & vere , & proprie & essentialiter forma hominis ; siquidem est & pars essentialis illius , & pars perfectiva illius , omninoque veriùs , atque intimiùs quàm aliquando finxerint Aristotelici simile quid suis illis formis substantialibus convenire ; ut non addam hinc etiam omnino veriùs animam hominis vocari formam hominis , quòd per se sit substantia vere superaddita materiæ , seu corpori præjacenti ; & hoc nunquam potuit convenire formis substantialibus Aristotelicis . Parcite , Domini mei , si forte lapsus sum linguâ in narratione tam celeri , cui jam ut video , protrahendæ obstat noster hic ad fores accessus .

PHILALETHES . Paucis his vestris atomisticis loquendi modis multa conclusisti : nec è re forsan fuisset ex illis non epilogum , sed prologum conficere vestræ hodiernæ hujusce disputationis : nam hæc est mea mens Philosophos perinde ac cæteros homines de verbis magis quàm de rebus certare : sæpe de illis non dissimiliter sentiunt ; sed ita dissimiliter loquuntur , ut spes futuræ consensionis appareat nulla . Nollem tamen , si vellent se audire , desperare de illa : & hâc viâ forsan aliquando Aristotelici , si Atomistas audierint , deferent suam illam formam substantialem , contra quam tot obices posuit Rocchius .

III XLV.

Ablatâ formâ substantiali , auferrentur omnes accidentales .

PAZZIUS . Donec videris , Domine Philalethes , pascentes in æthere cervos , noli credere id futurum . Forma substantialis basis est , cui tota Philosophiæ Aristotelicæ moles innixa est , & eam deferemus ? Si defereremus illam , nonne oporteret deferere formas omnes accidentales .

Quàm bene sentiant Atomista de forma substantiali. 159
les, quas illa paritur, & sine quarum ope tum nulla Naturæ phænomena explicari possunt, tum mysteria Fidei multa non possunt. Quare ob istas formas accidentales, quæ debent necessariò retineri, necessarium est illam non deseri.

PHILALETHES. Et capropter, Domini mei, auctor sum ut deinceps & de omnibus formis accidentalibus generatim, & de quibusdam particulatim inter vos agatur: ex illis enim aut admittendis, aut non admittendis intelligam abundantius quid de forma substantiali Aristotelica, de qua sermo hæctenus fuit, veriùs aut hinc, aut inde assertum sit.

ROCCHIUS. In promptu ero, Domine Philalethes, ut cum volueris agam contra Pazzium de illis.

PAZZIUS. Neque non ero ego promptissimus defendendæ veritatis earum contra te, mi Rocchi: mihiq; longa esset, si ultra quàm in crastinum differretur hæc concertatio, cui, si videbitur, dabitur initium apud me, apud quem oro vos, Domini mei, convenire sub horam prandii: hanc mihi, ut confido, benevolentiam indulgebitis. Interim valete.

PHILALETHES. Hoc à te benevolentiae signum accipiemus. Vale interim.

ROCCHIUS. Vale plurimum: habebis nos apud te, vitâ comite, affulgente meridie.



DIALOGUS SEXTUS.

*QUAM MALE SENTIANT
Aristotelici de formis accidentalibus generatim.*

PERSONÆ COLLOQUENTES.

PHILALETHES, PAZZIUS, ROCCHIUS.

I.
Societas
cœnæ fuit o-
lim charior
Philosophis.

P H I L A L E T H E S. Vide, Domine Pazzi, quàm familiariter tecum egimus; schedulam hoc mane misimus, qua rogavimus ut prandium, quod parari iusseras, committares in cœnam: fuitque occasio id rogandi negotium, quod erat commune mihi, & Rocchio; neque nisi ante paucula momenta petfci potuit.

P A Z Z I U S. Sic cum amico agere debuistis: quid hîc mali? nisi quod distulistis voluptatem convivendi vobiscum; sed cuius dilationis damnum per faciliora cœnandi oria compensabo.

R O C C H I U S. Erit etiam, Domine Pazzi, cœna hæc conditioni nostræ hinc oportunior, quòd olim apud Philosophos in charioribus deliciis fuerit societas cœnæ: hinc apud Athæneum non aliorn, quàm Dipnosophistarum fit mentio.

P A Z Z I U S. Hinc etiam conditioni nostræ oportunius tibi videbitur, quod apud me decrevi, ut hoc ipsum musæum pro cœnaculo habeamus.

II.
Philosophi
cœnabant o-
lim in mu-
sæis.

R O C C H I U S. Ne joculari putes, mi Pazzi; fuit etiam is mos antiquus apud Philosophos, ut in musæis cœnarent; sed qui postmodum ita versus in fastum fuit, ut con-
quereretur

Quàm male sentiant Arist. de formis accidental. gen. 161
quæreretur Seneca homines esse, quibus libri non studio-
rum instrumenta, sed cœnationum ornamenta essent; qui-
bus non in studium essent, sed in spectaculum. At de te
omnino alius sermo erit, mi Pazzi, qui nec multam libro-
rum turbam habes, ut video; nec alios, ut conjicio, quàm
quibus perpetuò insudes atque impalleas.

*De tranq.
animi 6. 9.*

PHILALETHES. Nihil hîc non lectum est, mi
Pazzi, totum legisti, ac selegisti: sed quæ sunt, si placer,
duo hæc volumina, quæ è superiori loco micant præ cæ-
teris sub ostro & auro?

PAZZIUS. Dicat id Rocchius, qui subridet.

ROCCHIUS. Dicam & jurarem, si opus foret,
Gennarum esse atque Palancum. Ita ne?

PAZZIUS. Ita plane; neque non fatebor sine rubore,
quòd si opis meæ perinde ac voluntatis fuisset, libros il-
los, mihi tam caros, laminis aureis obtexissem. Miror ac
veneror in libris illis duos Aristotelismi Heroas, quibus
hac una saltem via, qua potui, significare volui quanto
in pretio sit apud me illorum generositas ac doctrina. Exi-
gui ausûs minimique laboris res olim erat scribere pro
Aristorelicis placitis, quando ad aliquid suadendum satis
erat vel levissime insinuare Aristotelem sic sensisse. At fuit
tempus illud: aliter hodie vivitur, & sævit fere ubique ar-
dens conjuratio in Aristotelisnum: ruina illius perti-
muir in Italia Gennatus: illam in Hispania perimescit
Palancus: & ecce duoviri, qui uni factò impetu conjur-
atores invadunt, ut illos disperdant; qui uni conantur
contra ictum fluminis abripientis opiniones Aristotelicas
in oblivionem atque contemptum: qui uni contra omnes
Atomistas pugnant. An alii, quàm hi duo Heroes mei
tentare id potuerunt.

III.
Nunc est
arduum scri-
bere pro Ari-
stotele plus,
quàm ante.

ROCCHIUS. Laudo tecum Heroas tuos, mi Pazzi; sed de
illo heroismo non agitur: non agitur an generose in pa-
læstram descenderint, sed an feliciter; an ut pro veritate,

vel contra veritatem pugnarent. Agitur [hac horâ an omisso Gennaro Palancus demonstrare potuerit formas generatim omnes accidentales, de quibus Philalethes heri disposuit, ut hodie loqueremur : an tueri potuerit à vi & robore argumentorum, quibus Atomistæ illas impugnant.

IV.
Proponun-
tur duo tra-
ctanda.

PHILALETHES. Ordo equidem doctrinæ postulare id videbatur, ut inter vos anticipare ageretur de univ-
sali notione illarum: quâ disputatione præmissâ duo adhuc sunt, quæ vobis suggeram hic disputanda : *primum* pertinebit ad illarum generationem ; & *secundum* ad multitudinem : quod utrumque simul propono, ob id præsertim quòd scio Atomistas illarum generationi opponere multitudinem nimiam, quæ generari deberet, & generari non potest.

V.
Affertur
in gratiam
formæ sub-
stantialis
Conc. Con-
stantinopoli-
tanum quar-
tum.

PAZZIUS. Inhærebimus, ut solemus, ordini quem proponis ; sed permitte ut in gratiam formæ substantialis, quæ formatum omnium accidentalium fons & origo est, proponam Rocchio nostro auctoritatem, quæ gravissimi ponderis est apud Palancum, nec heri à me nisi per oblivionem omissa est. Hæc auctoritas petitur ex octavo Concilio generali, quod est Constantinopolitanum quartum, ubi pro fidei dogmate definitur unicam in homine animam esse, ac proinde unicam formam substantialem esse, quæ est anima rationalis. Hæc autem decisio faverit omnino Thomistis, qui animæ rationali tribuunt quidquid homo habet non solum intellectus, sed etiam sensationis atque vegetationis, propterea quòd sit, ut intellectiva formaliter, ita sensitiva & vegetativa eminenter. At Atomistis è contra valde adversatur, quatenus formam in corpore humano aliquam ponunt, nescio quam ; sed quæcunque tandem sit, distinctam ab anima rationali : sicque admittunt in homine formas duas, sive animas duas, quarum una generatim esset anima hominis, alia verò esset speciatim anima corporis.

Quàm male sentiant Arist. de formis accid. generatim. 163

ROCCHUS. Ego verò, mi Pazzi, apud me reputabam omisisse te de industria illam auctoritatem, quam utique intellexisses nec cominus, nec eminus tangere Atomistas. Hæc, ut parcam labori tuæ relationis, verba sunt præfati Concilii act. 9. can. 11. *Veteri & novo testamento unam animam rationabilem & intellectualem habere hominem docente, & omnibus deiloquis patribus & magistris Ecclesiæ eandem opinionem asseverantibus, in tantum impietatis quidam malorum inventionibus dantes operam devenerunt, ut duas eum habere animas impudenter dogmatizarent, & quibusdam irrationabilibus conatibus per sapientiam, quæ stulta facta est, propriam hæresim confirmare pertentent, &c.* Ac tum omnes, qui id aut simile quid sentiunt, tremendo anathemate feriuntur.

VI.
Referuntur
verba
Concilii.

Jam verò ut illico videas Atomistas tali anathemate non feriri, scias illos non agnoscere in homine nisi animam & corpus, tum in corpore non agnoscere nisi omnes ac singulas partes, quæ illud componunt & formant eo modo, quo videmus illud compositum & formatum: ac deinde omnes hujusmodi partes acceptas præcise prout illud componunt & formant, vocant *materiam* corporis: omnium verò illarum partium modificationem totalem, quæ procedit à partibus ita modificatis, ita ordinatis, ita conjunctis, ita compactis, ita emollitis, ita firmis, ita fluentibus, &c. vocant *formam*: sed quam aiunt, ut res habet, nullius entitatis esse distinctæ ab ea, quæ est omnium prædictarum partium eo modo, quo dixi, se se invicem modificantium. Venio jam ad te, mi Pazzi: & quæro an id de duabus animabus, quod hæreticum declaratur à Concilio, intelligi debeat de duabus animabus distinctis à corpore, aut indistinctis.

VII.
Ostenditur
illud non
tangere A-
tomistas.

P A Z Z I U S. Utique de distinctis tam à corpore, quàm à se invicem: nam si distinctæ non sunt, duæ non sunt.

R O C C H I U S. Igitur, mi Pazzi, causa finita est:

X ij

ecce in corpore humano nullam nisi animam rationalem, seu intellectivam ab illo distinctam admittimus.

Pazzus. Sed neque sic, mi Rocchi; nisi forte in speciem causa finita est: nam juxta vestra principia, quæ novi, vita corporis non est ab anima rationali: igitur est alia quædam anima, quæ vivificat corpus: & ita reciditis in opinionem à Concilio damnatam de duabus animabus in homine.

VIII.
Qualiter
vita corporis
pendet
ab anima.

ROCCHIUS. Si nostra principia nosti, mi Pazzi, nosti utique aliqua esse, in quibus vita corporis ab anima rationali pender, & alia esse in quibus non pender. Pendet ab illa in iis motibus, quid ad illius imperium exercentur, uti quod oculos huc aut illuc convertamus, quod vocem attollamus, quod manum contrahamus, quod pedem promoveamus, &c. Sed non pender ab illa in motibus cæteris, qui non modò fiunt non imperante illâ, sed perinde fiunt invitâ illâ & renitente: uti sunt omnes motus vegetationis, alique plurimi ex sola corporis structura pendentes: erubescimus, pallemus, tremimus, oscitamus, esurimus, sitimus, etiamque inviti: quod signum est hæc & similia vitæ corporalis officia non spectare ad animam, quæ revera ignorat qualiter possint compleri, aut impediri.

IX.
Et qualiter
non
pendet.

Tales itaque motus, quos anima non imperat, & quos frustra imperaret fieri aut non fieri, revocamus ad perfectam tatiùs corporis taliter organici, taliter temperati modificationem, quæ per se vitalis est, vivifica est, atque in hoc sensu anima est; sed utique, ut aiebam, anima est, quæ realem entitatem nullam corpori superaddit: & ita nullum habere hîc locum potest decisio illa Conciliaris, quæ sub anathematis pœna verat admittere in homine duas animas, scilicet tam ab animato corpore distinctas, quàm abs se invicem. Sed forsan posset decisio illa ferire plures extra sectam thomisticam Aristotelicos, quibus

Quàm male sentiant Arist. de formis accid. generatim. 105
vltimū est posse admitti animam sensitivam in corpore humano, qualem admittunt in brutis, licet subordinatam animæ rationali: siquidem anima illa sensitiva vere juxta ipsos superadditur corpori: arque hoc modo essent in homine animæ realiter duæ: quamquam vix puto Concilium ad hanc disputationem mere philosophicam attendisse.

PHILALETHES. Tecum id puto, mi Rocchi: & in hoc opinione sum cum viris peritissimis non paucis, quos audiui aut legi, Concilium extinguere voluisse ultimum manichæismi fomitem adhuc vigentis in hac hæretica de duabus animabus in homine sententia: de duabus utique animabus rationabilibus & intellectivis, quarum una esset alteri insensa, una in malum propendens, in bonum altera; & eapropter inter se perpetuò contrariis atque pugnantibus. Neque ad id ita censendum opus est, nisi attendere ad verba ipsa Concilii, quod postquam affirmavit non esse nisi animam unam rationabilem & intellectualem in homine, juxta sacram scripturam & sanctos Patres, addit nihilominus esse aliquos, qui ausi sunt, dogmatizando impudenter, asserere duas animas esse in homine; id est, duas animas rationabiles & intellectuales: arque in hoc sensu Concilium declarat hanc dualitatem animarum esse hæreticam; quia illa unitas isti dualitati opposita, est de fide, siquidem contenta in sacris paginis & à sanctis Patribus asseverata.

Et revera quando aliquid de fide est, id tantum quod tali articulo fidei contradicit, hæresis est: quid autem unitati animæ rationalis & intellectuales in homine contradicit, nisi pluralitas talium animarum in homine? ac proinde contra præfatam decisionem non peccarent qui præter animam rationalem ponerent in homine aliam materiale illi subordinatam & ab illa pariter atque à corpore distinctam: Quando itaque minus, si forte illi peccarent, peccant Atonistæ, quando non aliam materiale ag-

X.
Qualiter
intelligi de-
beat Conci-
lium.

XI.
Potest ad-
mitti anima
materialis
subordinata.

cunt quàm indistinctam, & proinde nihil commune habentem cum dualitate animarum à Concilio damnata. Hinc suadeo vobis, Domini mei, ut non diutiùs hæreatis in examine hujusce autoritatis Conciliaris quæ, ut opinor, neque Aristotelicis faver, neque Atomistis nocet, utpote nunquam destinata ad inferendam sive illis gratiam, sive istis injuriam.

ROCCHIUS. Imo Aristotelicis plurimum nocet, Domine Philalethes; Atomistis autem faver mirum in modum.

P A Z Z I U S. Audiam id à te curiose, mi Rocchi.

XII.
Qualiter
ad vitam
non opus est
anima dis-
tincta.

ROCCHIUS. Mihi te audire id curiose non satis est, mi Pazzi: vellem ut id fructuose audires, ac tandem patereris te convinci, quomodò nec in corporibus inorganicis, nec etiam in organicis opus sit forma ulla illis entitative superaddita. Ecce enim in corpore humano, prout tu interpretaris, nulla est anima materialis; & sine illa nihilominus vita corporalis in eo est: quare vita hæc non erit pariter in brutis sine anima sensitiva, & in arboribus sine anima vegetativa?

P A Z Z I U S. Disparitas est; quatenus, ut pluries dixi, anima rationalis exercet in corpore nostro officia animæ sensitivæ ac vegetivæ.

ROCCHIUS. Sed hæc disparitas falsa est; quamvis illam millies attulisses; nam ut experientia constat, pluriimi fiunt in nobis corporales motus, qui non modò non fiunt ab anima rationali, sed etiam fiunt invitâ illâ & renitente: atque hi quidem motus spectant & ad vegetationem & ad sensationem. Unde recte inferitur quòd si possunt motus corporales ad vegetationem & ad sensationem spectantes in nostro corpore fieri absque anima corporali superaddita corpori, poterunt similiter in brutis fieri & in arboribus sine anima illis respective superaddita: quare, ut aiebam, decisio præfati Concilii Aristotelicos ferit, vistas non tangit, aut vorius juvat.

Quàm male sentient Arist. de formis accid. generatim. 167

PHILALETHES. Rogo iterum, Domini mei, siuite loqui de Concilio, cujus authoritas, jam nimis agitata; nihil mihi videtur habere commune cum hac vestra concertatione de formis substantialibus, & de quibus jam satis sit concertatum. Agite jam de formis accidentibus; atque ut ordine, quem supra institui, procedatur, tuum sit, mi Pazzi, claram & evidentem aliquam notionem nobis afferre ac generalem formarum accidentalium, quas Aristotelici tuentur ex suis respective subjectis genitas & ab illis entitative distinctas.

P A Z Z I U S. Non possum tuæ voluntati, Domine Philalethes, parere melius, quàm afferendo ex Palanco meo verba sequentia. Hic itaque Scriptor post præmissa non pauca circa rationem etymologicam vocis hujus *substantia*, ita loquitur. *Sed quidquid sit de vocis etymologia, omnes Peripatetici nomine substantiæ ens per se & in se existens semper significamus; quod ad equivocationes, vitandas frequenter in antepredicamentis advertimus: sicuti quòd nomine accidentis ens inharens, seu entis ens significamus, quod nempe natura & essentia sua ineptum sit ad existere in se & per se, tantummodoque natura sua aptum natum inexistere, seu inhaerere alteri tanquam entis ens.* Habetis hic, Domini mei, notionem, qua clarior esse nulla possit, duorum hujuscemodi entium, dividendum ens in communi, quorum unum vocamus *substantiam*, & alterum *accidens*. Sed quia Palanco res erat cum Atomista nesciente mysteria peripatetica, subjungit amplam hujus utriusque notionis expositionem eò tendentem, ut moneat non esse nihilominus de essentia substantiæ quòd existat in se ac per se, sed tantum quòd sit apta nata sic existere: uti similiter non est de essentia accidentis, quòd existat in alio tanquam in subjecto, sed tantum quòd sit aptum natum sic inexistere. Verba ejus hæc sunt, *Ac proinde esse ætèr-*

XIII.
Quæritur
notio acci-
dentis mate-
rialis in
communi.

Dial. 31.
n. 442.

Ibid. n. 443.

lum est, quòd sit ens aptum natum esse, seu existere per se: & similiter essentia accidentis non est actu esse, seu existere in alio tanquam in subiecto; sed tantummodo esse aptum natum esse, seu existere in alio tanquam in subiecto. Et hujus veritatis rationem profundissimam adjicit eductam ex eo, quòd illud ens, quod dividitur in substantiam & accidens, non sit ens per essentiam, sed ens per participationem: unde patet neque actualitatem existendi per se essentialiter esse substantiæ; neque actualitatem existendi in alio essentialiter esse accidenti. *Vide igitur, mi Rocchi, (verba sunt Palanci Atomistam suum alloquentis) an contra id ipsum, quod significamus, & nos significare tam clare advertimus, aliquid habeas opponendum.*

XIV.
Contra-
dicitur præ-
missæ notio-
ni.

ROCCHIUS. Oppono in hac utraque vestra notione tam clara substantiæ & accidentis esse nihil, nisi tenebras valde palpabiles, quas etiam tu ipse palpabis, ut confido, mi Pazzi, si me audieris. Substantia, ut ais, est *ens in se*, sed non essentialiter: est igitur ens in se accidentaliter. Ac deinde, accidens est *ens in alio*, sed non essentialiter: est igitur ens in alio accidentaliter. Qua via substantia & est ens in se, & non est ens in se: sic accidens & est ens in alio & non est ens in alio: quatenus substantia quidem est indifferens ad esse per se & ad non esse per se; similiter accidens est indifferens ad esse in alio, & ad non esse in alio. Palpa tenebras.

PAZZIUS. Non palpos; neque tu palpares, si adverteres quod dixi substantiam non equidem esse essentialiter *ens in se*; sed esse aptam natam ad esse in se: ac tum similiter accidentis non equidem essentialiter esse *ens in alio*, sed esse aptum natum ad esse in alio. An per talem aptitudinem non satis parent notiones substantiæ & accidentis?

XV.
Substantia
& accidens
se haberent

ROCCHIUS. Utique non satis. Etenim substantia nunquam posset esse in alio, nisi aptitudinem haberet ad esse in alio: similiter accidens nunquam posset esse in se, & ad

Quàm male sentiant Arist. de formis accid. gene. 169
 & ad esse in alio : accidens est aptum ad esse in alio & ad
 esse in se : sicque substantia & accidens haberent nativam
 ad utrumque statum indifferentiam. Non conveniunt, mi
 Pazzi, pares caligines notionibus rerum, pares indifferen-
 tiæ ad esse aut hoc aut illud. Quando apud Philosophos
 quæritur quid sit aliquid, quæritur certe quid sit invaria-
 biliter : at in notionibus quas profertis, nihil è contra ni-
 si variabile profertis, dum dicitis substantiam ita esse *ens*
in se, ut esse possit *ens in alio* : & accidens ita esse *ens in*
alio, ut esse possit *ens in se*. Quid diceretis, amice, si Ma-
 thematicus interrogatus de notione trianguli & quadranguli
 responderet illud quidem tribus lineis tribusque angulis,
 istud verò lineis quatuor, quatuor angulis constare :
 ac tum adderet id quidem aptitudinaliter ita esse, sed es-
 sentialiter ita non esse, triangulo valente in quadrangulum,
 & quadrangulo in triangulum commutari : ita quod posset
 aliquando triangulum lineas quatuor & angulos quatuor
 habere ; & quadrangulum pariter non habere nisi tres li-
 neas, & tres angulos. An non diceretis illum nihil nisi te-
 nebras respondere ?

Atqui vos interrogati de notionibus substantiæ & ac-
 cidentis simile quid respondetis, dum ita responderis, ut
 inferre liceat substantiam posse accidens esse, & accidens
 esse substantiam posse, quia potest accidens in se esse, ut
 potest substantia in alio esse. Sed volo adhuc palandas
 tibi dare tenebras crassiores. Quid obscurius, quàm quòd
 accidens vocatis *entis ens*, id est, ens entis, quod est per se
 atque in se existens, sive quod est *substantia* ; hoc enim no-
 mine abstracto vocatis ens per se subsistens ac substans
 cæteris ; sed de nomine non sit quæstio. Ad rem venio
 & rogo an accidens sit aliquid illius entis, cujus dicitur
 ens ? vel an sit nihil illius ? si est aliquid illius, erit pars il-
 lius, atque ita erit pars substantiæ, sive pars substantialis :
 si verò nihil est illius, cur dicitur ens illius ?

XVI.
 Substantia
 posset esse
 accidens, &
 accidens
 substantia.

P A Z Z I U S. Bene suspicabar, mi Rocchi, te unum in culpa esse tenebrarum, quas objicis ; nec alio titulo, quàm quòd crasse accipis voces nostras, accipiendo videlicet *entis ens*, veluti pro parte entis, cujus dicitur ens. Ens quod in alio est, & inhæret illi, est accidens illius, & in hoc tantum sensu est ens illius. Vide sensum, in quo accidens dicitur *ens entis* : & cessabunt tenebræ tuæ.

XVII.
Aliud est esse
in alio, &
aliud esse ens
illius.

R O C C H I U S. Auger è contra illas sensus iste quem profers. Nam anima rationalis est in corpore humano & inhæret illi ; neque tamen est ens corporis : neque unum ex istis accidentibus, de quibus sermo est : atque ita non sufficit ad esse *ens entis*, esse in alio & inhærere illi : quare saltem valde tenebrosa est illa notio *accidentis* expressa per id quod est esse *ens entis*. Sed insuper, quòd aliquid sit in alio & inhæreat illi, hoc non sufficit ad hoc quòd sit aliquid illius, multòque minùs ut nominetur ens illius : & ratio est, quia conjunctio quantumvis intima & penetrativa duarum rerum, nunquam efficere potest ut una evadat alia, aut evadat aliquid de alia : atque ita omnino chimæricum est sub quocunque pretexto cujusvis inhæfionis aut penetrationis ens, quod sit ens alterius entis ; & ita chimæricum omnino est accidens, cujus non alia notio est, quàm quòd sit *ens entis*. Nisi quòd tale ens, quod vocaris *ens entis* vel pertinet ad constitutionem intrinsecam illius entis, cujus dicitur ens ; vel tantum ad aliquam constitutionem extrinsecam. Si *primum*, est vera quædam pars constitutiva illius entis : in quo sensu vestrum accidens esset aliqua pars constitutiva substantiæ : si *secundum*, non est pars illius, nihil est illius, licet inhæreat illi ; at ens quod inhæret alteri est in se aliquid, & per illud aliquid non inhæret : nam hoc aliquid inhæfioni præsupponitur : atque ita non bene explicatur quid sit accidens in se, per hoc quòd dicitur accidens esse inhærens, esse in alio, esse ens entis : siquidem hæc omnia consequuntur ad id

Quàm male sentiant Arist. de formis accident. gener. 171
quod est esse in se ipso tale aut tale ens.

Quæ omnia probant nullum esse, aut esse posse tale quoddam ens, quod nihil aliud sit quàm *ens entis*: & ita substantiam & accidentem non esse duo genera entium, sive duo entia generatim, sed esse tantummodò duos respectus unius entis, quod sub uno quidem respectu vocabitur *substantia*, sive potius *ens subsistens*, *ens subiectans*, & sub alio, *ens insubsistens*, *ens subiectatum*, ac tandem *accidens*, imò *ens entis*, scilicet respective; sed non absolute: nam absolute omnino implicat aliquod ens esse ens alterius entis. Et videte, Domini mei, pejorem adhuc contradictionem in hoc quòd Aristotelici putant substantiam & accidentem esse duo entium genera in se ipsis absolute diversa; nam fatentur substantiam subsistere posse in alio, & accidentem posse subsistere in se ipso divinitus: hoc autem an non est fateri substantiam, quæ est quoddam ens absolute, posse fieri aliud absolute, id est, posse fieri accidentem: & similiter an hoc non est fateri accidentem, quod est quoddam ens absolute, posse fieri aliud absolute, id est, posse fieri substantiam? sicne rerum naturæ mutantur: sicne faciendæ sunt exceptiones in naturis rerum, propter quas aliquid possit fieri aliud? sicne pro philosophicis haberi possunt notiones illæ substantiæ & accidentis, per quas permittitur & substantiæ esse aliquando in alio, & accidenti esse aliquando in se?

PHILALETHES. Non advertis, mi Rocchi, quia nimis ardentè loqueris, te his postremis verbis repetere quæ ab initio aiebas contra notiones istas substantiæ & accidentis, in quibus non ferebas sive indifferentiam illam substantiæ ad esse aliquando in alio, sive indifferentiam illam accidentis ad esse aliquando in se. Sed nihilominus Aristotelici valde prudenter hanc indifferentiam in illis involvunt, quia sine illa non possent exponere aliqua fidei nostræ mysteria: neque id te latet. Ecce in Christo

Y ij

XVIII.
Nullum ens potest esse ens alterius entis.

XIX.
Quæ sint exceptiones in notionibus substantiæ & accidentis.

non est nisi una persona, & proinde nisi una substantia: hinc humanitatem necesse est subsistere, non in se, sed in persona Verbi divini: habes hic casum, in quo substantia non subsistit in se, & quem propterea debuerunt excipere in notione generali substantiæ. Rursus in Sacramento Eucharistico mutatur substantia panis per vim consecrationis in substantiam corporis Christi: accidentia verò panis non mutantur, sed manent eadem quæ erant: manent igitur sine subjecto: ac proinde jam non in alio existunt, sed in se ipsis. Habes hic alium casum, in quo accidens non in alio subsistit, sed in se; & quem proinde debuerunt excipere in notione generali accidentis. An non, mi Pazzi, eras id totum dicturus?

XX.
Quare illæ
exceptiones
fiant ab Ari-
stotelicis,

P A Z Z I U S. Id plane totum eram dicturus, Domine Philalethes, & additurus hunc morem esse tenendum Philosophis Christianis, ut caveant ne in principiis philosophicis, quibus adhærent, aliquid sit quod non sit ad expositionem fidei opportunum: ubi autem tale aliquid in iis viderint, debent ad accomodandas fidei suorum principiorum notiones, istas temperare per exceptiones fidei convenientes. Atque hoc ipsum est, quod ab Aristotelicis Christianis actum est, quando in notiones substantiæ & accidentis induxerunt exceptionem, de qua sermo est, & quæ mirum in modum commoda est pro exponenda fide Incarnationis & Eucharistiæ. Neque jam dubito, mi Rocchi, quin probes exceptiones, quas in notionibus substantiæ & accidentis posuimus.

R O C C H I U S. Illas nunc valde minùs probo quàm ante; quia nunc audio illas arbitrarias fuisse, nec adinventas, nisi ob subsequenter necessitatem exponendi aliquatenus fidem, quæ cum solitis & antiquis notionibus substantiæ & accidentis apud Aristotelicos receptis pugnabat. Itaque Aristotelici Catholici viderunt notiones illas antiquas Aristotelicas substantiæ & accidentis, quales sunt

Quàm male sentiant Arist. de formis accid. gener. 173
essendi in se, & essendi in alio conciliari cum fide nostra
non posse : quid egerunt ? confuderunt illas per excogit-
tatam exceptionem, qua dicunt substantiæ quidem nati-
vam exigentiam hanc esse, quòd sit in se, esse tamen in al-
lio posse : & similiter hanc esse quidem exigentiam acci-
dentis nativam, quòd sit in alio, esse tamen in se ipso pos-
se, quod omnino arbitrarie dicitur, quia non possunt na-
turæ rerum esse in hunc modum indifferentes.

Quapropter ob id quòd notiones illæ antiquæ Aristoteli-
cæ non concordarent cum fide sine addita exceptione, XXI.
Potius non
debuerunt
amplecti no-
tiones præ-
missas.
debuerunt illas habere pro erroneis, & oportuniores fidei
alias excogitare. Debuerunt avertere se ab illo falso præ-
judicio quo laborant, affirmantes substantiam & accidens
esse duo genera entium, quando nihilominus non sunt,
nisi genera duo respectuum. Quid autem hinc sequitur,
nisi omnino ridendum esse quidquid deinceps Aristoteli-
ci agitant circa modum productionis talium accidentium
suis respective substantiis inhærentium & ab illis realiter
distinctorum ? Quæruno cum gravi cura & studio unde
sint quæ nusquam sunt, & quomodo fiant quæ nunquam
fiunt : videor mihi videre homines, qui supponentes esse
in scirpis nodos & in ovis pilos, certarent acriter circa mo-
dum, quo illi nodi ex scirpis, & illi pili ex ovis enascua-
tur : nequeridere non possum id genus homines.

PAZZIUS. Ride illos, mi Rocchi, quantum vo-
lueris ; sed scias rideri Aristotelicos pariter non debe-
re ; neque enim, ut falso putas, agitant falsam hypothe-
sim accidentium. Ista entium genera probamus ac de-
monstramus : ac tum pertractamus modum productionis
eorum ex suis respective substantiis, & eorum ab illis rea-
lem distinctionem inferimus.

ROCCHIUS. Continebo illico risum omnem, mi
Pazzi, si ex omnibus illis vestris demonstrationibus unam
attuleris, quæ vel levissimam umbram alicujus verisimi-
tudinis habeat. XXII.
Res est in-
demonstra-
bilis.

Dial. VI. n.
450.

P A Z Z I U S. Hanc ex omnibus accipe contentam his verbis, quibus Palancus rationem profundam & altam reddit divisionis præmissæ entis in substantiam & accidens tanquam in duo genera entium realiter ab invicem diversorum. *Ratio profunda*, inquit, *altaque hujus divisionis ea est, quia præfata divisio est divisio entis creati, seu entis per participationem talis: hujusmodi autem ens essentialiter est potentiale, perfectibile, alterabile, & mutabile intrinsece. Cum autem ens per se existens non possit intrinsece mutari, perfici vel actuari ab ente per se etiam existente, sed solummodo ab aliqua actualitate, affectione, vel modo essendi adjectitio entis per se existenti, inde (pondera, mi Rocchi, vim consequentiæ) consequitur evidenter quod ens reale, tale per participationem debuit dividi prima & generali sui divisione in ens per se & simpliciter tale, & in additamentum, affectionem seu actualitatem, vel modum essendi illi essentialiter adjectitium.*

XXIII.
Ad quid ten-
dat demon-
stratio præ-
sumpta.

R O C C H I U S. Parce, oro, lectioni ulteriori: legi ac perpendi non semel cætera, eò tantum intendentiæ, ut ostendatur nullum ens creatum esse actum purum, & ideo nullum esse, quod ab intrinseco non possit perfici: perfici autem ab ente per se existente non posse, atque ita superesse ut perfici tantum sic possit per ens non existens per se: sive per ens insubsistens, per ens inhærens: hujusmodi autem entia insubsistentia, & inhærentia esse accidentia illa, de quibus certatur. An hîc aliud quid probare Palancus voluit?

P A Z Z I U S. Aliud nihil: & hoc sufficit, si conceditur, quod infertur.

XXIV.
Gravis sup-
ponuntur
substantiæ
perfectibiles

R O C C H I U S. Sed, mi bone Pazzi, non sic conceditur quod infertur, quando non probatur id, unde infertur. Palancus ut probet dari accidentia, supponit substantias creatas atque ideo perfectibiles, perfici ab intrinseco posse: sed sic perfici ab intrinseco posse non probat: hoc

Quam male sentiant Arist. de formis accid. gener. 175
 mere supponit : & hoc idem est ac supponere in scirpis
 nodos, aut in ovis pilos. Nam natura cujuscunque rei est
 quidquid intrinsecum illi est, si vere intrinsecum est : quia
 verò naturæ rerum nunquam mutantur, hinc sequitur res
 omnes tam nihil intrinsecum posse acquirere, quàm nihil
 intrinsecum possunt amittere, quod, ut aiebam, sit vere in-
 trinsecum. Corpus intra se ac penetrative recipit animam,
 sed eapropter non mutatur intrinsece : nihil vere intrinse-
 cum amittit, nihil ve.è intrinsecum acquirit : sed acqui-
 rit vitam, inquires ; hæc vita nihil est de corporis consti-
 tutione intrinseca : corpus idem & intrinsece idem esset,
 licet non viveret : vita hæc extranea illi est, nec eapropter
 corpus non erit, quando non vivet : equidem quando non
 vivet, non movebitur vitaliter ; sed corpus erit in se idem
 quod erat antequam viveret. Hinc igitur satis ruit quid-
 quid infertur pro accidentibus admittendis, si ad aliud ni-
 hil admittuntur, quàm ad perficiendas substantias creatas
 intrinsece, si capaces ipsæ non sunt, uti revera non sunt,
 admittendæ ullius intrinsecæ perfectionis, post acceptam
 à Deo Creatore suam omnem, quam habent perfectionem
 intrinsecam.

Et certe condonandi forsan essent Aristotelici, quando
 aiunt substantias posse intrinsece perfici per accidentia, si
 accidentia nascerentur aliunde, quàm ex substantiis ; &
 rursus si nobiliora essent substantiis, ad modum quo ani-
 ma nostra prodit aliunde quàm ex corpore, suæque dig-
 nitate præcellit corpori : quamquam neque id sufficeret,
 ut ante dixi. Sed condonandi non sunt, quando non pos-
 sunt non fateri, si cohærenter loquuntur ac sentiunt, acci-
 dentia, si quam perfectionem habent, ex substantiis acce-
 pisse : nec illam ex substantiis potuisse accipere, si non
 illam substantiæ præhaberent. Si accidentia generantur
 ex substantiis, prodeunt ex illis ut quid distinctum ab il-
 lis, & ideo ut quid extraneum illis, ut quid imperfectius

XXV.
 Cur præfer-
 tim substan-
 tiæ illæ non
 possint per-
 fici.

illis: an & quomodo intrinsece illas perficient? Dicerem potius substantias perficere se ipsas per accidentia ex ipsis genita: sed perficere nihil se ipsum potest per se ipsum: quanto minus perficere se ipsum poterit aliter quam per se ipsum? Non igitur accidentia perficiunt intrinsece substantias.

XXVI.

Creatura
foret im-
mutabilis.

ibid. n. 451.

PAZZIUS. Non possum, mi Rocchi, hanc consequentiam ferre, quæ per se habet hanc alteram, videlicet omnem substantiam creatam perinde ac divinam fore sibi suam ultimam actualitatem, ac proinde fore immutabiliter & essentialiter totum id quod est: ita quod sicuti Deus est *suum esse, suum agere, sua sapientia, sua bonitas, &c.* ita homo esset *sua virtus, sua potentia, sua magnitudo, sua actio, &c.* scilicet per immutabilitatem, per invariabilitatem, per identitatem, per essentialitatem similem. Quare si hæc posterior consequentia falsa est, ut equidem falsa est, quomodo falsa non est illa prior, quam intulisti? & rursus quomodo falsæ non sunt tot conglomeratæ præmissæ, unde confidebas illam posse inferri?

XXVII.

Quæ sit
immutabili-
tas Dei &
creaturæ.

ROCCHIUS. Consequentiam meam bene intuli; sed tuam ex mea male intulisti: nam immutabilitas intrinseca Dei est omnino alia, quam immutabilitas intrinseca rei creatæ. Illa est absoluta & essentialis, propter quam Deus ita est totum id quod est, ut nullius adventitii status mutationi subjaceat: habet Deus essentialiter suum esse à se, & suum omnem statum à se, nec proinde capax est ullius novi status realis, ullius novæ perfectionis, ullius novæ modificationis realis advenientis. Ista verò immutabilitas est tantum participata & secundum quid, propter quam res creata neque suum esse, neque suum omnem essendi statum habet à se, sed à Deo: hinc omnino potest non esse: hinc etiam omnino potest non esse in hoc aut in illo statu; sed tum in quocunque statu adventitio sit, intrinsece manet eadem, nec eadem semper non erit, quandiu erit. Atque ita quando & quon-
tics

Quàm male sentiant Arist. de formis accid. generatim. 177
 tics mutatur, non aliter mutatur quàm extrinsece per varias variorum statuum plus minusve perfectorum modificationes: Deus autem, ut aiebam, nullis id genus essendi modificationibus est obnoxius: quapropter omnino aliter Deus est suum esse, & homo est suum esse: aliter Deus est suum agere, aliter homo est suum agere, &c.

PAZZIUS. Sed, mi Rocchi, si perfectiones divinæ non adveniunt Deo, & perfectiones hominis adveniunt homini, an non signum est illas cum Deo identificari realiter, & istas cum homine non identificari realiter? Et hoc signum hinc evidentius est, quòd perfectiones divinæ apud Sanctos Patres & apud Theologos passim prædicantur de Deo in abstracto; uti dicendo quòd *Deus sit sapientia sua, quòd sit iustitia sua, &c.* At perfectiones humanæ non aliter quàm in concreto prædicari de homine possunt, uti dicendo, *homo est sapiens, homo est iustus, &c.* Potest ne hic tam diversus loquendi modus aliunde procedere, quàm ex identitate reali perfectionum divinarum cum Deo, & ex distinctione reali perfectionum humanarum ab homine?

XXVIII.
 Opponitur
 prædicatio
 perfectionum
 divinarum
 de Deo.

PHILALETHES. Arque hinc quidem tu, mi Pazzi, tangis difficultatem, cujus idonea solutio, si fortè illam Rocchius afferre potest, differri debet, donec præmiserit notionem accidentis atomisticam in alium dialogum transferendam: quare ne ab ordine hodierni dialogi pacto atque convento discedatur, agite de producibilitate accidentium Aristotelicorum ac de modo productionis eorum: & agite quidem præsertim de accidentibus materialibus, de quibus magis ex professo sermo est institutus, ac tu quidem, mi Pazzi, aggredere originem accidentium, dic causam atque modum originis.

PAZZIUS. Noli, Domine Philalathes, pertrahere me in tot ambages, tanique superfluas: nostri moris est productiones utrorumque id genus accidentium supponere, ac de modo productionis eorum tacere; si apud nos no-

XXIX.
 Aristotelici
 supponunt
 productiones
 accidentium.

dus ille requireretur , hæc requisitio notam subiret nimis
 curiositatis , aut scrupuli otiosi. Quid evidentius est, quàm
 hominem fieri doctum, fieri justum , &c. ? quid eviden-
 tius est, quàm aërem ad conspectum Solis fieri lucidum, &
 lignum ad præsentiam ignis fieri calidum, & ita de cæte-
 ris ? Unde postmodum non curamus probare accidentia
 sive spiritualia , sive materialia, quæ tam evidens est in suis
 respective subjectis produci , aliàs non futura in illis, quia
 de novo in illis sunt ; neque sic de novo esse in illis ali-
 quid potest, si non de novo productum est. Quantum au-
 tem ad modum talis productionis , ecce tam derepente ,
 tam subtiliter, tam occulte, & ideo, tam incomprehensibi-
 liter accidentia fere illa omnia producuntur , ut in eo
 modo indagando nemo nostrum male tempus terat : tan-
 tum pro illo utcumque declarando dicimus accidentia pro-
 duci & fieri oriendo è suis subjectis, resultando, emanando,
 pullulando, &c. quibus & similibus vocibus designatur faci-
 litas atque pernecitas productionis eorum. Quare si, ut ro-
 gabam, annuis, optime Philalcthes, non detinebo te in his
 minutis ; sed si quid noster Rocchius habet, quo proba-
 re possit nullum esse modum, quo produci accidentia pos-
 sint , id opponat & solvam ; sicque multò brevius nostra
 lis dirimetur.

XXX.
 Nec in-
 vestigant
 modum
 productio-
 nis eorum.

Notate tamen , Domini mei, non omitti à nobis pro-
 bationes singulorum accidentium , nisi quia pro singulis
 admittendis sufficiunt rationes , quibus generatim proba-
 tur illa esse admittenda : & hujusmodi illæ sunt, quæ supra
 retuli ex Palanco pro stabiliendis notionibus substantiæ &
 accidentis. Ac tum similiter si particulatim non inquirimus
 qualiter accidentia hæc & illa, sive ad spirituales, sive ad
 materialem ordinem spectantia, producantur, hoc unum
 in causa est, quia cum nihil sint, cujuscunque ordinis fiat,
 nisi formæ accidentales , satis id intelligitur ab exemplo
 formæ substantialis, de cujus productione , & de cujus

Quàm male sentiant Arist. de formis accid. generatim. 179
productionis modo fufe ac invicte tractatur. Quin etiam
pro quibusdam in particulari accidentibus stabilendis
non desunt nobis particulares demonstrationes, quas as-
feram, quum inter nos sermo singularis de illis fiet.

R O C C H I U S. Et tunc quoque opponam, mi Pazzi,
vestris illis præsumptis demonstrationibus, quod oportet
bit: interim dic, si placet, an possit aliquid aliter, quàm
generatione aut creatione produci; an aliter possit, quàm
ex aliquo aut ex nihilo fieri?

P A Z Z I U S. Præter utrumque hunc productionis mo-
dum, alium non novi.

R O C C H I U S. Sed neque alius est: & hinc infero
nulla esse accidentia spiritualia, nulla esse accidentia ma-
terialia, qualia vos admittitis, habentia entitatem realiter
distinctam ab illa, quæ est subjectorum respective suorum.
Ac primò quidem de spiritualibus sic discuro, de illis
nempe spiritualibus, quæ in anima, ut vultis, naturali-
ter acquiruntur ac deperduntur, & ex his quidem in exem-
plum assumo doctrinam. Hæc itaque doctrina non est res
creata; ad illam enim creandam tam impotens est qui do-
cet, quàm qui docetur: superest igitur ut sit res genita.
Sed tum quia res spiritualis est, gigni ex alia re, quàm
spirituali non potest: & sic doctrina, de qua sermo est, res
est quæ gigni aliunde, quàm ex anima non potest: esset
igitur aliquid animæ, quod utique repugnat propter im-
partibilitatem animæ; atque hinc multò evidentius id re-
pugnat pro doctrina v. g. philosophica, quæ coalescit ex
innumeris cognitionibus, de quibus siquidem pariter ge-
nitis, pariter verificaretur quòd sint aliquid animæ; sicque
anima innumeris sui partitionibus subjaceret. Aut si tan-
dem doctrina illa nihil est animæ; si nihil animæ sunt in-
numeræ illæ cognitiones, per quas ad doctrinam totam
pervenitur, quid esse nisi creatio potest tam doctrinæ to-
tius, quàm cognitionum singularum productio? At om-

XXXX.
Ostenditur
improducti-
bilitas acci-
dentium.

nis creatio naturaliter impossibilis est: & in hunc modum superest doctrinam non esse rem producibilem.

PAZZIUS. Quid igitur, mi Rocchi, an doctrina non acquiritur ab homine? an illius animæ non inhæret de novo? an inhære illi de novo potest sine prævia productione? non erat antequam inhæreret; igitur producta fuit ut inhæreret: quid igitur ais, quum ais doctrinam non esse rem producibilem?

XXII.
Doctrina
non produ-
citur quan-
do acquiri-
tur.

ROCCHIUS. Aio veritatem, mi Pazzi: quia enim res non potest aliter quàm generatione, aut creatione produci, si doctrina nec creatione, nec generatione produci potest, quare non dicam audacter doctrinam non esse rem producibilem? sed acquiritur, inquis, ab homine, quis negat? inhæret animæ, quis negat? sic acquiruntur, sic inhærent suis subjectis omnes modificationes; sed non ideo realiter producuntur, quia non sunt res habentes scorsim suam entitatem: aliam non habent quàm quæ suorum respective subjectorum est: & idcirco illis non addunt realitatem ullam, licet addant respectum, propter quem aliter, aliterque se habent ad objecta externa: sicque mutantur quidem extrinsece, sed intrinsece non mutantur. Cogita speculum, cui accidit per vices repræsentatio innumerabilium objectorum: an capropter putas speculum mutari realiter & intrinsece? non utique id putas: quia non capropter substantia crystalli, aut æris fusi, aut cuiusvis alterius similis materiæ minuitur vel augetur, deperditur aut restauratur, &c. finge adhuc speculum illud cognoscere quidquid hoc modo variabili repræsentat; nec intelliges illud capropter mutatum iri realiter atque intrinsece: eadem omnino substantia illius perinde maneret, nec aucta, nec imminuta, nec deperdita, nec restaurata, &c. Atqui anima est longe inalterabilior atque immutabilior omni substantia materiali, etiam adamantina; quomodo igitur mutari realiter atque intrinsece posset per objecta externa, quæ repræsentat atque cognoscit?

XXXIII.
Anima non

Itaque certe te quocunque volueris, mi Pazzi; nec

Quàm male sentiant Arist. de formis accid. generatim. 181

unquam intelliges animam habere minùs realitatis propter defectum doctrinæ; neque plus realitatis propter accessum illius: aut si utique animæ realitas entitativa sic augetur, in infinitum fere augetur, propter objecta pene infinita, & multiplicissime diversa, quæ per cognitiones similiter pene infinitas atque distinctas attingeret. Quot igitur sunt vel esse possunt simul in anima tot objectorum cognitiones sive actuales, sive habituales, tot essent entitates vere ac realiter productæ, vere omnes à se ipsis & ab anima distinctæ, vere omnes in sinu animæ; qua multitudine sic existente in sinu entis spiritualis atque indivisibilis nihil adinveniri fabulosius posset. Ac tandem multitudo hæc cognitionum quantula est, si conferatur cum multitudine affectuum, quorum anima capax est, & de quibus perinde ac de cognitionibus discurrendum esset circa id, quod est realiter & entitative produci? quare quid hoc esset, quàm in una re indivisibili velle concludere res propemodum infinitas? faciliùs in uno arenæ granulo; ejusdem arenæ grana omnia clauderentur.

PHILALETHES. Nondum fuit, Domine Rocchi, hæc multitudo accidentium spiritualium opponenda, de qua statueram ut ageretur seorsim: sed neque statueram ut ageretur de illa, nisi postquam à te audissem quid opponis productioni accidentium materialium, præter parem multitudinem, quam non eras prætermisurus: nam scio vos Atomistas ex hac multitudine accidentium incredibili, quæ momentis singulis & per causas occultissimas produci deberet, inferre, vere an falso? improducibilitatem omnium ac singulorum.

P A Z Z I U S. Vere id inferrent, Domine Philalethes, si multitudo hæc haberet aliquid de innumerabilitate illa, quam opponunt: remittam illos suo tempore ad Palanacum, à quo docebuntur quàm pauca sint id genus accidentia ordinis spiritualis aut materialis, & jubebuntur de

habet minùs
realitatis ex
defectu doc-
trinæ.

XXXIV:
Multitudo
accidentium
producendorum
esset in-
finita.

lere cætera. Quare nihil accidentibus nostris obfuturum vereor ex multitudine, quæ opponitur; neque sine mora rationes id non verendi afferrem, nisi tecum antè vellem audire quid repugnantis atque impossibilis Rocchio nostro videatur esse in productione accidentium materialium, uti caloris, coloris, figuræ, motus, gravitatis, &c.

XXXV.
Tam materialia
quàm
spiritualia
produci non
possunt.

ROCCHIUS. De illis, mi Pazzi, non aliter quàm de spiritualibus sentio; neque minùs hæc, quàm illa improducibilia esse assero, nempe ob id quòd similiter nec creari, nec gigni possunt. Et creari quidem, scilicet ab agentibus naturalibus, non possunt; in confesso enim est apud omnes Philosophos vires omnes Naturæ esse infra potestatem creandi vel unam atomum: sed neque gigni possunt, quatenus si gignerentur, unde nisi ex substantia gignerentur, ex substantia, inquam, aut materiæ, aut formæ substantialis, aut totius compositi ex utraque facti? Nihil autem substantiæ ingreditur, vel etiam ingredi potest, ut Aristotelicis placet, in compositionem illorum: atque ita si fierent, tam de nihilo substantiæ, quàm de nihilo sui fierent; quod esset creari: aliàs verò creari non possunt, ut dictum est: atque ita superest illa omnino improducibilia esse. Vide hinc quàm repugnans, quàm impossibilis mihi videatur accidentium materialium productio, de qua voluisti ex me audire quid opinarer.

XXXVI.
Opponitur
sensatio
accidentium
materialium.

PAZZIUS. Sed in hoc rem opinaris, quam nemini suadebis, quandiu erunt in conspectu ac tactu nostro corpora calida, colorata, figurata, mota, gravia, &c. tandiu enim illa censebimus esse talia ex correspondentibus accidentibus, quæ si non sunt merum nihil, uti revera non sunt, aliquid sunt & ideo aliquid entitativum vere ac realiter productum. Idem omnino corpus calefit, coloratur, figuratur, movetur, ingravescit, &c. de novo: acquirit ergo aliquid per quod tale fit: quid autem erit illud aliquid, nisi aliquid productum? nam quidquid antea non

Quàm male sentiant Arist. de formis accid. generatim 183
 erat & postmodum est, quomodo est, si non de novo pro-
 ductum est? De cætero hoc primum est, quod interest
 ut sciatur accidentia produci: scire autem modum, quo
 accedit illa produci, hoc minùs interest: & ideo non nimis
 à nobis, sed ab Atomistis nimis inquitur.

ROCCHIUS. Audio te, mi Pazzi: hoc secundum
 à nobis nimis inquitur, quia inquitur ad ruborem ves-
 trum: & hoc ipsum est, quod inquiri à vobis nimis non
 potuit: antè debuistis respondere posse de modo, quo ac-
 cidentia vestra materialia producerentur, quàm affirmare
 illa produci, vere, inquam, ac realiter produci. Corpora
 de novo calefiunt & aliter atque aliter colorantur, figu-
 rantur, moventur, ingravescent, &c. quis negat? sed si ad
 hoc sufficit, ut vere sufficit, accessus aliorum corporum
 aut corpusculorum à quibus ita modificentur, nulla pro
 his mutationibus productione indigebunt: & equidem ita
 est accidentia vestra omnia materialia nihil aliud esse, quàm
 modificationes materiales subjectorum materialium; has
 verò modificationes habent, si connaturales sunt, ex pro-
 pria contemperatione atque structura; si autem adventi-
 tiæ sunt, illas obtinent ab aliis corporibus, seu corpuscu-
 lis, à quibus aut invaduntur, aut obteguntur, aut impel-
 luntur, aut dividuntur, &c. Et ideo, Domini mei, si aliter
 hîc quàm de accidentibus materialibus in genere agere-
 tur, rogarem vos assignare illa pro arbitrio, & eniterer as-
 signationi satisfacere absque recurso ad productionem no-
 vam ullius entitatis realis.

XXXVII:
 Non potest
 nimis inquiri
 productio
 accidentium

PHILALETHES. Bene advertis Domine Rocchi,
 differendam assignationem hanc esse, ut ego æque bene
 adverto prætermittendam non esse; nam nisi de quibus-
 dam accidentibus istis materialibus in particulari acceptis
 innotescat an improducibilia, vel producibilia sint vere at-
 que realiter, non potest hæc disputatio generalis ad opti-
 tam decisionem perducì. Adverto insuper quòd ultra so-

XXXVIII:
 Inquiri de-
 bet aliquo-
 rum particu-
 laris produc-
 tio.

litas dialogi unius metas excurreret, si tibi Pazzius opponeret separabilitatem realem talium accidentium à suis subjectis, qualem ex Eucharistica fide probant posse supernaturaliter fieri, & per quam, si res ita est, invictissime unâ operâ probant illa, licet adhuc subjectis suis inexistencia, propriam entitatem habere, sine qua utique non possent seorsim ab illis separata manere, ne divinitus quidem: quare adhuc oppositio ista, quæ à Pazzio nostro non fuisset omissa, remitti debet ad tempus controversiæ singularis. Atque ita, si annuitis, hæc una quæ cœpta est, agitur hodie difficultas de accidentium multitudine, quam tu quidem, mi Rocchi, utpote nimiam, putas illorum productioni reali obstat; tu verò, mi Pazzi, putas non obstat, affirmando illam esse mediocrem.

XXXIX.
queritur an
accidentia
spiritualia
sint separa-
bilia.

ROCCHIUS. Ego quidem, optime Philalethes, vel in atomo una facillè computo tot accidentia, quot sunt in tota mole, licet immensa, cujus atomus illa esset pars integrans: & inde conjicio quàm chimæricum sit admittere in sinu atomi unius tam multas, tamque diversas entitates materiales, sicuti supra discurrebam nihil fabulosius esse, quàm admittere in una re, qualis anima est, indivisibili tot realia millia cogitationum & affectionum, quot admitti necesse esset, si cogitationes & affectiones illius omnes essent totidem realitates inexistentes illi & ab illa distinctæ. Sed antequam loquar apertius de ista infinitudine accidentium ac præsertim materialium, de quibus hîc præsertim agitur, da veniam ut ex occasione illius, cujus mentionem fecisti, separabilitatis accidentium materialium à suis respective subjectis, petam à Pazzio, an parem separabilitatem, scilicet supernaturalem, agnoscat & approbet in accidentibus spiritualibus. Illam haud dubie non negabit, si sentit & loquitur coherentè: quia enim doctrina tam realiter differt à mente, quàm albedo à pane, si albedo seorsim à pane manere potest, saltem divinitus

Quàm male sentiant Arist. de formis accidental. gen. 185
nitus, quæ ratio est, cur saltem divinitus doctrina non æ-
que manere seorsim à mente possit. Et nihilominus quis
potest id pro possibili admittere, nisi etiam putet posse
Deum annihilare animas omnes & omnes Angelos, re-
servatis seorsim universis eorum scientiis & affectibus?

P A Z Z I U S. De ista separabilitate accidentium spi-
ritualium nihil apud magistros nostros definitur: quare
nihil ego quoque definiam; sed quid inde?

R O C C H I U S. Inde sequitur notionem accidentium
vestrorum esse vestris in mentibus perturbatissimam. Ecce
accidentia spiritualia tam realiter differunt à suis
respective subiectis, quàm materialia: utraque pariter sunt
in se ipsis insubsistentia, utraque pariter inhærentia. Tum
verò sub prætextu fidei Eucharisticæ de materialibus asse-
ritis, quòd existere seorsim ab omni subiecto possint; de
spiritualibus verò idem asserere non præsumitis; quid hinc
sequitur, nisi caliginosam esse apud vos generalem ac
particularem accidentium notionem? Sed hoc obiter dic-
tum sit: jamque redeo ad accidentia materialia, de qui-
bus affirmo aut nullum esse, aut eorum incredibilem mul-
titudinem esse in omni substantia materiali, quantumvis
modica, imo vel in atomo una: & in exemplum assumo
atomum aqueam, vel certe guttam aqueam, quæ accedat
ad atomi aqueæ parvitatem. Hæc itaque atomus, seu ve-
ra, seu reputata, iisdem omnino accidentibus subiacet,
quibus obnoxia est aquea tota moles, intra quam est: ha-
bet enim suam quantitatem, suam qualitatem, suam rela-
tionem, actionem, passionem, durationem, ubicationem,
&c. & insuper hujus quantitatis, qualitatis, relationis,
actionis, passionis, durationis, ubicationis, &c. acciden-
propria & valde plura; quæ in tam tenuissimo unius ato-
mii mihi sinu quomodo si concludentur?

P A Z Z I U S. Respondet Palancus posse ab ipso nega-
ri suppositionem illius atomi aqueæ, vel guttæ aqueæ tam

XL.
Hinc proba-
tur incohæ-
rentianotio-
nis acciden-
tium.

litas dialogi unius metas excurreret, si tibi Pazzius opponeret separabilitatem realem talium accidentium à suis subjectis, qualem ex Eucharistica fide probant posse supernaturaliter fieri, & per quam, si res ita est, invictissime unâ operâ probant illa, licet adhuc subjectis suis inexistencia, propriam entitatem habere, sine qua utique non possent seorsim ab illis separata manere, ne divinitus quidem: quare adhuc oppositio ista, quæ à Pazzio nostro non fuisset omissa, remitti debet ad tempus controversiæ singularis. Atque ita, si annuitis, hæc una quæ cœpta est, agitur hodie difficultas de accidentium multitudine, quam tu quidem, mi Rocchi, utpote nimiam, putas illorum productioni reali obstarè; tu verò, mi Pazzi, putas non obstarè, affirmando illam esse mediocrem.

XXXIX.

Queritur an
accidentia
spiritualia
sint separa-
bilia.

R O C C H I U S. Ego quidem, optime Philalethes, vel in atomo una facile computo tot accidentia, quot sunt in tota mole, licet immensa, cujus atomus illa esset pars integrantes: & inde conjicio quàm chimæricum sit admittere in sinu atomi unius tam multas, tamque diversas entitates materiales, sicuti supra discurrebam nihil fabulosius esse, quàm admittere in una re, qualis anima est, indivisibili tot realia millia cogitationum & affectuum, quot admitti necesse esset, si cogitationes & affectiones illius omnes essent totidem realitates inexistentes illi & ab illa distinctæ. Sed antequam loquar apertius de ista infinitudine accidentium ac præsertim materialium, de quibus hîc præsertim agitur, da veniam ut ex occasione illius, cujus mentionem fecisti, separabilitatis accidentium materialium à suis respective subjectis, petam à Pazzio, an parem separabilitatem, scilicet supernaturalem, agnoscat & approbet in accidentibus spiritualibus. Illam haud dubie non negabit, si sentit & loquitur coherenter: quia enim doctrina tam realiter differt à mente, quàm albedo à pane, si albedo seorsim à pane manere potest, saltem divinitus

Quàm male sentiant Arist. de formis accidental. gen. 185
nitus, quæ ratio est, cur saltem divinitus doctrina non æ-
que manere seorsim à mente possit. Et nihilominus quis
potest id pro possibili admittere, nisi etiam putet posse
Deum annihilare animas omnes & omnes Angelos, re-
servatis seorsim universis eorum scientiis & affectibus?

P A Z Z I U S. De ista separabilitate accidentium spi-
ritualium nihil apud magistros nostros definitur: quare
nihil ego quoque definiam; sed quid inde?

R O C C H I U S. Inde sequitur notionem accidentium
vestrorum esse vestris in mentibus perturbatissimam. Ecce
accidentia spiritualia tam realiter differunt à suis
respective subjectis, quàm materialia: utraque pariter sunt
in se ipsis insubstantia, utraque pariter inhærentia. Tum
verò sub prætextu fidei Eucharisticæ de materialibus asse-
ritis, quòd existere seorsim ab omni subjecto possint; de
spiritualibus verò idem asserere non præsumitis; quid hinc
sequitur, nisi caliginosam esse apud vos generalem ac
particularem accidentium notionem? Sed hoc obiter dic-
tum sit: jamque redeo ad accidentia materialia, de qui-
bus affirmo aut nullum esse, aut eorum incredibilem mul-
titudinem esse in omni substantia materiali, quantumvis
modica, imo vel in atomo una: & in exemplum assumo
atomum aqueam, vel certe guttam aqueam, quæ accedat
ad atomi aqueæ parvitatem. Hæc itaque atomus, seu ve-
ra, seu reputata, iisdem omnino accidentibus subiacet,
quibus obnoxia est aquea tota moles, intra quam est: ha-
bet enim suam quantitatem, suam qualitatem, suam rela-
tionem, actionem, passionem, durationem, ubicationem,
&c. & insuper hujus quantitatis, qualitatis, relationis,
actionis, passionis, durationis, ubicationis, &c. acciden-
propria & valde plura; quæ in tam tenuissimo unius ato-
mi sinu quomodo si concludentur?

P A Z Z I U S. Respondet Palancus posse ab ipso nega-
ri suppositionem illius atomi aqueæ, vel guttæ aqueæ tant.

A 4

XL.
Hinc proba-
tur incohæ-
rentia notio-
nis acciden-
tium.

litas dialogi unius metas excurreret, si tibi Pazzius opponeret separabilitatem realem talium accidentium à suis subjectis, qualem ex Eucharistica fide probant posse supernaturaliter fieri, & per quam, si res ita est, invictissime unâ operâ probant illa, licet adhuc subjectis suis inexistencia, propriam entitatem habere, sine qua utique non possent seorsim ab illis separata manere, ne divinitus quidem : quare adhuc oppositio ista, quæ à Pazzio nostro non fuisset omissa, remitti debet ad tempus controversiæ singularis. Atque ita, si annuitis, hæc una quæ cœpta est, agitur hodie difficultas de accidentium multitudine, quam tu quidem, mi Rocchi, utpote nimiam, putas illorum productioni reali obstare ; tu verò, mi Pazzi, putas non obstare, affirmando illam esse mediocrem.

XXXIX.

Queritur an
accidentia
spiritualia
sint separabilia.

ROCCHIUS. Ego quidem, optime Philalethes, vel in atomo una facillè computo tot accidentia, quot sunt in tota mole, licet immensa, cujus atomus illa esset pars integrans : & inde conjicio quàm chimæricum sit admittere in sinu atomi unius tam multas, tamque diversas entitates materiales, sicuti supra discurrebam nihil fabulosius esse, quàm admittere in una re, qualis anima est, indivisibili tot realia millia cogitationum & affectionum, quot admitti necesse esset, si cogitationes & affectiones illius omnes essent totidem realitates inexistentes illi & ab illa distinctæ. Sed antequam loquar apertius de ista infinitudine accidentium ac præsertim materialium, de quibus hic præsertim agitur, da veniam ut ex occasione illius, cujus mentionem fecisti, separabilitatis accidentium materialium à suis respective subjectis, petam à Pazzio, an parem separabilitatem, scilicet supernaturalem, agnoscat & approbet in accidentibus spiritualibus. Illam haud dubie non negabit, si sentit & loquitur cohærenter : quia enim doctrina tam realiter differt à mente, quàm albedo à pane, si albedo seorsim à pane manere potest, saltem divinitus

Quàm male sentiant Arist. de formis accidental. gen. 185
 nitus, quæ ratio est, cur saltem divinitus doctrina non æ-
 que manere seorsim à mente possit. Et nihilominus quis
 potest id pro possibili admittere, nisi etiam putet posse
 Deum annihilare animas omnes & omnes Angelos, re-
 servatis seorsim universis eorum scientiis & affectibus?

P A Z Z I U S. De ista separabilitate accidentium spi-
 ritualium nihil apud magistros nostros definitur: quare
 nihil ego quoque definiam; sed quid inde?

R O C H I U S. Inde sequitur notionem accidentium
 vestrorum esse vestris in mentibus perturbatissimam. Ecce
 accidentia spiritualia tam realiter differunt à suis
 respective subjectis, quàm materialia: utraque pariter sunt
 in se ipsis insubsistentia, utraque pariter inhærentia. Tum
 verò sub prætextu fidei Eucharisticæ de materialibus asse-
 ritis, quòd existere seorsim ab omni subjecto possint; de
 spiritualibus verò idem asserere non præsumitis; quid hinc
 sequitur, nisi caliginosam esse apud vos generalem ac
 particularem accidentium notionem? Sed hoc obiter dic-
 tum sit: jamque redeo ad accidentia materialia, de qui-
 bus affirmo aut nullum esse, aut eorum incredibilem mul-
 titudinem esse in omni substantia materiali, quantumvis
 modica, imo vel in atomo una: & in exemplum assumo
 atomum aqueam, vel certe guttam aqueam, quæ accedat
 ad atomi aqueæ parvitatem. Hæc itaque atomus, seu ve-
 ra, seu reputata, iisdem omnino accidentibus subjacet,
 quibus obnoxia est aquea tota moles, intra quam est: ha-
 bet enim suam quantitatem, suam qualitatem, suam rela-
 tionem, actionem, passionem, durationem, ubicationem,
 &c. & insuper hujus quantitatis, qualitatis, relationis,
 actionis, passionis, durationis, ubicationis, &c. acciden-
 propria & valde plura, quæ in tam tenuissimo unius ato-
 mi mihi sinu quomodo si concludentur?

P A Z Z I U S. Respondet Palancus posse ab ipso nega-
 ri suppositionem illius atomi aqueæ, vel guttæ aqueæ tam

A a

XL.
 Hinc probat-
 tur incohæ-
 rentianotio-
 nis acciden-
 tium.

Dial. 53.
n. 459.

modicæ, ut ad atomi parvitatem accedat : *Nec item* (sic Atomistam suum alloquitur) *tam parvissima, ut à se ponderatur, posset naturaliter subsistere; sed necessario ab agentibus ipsam circumstantibus corrumperetur & in aliam substantiam transmutaretur, &c*

XLII.
Notatur
inadvertentia
responsionis.

ROCCHIUS. Suppono guttam aquæ intra molem aquæ, & ait Palancus quòd *necessario ab agentibus ipsam circumstantibus corrumperetur & in aliam substantiam transmutaretur* : in quam, si placet, substantiam mutaretur, an in substantiam ignis ? sicne aqua circumstans guttam congeam in ignem verteret, aut in aërem, &c. Habes hic, mi Pazzi, præclaram inadvertentiam vestri Scriptoris.

Ibidem.

PAZZIUS. Inadvertentia hæc, si tamen inadvertentia fuit, levis fuit propter hoc quod statim subdit, *Sed hac tuâ fictione prefata atomi aqueæ prætermisâ; dato quòd illa subsisteret, dico minime absurdum fore, quòd illa tot accidentibus affecta esset, quia absdubio maneret substantia passibilis, actuabilis, & mutabilis eisdem passionibus & mutationibus, quibus aqua ingentis stagni vel totius Oceani ac proinde licet quadraginta simul accidentibus afficeretur, nulla esset absurditas, quandoquidem absurdum non est dicere illam quadraginta vel pluribus mutationibus obnoxiam esse attentâ ejus potentialitate.* Atque in hunc modum frangit omnino Palancus vim argumenti, quod vos Atomistæ adducitis ex multitudine accidentium admittenda, vel in quantuliscunque corpusculis.

XLII.
Notatur
alia inadvertentia.

Ibid. n. 458.

ROCCHIUS. Non sic, mi Pazzi, franguntur argumenta quæ probant aliquid esse absurdum, negando id absurdum esse; sed in hoc non hæreo nunc: hæreo magis hoc quòd cum voluptate animadverto Palancum, qui paulò antè parcissimus accidentium erat, & aiebat quòd *si Peripateticorum doctrina perpendatur, vix in una substantia materiali viginti accidentia realiter distincta ab il-*

*Quàm male sentiant Arist. de formis accid. gener. 187
lis admittentur: & ecce hinc liberaliter permittit acciden-
tia quadraginta pro atomo una, vel quasi atomo aquea:
quin etiam plura, si opus est.*

P A Z Z I U S. Sed neque deest illi ratio permittendi
quotcunque volueritis, attento quòd non impugnatis plu-
ralitatem accidentium in atomo una, nisi ob id quòd,
ut creditis, habeant singula materialitatem, sive corpu-
lentiam suam; & ideo non possint in unius atomi corpu-
lencia contineri: atqui id falso creditis; quia *quamvis*
mille essent & amplius, locum non occuparent, quia nullum
accidens per se locum occupat, nisi ratione quantitatis
Unde licet in ea quantitate parvissima mille essent quali-
tates, actiones, passiones, relationes, &c. majus spatium
non occuparent, quàm illa minima quantitas, &c. Sic
discurrit Palancus; & quia rem tam claram non capitis,
addit quòd: *in hoc vestra mentis hebetudinem ostenditis pro*
eodem accipientes corporeum ac corpus & item materiale
& materiam, quod ruditatem ingentem demonstrat. Cre-
ditis accidentia singula esse materiam singularem, &
corpus aliquod singulare; & quibus propterea debeatur
locus singularis propter impenetrabilitatem singulorum
cum aliis, sicut etiam cum suis respective subjectis. De-
ponite falsa illa vestra præjudicia: cogitate accidentia si-
ne materia materialia esse, sine corpore corporalia esse:
sicque sine labore ullo capietis posse vel infinita etiam
accidentia in atomo una contineri.

R O C C H I U S. Facile capimus posse aliquid tum ma-
teriale, tum corporale ab extrinseco esse, & habere ni-
hil materiæ, nihil corporis: si accidentia itaque vestra non
aliter, quàm ab extrinseco materialia & corporalia sunt:
bene est. Sed si ita est, quærimus postmodum quid ab in-
trinseco sint; nam quidquid revera est, quidquid vere
productum est, habet constitutionem suam intrinsecam,
per quam aut corpus, aut spiritum esse necesse est: nam-

XLIII.
Opponitur.
accidentia
non occupa-
re locum.

Ibid. n. 460.

XLIV.
Satisfit
præmissæ
oppositioni.

que rerum verè ac realiter productarum aliud esse genus non potest. Deinde accidentia illa vestra hoc ipso quòd sit et aliquid ab intrinseco, sunt aliquid substantivum, cuiusque attributa multa conveniunt, & de quo adjective predicantur; sic de albedine prædicatur quòd sit disgregativa visus, quòd sit intensa, & quòd sit pro varia intentione aut grata oculis aut molesta, quòd sit alteri similis aut dissimilis, &c. Item de motu prædicatur quòd sit velox aut tardus, brevis aut diuturnus, utilis aut inutilis, salutaris aut nocivus, &c.

XLV.
Accidentia
debent esse
in se ipsis
aliquid ab-
solutum.

Idecirco adhuc quærimus quid sit illud substantivum, quod est in accidentibus vestris, quæ utique non sunt mera adjectiva, ut falsò fingitis: prius est esse quàm adjici: & ideo si vere ac realiter adjiciuntur, vere ac realiter præfuerunt. Tandem quòd minùs capitur quid substantivè, quid ab intrinseco sint accidentia illa vestra, quæ nihil spiritus habent, nihil materiæ, eo minùs intelligi potest qualiter produci possint à causis, seu omnino materialibus, seu omnino spiritualibus: atque hinc in infinitum augetur vis argumenti, quo accidentia vestra vel nulla esse, vel infinita fore convincitur.

PHILALETHES. Permite, mi Rocchi, ut hîc ardori tuo limites præscribam: nam hîc faciliè afferres quidquid olim conscripsisti de multiplicata accidentium & de accidentibus accidentium in libro *de accidentibus profligatis*.

XLVI.
Quæritur
ratio potissi-
ma multitu-
dinis acci-
dentium.

P A Z Z I U S. Legit, Domine Philalethes, librum illum Palancus: quin & pro refutanda illa multitudine accidentium conficta scripsit ex professo dialogum quinquagesimum tertium, ubi probat quòd non sit tanta quanta ponderatur ab Atomistis: hîc literaliter refert quidquid circa rem istam alicujus momenti est in opusculo illo; ac simul solvit: quare mallet ut sineres Rocchium exardescere, mihiq; committeres provinciam temperandi ar-

Quàm male sentiant Arist. de formis accid. gene. 189
dorem ejus per solutionem à Palanco datam. Tantùm ro-
go te, mi Rocchi, ut non afferas nisi quod magis nos
urgere intelligas, nisi volueris ut cœna nostra sit tam ni-
mis sera, quàm nimis parca: vides famulos qui mensam
instruunt.

ROCCHIUS. Legi solutionem illam à Palanco da-
tam, quæ minime satisfacit: fortè satisfacièt à te prolata
& adornata. Tandem hoc Philalethes noster decernet.
Assumo flammulam, quæ carbonem palmarem accendit,
&, ut more vestro loquar, in ignem vertit, postquam ali-
quandiu calefecit. Tum si supponerem præfuisse in illo
carbone igniendo decem aut viginti millia atomorum, id
parum esset vobis, qui mulò plura millia partium pro-
portionalium in eo præfuisse non dubitatis. Sed sufficiant
hæc atomorum decem millia, sive quod idem est ad rem
nostram, molecularum, quæ pro atomis habeantur. Istis
igitur atomis seu veris, seu præsumptis, quibus antea con-
veniebat sigillatim sua substantialis forma carbonis, jam
inest substantialis alia forma ignis, & ideo alia quantitas
ignis, alia qualitas, alia relatio, actio alia, passio alia,
ubicatio alia, duratio alia, &c. Omnes insuper proprie-
tates ignis, seu vires & activitates erunt proportionaliter
in singulis talium atomorum: erit in singulis suus calor,
suus lucor, suus color, suus motus, &c. ut nihil dicam
de varietatibus, de incrementis aut decrementis innume-
ris illius caloris, lucoris, coloris, motûs, &c. Vide, mi
Pazzi, vide in illis decem millibus atomorum, ultra de-
cem millia formarum substantialium qualia & quot &
quoties plura formarum accidentalium millia confiteri
Aristotelici debeant; eaque tum in instanti fere produ-
cta, & ab agentibus quidem producere nihil scientibus,
nihil valentibus.

PAZZIUS. O te pessimum calculatorem, mi Rocchi!
jam audieram, inquit Palancus, *quòd isto phantaffico cumu-*

XLVII.
Afferitur
ratio quæ-
sitæ.

XLVIII.
Contradi-

etur p. x.
miffæ enu-
merationi.
Dial. 55. n.
457.

lo entitatum realium soletis terrere pueros, qui incipiunt salutare Philosophiam, ne Peripateticos audiant. Peigam cum Scriptore nostro & dicam tibi, Si legiffes Peripateticos, id plane agnoviffes. Nam illi clare ostendunt in unica substantia non esse, nisi unicam quantitatem & extensionem, vicujus nedum ipsa substantia, sed alia accidentia ab illa extensa redduntur, non verò ab alia quantitate. Unde minime admittunt tot quantitates, quot sunt accidentia. Nec item admittunt plures ubicationes, cuilibet accidenti suam assignando, & plures, ut ego ipse, durationem realiter non distinguunt ab existentia rei. durantis, &c. Ubi ergo jam sunt, mi Rocchi, tua illa tot millia formarum accidentalium? Ecce in uno composito, ut est carbo ille ignitus, de quo hypothesis procedit, unica est forma substantialis, unica quantitas, unica qualitas, unica relatio, actio unica, unica passio, & sic de cæteris: nisi quòd, ut audiisti, parcit adhuc Palancus multitudini accidentium secludendo ab illorum numero durationem.

XLIX.
Non debuit
duratio sepa-
rari ab alijs
accidenti-
bus.

ROCCHIUS. Sic equidem parcitur accidentium multitudini, sed parce: demit unum è decem millibus; melius erat aut non illud eliminare, aut omnia. Hoc scio quòd si potest res durare sine duratione distincta, potest existere sine existentia distincta; & exinde extensa esse sine extensione distincta, & agere sine actione distincta, & pati sine passione distincta, & referri sine relatione distincta, & ubicari sine ubicatione distincta, &c. Novi, mi Pazzi, doctissimos Aristotelicos isti opinioni affixos, videlicet fabricam prædicamentalem accidentium Aristotelicorum ita esse constructam, ut si ruit unum ex omnibus, tota sit collapsura; & ideo debere vel admitti nulla, vel omnia.

PHILETHES. Adjungerem me libenter istis Aristotelicis.

PAZZIUS. Sed Palanco non defuerunt rationes

Quàm male sentiant Arist. de formis accid. generat. 191
gravissimæ, propter quas se ab illis sejungeret, & eas,
Domine Philalethes, si juberet, referrem.

PHILALETHES. Si referres, mi bone Pazzi, vel-
let Rocchius illas refellere, sicque præter voluntatem
tuam seriùs cœnaretur. Tum in particulari de accidente
nullo hic sermo est: quare præstat redire ad difficultatem
de accidentium generatim multitudine, quam alter ves-
trùm sic auget, alter sic minuit, ut in nullo calculo nulla
major differentia visa sit. Tuum est, mi Rocchi, amovere
à te, si potes, notam pessimi calculatoris, quam inuffit
tibi Pazzius noster.

ROCCHIUS. Dic tantùm, optime Philalethes, quid
tibi de nostro vicissim calculo videatur; sicque accelera-
bitur finis dialogi hodierni: vel præsertim quia præter ni-
torem explicandi res istas, habes donum compendii.

PAZZIUS. Amabo, Domine mi, tuum illud com-
pendium, quod nollem nisi mensa jam instructa illud
suaderet.

PHILALETHES. Ecce igitur verbis paucissimis,
Domini mei, opinionem circa hypothesim carbonis illius
igniti palmaris, qui fuit positus in exemplum. Opinabor
nunquam simplicem & unicam esse, si quæ est, formam
substantialem illius; sed è contra pronus essem ad affir-
mandum illam tam multiplicem, tamque multipliciter se-
parabilem esse, quàm multiplices, multipliciterque separa-
biles sunt partes illius: cujus rei demonstrativum indicium
est in extinctione successiva illius: hinc in carbone illo ig-
nito formas ignis substantiales non computat satis mul-
tas, qui non tot, quot partes numerat. Deinde si unius par-
tis forma substantialis non est, ut revera non est, formæ
substantialis alterius, quomodò formæ accidentales unius
partis essent formæ accidentales alterius? atque ita evi-
denter necesse est, ut de numero formarum accidentalium
judicetur ex numero partium; imo ut ille numerus sit val-

L:
Tot sunt for-
mæ substan-
tiales quæ
partes.

de major; ob id quod pars una & eadem formis accidentibus multis subiaceat.

LI.
Formæ accidentales sunt
valde magis
innumerabiles.

Tum & ille numerus in infinitum excrefcit, si formæ istæ accidentales sunt aliarum adhuc formarum accidentalium susceptivæ, & istæ aliæ aliarum, quod saltem infertur satis verisimiliter. Unde si accidentia illa omnia res sunt, fateor terreri me ab illa multitudinem tot rerum producendarum in uno illo carbone ignito; quid aio? in qualibet assignabili carbonis illius parte quantumvis minima: terret etiam me tot rerum productio tam instantanea, tot rerum licet materialium penetratio tam stupenda. Nolo tamen, quia novi Naturæ vim valde occultam esse, ac valde magnam, discernere rem ex integro, donec audierim ex ore Rocchii quid & qualiter de accidentibus philosophari soleant Atomistæ: & hæc erit, si annuitis, crastinæ decertationis vestræ materia: erit etiam, si annuitis, decertationis locus villula mea, quæ fere suburbana est, & in quam, si dies, ut hodierna, favebit, unà ibimus. Tandem, ut advertitis, Domini mei, mitto plura, non mittenda tamen, propter illud quod postulastis compendium.

PAZZIUS. Adfunt fercula: surgamus, Domini mei, & cænius ad manuum lotionem.



DIALOGUS



DIALOGUS SEPTIMUS.

Q U A M B E N E S E N T I A N T
Atomista de formis accidentalibus generatim.

P E R S O N Æ C O L L O Q U E N T E S.

PAZZIUS, ROCCHIUS, PHILALETES.

P A Z Z I U S. Quam aiebas villulam, Domine Philalethes, villa est; hanc cingunt agri tuæ ditionis pluri-
rimi & opimi, ut video. Villa est, cui debuisti hos agros: agri sunt, quibus debuisti hanc villam.

I.
Petitur opti-
nio Atomis-
tarum de ac-
cidentibus
generatim.

R O C C H I U S. Peccasses, Domine Philalethes, ut olim Q. Scævola, si villam hanc agris illis non providis-
ses; aut ut L. Lucullus, nisi agros illos obtinuisses huic villæ; modum servasti Plinio probatum, ut neque fundus villam querat, neque villa fundum. Hic habes magis ara-
re quàm verrere: habebat Lucullus magis verrere quàm arare: quæ res in jocos abiit. Sicne fallere nos usu dimi-
nutivi nominis voluisti?

Plin. lib. 18
c. 6.

P H I L A L E T H E S. Vestra humanitas est, quæ non probat diminutivum hoc nomen *villula*: mihi tamen saltem in usu erit, usque dum villæ partem alteram, cujus fundamenta vix jacta sunt, ædificare compleverim. Quod videris, pars est *rustica* destinata in habitationem colonis; deest pars potior, quam Architecti *urbanam* vocant, & forma elegantiori adornant, uti Domino reservatam. Hanc pollicentur perducere ante hyemem ad fastigium. Interim videte, Domini mei, tuguriolum hoc, in quo pluries.

B b

per hebdomadam sanare consuevi odium turbæ ; ubi misceō & alterno solitudinem cum frequentia : hæc eremus mea est : nec eremus tamen : hîc me interrogo , hîc respondeo deo mihi, tanquam duo simus, ratio & ego.

ROCCHIUS. Sed neque hoc tuum, *tugurioli* diminutivum patiemur, ubi locum videmus capacem utriusque chori Musarum & Gratiarum, suoque pro aspectu, cultu & apparatu non indignum illis.

PHILALETES. Habeo in vobis, Domini mei, Musas & Gratas: cedo urbanitatibus vestris: sedeamus, donec indulgere deambulationi videbitur: neque differ ultra, mi Rocchi, declarare nobis opinionem, quam Atomistæ habent de accidentibus generatim, & cujus audientia pariter impatienter sumus ego & Pazzius.

II.
Quantitas
accidentium
non est om-
nium eadem

ROCCHIUS. Ad id in promptu sum: oro tamen ut mihi liceat resumere breviter paucula hæc verba, quæ pro minuendo formarum accidentalium numero proferebat heri Pazzius ex Palanco, & quæ non satis, nisi fallor ponderata fuerunt. Itaque verba hæc sunt, *Nam illi* (Peripatetici) *clare ostendunt in unica substantia non esse, nisi unicam quantitatem.* Ego verò id tam clare ostendi posse non puto; quando potest unica substantia multis accidentibus subjacere, quorum extensio aut intensio variis omnino mensuris subjacet, & ideo ejusdem, imo similis quantitatis non sunt. Substantiam cogitate albam, calidam, sapidam, odoram, sonoram, mobilem, gravem, pulchram, &c. Illa utique substantia potest esse alba ut unum, calida ut duo, sapida ut tria, odora ut quatuor, sonora ut quinque, mobilis ut sex, gravis ut septem, pulchra ut octo. Unde apparet talium accidentalium quantitatem non eandem esse; sed neque communem esse; nam aliter mensuratur color, aliter calor, aliter sapor, aliter odor, aliter sonus, aliter motus, aliter gravitas, aliter pulchritudo. Neque aliter discurrendum est de omnibus aliis ejus-

Quam bene sentiant Atom. de formis accid. generatim. 195
dem substantiæ formis accidentalibus, quæ pariter depre-
henderentur differre omnino inter se per quantitatem seu
molis, ut aiunt, seu virtutis.

Tum insuper quia nulla est assignabilis forma accidenta-
lis, quæ non subiaceat aliis formis accidentalibus multis,
erit etiam istarum non una mensura, non una quantitas:
erunt inter se omnes aut per extensionem, aut per inten-
sionem diversæ. Hinc autem valde facilius esset ostende-
re quomodo non omnium esset eadem actio, eadem passio,
eadem relatio, eadem ubicatio, eadem duratio, &c. Ali-
ter agit, paritur, refertur, ubicatur, durat, &c. color, ali-
ter calor, aliter sapor, &c. Quæ via crescit in infinitum
multitudo accidentium realium, ac realiter distinctorum.

P A Z Z I U S. Sic equidem, mi Rocchi, cresceret in
infinitum, si tibi liceret tuo modo accidentia hæc nostra
computare. Non sic illa computamus, non sic descendi-
mus ad istarum, quæ in illis esse possunt, differentiarum
minutias: aut id genus differentias seu specificas, seu in-
dividuales esse ab illis indistinctas affirmamus: & hac via
valde cavetur, ne illorum multitudo infinita evadat.

R O C C H I U S. Quid, mi Pazzi, si motum assumerem
in exemplum particulare, tibi que opponerem omnes mo-
dificationes accidentales, quarum est capax, tunc illas
cum motu identificares realiter? Tunc diceres velocita-
tem nihil reale superaddere motui, aut accelerationem,
aut tarditatem, aut rectitudinem, aut obliquitatem, aut re-
flexionem, aut refractionem, &c? sicne realiter motum
velocem cum tardo, acceleratum cum moroso, rectum
cum obliquo, reflexum cum refracto &c. confunderes?
sicne confunderes gradus omnes talis velocitatis aut tar-
ditatis, talis accelerationis aut morositatis, talis rectitudi-
nis aut obliquitatis, talis reflexionis aut refractionis, &c?

P A Z Z I U S. Cur, mi Rocchi, hæc omnia non con-
funderem, si confudit illa Palancus? nec utique sine cau-

B. bij

III.
Accidentia
singula mu-
tipliciter di-
sternuntur.

IV.
Afficitur mo-
tus in exem-
plum.

Dial. 53. n.
438.

fa confudit : nam simile quid obiebat illi vester ille Atomista de motu tardo aut veloci, recto aut obliquo : ipse verò sic responder, *Præterquam quòd ridicule assignas pro accidentibus motus, ipsius tarditatem aut velocitatem, rectitudinem vel obliquitatem : hæ enim sunt differentia vel specifica, vel individuales ipsius motus, quæ à motu singulari minime distinguuntur.*

V.
Velocitas,
obliquitas,
&c sunt acci-
dentia mo-
tus.

ROCCHIUS. Id quidem ita responsum fuit ; sed difficultas superest, an coherenter responsum fuerit. Si enim generatim placet Aristotelicis omnes formas accidentales perinde ac substantiales, quæ sunt differentia, vel specifica, vel individuales alicujus subjecti, esse illi realiter superadditas, & ab illo realiter distinctas, cur si coherenter sentiunt, idem non sentient de differentiis specificis aut individualibus talium rerum superadditarum suo subjecto & distinctarum ab illo ? nam tales res sunt pariter subjecta suarum differentiarum, suarumque omnium proprietatum, & affectionum atque modificationum advenientium. Hinc sequitur aut velocitatem esse rem superadditam motui, aut motum non esse rem superadditam mobili, & sic de cæteris : & si res plene attenditur, hinc rursus sequitur aut nullas esse formas accidentales rebus materialibus realiter superadditas, aut id genus formas infinitas fore, quarum proinde assignari causa nulla sufficiens posset ; vel præsertim quia fere in instanti producerentur, & in singulis fere instantibus mutarentur. Neque addam plura, Domine Philalethes, circa difficultatem, quam te annuente resumpsi ex dialogo præcedente.

VI:
Quæritur
explicatio
accidentium
per atomos.

PHILALETHES. Quamvis illam non resumpsis-
ses, mi Rocchi, eram perinde convictus nullam esse rem
aut rei partem, quæ non sit mutationibus fere infinitis ob-
noxia, scilicet accidentalibus, quæ propterea saltem esse
possibiles probant formas paris numeri accidentales. Sed
quia hæc accidentium multitudo non minus apud Ato-

Quàm bene sentiant Atom. de formis accid. generatim. 197
 multas quàm apud Aristotelicos verificatur, nihil invicti
 potes adhuc ex illa contra Philosophiam Aristotelicam
 inferre, nisi ostendas illam cum Atomistica concordare.
 Quomodo inesse atomis tot accidentia possunt, quomo-
 do possunt accidentia tam innumerabilia per atomos ex-
 plicari? Dic itaque nobis, si placer, quæ sit apud Ato-
 mistas notio accidentium: hanc opponam illi, quam esse
 illorum apud Aristotelicos Pazzius noster heri referebat;
 sicque potero æquius decernere utra sit, quæ prevaleat
 alteri, & possit magis Philosophice defendi.

ROCCHIUS. Non tantum, Domini mei, res singu-
 læ, ac rerum partes singulæ obnoxia sunt infinitis pro-
 pemodum mutationibus accidentalibus; sed etiam habent
 in se ipsis formas accidentales prope infinitas; sic voco
 qualitates, proprietates, convenientias, affectiones, &
 modificationes earum: sic etiam voco talium qualita-
 tum, proprietatum, &c. qualitates, proprietates, &c.
 singulares, ac singulariter considerabiles, propter quas
 nullum est ens particulare accidentale, de quo non pos-
 sit tractari prolixissime ac disputari à Philosophis, à Me-
 dicis, à Mathematicis, &c. idque non alia de causa,
 quàm quia nihil est assignabile, quod mens non possit
 considerare sub aspectibus diversissimis ac diversissimis mo-
 dis, ita quòd nunquam perveniret ad comprehensionem il-
 lius. Hinc oritur latitudo ac diversitas scientiarum, quæ sibi
 certas unius objecti proprietates considerandas reservant,
 cæteras aliis relinquentes. Sicque advertiris quomodo non
 refugium à quantacunque multitudine accidentium &
 in atomi una, & in unius atomi proprietate accidentali u-
 na cogitabilium: neque non in hunc modum paulatim
 venio ad atomisticam notionem accidentium generatim.

Itaque de ente in communi sic discurremus, & dicimus
 illud generatim potuisse modis valde diversis, & in valde
 diversa genera dividi, ut in ens possibile & impossibile:

VII:
 Singulæ
 res abun-
 dant diversis
 simis acci-
 dentibus.

VIII:
 Qualiter
 ens in com-
 muni possit
 dividi.

in ens possibile & actuale : in ens increatum & creatum : in ens infinitum & finitum : in ens intellectivum & non intellectivum ; in ens spirituale & ens materiale : ne quid dicam de subdivisionibus , quæ convenissent primariis illis divisionibus arbitrariis. His autem divisionibus inconsulto neglectis, Aristoteles illud divisit in substantiam & accidens : dixi *inconsulto*, quia clarius illud divisisset in ens substantiale & accidentale, sive in ens substantans & in ens accedens : imo ut philosophice illud divideret ; illud sic dividere debuit : nam *ens*, concretum quoddam est, quod dividi non debuit aliter quàm in membra concreta : quis autem neget *substantiam* habere formam nominis abstracti, uti *accidens* formam habet nominis concreti ? Quis cum non rideret, qui hominem divideret in doctrinam & in indoctum, in sapientiam & in insipientem, in prudentiam & in imprudentem, &c. ? quando divisum concretum est, membra dividendia esse concreta, quando abstractum est, abstracta esse necesse est. Non minùs peccasset Aristoteles si ens divisisset in subsistentiam, & ens insubsistens ; nam si bene attenditur tam *substantia*, quàm *subsistentia* nomen abstractum est. Sed quod pejus est, peccatum illud quamquam nimis grande fuit ; anidmadversum non fuit ; & ita fuit occasio affirmandi *substantiam* & *accidens* esse duo genera, non pure objectiva ; sed vere realia entis, quorum uni nihil omnino conveniret nisi subsistere, & alteri nihil omnino nisi accidere : atque hic est error, unde cæteri fere omnes, qui Philosophiam Aristotelicam invaserunt, exorti sunt.

IX.
Divisiones
entis sunt
tantùm ref-
erentiæ.

Nos autem à tam foedo errore liberi contendimus divisionem illam entis in substantiale & accidentale, non esse nisi divisionem objectivam ac mere intelligibilem unius entis, quod sub uno quidem respectu *substantiale*, & sub altero *accidentale* nuncupatur : substantiale vocatur propter respectum substandi, sive subjectandi ; acci-

Quam bene sentiant Atom. de formis accid. generatim. 199
dentale verò propter respectum accidendi, seu advenien-
di. Tum ut taceam in hoc loco subdivisiones entis tum
substantialis, tum accidentalis, quæ pariter non sunt ni-
si objectivæ ac mere intelligibiles, tantum adverto nul-
lum esse ens, quantumvis in se simplex, quod non sit mul-
tiplex objective; imo quia quod simplicius est, perfec-
tius est, id multiplicius quoque est; sed postmodum ex
omnibus proprietatibus, sive perfectionibus in eo confide-
rabilibus, una quædam prima est; cæteræ autem omnes
secundariæ sunt: quare illa concipitur istas subiectare;
istæ intelliguntur illi advenire: illa substantialis est, istæ
accidentales sunt; per illam res intelligitur primò & es-
sentialiter constitui, per istas verò concipitur tantum se-
cundariò & accidentaliter perfici.

PAZZIUS. Satis assequor mentem tuam, mi Roc-
chi; neque opus est illam apertiùs declarare. Mens tua est,
perfectionem quæ prima est & primò intelligibilis est in
omni re, esse perfectionem illius substantialem, atque ita
esse illius substantiam sive essentiam: & in hunc mo-
dum cæteras ejusdem rei perfectiones, respective ad illam
primam, esse pro accidentibus habendas, ob id quòd illi
primæ accidere, seu advenire concipiuntur. Unde se-
quitur admittenda fore accidentia in Deo, ut in Angelo,
ut in homine, ac rebus cæteris: de qua consequentia ve-
lim ut audias Palancum. *Id certe inaudisum & contra om-
nem Theologiam, etiam antiquissimorum, omnino est: nam
Deum semper nullis accidentibus obnoxium, purissimam-
que substantiam prædicarunt, omnesque ejus perfectiones
substantificas laudaverunt omnes antiqui Theologi.* Et ra-
tionem hanc subdit, *Præterquam quòd de communi notio-
ne accidentis est, quòd possit adesse & abesse absque subiecti
corruptione: præfata autem attributa non possunt à Deo
abesse: quòd si abessent, Deus esse desineret & corrumpere-
tur.* Neque addam hujusmodi positionem accidentium in

X:
Opponitur
quod
accidentia
forent in
Deo:

Dial. 51.
n. 445

Deo ita displicere Palanco, ut in illa contendat reperiri ruditatem insignem ac turpissimum idiotismum, vel aliquid pejus latere timeat.

XL.
Exponitur
qualia acci-
dentia sint
in Deo.

R O C C H I U S. Timet Palancus, ubi non est timor. Non sunt accidentia quæ pronimus in Deo de genere illorum, quæ in scholis Aristotelicis admittuntur realiter producta, realiter distincta, realiter inhærentia, realiter componentia, realiter separabilia, &c. Non alia admittimus in Deo accidentia, quàm quæ realissime & essentialissime physice identificantur cum Deo. Quid ergo timeret? Nunquid, mi Pazzi, certatur gravissime in Theologia de primo attributo Divinitatis, quod vocant essentialiale, ac primum constitutivum Divinitatis: tum verò alii quidem dicunt tale attributum esse *intelligere radicale*, alii *intelligere actuale*, alii *esse à se, &c.* Dum autem de primo illo attributo certant, nunquid agnoscunt cætera relative ad illud primum secundaria esse, ac proinde adventitia? quid autem hoc est, nisi agnoscere illa pro accidentibus, id est, pro accidentibus respectivis, pro accidentibus pure objectivis, pro accidentibus metaphysicis, seu vere intelligibilibus, quæ nullatenus impediunt, quin Deus sit simplicissimus physice, quin omnia Divinitatis attributa sint æque primò in Deo physice, æque indispensabiliter, æque necessariò, æque essentialiter. Talia in Deo admittere accidentia nullus Theologus unquam recusavit. Talia omnino sunt quæ in in illo admittimus, & sine quibus non possent considerari seorsim attributa divina, faciendo præcisionem mentalem aliorum ab aliis: nam sicuti omnia æque primò sunt in Deo, ita æque primò conciperentur à nobis, quod est contra ipsam cognitionum nostrarum experientiam.

XII:
Afferunt
sensus, in
quo admittunt
possunt.

P H I L A L E T H E S. Et propter hanc ipsam experientiam puto quæstionem inter vos Dominos meos agitari de nomine. Alter vestrum negat misericordiam v. g. esse accidentalem.

Quàm bene sentiant Atom. de formis accid. generatim. 201
 accidentalem in Deo ; alter accidentalem esse affirmat.
 Qui negat accidentalem esse, id negat in sensu, in quo
 accidentia componunt atque immutant realiter suum sub-
 jectum : Deus autem omnis compositionis atque immu-
 tationis realis est incapax : qui verò affirmat esse acciden-
 talem, id affirmat in sensu alio, in quo accidentia nullam
 hujusmodi efficiunt compositionem, aut immutationem
 realem, & in quo proinde aliena non sunt à Divinitate.
 Quare neutrum vitupero : nisi quòd hîc non agitur, nisi
 de sensu, in quo Atomistæ accipiunt generatim nomen
accidentis ; & ideo non est disputandum, nisi an acciden-
 tia misericordiæ, justitiæ, omnipotentia, independentiæ,
 &c. possint in Deo admitti sine læsione ulla reali simplici-
 tatis atque immutabilitatis divinæ, scilicet attento sensu,
 in quo Atomistæ generatim nomen *accidentis* accipiunt.
 Circa quem sensum jam patet Atomistas, si bene tuam in
 mentem introivi, mi Rocchi, intelligere generatim per
accidens rei totum id omne, quod non pertinet ad prima-
 rium conceptum illius rei ; sive quod idem est, quidquid
 pertinet ad secundarium aliquem conceptum illius rei :
 hinc veniunt ad considerationem attributorum Divinita-
 tis ; & quia in Theologia certum est non esse, nisi unum ex
 illis quod primum est, sed quod incertum est, ideo aiunt
 cætera, præter illud primum quodcunque sit, pertinere
 ad conceptus secundarios Divinitatis, & ita pro acciden-
 tibus esse habendos. Quare in re nihil video, quod univer-
 si Theologi non uniformiter sentiant, licet difformiter
 loquantur.

P A Z Z I U S. Imo cum bona venia, Domine Philale-
 thes, multum abest quin uniformiter cum Atomistis hac
 in re sentiamus : nam illi admittunt in Deo compositi-
 onem metaphysicam ex essentia & attributis, sicut etiam
 separabilitatem metaphysicam attributorum ab essentia :
 nos autem cum Palanco neque compositionem illam,

XIII.
 Opponitur
 nullam com-
 positionem
 esse in Deo.

neque illam separabilitatem metaphysicam toleramus in Deo; quia (& hæc sunt verba nostri Authoris) *præter essentialiam suam metaphysicam in primo essentiali predicato Dei ex nostro modo concipiendi sitam, plura alia predicata essentialia attribuuntur Deo ex consequenti, quæ minime sunt accidentia Dei, sed ipsi potius essentialissima ex primo conceptu quidditativo Divinitatis; adeò ut quolibet deficiente, per metaphysicam consequentiam deficeret ipsa Divinitas: ac proinde adhuc metaphysice non possunt separari ab ipsa Divinitate.*

XIV.
Qualiter
admitti de-
beat com-
positio me-
taphysica.

PHILALETHES. Atqui rursus, mi Pazzi, non erit hîc quæstio nisi de nomine: nam si de conceptu quidditativo Divinitatis sermo est, idest, de Divinitate, ut in se ipsa est, Atomistæ perinde ac vos aiunt quidquid in Deo est, id totum in illo esse æque primò, æque necessariò, æque indispensabiliter, æque essentialiter, æque simpliciter, æque inseparabiliter. Sed si sermo est de conceptu formali ac præcisivo, de quo utique sermo est, aiunt non esse in Deo æque primò, aut æque necessariò, &c. quidquid in illo est: quatenus attributa divina sunt considerabilia ordinatim, & concipiuntur omnia fluere ac oriri ex uno quodam primo attributo, quod est attributum essentialiale & essentialiter constitutivum Divinitatis: atque hinc fit ut attributa omnia cætera, quæ intelliguntur Divinitati accidere, designent isto *accidentium* nomine. Palancus ipse vocat attributa illa *essentialia ex consequenti*; quid hoc est, nisi *non-primò-essentialia*, & ideo *accidentalialia* in hoc sensu atomistico, in quo quidquid primò essentialiale non est, aut essentialiter primum in aliqua re, pro accidente rei habetur. Sed non adverto, mi Rocchi, agere me hîc partes tuas, nescio an recte?

ROCCHIUS. Recte omnino.

XV.
Datur

PAZZIUS. Ego autem salvâ pace dico *non recte*: quia *falsum est*, ut ait Palancus, *quòd non detur medium*

Quàm bene sentiant Atom. de formis accid. generat. 203
inter essentiam metaphysicam Dei & accidens. Si quidem medium inter essentiam & accidens.
attributa necessario consecuta à priori ex essentia divina, ut
in illa inclusa, medium sunt inter essentiam metaphysicam
& accidens. Et subjungit, imo proprietates in quarto mo-
do in creaturis nec sunt essentia rei, nec accidens secundum
communem notionem accidentis, sed medio modo se habent.
Et similiter in ente, quòd sit verum, bonum, aliquid, unum,
nec est essentia metaphysica entis, nec sunt vera entis acci-
dentia, sed medio modo se habent: unde noster Scriptor
vocat hæc attributa entis essentialia, qualiter essentialia
vocat attributa Divinitatis, ob id quod ex essentia conse-
quuntur. Ac tum convertit se ad Atomistas & ait, sed Dial. 51.
quia vos, nec quid sit proprium, quid attributum essentia- n. 447.
le, quid accidens commune, quid accidens predicabiliter
& logice, quid accidens predicamentaliter vel physice non
vultis distinguere. propterea in hac & alia absur-
dissima prorsus, ut Deum infinitis accidentibus affectum
dicatis.

R O C C H I U S. Adhuc recidis, mi Pazzi, ut adver- XVI.
tebat Philalethes de prioribus aliis verbis tuis, in quæ- Potest ali-
tionem de nomine: & aliunde injuriam facis Aristoreli, quid multi-
qui non divisit ens in substantiam, proprium & acci- pliciter acci-
dens; sed tantummodò in substantiam & accidens; sic- dere.
que satis significavit id, quod *proprium* Logici vocant,
accidens esse, licet peculiarem modum habeat acciden-
di cum necessaria connexionem. Atque in hunc modum
eò redeo ut dicam id primum, quod est ac primò consi-
derabile est in aliquare, esse subjectum omnium cæte-
rorum attributorum illius rei; & in hoc sensu esse sub-
stantiam ac veram essentiam illius rei; cui proinde substan-
tiæ, sive essentiæ intelliguntur attributa hæc omnia cæ-
tera superaddi & accidere: in quo sensu accidentia di-
cuntur, & dicenda sunt generatim loquendo. Sed tum
diversi sunt modi; juxta quos aliquid potest accidere, aut

Cc ij

intelligi accidere; de quibus, Domini mei, si me loquentem audieritis, videbitis Atomistas, Deo volente, non ignorare *quid sit proprium, quid attributum essentiale, quid accidens commune, &c.*

XVII.
Alia sunt
accidentia
separabilia,
& alia inseparabilia.

Itaque potest aliquid accidere, seu intelligi accidere multipliciter, uti necessariò atque immutabiliter, aut fortuitò & mutabiliter. Quem in modum pro necessariis atque immutabilibus accidentibus habentur illæ omnes perfectiones, seu proprietates rei, quæ habent indispensabilem connexionem realem cum illa, ita quòd licet possint ab illa per mentem præscindi, non tamen possint realiter separari: & hujusmodi perfectiones, seu proprietates non renuimus vocare substantiales, sive essentielles propter prædictam necessariam connexionem cum substantia, sive essentia. Sic talia attributa entis, *quòd sit verum, bonum, aliquid, unum* vocamus accidentia *necessaria, substantialia, aut essentialia*, ut quis voluerit: sic etiam pro talibus accidentibus agnoscimus, & similiter vocamus *necessaria, substantialia, essentialia*, ut quis maluerit, omnia Divinitatis attributa. Deinde pro fortuitis & mutabilibus accidentibus habemus cæteras omnes perfectiones, seu proprietates rei, quæ non servant connexionem indispensabilem cum re illa, & ideo cum illa interdum connectuntur, interdum non connectuntur, ita quòd non solum separari ab illa mentaliter possint, sed adhuc realiter. Sic talia corporis attributa, *quòd sit coloratum, figuratum, molle, asperum, &c.* vocamus accidentia *fortuita & mutabilia*.

PAZZIUS. Audio te, mi Rocchi, loquentem satis Aristotelice.

XVIII.
Palancus
non loquitur
Aristotelice.

ROCCHIUS. Non sufficit, mi Pazzi, volo ut advertas loqui me magis Aristotelice, quàm Palancum mox à te relatum, *Et similiter*, inquit, *in ente, quòd sit verum, bonum, aliquid, unum, nec est essentia metaphysica entis, nec sunt vera entis accidentia, sed medio modo se*

Quàm bene sentiant Atom. de formis accid. gener. 205
habent, &c. Aristoteles nullum medium admittit inter
 substantiam & accidens, Palancus autem vult mediare
 inter substantiam & accidens attributa illa entis, nempe
quod sit verum, bonum, aliquid, unum. Uter nostrum
 igitur magis Aristotelice loquitur? contendo ego nihil ef-
 se, quod non sit substantia vel accidens: ille verò ex ad-
 verso affirmat esse aliquid, quod inter accidens & substan-
 tiam mediat. Sed vide, mi Pazzi, quomodo vel iniuvus ve-
 nit in sententiam meam, quando ait, *Nec sunt vera entis*
accidentia. Fatetur itaque his verbis attributa illa entis
 accidentia esse entis, licet dicat non esse vera: ubi per
 non-vera nihil aliud intelligit, nisi quòd non sint acci-
 dentia entis fortuita & mutabilia, ob id quòd habeant
 necessariam connexionem cum ente, & eapropter ne-
 cessariò consequantur ad illius substantiam, sive essentiam:
 sicque nostra hæc dissensio, si vis in verbis non fieret, fa-
 cilè in consensionem transiret.

P A Z Z I U S. Neque tamen æque facilè ac putas, mi
 Rocchi: nam adhuc video infinitam propemodum distan-
 tiam inter nostras ac vestras particulares *substantia* & *acci-*
dentis notiones.

R O C C H I U S. Fac, rogo, ut audiam aliquid particu-
 lare de vestris.

P H I L A L E T H E S. Haud dubie rogas aliquid novum,
 mi Rocchi: nam si bene meministi, multa sunt quæ de il-
 lis referebat heri Pazzius noster.

P A Z Z I U S. Novum aliquid afferam. Ecce quando agi-
 tur de divisione entis in substantiam & accidens, Atomis-
 tis placet nomen illud *substantia* correlativum esse ad ac-
 cidens; hinc nullam esse substantiam sine accidentibus
 putant; quia substantia non est, inquiunt, nisi subster,
 subistere autem nisi accidentibus non potest. At vide, mi
 Rocchi, quantum circa particularem hanc substantiæ no-
 tionem distamus! Negat Palancus *quòd ratio, essentia, &*

XIX.
 Afferitur
 nova notio
 substantiæ
 & accidentis.
 tis.

Dial. 51.
n. 446.

perfectio vera substantia sit correlativa ad rationem accidentis. Et addit. Potius enim ratio vera substantia est ratio entis omnino absoluti & per se existentis, quod quanto magis absolute & per se existit, tanto magis est substantia. Nec enim ratio substanti accidentibus est perfectio in ratione substantia; sed potius imperfectio annexa substantia creata titulo potentialis & mutabilis, sed repugnans omnino substantia divina titulo actus purissimi per se subsistentis. Neque minus distamus circa notionem accidentis particularem, quam audi.

XX.
Contradicitur præmissæ notioni.

ROCCHIUS. Audiam deinde : interest ut seorsim hic aliquid anticipetur contra vestram illam notionem substantiæ. Saltem, mi Pazzi, non negabis nomen *accidentis*, esse relativum : nam omne quod accedit, alicui utique subjecto accedit, & ita nomen *accidentis* secum affert relationem rei quæ accedit, ad subjectum cui accedit. Sed neque negabis nomen *subjecti* esse pariter relativum, quia omne subjectum, alicujus utique rei accidentis subjectum est : sive quod idem est, substat rei alicui accidenti, & in hoc sensu substantia est, & aliquid relativum est, ut vides : ita quod divisio hæc Aristotelica entis in *substantiam*, & *accidens*, perinde sic enunciari potuerit in *subjectum* & *accidens*. Sed hoc nullatenus impedit quominus res, quæ relative ad accidens subjectum est, sive substantia est, sit sub alia ratione, scilicet per se ipsam, aliquid absolutum; imo ita necesse est esse, quia prius est aliquid esse, quàm referri.

XXI.
Qualiter nomen substantiæ sit relativum.

Atque ita nomen *subsistentia* habemus pro absoluto, nomen *substantia* pro relativo : sicque plus quàm satis intelligitur qualiter Divinitas sit in se ipsa res absolutissima, nempe in ratione subsistentis; sed tum quando consideratur in ratione subjectantis suas perfectiones, an non hæc ratio subjectandi relativa est? quid autem est ex terminis ipsis ratio subjectandi, nisi ratio substanti? quare ratio

Quàm bene sentiant Atom. de formis accid. gene. 207
 substantiæ relativa est : neque de cætero hæc relatio ul-
 latenus opponitur excellentiæ actûs purissimi in Deo :
 quando nec illi opponitur, quòd Divinitatem apprehen-
 damus sub conceptu subjecti divinarum omnium perfec-
 tionum. Apprehensiones nostræ, mi Pazzi, res non im-
 mutant, licet illas multipliciter ac diverse attingant :
 neque hîc agitur inter nos de rebus deordinandis, sed de
 ordinandis rerum conceptibus : uti neque Aristoteles aliud,
 quàm hos conceptus nostros ordinare voluit, quando ens
 divisit in sua illa prædicabilia, & prædicamenta. Sed quid
 Aristotelicis actum est ? putaverunt omnia illa quæ enu-
 merabat seu prædicabilia, seu prædicamenta res esse, li-
 cet nihil sint nisi respectus logici, aut metaphysici, sub
 quibus considerari res possunt. Sic putaverunt genus, spe-
 ciem, differentiam, proprium, accidens, substantiam,
 quantitatem, qualitatem, relationem, &c. res esse ; &
 ideo sic omnia confuderunt, quando rerum meros res-
 pectus pro rebus ipsis acceperunt. Et jam quidem opto,
 ut transeas ad aliam particularem accidentis notionem,
 quæ forsan erit distinctior.

P A Z Z I U S. Distinctissimam audies, & procul positam
 ab æquivocationibus, quibus abundat ea, quæ à vobis
 profertur. Nam in divisione bimembri entis in *substantiam*
 & *accidens*, accipere soletis *accidens* pro eo omni, quod
 est prædicabile accidentaliter, sive ut Logici loquuntur,
in quale contingenter : & ita illud confunditis per turpis-
 simam Philosophiæ Aristotelicæ ignorantiam cum quinto
 prædicabili, seu cum quinto universali, quod vocamus
accidens, & quod non est nisi accidens logicum. Et ut vi-
 deas, mi Rocchi, quantum hac in re dissidemus, *Scito*
Peripateticos, verba sunt nostri Scriptoris, *accidens, quod*
dividitur contra substantiam in generali divisione entis, ac-
cipere tantum pro accidente physico & prædicamentali, pro
quo non intelligunt quamlibet formam pure intentionalem,

XXII.
 Alia est
 notio acci-
 dentis apud
 Aristotelicos

Dial. 51.
 n. 449.

nec quemlibet conceptum objectivum secundarium nullam realitatem importantem, ut vos dicitis, nec item quodlibet abstractum metaphysicum nihil reale superaddens subtracto, à quo abstrahitur; sed intelligunt veram & realem entitatem & actualitatem adjectitiam substantiæ, veramque & realem perfectionem, scilicet entis ex natura sua insubstantientis & inhæsiivi, seu inhærentis substantiæ. An adhuc dices, mi Rocchi, quod nostra hæc dissensio, si vis in verbis non fieret, facile in consensionem transiret?

XXIII.
Quid quid
realiter aut
objective
accidit, acci-
dens est.

ROCCHIVS. Adhuc id dico, quatenus res illæ; quas mere insubstantientes, mere inhærentes, mere adjectitias fingitis, verba sunt, prætereaque nihil; nam si vere res essent, vere producerentur, vere existerent, vere subsisterent ante omnem intelligibilem inhærentiam, aut adjacentiam: tales autem non sunt: quid igitur nisi verba sunt? Sed supponamus res huiusmodi esse & de illis siquidem inhærentibus, ac proinde accidentalibus intelligi posse *accidens*, quod dividitur contra substantiam in generali divisione entis, an hoc impedit quod intelligi generatim non possit de omni alia re, quæ accidit, aut intelligitur accidere cuicunque subiecto? Quare ad generalem illam *accidentis* notionem non pertinebit quidquid habet verum accidendi respectum? & eapropter quare ad illam non pertinebunt accidentia logica? an illis deest objectiva veritas *accidendi*? aut si deest, ruit illico veritas omnium propositionum, in quibus illa prædicantur de suis subiectis: atque ita falsum erit hominem esse rationalem, hominem esse risibilem, hominem esse album, & sic de cæteris. Quapropter mihi plane persuasum est Aristotelem sub nomine *accidentis*, quod contra substantiam dividitur, intellexisse id omne, quod quocunque pacto aut reali, aut objectivo accidit, videlicet acceptum sub isto *accidendi* respectu.

XXIV.
Proponitur

PHILALETHES. Neque multum abest, mi Rocchi,

Quàm bene sentiant Atom. de formis accid. generatim. 209
 chi, quin hoc ipsum mihi suaseris, in quo nihil incom-
 modi adverto; quin adverto è contra non parum com-
 modi, si generatim ita dicitur omne, quod quocunque
 modo reali, aut intelligibili accidit alicui subjecto, ac-
 cidens esse; uti omne cui aliquid quocunque modo rea-
 liter, aut intelligibiliter accidit, subjectum esse, & in hoc
 sensu substantiam esse. Hic tamen unum est, in quo pa-
 tior difficultatem, propter quam ad partes Pazzii fere me
 vertorem; quia si accidens est quidquid aut realiter, aut
 intelligibiliter subjecto accidit, hinc sequitur nulli rei es-
 sentialem esse perfectionem ullam: omnis enim perfectio,
 rei aut illi accidit, aut illi concipitur advenire. Nosti au-
 tem qualiter apud omnes Philosophos, quin & Theolo-
 gos accipitur saltem pro essentiali prima illa perfectio,
 quæ rei advenit, aut intelligitur advenire: quare saltem
 hæc perfectio prima, licet adveniat, aut intelligatur ad-
 venire, sejungenda erit de numero accidentium.

prima diffi-
 cultas.

Alterum quod me torquet, refertur ad tritissimum in
 ore omnium modum illum loquendi, juxta quem nomen
substantia nunquam relative, sed absolute semper accipi-
 tur: uti quum dicimus Deum esse substantiam, Ange-
 lum esse substantiam, hominem esse substantiam, &c.
 Nisi quòd cum Aristoteles perinde potuisset dividere ge-
 neratim ens in ens substans & ens accidens, & diviserit
 nihilominus in substantiam & accidens, videtur voluisse
 accipere *substantiam* absolute, ac proinde liberam ab illo
 substandi respectu, quem vos Atomistæ creditis per no-
 men *substantia* importari. His difficultatibus ego & Paz-
 zius à te quærimus solutionem.

XXV.
 Proponi-
 tur secunda
 difficultas.

ROCCHIUS. Illam faciliè obtinebiris, Domini
 mei: ac per me quidem ex Aristotele, cui non displicuit
 rationem, quæ hominis est pars essentialis, prædicari de
 homine, ut accidentia prædicari de suis subjectis genera-
 tim solent, id est, *in quale*; sed tum *in quale quid ad*

XXVI.
 Aliquid est
 essentielle &
 accidentale
 s. b. diverso
 respectu.

D d

discrimen omnis alterius rei, quæ accidit, & non est pars essentialis compositi, quod intelligitur fieri ex subiecto, & perfectionibus omnibus subiecto advenientibus. Atque ita ratio & est pars essentialis hominis, & est accidens hominis sub diverso respectu: quod idem est ac si dicerem, ratio accidit homini, & non accidit homini, scilicet sub diverso respectu, hinc componendi, hinc accidendi: sic etiam risibilitas accidit & non accidit rationi: non accidit, quia perfectio est necessaria illius, accidit quia nihilominus concipitur illi advenire: atque in hoc sensu ratio evadit subiectum risibilitatis. Nihil iraque, Domini mei, timeat ab his diversis respectibus, qui nec componunt res in se ipsis, nec dividunt à se ipsis, licet conducant ad hoc ut mens nostra illas distinctius aut conjungat, aut dividat. Neque de cætero torqueat vos, quodd nomen substantiæ soleat accipi absolute, id est, pro re subsistente, non autem pro re substante: loquamur ut loquuntur cæteri, quid inde? an non loquendum cum multis & sentiendum cum Paucis?

XXVII.

Qualiter
Deus possit
vocari sub-
stantia.

Dicam ego ipse cum cæteris Deum esse substantiam, Angelum esse substantiam, hominem esse substantiam, &c. sed tunc subintelligam apud memetipsum, ut subintelligi debet, hoc *substantia* nomen, quando de Divinitate in se accepta loquimur, æquivalere nomini *rei subsistentis*: & quando de illa loquimur prout est fons, origo, principium, subiectum perfectionum omnium divinarum, æquivalere nomini *rei substantis*, seu *subjectiva*, quod utique nomen relativum est. Quod autem aiebas, Domine Philalethes, Aristotelem, qui potuit ens generaliter dividere in *ens subsistans* & in *ens accidens*, illud divisisse, in *substantiam* & *accidens*, unde conjicitur *ens subsistans* & *substantiam* esse duo diversa, solvitur hac responsione, scilicet non potuisse Aristotelem intelligere hinc per substantiam, nisi aliquid oppositum accidenti; nam una legum

Quàm bene sentiant Atom. de formis accid. generatim. 211
 legitimæ divisionis hæc est, quòd membra dividendia sint
 opposita: accidenti autem quid opponitur, nisi non ac-
 cidere? At in omni re nulla est perfectio seu realis, seu
 intelligibilis quæ non accadat, aut non intelligatur acci-
 dere, præter illam quæ subiectat omnes, & quæ est veluti
 omnium basis: quare omnino consequitur hanc divisionem
 Aristotelicam entis in *substantiam* & *accidens*, intelligi, si
 legitima est, de ente substante & accidente: vel præfer-
 tim quia si nomen illud *substantia* non intelligitur de en-
 te substante, seu prout substante, superest ut intelligatur
 de ente subsistente in se, seu prout subsistente in se: at
 inter id quod est præcise subsistere, & id quod est præci-
 se accidere non est formalis oppositio, qualem esse opus
 est inter membra legitimæ divisionis.

Præterquàm quòd ex hoc quòd substantia postmodum
 dividatur in spiritualem & corpoream, quæ sunt membra
 dividendia concreta, necesse est per nomen *substantia* im-
 portari divisum concretum; quid autem esse potest illud
 concretum, nisi *ens subsans*? Neque id non est satis in
 usu linguæ græcæ, quæ fuit lingua Aristotelis, ut ad sig-
 nificanda concreta proferantur nomina formæ abstractæ;
 quod in hoc casu factum esse non dubito: & sic illum ad-
 hibuisse pro significando ente substante, nomen abstrac-
 tum *substantia*, quod præcise & formaliter acceptum non
 significat nisi rationem substandi, sive subiectandi, sicuti
 nomen *substantia* significat rationem subsistendi, & no-
 men *existentia* rationem existendi, &c. quem in modum
 ratio accidendi, seu ratio formalis, propter quam aliquid
 accidit, diceretur *accidentia*, id est, advenientia. Quod
 autem dixi satis in usu apud Græcos esse, ut pro signifi-
 candis rebus concretis usurpentur voces formæ abstractæ,
 si non creditis, offero probare multis exemplis; nam
 cum illis hominibus, ut nostis, converfor satis familia-
 riter.

XXVIII:
 Per sub-
 stantiam in-
 telligi debet
 aliquid con-
 cretum.

XXIX.
Opponitur
modus, quo
accipi de-
beat nomen
substantiæ.

Dial. 51.
n. 441.

P A Z Z I U S. Mihi verò nihil est cum illis. Mihi cum Latinis res est, qui nunquam acceperunt nomen illud *substantia* pro ratione formali substandi, & hætenus non audierunt illud *accidentia*, quo ais significari rationem formalem accidendi. Non sic, mi Rocchi, non sic agitur apud Philosophos, *apud quos*, ut sapienter norat Palancus, *minime permittitur rebus nomina mutare, nec nominibus aut verbis significationes invertere*. Ac tum addit, Quis autem ex antiquis hoc nomen *substantia* pro actu vel forma substandi usurpavit? Quis etiam hoc nomen *accidentia* in numero singulari pro actu, vel forma accidendi in Physica aut Metaphysica accepit usque ad novos Atomistas, qui de veritate & realitate controversiam non tam enodare, quam obumbrare & confundere cupientes, significationes terminorum antiquissimas in Physica & Metaphysica invertere conantur? Hinc igitur disce accipere nomina *substantia* & *accidentis*, non ut soletis, sed ut solemus: ut, inquam, solemus nos, qui præsumendi sumus Aristotelis hac in re mentem propius attingisse.

R O C C H I U S. Nihilominus id præsumendum non esse probant rationes, quas attuli; sed quia, ut vides, mi Pazzi, res de qua jam agimus, licet nullius fere momenti videatur, ea tamen est, ex qua pendet salus aut ruina totius Philosophiæ quam sequeris, satis laudo quòd differas venire mecum in consensionem illius. Nec infrequenter id accidit, Domini mei, ut esse minutia videantur nonnullæ difficultates hinc & inde agitatae, quæ nihilominus pertinent ad totius doctrinæ substantiam: & idcirco disputandæ sunt diu ac vehementer: licet id rideant qui nesciunt quantum intersit ita disputare.

XXX.
Ens debuit
dividi in
substant &
accidens.

P H I L A L E T H E S. Unus eorum sum, Domini mei, non qui equidem rideam, sed qui stupeam & diuturnitatem & vehementiam vestræ hujus disputationis circa hæc duo nomina *substantia* & *accidentis*, de quibus, si annui-

Quàm bene sentiant Atom. de formis accid. generatim. 213
tis decernam sensum veriore, in quo accipi debeant ;
sed tum rogabo te , mi Rocchi , ut reveles mihi momen-
tum hujus decreti ; nam aliàs putabo rem valde arbitra-
riam decrevisse. Itaque omnino vellem ut ens , cujus no-
men est formæ concretæ , fuisset divisum in membra ,
quorum nomina essent pariter ambo formæ concretæ : sic
enim solent, uti debent, Philolophi concreta per concreta ,
& abstracta per abstracta dividere : qua ratione dividimus
colorem in albedinem, nigredinem, rubedinem, &c. & colora-
tum in album, nigrum, rubrum, &c. Ideo minùs probo
divisionem illam entis genericam in *substantiam* & *acci-*
dens , propterea quòd *substantia* nomen sit formæ ab-
tractæ , & è contra *accidens* nomen sit formæ concre-
tæ: hinc enim arbitror incidi posse in multas æquivocatio-
nes valde contrarias inquisitioni veritatis.

Sed tum quid ageretur ad pares æquivocationes tollen-
das ? Id ageretur quod Rocchius suadet : scilicet reputabi-
tur Aristotelem per nomen illud *substantia* non intellexisse
rem abstractam, uti *substantialitatis* , sed rem concre-
tam , uti *rei substantis* : & in hunc modum divisio illa en-
tis in *substantiam* & *accidens* æquivaleret isti entis in *ens*
substans sive substantiale , & in *ens accidens* , sive acciden-
tale : quæ de cætero divisio entis in ens substantiale & ac-
cidentalitè ita clara est , ut mihi plane persuasum sit divi-
sionem istam entis in *substantiam* & *accidens* , non aliam
in sensu vero Aristotelico esse, quàm illam. Sicque decer-
no Aristotelem per suam illam divisionem entis in substan-
tiam & accidens noluisse , nisi opponere conceptum en-
tis substantis , seu subjectivi conceptui entis accidentis, seu
subjectati, suæque illius divisionis vim posuisse in hoc ,
quòd nullum ens sit quod non substat aut accadat , sive
quod non subiectetur aut non subiectetur , saltem concep-
tibiliter seu objective , aut ut aliter loquimur , metaphysi-
ce. Sed quum id decerno , quid si placet , mi Rocchi , de-

XXXI.

Aristote-
les per sub-
stantiam in-
tellexit ens
substans.

cerno, nisi rem quæ omnino nullius, aut fere nullius momenti est?

XXXII.
Hinc pendet Aristotelismi ruina.

ROCCHIUS. Rem, optime Philaletes, decernis, quæ Aristotelismum totum convellit: sic enim rescindis truncum, unde falsò germinarunt innumerabilia genera illorum accidentium, quæ licet unice metaphysica sint, id est, unice intelligibilia & objectiva, reputata nihilominus ab Aristotelicis fuerunt physica, physice à suis subjectis distincta, physice ab illis separabilia. Quem in modum res omnes metaphysicas & physicas confuderunt inducendo ex Metaphysica in Physicam entia nihil seorsim per se habentia physicae entitatis, nihil physicae distinctionis, nihil physicae separabilitatis, nihil ullius physicae proprietatis. Quomodo non adverterunt, mi Pazzi, divisionem illam Aristotelicam entis in substantiam & accidens mere metaphysicam esse? aut si fortè id adverterunt, quomodo non intulerunt mere pariter metaphysica esse illius menibra ideoque non consistere in rebus, sed in conceptibus?

XXXIII.
Opponitur formas abstractas esse reales.

Dial. 54.
p. 464.

PAZZIUS. Adverterunt in divisione illa, mi Rocchi, & intulerunt ex illa quidquid seu adverti debuit, seu inferri; intellexerunt siquidem, ut intelligere debuerunt, entia metaphysica correspondentia divisioni entis in substantiam & accidens, licet aliàs abstracta, sive per formam abstractam expressa, nihilominus esse realia, omninoque diversa ab entibus chimæricis, de quibus Metaphysica nec curat, nec tractat, saltem *per se primò*. Verba hæc sunt nostri Scriptoris, *siquidem*, ut ait, *Metaphysica per se primò non agit de entibus rationis aut confectis per intellectum, sed de vero ente reali, licet modo abstracto; ac proinde quando abstracte considerat attributa entis realis v. g. veritatem, bonitatem & possibilitatem entis, illa considerat ut vere realia, ut verasque realitates entis, licet ab ipso realiter indistinctas*. Ac tu quidem, mi Rocchi,

Quàm bene sentiant Atom. de formis accid. generat. 215
quam hîc habes subridendi causam ?

ROCCHIUS. Subrîsi, mi bone Pazzi, ob id quòd non sim assuetus audire possibilitatem entis enumeratam inter veras entis realitates, quasi verò ens obtineat veram aliquam realitatem ex uno solius possibilitatis titulo. Semper audiui possibilitatem entis aliud nihil esse, quàm meram non-repugnantiam ad esse : & ecce audio isti non-repugnantiae concessam à Palanco veram realitatem ; quâ viâ realitas & non repugnantia ad realitatem erunt pariter duæ realitates. Subrîsi etiam ob id quòd veritas, bonitas & unitas non sunt proprietates reales entis, nisi quia sunt proprietates entis vere reales : at ens donec est possibile, non est adhuc reale : quomodo igitur potest mera possibilitas entis esse per anticipationem vera quædam realitas ? Quis temperaret à risu, si Philosophum audire, qui affirmaret fixuritionem alicujus entis esse veram aliquam & ideo actualem realitatem ? quantò itaque magis risui patebit id ipsum de possibilitate affirmatum ? Sed deinde mihi valde serium est, quod agnoscis per tua illa verba ex Palanco relata proprietates entis, scilicet veri & actnalis, esse veras illius realitates, *licet ab ipso realiter indistinctas* : hinc enim infero universa entis realis accidentia esse quidem realia, sed ab illo nihilominus realiter indistincta : sicque firmiter stabilitur atomistica, corruitque proinde Aristotelica doctrina de accidentibus in communi. Capis, mi Pazzi, vim illationis ?

PAZZIUS. Noli superbire in ista illatione tua, mi Rocchi. Audire debuisti verba sequentia, quæ uno spiritu relaturus eram, nisi subrîsisses. Audi jam illa & adverte qualiter tibi omnino amputassent occasionem inferendi quod intulisti. *Cum autem considerat (Metaphysica) modo abstracto accidentia substantia, ad novem genera pertinentia, non ea considerat ut quid pure logicum, aut ens rationis tantum, sed ut veras realitates, actualitates, modos,*

XXXIV.
Rei possi-
bilis nulla
est realitas.

XXXV.
Opponitur
discrimen
inter pro-
prietates
entis &
substantiz.

affectionesque reales substantia ipsi realiter contingentes & adjectitias. Vide hîc discrimen, quod ponit Palancus inter illas proprietates accidentales entis, & inter istas proprietates accidentales substantiæ: de illis dicit quòd sint veræ realitates entis, sed non dicit quòd sint realitates adjectitiæ; quare affirmat illas esse ab ente realiter indistinctas: de istis docet quòd sint veræ realitates substantiæ; sed tum addit illas esse *ipsi realiter contingentes & adjectitias*: unde infert quòd sint *ab ipsa realiter distincta*. Sicque capis, mi Rocchi, nullam esse vim tuæ illius genericæ illationis, quam per istam particularem, si sapiēs, limitabis. Pergit Palancus & ad clariorem præfati discriminis evidentiam demonstrat in sequentibus duobus numeris duo esse genera accidentium abstractorum scilicet, & metaphysicorum, quorum alia efficiunt veram compositionem realem cum suis substratis; alia verò nullam efficiunt, sed identificantur cum illis: ad istud accidentium genus pertinent veritas, bonitas & unitas entis: ad illud verò pertinent quantitas, qualitas, relatio, actio, passio, &c. substantiæ, quam vere ac realiter componunt & à qua proinde separari vere ac realiter possunt. *Et hæc est*, ut verbis utat nostri Scriptoris, *doctrina Peripateticorum clara & genuina.*

Dial. 54.
n. 466.

ROCCHIUS. Genuinam esse permitto: claram esse non admitto: & ut ingenue tecum agam, mi Pazzi, non conticuisssem tamdiu, nisi fore confidisssem, ut fortè à te aliquid clarius proferretur. Neque hîc nihil nisi confusissimum mihi erit, quandiu audiam abstractis quibusslibet metaphysicis, sive quibusslibet accidentium formis abstractis & abstracte spectatis realitatem aliquam præter nude ac mere objectivam attribui.

XXXVII.
Proponitur a:endum de quibus

PHILALETHES. Et ideo author sum, Domini mei, ut ad optatam elucidationem doctrinæ, quæ hinc & inde inter vos satis jam agitata est de accidentibus in commu-

ni,

ni, accedat quæstio de quibusdam accidentibus in particulari, de illis videlicet, quæ utilitatis esse possint expeditionis ad præsentis controversiæ solutionem; Etenim in hunc modum & clariùs vos intelligam & tutiùs judicabo.

busdam accidentibus particularibus.

P A Z Z I U S. Atqui hæc est methodus, optime Philalethes, quâ usus est Scriptor noster; ad hoc enim, ut solidiùs stabiliret, quidquid de accidentibus universaliter affirmasset, descendit ad quædam particularia, uti quantitatis, & figuræ, de quibus nominatim, si jubes, instituetur unum alterumque colloquium, quando & ubi placuerit.

R O C C H I U S. Laudo methodum, in quam inclinatis, Domini mei; neque si placet ulteriùs quàm in crastinum res differatur; adeò sum impatiens audiendi quid sint celebria illa quantitatis & figuræ accidentia, quæ Palancus posuit in exemplum totius accidentalium multitudinis atque propaginis. Et eo fine, si annuis Domine Philalethes, cras ad te in hanc ipsam villam, quàm villulam vocitabas, ego & Pazzius ambo redibimus.

P H I L A L E T H E S. Imo tres redibimus; nunc enim vobiscum revertar in urbem, & revertendi causam urget nox imminens.





DIALOGUS OCTAVUS.

QUAM MALE SENTIANT
Aristotelici de quantitate.

PERSONÆ COLLOQUENTES.

PHILALETHES, ROCCHIUS, PAZZIUS.

I.
Hic age-
tur de quan-
titate acci-
dentali.

PHILALETHES. Parcite, Domini mei, si quid vestrae quieti ademit famulus, qui summo mane nomine meo vos ad proficiscendum excitavit. Timui, ne si profectio ad pomeridiem traheretur, impediretur à pluvia, quam subsolanus flans & ater hic color nubium comminantur. Quodd autem non distulerim esse itineris vestri socius, in causa fuit voluisse me providere atque ordinare res prandii: volui etiam ut ad accessum offerretur vobis paratus haustus chocolati peroptimi, ne jejuni vos committatis disputationi, quam hodie ardentem fore praesentio.

ROCCHIUS. Sic, Domine Philalethes, quidquid meditaris, ad urbanitatem summam perducis.

PAZZIUS. Sic non cepisti hodie tuis nos comitatibus ac liberalitatibus praevenire. Sed oh quis odor, quis sapor chocolati hujus! nihil conferendum cum illo habuisset olim immortale illud merum, quod Jovi & Superis, si fabulae creditur, dum mediis discumberent in astris, manus Iliaca porrigebat. Ejus suspicor esse generis, quo me Rocchius pluries refecit.

PHILALETHES. Suspiciari adhuc illud potuisti datum à Rocchio.

ROCCHIUS. Non memini me dedisse.

PHILALETHES. Ego verò memini me accepisse. Oh te quàm liberalem, quòd oblitus sis ! oh me quàm ingratum , si obliviscerer ! Sed quo pergitis Domini mei ? non illa , sed ista via eundum est , qua cito pervenietur ad querceam fondosam porticum, satis tutam & ab imbre, si pluerit &, à Sole si arserit. Cæterum ab omni tumultu testimonioque remota est, sicque oportuna disputationibus vestris , quæ interdum altius sonant & vehementius effervescent : absit tamen ut hinc eas vituperem : scio quòd nimis alte sonare, nimis vehementer effervesce non potest defensio, vel solum credita, veritatis : an altius , aut ferventius pro aliqua re, quàm pro veritate pugnandum est ? At, quæ misera est Philosophorum conditio ! tam alte, tam ferventer adversus veritatem, quàm pro veritate pugnatur : & id quidem ab altero vestrum, Domini mei, quibus utrisque ob id condoleo , donec utrisque veritas pateat, pro qua pugnat alter, ab altero impugnata. Et grandis quidem momenti, aut fallor, illa est, quæ hodie à vobis discutienda est circa quantitatem accidentalem ; quia enim veluti quædam basis est , id ita sentientibus Aristotelicis ; accidentium cæterorum , aut stare si steterit, aut ruere , si ruit , opus est universa.

PAZZIUS. Agnosco momentum illud, Domine Philalethes , & ideo te annuente omittam nihil ex omnibus ratiociniis ac experimentis , quæ Palancus profert ad stabiliendam illam quantitatem accidentalem ex te ipsa realem , & ideo realiter distinctam ab omni subjecto , cuius est quantitas : sic enim via patebit ad admittendam in accidentibus cæteris parem realitatem ac distinctionem.

ROCCHIUS. Sed omnino vellem , mi Pazzi, ut ratiociniis illis ac experimentis à te afferendis prærent aliqua ex me interrogata de accidentibus abstractis vel physicis, vel metaphysicis, de quibus Palancus ipse scripsit

II.
Difficultas de quantitate magni momenti est

III.
Quæritur quid sint accidentia abstracta.

dialogum quinquagesimum quartum, veluti ex necessitate præambulum ad illa eadem ratiocinia & experimenta, quæ ex illo afferre paras. Et certe nisi à te plene satisfiet his meis interrogatis, intellige modicam apud me vim habituram illam à te jactatam ratiociniorum & experimentorum congeriem.

Pazzius. Ego verò reputabam, mi Rocchi, nihil tibi de accidentibus illis abstractis vel physicis, vel metaphysicis superesse posse difficultatis post hesternum colloquium; age tamen, ut volueris: si fortè potius tua illa interrogata Philalethi nostro non videbuntur omittenda.

Philalethes. Imo avidus sum audiendi, præsentiens utilia fore ad decisionem controversiæ institutæ.

IV.
Abstractum
prout abstractum
non est
reale.

Rocchius. Ago itaque tecum, mi Pazzi, & quæro quid intelligat Palancus per accidentia abstracta, vel physica, vel metaphysica, de quibus inscripsit suum illum prædictum dialogum quinquagesimum quartum his verbis, *Quomodo accidentia sint abstracta, vel physica vel metaphysica, vere tamen entitates reales*: nam in his verbis non multis multa sunt quæ ad contradictionem accedunt, ad contradictionem apparentem aio, donec illam amoveas. Entia abstracta esse physica, esse realia, potestne sine contradictione affirmari? nam entia abstracta non sunt, nisi entia per cogitationem ab aliis præcisa & ita seorsim cogitata: unde prout abstracta sunt, non utique sunt nisi entia mere objectiva. Quare accidentia, quæ à Palanco vocantur abstracta, si vere abstracta sunt, & ideo extra mentem abstrahentis non sunt, quomodo esse physica, esse realia possunt?

Dial. 54.
p. 463.

Pazzius. Id, mi Rocchi, vobis arduum videtur, quia, ut Palancus notat, *non vultis intelligere Peripateticorum doctrinam, qui tamen clare se explicant distinguentes inter abstracta & abstracta, concreta & concreta.*

V.
Ostenditur

Rocchius. Distinctionem proponis adhuc magis

contradictoriam, quando per eam subindicas alia quidem abstracta esse physica & realia, & alia ex adverso esse, quæ contendis physica & realia non esse. Quod erit dicendum pariter de concretis, quorum aliis physicam realitatem tribui oportebit, aliis denegari. Nihilominus si omnis abstractio est, uti revera est, opus mentis, nullum alibi quàm in mente abstractum est: & ex hac parte nullum inter abstracta & abstracta discrimen est. Rursus sicut actio abstrahendi est opus mentis, sic actio reddendi suis subjectis formas abstractas, per quam utique actionem fiunt concreta, est similiter opus mentis: & ideo nullum esse discrimen potest inter concreta & concreta, quæ utique omnia perinde ac abstracta, extra mentem non sunt.

contradictio
in re
bis
Adversarij.

P A Z Z I U S. Doleo, mi Rocchi, quòd in tantum distes à mente nostri Authoris: ecce non accipit ille, ut putas, accidentia abstracta reduplicative ut abstracta, sive ut à suis subjectis præcisa & seorsim ab illis considerata; sed illa potius in suis subjectis considerat: & eapropter affirmat esse physica & realia.

R O C C H I U S. Ego verò, mi bone Pazzi, doleo quòd in contradictionem aliam recidisti, dum accipis tua, nescio quæ, accidentia & simul ut abstracta juxta hypothèsim, & simul ut non abstracta contra hypothèsim: sic enim, ut paret ex ipsis terminis, quando considerantur in suis subjectis, non accipiuntur ut abstracta. De cætero autem satis supponitur accidentia, si quæ sunt in subjectis, esse physica & realia, ea scilicet realitate quæ subjectorum est; sed diffiultas est de accidentibus, quæ nostra consideratio separat à subjectis: ac tum de illis ita per considerationem separatis quæritur, an aliquam seorsim ab illa, quæ subjectorum est, realitatem obtineant. Quid ais?

V I.
Ostenditur
alia contra-
dictio.

P A Z Z I U S. Aio redire nos oportere ad discrimen,

Dial. 54
n. 463.

quod posuit Palancus inter abstracta & abstracta, & explicuit per discrimen alterum, quod est inter concreta & concreta. Audi Palancum. *Est enim; inquit, concretum essentiale, seu substantiale, & concretum accidentale.* Tum addit, *in concreto quidem essentiali, quod tantum est concretum ex modo significandi; abstractum predicatur de concreto per identitatem: unde ens est entitas, bonum est bonitas, reale est realitas, verum est veritas, unum est unitas, Deus est Deitas, & sic in aliis. Concretum vero Physicum accidentale est, in quo forma, seu abstractum adjacet physice subjecto. & in his negamus abstractum predicari identice de concreto. unde falsum est quod album sit albedo, quod calidum sit calor, quod Logicus sit Logica, &c.*

II.
Quid sit
concretum
essentiale &
accidentale.

ROCCHEZUS. Bene est, mi Pazzi; nullam hinc contradictionem arguo: si tamen ego sic loquerer, vereretur ne quis de aliqua me argueret: nam *concretum essentiale, seu substantiale* per se nihil aliud sonat, quam concretum ex essentiis, sive substantiis, & hoc concretum videtur impossibile; quia eorum quæ concretum efficiunt, non omnia se habent æque primò ad illud, uti nec omnia se habent æque primò ad invicem: sed ex omnibus unum est, quod in eo ante omnia esse concipitur; & illud est essentia, sive substantia concreti; cætera verò se habent ad illud accidentaliter. Quo pacto necesse est omnem concretum complecti & aliquid essentiale, sive substantiale, & aliquid non-essentiale, sive non substantiale, id est, accidentale: & sic nullum concretum denominari essentiale potest simpliciter: nullum quoque ob hanc ipsam causam denominari accidentale potest; quatenus accidentia concreti supponunt essentiam, sive substantiam concreti. Igitur omne concretum est ex essentia, sive substantia, & accidente, sive accidentibus quæ concipiuntur advenire illi, ut illa concipitur eis præjacere. Sed nolo viam facere in nominibus.

Venio ad exempla, quæ attulisti de duplici genere concretorum : nam circa concretum essenziale dixisti ens esse entitatem, bonum bonitatem, &c. quæ causa est prop-
ter quam abstractum prædicari de concreto potest, dicen-
do *ens est entitas, bonum est bonitas, &c.* de istis tamen &
similibus prædicationibus in vero & nativo sensu, scilicet
in sensu formali acceptis dico quòd falsæ sunt. Nam con-
cretum dicit subjectum & formam, id autem quod est si-
mul subjectum & forma, non est forma præcise : nisi quòd
si verum esset ens esse entitatem, bonum esse bonitatem,
verum esse veritatem, &c. hinc sequeretur. veritatem esse
bonitatem, & reciproce, ob id quòd ea quæ sunt eadem
cum uno tercio, sint eadem inter se ; hinc autem bonitas
& veritas essent idem cum ente ; atque ita identificaren-
tur, quod falsum est in sensu formali, siue quod idem est,
in sensu logico ac metaphysico, quidquid sit de sensu
physico, ad quem in prædicationibus formalibus non at-
tenditur. Deinde circa concretum accidentale dixisti ex
adverso non posse abstractum de concreto prædicari ;
*unde, ut refert ex Palanco, falsum est quòd album sit albe-
do, quòd calidum sit calor, quòd Logicus sit Logica, &c.*
Sed ad hoc ut istæ prædicationes sint falsæ, nunquid si-
militer sufficit quòd abstractum importet solam formam,
concretum autem importet subjectum simul & formam ;
unde quamvis albedo nullius seorsim esset singularis rea-
litas, perinde falsum esset quòd album sit albedo, quia
concretum in sensu formali, in sensu logico ac meta-
physico, non potest idem cum abstracto esse. Unde
concludo, Domini mei, hæc omnia quæ Palancus hinc
coacervat de discrimine inter abstracta & abstracta, inter
concreta & concreta, nullius fore utilitatis ad sententiam,
quam stabilire meditatur de quantitate accidentali.

PHILALETHES. Ego verò, Domine Rocchi, nol-
lem id tecum adeò præcipitanter concludere : accidit e-

VIII.
Contradi-
citur exem-
plis adductis
ab Adversar-
io.

nim frequenter, ut Authores in principiis, quæ præjaciunt, videant consequentias, quas illico non advertunt Lectores: quare antè audiendus fuisset Pazzius circa connexionem, quæ præsumi debet inter doctrinam quæ hîc præmittitur, & illam quæ mox eruitur ex præmissa.

IX.
Quæ fuerit
meus.
Adversarii
in principiis
jactus.

ROCCHIUS. Sed forsan id mecum concludere non distulisses, nec posceres audire Pazzium, si advertisses Palancum minùs fuisse sollicitum de eruenda consequentia ex principiis, quàm de principiis accommodandis consequentiæ, quàm ut indubitatam supposuit. Itaque præsupposuit, ut Aristotelicis mos est, quantitatem accidentalem esse realem aliquam & physicam entitatem, realiter ac physice separabilem à suo subjecto: Tum vidit *quantitatis* nomen esse abstractum, & ideo *quantitatem* esse formam abstractam, sive accidens abstractum, ut loquitur: & deinde quia generatim quicquid abstractum est, per mentem utique abstractum est, nec habere propterea nisi entitatem objectivam potest, ideo ad rem suam præmittere debuit esse aliqua saltem abstracta, quibus propria est physica & realis aliqua entitas. Quin etiam ideo præmisit, & ad illustriorem quidem futuræ illationis pompam, omnia accidentia abstracta, de quibus Metaphysica tractat, esse realia; sic tamen ut alia quidem habeant solam realitatem sui subjecti, alia verò habeant realitatem propriam & ideo separabilem ab illa, quæ est subjecti: prioris generis sunt, inquit, entitas, bonitas, realitas, veritas, possibilitas, &c. posterioris verò quantitas, qualitas, actio, passio, &c. quâ viâ præparat suæ quantitati accidentali entitatem realem ac physicam.

X.
Sed hæc
principia
fuerunt ali-
unde pro-
banda.

Sed si placet, Domine Philalethes, non sufficit Autori proponere meditata principia, unde præconcebras consequentias eruat, quoties aliunde illa quàm ex ipsis consequentiis non probantur, ut accidit in hoc casu, præter falsam generalem hypothesin de abstractis realibus: nam
hoc

Quàm male sentiant Aristotelici de quantitate. 225
 hoc ipsum est, quod contenditur & probatur abstracta nul-
 lam habere realitatem; aut si quis dixerit, quod saltem
 habeant realitatem sui subiecti, jam abstracta non sunt;
 nam non ab alio quàm à subiecto abstracta sunt. Vide
 tandem, quod tendit totus discursus Adversarii nostri. Ac-
 cidentia abstracta omnia, de quibus in Metaphysica trac-
 tatur, sunt entia realia, opposita scilicet fictis & chi-
 mæricis, de quibus saltem ex professo non tractat: illo-
 rum autem aliqua non habent, nisi realitatem sui subiecti,
 uti bonitas, veritas, unitas, possibilitas, &c. alia verò sin-
 gularem & propriam habent realitatem, uti quantitas,
 qualitas, actio, passio, &c. Igitur quantitas est aliquod
 accidens reale separabile à suo subiecto realiter. Quam
 consequentiam in æternum negabo.

PHILALETHES. Patientiorem te præbe, mi Roc-
 chi, neque dicas *in æternum negabo*, donec audieris alia
 ratiocinia & experimenta nova, ad quæ referenda pro
 demonstratione consequentiæ illius video Pazzium nos-
 trum in promptu esse: sed sustine, oro, mi Pazzi, & re-
 tine paulisper verbum conceptum, donec paucula dixe-
 rim, quæ fortè proderunt ad rem præsentem. Itaque in-
 dubitatum mihi est difficultates innumerabiles enatas in
 rebus Philosophicis fuisse, atque hinc ad res Theologi-
 cas transisse propter duos modos loquendi nunc in con-
 creto, nunc in abstracto, quibus Philosophi & Theologi,
 perinde ac vulgus hominum, passim atque indifferenter
 utuntur. Ecce indifferenter quæritur an aliquis sit sanus
 & an illius sanitas bene habeat: an sit gratus Principi, &
 an gratia polleat apud Principem: an sit pacificus & an
 amet pacem: an sit misericors & an habeat misericordiam,
 &c. Hinc sunt multi adeò hebetes, ut purent valetudinem,
 gratiam, pacem, misericordiam, &c. esse reales totidem
 entitates, sine quibus realiter præproductis & afficientibus
 & immutantibus sua subiecta homo neque sanus esset,

ff

XI.
 Quæ sit
 consuetudo
 loquendi in
 concreto
 & in abstracto.

neque gratus, neque pacificus, neque misericors, &c.

XII.
Illa consuetudo abiit
in abusum.

ROCCHIUS. Imo dic in universum, optime Philalethes, nullam esse assignabilem formam abstractam per quodcunque nomen abstractum expressam, quæ non repererit sui defensores pro realitate singulari & propria; ad hoc enim illis satis fuit, quod considerari potuerit per modum actus, uti subjectum per modum potentia; quam ex actu & potentia concretionem, sive compositionem, affirmaverunt esse veram & realem; intelligentes hominem v. g. esse per essentiam distinctam, existere per existentiam, esse sapientem per sapientiam, justum per justitiam, intelligere per intellectionem, velle per volitionem, agere per actionem, &c. Unde non est mirum, quod perinde falsò asseruerint rem omnem corpoream esse quantam per quantitatem, scilicet ab illa realiter distinctam, & ab illa proinde realiter separabilem. Sed non adverto non debuisse me sic loqui, donec audierimus Pazzium de hac quantitate Aristotelica differentem. Valde aucto scire, Domine mi Pazzi, quid solidi, quid novi habeas ad illam physice probandam.

XIII.
Demonstratio
Adversarii
pro quantitate.

PAZZIUS. Ad singularem quantitatis entitatem physice probandam utitur Palancus demonstrationibus multis, tum in generali, tum in particulari, easque communiter experimentis pariter multis. Audiamus illum sic loquentem. *Prima, (demonstratio) est in generali, quia substantia creata, praesertim corporea, essentialiter est potentialis & mutabilis intrinsece, tum ab experientia manifesta, quia videmus substantias corporeas frequentissime alterari & mutari intrinsece in seipsis. Tum à ratione evidenti, quia essentialis immutabilitas intrinseca est attributum propriissimum Dei, titulo actus puri in omni genere perfectionis, &c. Ac deinde, id ipsum clarius patet discurrendo per singula predicamenta. Etenim substantia corporea est mutabilis intrinsece de majori ad minorem quan-*

Quàm male sentiant Aristotelici de quantitate. 227
titatem, ut patet quando mel, aut lac calore rarefiunt....
idemque de qualitate.....

ROCCHIUS. Omitte, oro, mi Pazzi, exempla cæterorum accidentium: hîc tantum agitur de quantitate accidentali, quæ si physice probetur, satis est ad controuersiam præsentem. Attendo jam ad verba ex Palanco mox relata, & in quibus non inuenio primam illam demonstrationem ab ipso promissam. Ait substantiam creatam, præsertim corpoream, esse potentialem essentialiter & mutabilem intrinsece. Addit hanc mutabilitatem constare ab experientia. Tum hujus mutabilitatis rationem, quam evidentem esse pronunciat, petit ex notione actûs puri convenientissima Deo & inconvenientissima substantiæ creatæ, ac præsertim corporeæ. At hîc nullam aduerto demonstrationem, qua convincat quantitatem accidentalem esse realem entitatem & physicam, realiter & physice separabilem à suo subjecto.

XIV:
Ostenditur
nullas de-
monstratio-
nis.

PAZZIUS. In hunc modum cæci lucem non vident; siquid esset clarius luce, id forsan viderent: & ecce, mi Rocchi, aliquid clarius luce in verbis posterioribus, quæ referebam & ad quæ non attendisti. *Id ipsum clarius patet*, inquit Palancus, *discurrendo per singula prædicamenta. Etenim substantia corporea est mutabilis intrinsece de minori ad maiorem quantitatem, ut patet quando mel, aut lac calore rarefiunt, &c.* An negabis mel & lac rarefieri à calore? an negabis ea, quum rarefiunt vi caloris, mutari de minori quantitate ad maiorem? an negabis hanc mutationem esse intrinsecam? an negabis ea, quibus sic contigit ab intrinseco mutari, fuisse antè sic mutabilia,? An negabis ea sic fuisse mutabilia, quia potentialia erant, & in hoc degenerantia & distantia in infinitum ab illa immutabilitate intrinseca, quæ est propriissimum attributum diuinitatis fundatum in titulo actûs puri? an omnia, an non omnia hæc negas? an hæc capis, an hæc non capis, quid ais?

XV.
Affertur
explicatio
demonstra-
tionis.

Ffij

XVI.
Negatur
dari rarefac-
tionem phi-
losophicam.

ROCCHIUS. Nego rarefactionem illam præsumptam tui mellis & tui lactis. Tum aio duo esse cæcorum genera, non videntium quæ sunt, & videntium quæ non sunt: ad hoc alterum genus pertinetis, cum pace dixerim, mi Pazzi, quando videtis & rarefactionem quæ nulla est in vestro illo melle ac lacte, & mutationem intrinsecam & mutabilitatem intrinsecam, & potentialitatem intrinsecam utriusque perinde nullam; vide quot sunt quæ videtis & hæc non sunt: an adhuc & nos cæci erimus, quando quæ non sunt non videmus? Explico me. Rarefactio, de qua loqueris, in sensu vulgari aliqua est; in sensu Philosophico nulla est: in priori aliqua est, quandoquidem vulgus, cujus sermoni morem gerimus, rarefactionem generatim vocat omnem expansionem alicujus materiæ in spatium amplius dilatatæ, ac præsertim omnem hujusmodi liquidorum quorumlibet expansionem, quæ fit vi caloris in ollis & similibus vasis, in quibus ad eum effectum liquida reponuntur. Vulgus itaque videt liquida in iis vasis contenta, igne supposito aut aliter admoto sensim agitari, ebullire, attolli, exundare, sicque dilatarî & ampliari localiter; tum hanc ampliacionem localem designat vocabulo *rarefactionis*; sed de cætero non dilquirit vulgus quid rei physicæ sit, aut non sit; quis sit modus physicus quo fit, aut non fit illa sensibilis localis ampliatio substantiæ liquidæ, uti mellis, lactis, aquæ, &c.

XVII.
Explicatur
quid sit rarefactio
philosophica.

Deinde in sensu posteriori, (quem philosophicum voco, propterea quod Philosophi debeant attendere ad res ut vere sunt, magis quam ad res ut apparent,) contendendo neque mel neque lac, neque liquidum ullum aliud assignabile rareferi unquam, vel etiam rareferi unquam naturaliter posse. Ratio manifesta est: quia licet liquidum vi caloris suppositi, vel utcunque admoti agitetur, ebulliat, attollatur, exundet, nulla tamen est illius pars affig-

nabilis, quæ per se solito majorem locum occupet. Totum equidem liquidum videtur occupare locum solito majorem, uti quadruplò, aut etiam decuplò majorem; sed nihilominus res ita non est, nisi attendendo ad partes illius liquidi singulas, comperiatur eas occupare locum solito majorem, scilicet in quadruplum, aut in decuplum, &c. At hoc non comperitur, sed sola hîc comperitur dissociatio partium, quæ per illam magis separantur ab invicem, & ita compelluntur ad ascendendum in olla, & ad exundandum juxta vim & vehementiam caloris partes prædictas dissociantis.

Audi me adhuc, mi Pazzi; aliquando globulum lanæ compressæ accipimus: ac deinde paulatim lanam illam distrahimus digitis & dilatamus, ut volumus, in globum forsan decuplo majorem: an eâpropter lana illa vere rarefit, vere occupat locum suo majorem? minime. Cogita partes illius fuisse dissociatas, cogita interstitia earum crevisse in decuplum, & in hunc modum facîle capies apparentem illam lanæ rarefactionem, non esse utique veram; si per veram rarefactionem intelligitur, quòd lana illa ratione sui totius, & ratione singularum sui partium majorem occupet locum; quandoquidem nulla est pars, quæ licet ad novum locum distracta fuerit, occupet alium nisi suæ moli proportionatum. Atqui non aliter accidit in præsumpta illa rarefactione, quæ in exemplum adducta est, mellis & lactis.

P A Z Z I U S. O quis quantusque tuus hic error est, mi Rocchi. Lanam illam, quæ sic discerpta atque distracta, localiter ampliatur, nemo nostrum vocat proprie ac philosophice rarefactam. Apparent enim majora interstitia partium, & aliunde apertus est modus, quo per laborem, & industriam digitorum partes lanæ illius dividuntur ac distrahuntur: unde non opus est recurrere ad novam ullam quantitatem majorem productam,

XVIII.
Affertur
exemplum
lanæ dilata-
tæ.

XIX.
Opponitur
aliud genus
rarefactio-
nis, quæ non
fit sine nova
quantitate:

At in exemplo mellis aut lactis rarefacti omnino aliter res habet: quia nisi calor talem quantitatem producat, mel illud aut lac non poterit localiter ampliari. Hic scilicet locum non habent interstitia partium ulla, quæ videamus: hic locum non habent ulli digiti, qui dissociant ac distrahant partes: quomodo igitur hic fiet ampliatio ulla localis sine subsidio quantitatis majoris per calorem introductum productæ?

ROCCHIUS. Imo, mi Pazzi, locum hic habent interstitia partium multa, licet ea minùs ad sensum pateant: hic locum habent digiti mobilissimi, acutissimi, frequentissimi, qui dissociant partes & distrahunt & dilatant & attollunt; sed istos digitos solo intellectu videbis, quando intelliges calorem igneum aliud nihil esse, quàm exitissima, & vividissima simul corpuscula, quæ per poros ollæ intromissa incurrunt in poros & in partes mellis & lactis, sicque illas divellunt, agitant, susquedeque movent, & exaltant usque ad exundationem.

XX. Corpuscula
ridentur ab
Adversario. PAZZIUS. Mirabar, Domine Rocchi, te tamdiu sile-
re tua illa corpuscula; hæc nisi advocaveris, petiisti: petiisti
tamen, quia Palancus illis occlusit omnem aditum ollæ,
quando illam supposuit æream, atque ita nullis rimulis,
nullis aperturis parentem igni supposito. Quare ad suum
Atomistam de potis ollæ illius æreæ loquentem conversus
ait, *Sed hæc vestrorum fabula est: nam certe etiam à parte
inferiori vicina igni olla ærea continua est, nullaque for-
amina nullasque rimulas, vel aperturas habere potest:*
& rationem addit.

XXI. Ratio At-
omistarum
contra rare-
factionem. PHILALETHES. Retine, Domine mi Pazzi, hanc
rationem, cui haud dubie contradiceret Rocchius: & ita
dum hæc particularis altercatio protraheretur, mihi forsan
evanesceret ratio, qua suadeor te male locare operam tuam
in dissuadenda Rocchio impossibilitate naturali, pro qua
militat, rarefactionis propriæ dictæ, seu philosophicæ.

Nam Atomistæ impossibilitatem illam clare stabiliunt in atomis ipsis, quarum nulla occupare naturaliter unquam potest locum atomo majorem; hinc omnium ac singulorum atomorum loca mutari quidem possunt, sed augeri minuive non possunt; sicque nec augeri, nec minui potest locus totalis ex omnibus illis singulis partialibus locis resultans. Unde quando agitur de melle aut lacte per ignem ollæ suppositum ebulliente ac exundante, nunquam nisi antè convincantur atomos non esse, convincentur locum mellis illius, aut lactis fieri revera majorem, licet major fieri videatur iis, qui res non ut sunt, sed ut apparent, perpendunt. Deinde nullius atomi, si fortè non desinit esse atomus, quantitas augeri potest; sic enim desineret esse omnium minima, & ita non esset quantitas atomi contra hypothesim. Vide jam igitur, mi Pazzi, quàm procul Atomistæ absint ab opinione, in qua vivunt Philosophi Aristotelici, rarefactionis veræ cujusvis factæ In quocunque liquido assignabili per mutationem illius de minori ad majorem quantitatem. Atque ut verum fatear, valde triumphant in rebus istis ad rarefactionem pertinentibus, si de vera & proprie dicta & rigorose philosophica rarefactione sermo est

Nam equidem vobis opus est recurrere ad calorem productivum novæ majoris quantitatis, licet facilius non videatur quantitatem à calore, quàm calorem à quantitate produci; etiam stando in principiis vere Aristotelicis, juxta quæ non est verisimile res tam dissimiles à tam dissimilibus generari. Sed jam quidem, Domine mi Pazzi, potestatem tibi facio redeundi ad rationem, propter quam Palancus putat ollam, quam supposuit æream, non modò nullis rimulis & aperturis patere subtus ad admittenda corpuscula ignis suppositi, sed nec etiam patere posse. Si fuisset ego Palancus non modò supposuisset æream ollam illam; sed post immissionem

XXII.
Affertur
alia ratio,
& æque
valida.

paululi mellis, aut lactis adhuc supposuissim illam clausam operculo similiter æreo & hermetice agglutinato: sic enim non tantum à parte inferiori & laterali, sed etiam à superiori interdictus omnino fuisset omnibus igneis corpusculis ingressus in ollam illam: & nihilominus perinde facta fuisset mellis illius, aut lactis rarefactio citra exundationem in olla illa. Audiam nunc libentissime rationem, quam referre cæperas, & quam me rogante retinuisti.

XXIII.
Opponitur
ollam non
posse habere
poros.
Dial. 55.
n. 471.

PAZZIUS. Ratio itaque à Palanco adducta propter quam olla illa ærea nulla foramina, nullas rimulas, vel aperturas pro excipiendis corpusculis igneis idoneas habere potest; hæc est, quia videlicet illas habere non potest nisi per divisionem continuitatis, qua divisio continuitatis in are ipso minime fieri potest per ignem, cum potius si aliqua foret divisio anterior in are ipso olla, per ignem continuaretur, cuius est homogenea congregare. Ac tum sic concludit, Est igitur prorsus fictitia & arbitraria illa pororum apertio, qua ingrediantur ignis corpuscula intra ollam ad replendum illud spatium: ac tandem ad conclusionis abundantiam ait, Nam quis vestrum vidit aut sensu aliquo percipit illas rimulas, aut poros apertos in inferiori parte olla vicina igni? Certe nullus. Est igitur fabula, qua vestros Atomistas deluditis. Ergo pudeat deinceps Atomistas omnes vel os aperire de suis illis sive poris, sive corpusculis.

XXIV.
Probatur
necessitas
corpusculo-
rum.

ROCHIVS. Et nihilominus donec erunt corpora, Domine mi. Pazzi, erunt corpuscula; seu velit, seu nolit Palancus. Nam corpora esse non possunt sine omnibus illis exilissimis partibus, ex quibus seu prioribus, seu primis componantur; huiusmodi autem partes corpuscula sunt, & merito sic vocantur ad discrimen à corporibus, quorum sunt partes. Et certe mirum est Aristotelicos hinc odisse corpuscula, quando ipsi etiam in quocunque corpusculo assignabili admittunt innumerabilia corpuscula minora & minora in infinitum: quæro enim an non corporales sint partes

patse illæ omnes proportionales, in quas sine fine dividi posse aiunt corpus & corpusculum qualecunque assignabile? corporales utique sunt; sunt igitur corpuscula, quorum proinde numerum innumerabiliorem quàm nos, vel inviri admittunt. Tum similiter velit nolit Palancus, donec erunt corpora, & corpuscula illorum corporum, erunt etiam pori propter non-actualem, & fortè non possibilem tot corpusculorum unionem immediatam: dixi *non-actualem*, quia nullum est, quod sciatur, corpus infinite densum: est igitur omne corpus aliquid raram: & ideo non vacat poris, pro quorum majori aut minori apertura, vel copia plus minutve rarum efficitur.

Dixi etiam *fortè nonpossibilem*, quia talium corpusculorum figuræ sunt incredibiliter variae: & ideo nec sunt, nec esse possunt omnes idoneæ ad faciendum vinculum unionis immediatæ, quâ sublarâ necesse est illa disjungi quibuldam interstitiis, ac proinde poris. Sicque non video, cur Atomistas pudere debeat loqui de poris & de corpusculis, quando natura nihil sine poris & corpusculis operatur. Mirum etiam est, Domini mei, Aristotelicos in hoc casu rarefactionis nec ferre poros in olla ærea, nec corpuscula ignis per eos subeuntia. An non in ea u alio machinæ Boylianæ pneumaticæ, cujus ope aer globi vitrei attrahitur & expellitur, dicunt nunquam tamen fieri posse ut omnino globus ille vacuus fiat; quia videlicet in locum aeris communis respirabilis, qui attrahitur & expellitur, subingrediuntur per poros vitri corpuscula ætheris, sive aeris purioris. Ergone ad arbitrium vestrum erunt in vitro pori & in ære non erunt: erunt aeris & non erunt ignis corpuscula?

P A Z Z I U S. Nolo, mi Rocchi, nolo, si placet, digredi ad illam machinam, aut ad quæstionem nimis vagam de poris & corpusculis; hæreamus in exemplo proposito mellis, aut lactis in olla ærea rarefacti. Contendit itaque

G g.

XX
Probat.
etiam nec
firas poro
rum.

XV
Oppr
iterun-
talis, olla
non l d
poro.

Palancus illam rarefactionem esse veram ac proprie dictam, quia mel illud, aut lac, quod occupabat forsan partem decimam oliæ, totam ollam mox occupat : alioqui partes ollæ inferiores vacuæ essent : hoc negant Atomistæ, quia subingressa ignis corpuscula occuparent illas. Contra instat Palancus & ait ollam illam æream non habere infra se poros, imo nec habere posse; quia potius si qui essent, ignis assurgens illos stringeret, & suam æri continuitatem redderet; quia videlicet ad ignem spectat homogenea congregare, & ita partes æris illius homogeneas copularet pro continuitate, quam pori non permetterent, procuranda. Ad hanc rationem urgentissimam nominatim quid ais?

XXVII.
Falsum est
quod ignis
refarciat
poros ollæ,
si qui essent.

ROCCHIUS. Aio nos & quotquot sumus novarum adinventionum amantes, esse plurimum debitores Palanco hujus æque utilis ac mirabilis artificii, quod ad refaurandam ollam variis foraminulis in fundo perussam non opus erit deinceps, nisi valido igne supponendo: hic etenim ignis, *cujus est homogenea congregare*, revocabit ad invicem partes æris illius homogeneas, sicque medebitur foraminulis: imo & foraminibus majoribus quibuscumque, dummodo ignis validior supponatur; quandoquidem ut se habet ignis minus ardens ad refarcienda minora foramina, sic ardentior ad majora. Sed deinde quomodo non eidem Palanco ingrati erimus, si noster saltem hic ignis in gallia, etiam accensus septuplum quam consuevit accendi, non refarcit in æreis ollis nostris foramina, imo nec foraminula; quin ex adverso auget illa & multiplicat? Non pertinet forsan noster ille ignis ad speciem illius, *cujus est homogenea congregare*. Sed tum jocos omnibus à re seria remotis, an non ignem accensum advertimus acuminari sursum ac perniciousiter ferri? quod etiam intelligi oportet de minoribus portionibus illius, seu de particularibus flammulis, quæ totam illam flammam componunt.

Igitur, mi Pazzi, cogita illas flammulas acuminatim ac perniciter latas contra fundum & latera ollæ illius æreæ, quam supponis, & eam suppone, si volueris, circumquaque nullis perforatam poris vel minimis; an aliter fieri potest, quàm quòd iteratis flammularum illarum ictibus non tandem introducantur corpuscula imprimis illa, quæ sunt in illarum acuminibus? his acuminibus ab igne lignum invaditur & adaperitur ut ardeat: sic etiam æs invaditur ab illis & adaperitur ut calefiat; tum illius calefacti adaperitur latiores sunt; & ideo facilius tunc acumina ignea, id est, corpuscula acuminatim vibrata intromittuntur omni ex parte, agitant, volunt, attollunt liquidum inclusum, usque dum amoto igne ad pristinam quietem & sedem redeat: sic enim novus ignis cessat intromitti, & is qui fuerat intromissus abit per poros præfati liquidi attollendo secum atque abripiendo partes illius tenuiores & magis obvias, in quas incurrit.

P A Z Z I U S. Et hæc subtiluer ais, mi Rocchi; sed non solide: nec aliter quàm divinando. Nam, ut reperam hæc verba belle aurea, quæ supra retuli ex Palanco, *quis vestrum vidit, aut sensu aliquo percepit illas rimulas, aut poros apertos in inferiore parte olla vicina igni? certe nullus. Est igitur fabula, qua vestros Atomistas deludit.*

R O C C H I U S. Atqui, mi bone Pazzi, si fabula est, quidquid admittitur, nec tamen visu, aut aliquo sensu percipitur, an Philosophia ulla est, quæ magis quàm vestra foeta sit fabulis? an partes illas proportionales millies centiesque millies millesimas unius acari, quas in eo admittitis, aliquando vidistis, aut alio sensu percepistis? An aliquando sub aspectum vestrum, aut tactum, aut sensum alium venerunt illa multa millia entitatum accidentalium, uti quantitatum, qualitatuum, actionum, passionum, relationum, ubicationum, &c. quas affirmatis per momenta singula generari atque corrumpi? An

Gg.ij

XXVIII.
Qualiter
corpuscula
sibi viam fa-
ciant per
poros.

XXIX.
Certitudo
rerum non
pendet ex
visu, aut
tactu, &c.

sensui patuerunt decantatæ illæ vacui formidines, antiperistates, virtutes atque propulsiones occultæ, &c. ? Absit igitur fabulam esse quidquid non pater sensui, dummodo pateat intellectui, cogitationi, meditationi, probationi claræ ac evidenti. Hujusmodi sunt & pori ollæ illius æreæ, & corpuscula ignea quæ pertranscunt. Atque ut tecum, mi Pazzi, liberaliter agam, audi me & vide quid diceres, si affirmarem esse in binis oculis unius muscæ quatuor mille ad minus quadrata superficiem eorum dividenda.

PAZZIUS. Dicerem cum Palanco fabulam esse, *quæ vestros Atomistas deludit*, nam quis vestrum id vidit ?

ROCCHIUS. Id præsenſi te responsurum : sed si vidi ego, si tu ipse videbis, an erit fabula ? an adhuc erit fabula, si etiam Philalethes noster id viderit.

PHILALETHES. Intelligo, Domine Rocchi, attulisse te de industria tecum illud peroptimum microscopium, quo frequenter uteris ad hujusmodi subtilia naturæ artefacta & phænomena exploranda.

XXX.
Probatur
experimento
multa esse,
quæ nudi
oculi non
vident.

ROCCHIUS. Recte intellexisti ; & ita me gessi, quia noveram mihi rem esse cum homine, qui si quid curiosum dico, nisi viderit, non credit. Oro te igitur, Domine mi Pazzi, accede & vide binos, de quibus dixi, oculos muscæ ; attende quot sint in uno alteroque oculo longi ordines quadratorum, & quot quadrata in ordinibus singulis : an putas, si computares, quod utique posses, si patientior esses, an, inquam, putas excessisse me, quando asserui vidisse me in talibus binis oculis areas quatuor mille ad minus distinctissimas quadratorum ?

PAZZIUS. Non excessisti : & ego quidem video, vixque credo rem adeò miram : videat Dominus Philalethes.

PHILALETHES. Vidi, Domine mi Pazzi, rem illam millies, & meliùs, meliori scilicet (cum bona ve-

nia) ut equidem majori, usus microscopio anglicano. Optimum tamen istud est, da illud, si placer, & parabo intuitui tuo pedem unum hujus mutæ cum tibia. Vide tibiâ non bacillo minorem, sed flexilem, suisque musculis instructam sexies in nodis toridem; vide quomodo mire tum nervosa, tum hirsuta est & pedem habet trifurcum.

P A Z Z I U S. O rem spectandam, Domini mei! aut corpuscula nulla sunt, aut hujusmodi ea sunt, quæ extrema sunt illius trifurci pedis. Quid esse acutius potest?

R O C C H I U S. Adhuc acutiora sunt, ini Pazzi, ea quæ finiunt pedes culicis, pulicis, acari, & mille aliorum animalculorum acaro minorum: Hæc autem corpuscula cum oculis inermibus quis vider? quis poros vider, in quos se corpuscula illa insinuant? intellige jam rem minimam, quæ cerni oculis inermibus possit: intellige porum minimum, qui cerni pariter oculis inermibus possit: ac tum reputa tecum videri ope microscopii posse res millies minores illa re minima, & poros millies minores poro illo, quem pro minimo habuimus. Et infer tandem non debuisse Palancum loqui de corpusculis & de poris atomisticis, uti de fabulis: quia saltem patent arte microscopiorum adhibitâ, longeque distinctius paterent, si microscopia hæc doctius ac tersius elaborarentur, & si ad utendum illis lumina dedisset nobis Deus magis idonea. Tantum addo innumera esse animalcula fere non majora uno puncto visibili, & quæ ideo Tertulianus olim vocabat *animalia unius puncti*: in his autem nunquid sunt adhuc innumera vitæ organa? nutriuntur, crescunt, sentiunt, generant, incedunt, &c. quod utique fieri non potest sine meatibus, id est, sine poris, sine corpusculis per eos euntibus prope infinitis. Neque ad id probandum opus est visu, intellectu satis statuitur; atque hinc opto ut rursus inferas non debuisse à Palanco haberi pro fabulis res, quæ non videntur, hoc uno titulo quod non videantur:

XXXI.
Experi-
mentum ra-
tione firma-
tur.

præsertim quando, ultra quod intellectus illas satis assequitur, visus per artem adjutus illas saltem aliquatenus apprehendit.

PHILALETHES. Totum hoc, mi Pazzi, clarius est, quàm ut prolixiori disputatione indigeat: Tuum, me authore, microscopium amove. Audiendus est Pazzius, acturus de cæteris ratiociniis & experimentis ad rem iustitiam spectantibus.

XXXII.
Affertur
aliud experimen-
tum tubulorum
in spongia.

ROCGHIUS. Non amovebo tamen, te perinittente, donec sub isto vix palpabili fragmento spongiæ exhibuerim oculis Pazzii ultra millenos tubulos, seu canales, per quos quando spongia imbibitur, aqua se ingerit; & per quos egerit se, quando exprimitur. Vides ora talium tubulorum quantula sint, quàm angustissima; & inde conjicis quàm tenuissimas esse necesse sit particulas aquæ influentis per eos ac per eos refluentis. Neque jam, ut puto, non es convictus Atomistas non semper fabulari, quando in sermonem trahunt & poros & corpuscula pro multis naturæ causis & effectibus exponendis.

Pazzius. Ita sane convictus sum, Domine Rocchi, & esse foraminula multa & corpuscula multa imperceptibilia visu, aut ullo alio sensu. At longe abest me propterea convictum esse, quod rarefactio, de qua sermo est, mellis aut lactis in olla ærea fiat per sola corpuscula ignea invadentia illius ollæ poros, ad effectum agitandi & attollendi, ut ais, hujus mellis aut lactis. Nam ut subtiliter instat Palancus, si olla illa vacua esset, facilius tales poros invaderent illa corpuscula, ac proinde viderentur, quod ad sensum patet esse falsum. Neque deest alia instantia, æque subtilis & æque urgens; mutat aliquatenus hyporhefism: & pro melle aut lacte supponit aquam in olla, cujus os superius coarctat, & ait, Tunc enim evidenti experientia conspicitur ex ore angustissimo olla egredi copiam ingentem vaporis ærei. Sed nunquid dices tam-

Dial. 55.
v. 471.

Quàm male sentiant Aristotelici de quantitate. 239
tam copiam corpusculorum ignis ingredi per poros igni-vi-
cinos, quanta est copia vaporis aërei exenntis? quid magis
fabulosum excogitari potest.

ROCCHIUS. Hodie ne nihil, Domini mei, nisi fabulas male opponi audiam? Adhuc fabula erunt corpuscula nostra hæc ignea, quia Palancus ea non videt in ollæ area? certe sic per aërem sparsa non videbit; sed jubeat rubere ollam, ex nova hypothesi vacuum, & videbit, ut ea vidit millies in ferro ignito. Sic aquæ corpuscula sparsa & elata per aërem nemo videt: at ubi collecta sunt in sublimi, reciduntque in pluviam, nemo non videt. Neque me magis movet alia nova hypothesi ejusdem ollæ complectentis aquam & in os angustissimum desinentis, ex quo *conspicitur*, inquit, *egredi copiam ingentem vaporis aërei.* Non est hic vapor aëreus, sed vapor aqueus: subingrediuntur corpuscula ignis, quæ agitant particulas aquæ, dissociant, attollunt, impelluntque celeriter ad exitum. Exeant ergo, si quis voluerit, momentis singulis mille & ultra particulae aquæ, quid obstat quominus totidem subingrediantur singulis pariter momentis particulae ignis ad sollicitandam eruptionem illarum? Ignis sub olla non deest, pori ollæ non desunt: igni rursus non deest sua mobilitas, aquæ non deest sua solubilitas partium: unde necesse est, ut perniciouser protrudantur & instar copiosissimi vaporis diffentur. Vide, mi Pazzi, quàm parum Atomistas moveant pares instantiæ.

PAZZIUS. Non est cur saltem hanc posteriorem instantiam adedò parvifacias: quia, ut ait Palancus, *non est* ^{Dial. 56. n. 473.} *credibile quòd tanta materia corporalis ingrediatur per poros aris, quanta in vapores exire conspicitur per os angustissimum ollæ.*

ROCCHIUS. Sed adverte, mi Pazzi, non augeri per hæc verba vim instantiæ, quasi verò aliquid credibile non sit, ob id quòd Adversarius dicat id credibile non esse. Et

XXXIII.
 Corpuscula ignea videntur quando sunt collecta.

tamen hæc est clausula primæ illius demonstrationis, qua probare suscepit Palancus rarefactionem omnem fieri per productionem novæ majoris quantitatis, & ideo quantitatem esse formam accidentalem à suo subiecto distinctam & separabilem. Ubi jam est secunda demonstratio, quam prima illa offert afferendam?

XXXIV.
Afferitur se-
cunda de-
monstratio.

P A Z Z I U S. Omisit, mi Rocchi, Typographus titulum expressum *secunda*. Nihilominus secunda est in eodem argumento, quod ad præcludendas omnes tergiversationes vestras Palancus suo Atomistæ in pulvere tormentario paulò magis urgenter exhibet: *nam certe pulvis tormentarius, inquit, cujus extensio fit, ut quatuor v. g. si accendatur in flammam, commutatur in extensionem, ut centum..... Vbi nunc intromissio illa corpusculorum?* Exerce hic ingenium tuum, Domine Rocchi; & felix & dexter eris, si te præstare potueris turum ab accensione pulveris istius tormentarii.

P H I L A L E T H E S. Placet hic locus, Domine mi pazzi, si ramen in pulvere tormentario locus est: cæterum video te hoc joco quærere à Rocchio nostro seriam responsionem, quam præsentio ad multum tempus protrahendam. Quare si creditis, ad pomeridiem differatur: vel maxime quia simul dabitur tibi, Domine Rocchi, occasio exponendi sensus reconditiores atomistæ Philosophiæ circa quotidianas & tritissimas experientias variarum rarefactionum. Interim, si me jam audieritis, intelligetis silentium meum non inatentum fuisse ad placita vestra hinc atque inde proposita & opposita, simulque adverteretis inclinare me ad partes Atomistarum, licet nihil esse ultimò definitum velim, donec desieritis edisserere de materia ista.

XXXV.
Rarefactio non est
judicanda
ex sensibus.

Itaque si de re, ut ad primum corporalem intuitum apparet, liceret Philosophis judicare, dicerem ego cum Aristotelicis, quòd dum aqua in vase vi caloris suppositi aut utcumque admori rarefit, augetur extensio illius aquæ, ob id quòd antequam rarefieret, esset ad decimam v. g. partem
vasi

vasis depressa; ubi autem rarefacta est, totum vas occupat, aut etiam exundat. De cætero ad sensum non apparet rem ullam corporalem, sive ignem, sive aërem, subingressam fuisse, quæ possit è decem partibus vasis præfati occupare novem: unde vel illæ novem partes vacuæ forent, vel opus est, ut aqua illa, quæ decimam tantummodò partem occupabat, decem integras occupet de novo; quod absque nova majori extensione non potest fieri. Idque confirmatur, quatenus certum est materiam aquæ non augeri, imo è contra certum est minui; ab it enim paulatim in vapores; quo pacto dum decrevit extirative, crescit localiter: neque proinde hoc incrementum locale habere aliunde quàm à nova majori quantitate potest. Sic igitur ego dicerem & sentirem cum Aristotelicis, si homini Philosopho satis esset respicere ad rei corticem; si fas esset non introspicere intimiora medullia rei, antequam de illa vel quid momenti minimi decernatur.

Sed neque illud satis est, neque istud fas est: quare sic apud me discorro. Suppono in illo vas unum unci m, aqua: suppono vas illud altum ad decem pollices: rarefit aqua illa & assurgit ad totam altitudinem vasis; hinc si per se salam adimplet totam capedinem illius vasis, superest aquam illam, quando sic rarefacta est, occupare locum decies majorem, sive quod idem est, occupare decem loca illi similia, quem antequam rarefieret, occuparet. Atque ita discurrendum erit de singulis particulis aqueis sive finitis, sive non finitis, sive atomis, sive non atomis, quæ unciam aquæ illam componunt; ita quòd nulla sit assignabilis aquæ particula; etiam atoma, si quæ est, quæ non impleat per prædictam rarefactionem loca decem uni primo æqualia. Jam verò attendite, Domini mei, ad errores multos, quos in tali opinionè deprehendo. Error est opinari quòd à Natura non sit determinata proportio loci ad locatum & vicissim locati ad locum: at nihil hac in se determinatam

XXXVI.

Sed consideranda est philosophice per leges rationis.

H h

à natura esset; siquidem una & eadem aquæ particula esset indifferens modò ad occupandum locum decies minorem, modò ad occupandum alium decies majorem; idque omnino naturaliter, quia rarefactio tam est opus naturæ, quàm conlensatio. Error etiam est supposita quantitate distinctâ opinari quòd Natura nihil determinaverit circa proportionem quantitatis ad entitatem & vicissim entitatis ad quantitatem: aut utique si aliquid determinavit, repugnat alteram, nisi varietur altera, variari. Error adhuc est opinari, stante hac ipsâ suppositione quantitatis distinctæ, quòd calor variare quantitatem possit faciliùs, quàm entitatem: quia inter calorem & quantitatem non est oppositio major, quàm inter calorem & entitatem: aut si major esset oppositio, hæc quantitatem potius minueret, quàm augeret. Aut si calor favet quantitati augendæ, unde est quòd etiam frigus rarefaciat.

PAZZIUS. Parce, Domine Philalethes, & condona interlocutionem unius verbi. Ecce quod ais frigus rarefacere, valde novum est in nostra Philosophia.

XXXVII.

Frigus
perinde ac
calor rarefacit,
ut experientia
confertur.

PHILALETHES. Sed in philosophia Naturæ, Domine mi Pazzi, valde vetustum est: an nunquam vidisti glaciem alteri aquæ supernatantem? supernatat, quia levior est: levior est, quia rarior est: hanc autem novam raritatem haud dubie non debet calori, sed frigori.

ROCCHIUS. An nunquam vidisti, Domine mi Pazzi, aquam horizontaliter compositam ad summa labia alicujus vasis, si frigus acre supervenerit, non parum intumescere, ac sæpe in stitias exundare? Cur intumescit, cur exundat, nisi quia in ampliores dimensiones extenditur: id est, nisi quia rarefit, ut loquimini: ubi autem est calor, cui hanc rarefactionem tribuere audeatis? Sed perge, si placet, Domine Philalethes. Audio in te libenter celebrem Atomistam, & millies peritorem eo quem Palancus, nescio qua infelici sorte, suum in collocutorem elegit.

PHILALETES. Pergam, Domini mei: debere me tamen uti compendio admonet meridies instans. Error insuper est opinari calorem esse productivum quantitatis, nisi affirmari ex adverso possit frigus esse destructivum illius: hoc autem affirmari quomodo poterit? Nam præter experientiam frigoris aliquando rarefacientis, nunquid sine ullo frigore assignabili videmus novam quantitatem aquæ rarefactæ? etenim quando aqua subsidit & ideo condensatur, utique non est frigida; sed quæ erat ante calida ut octo, tunc est calida ut septem: & nihilominus amittit aliquid quantitatis, aliàs non subsideret, sive non condenseretur. Quare licet quantitas esset per se ac seorsim res producibilis, non aliter tamen quàm sine causa tribueretur calori vis productiva illius.

Error tandem est opinari posse aliquid tam naturaliter, tam faciliè esse simul in locis pluribus distinctis & adæquatis; quod uti fieret per rarefactionem Aristotelicam. Nam juxta præmissam hypothesim una & eadem aquæ gutta, una & eadem aquæ atomus esset simul in decem locis vere distinctis ac vere sibi adæquatis. Cæterùm adverto Aristotelicos Thomistas, qui tam faciliè hîc admittunt rem unam localiter multiplicatam, sequi contentiosissime alibi sententiam de existentia etiam divinitus impossibili unius corporis in locis pluribus. Neque valet quod forsân responderent aquam rarefactam, de qua sermo est, habere in statu præmissæ rarefactionis quantitatem decies majorem; nam cum hæc quantitas tam naturaliter, tam faciliè producat, quid obstabit quin Deus multiplicet decies quantitatem unius corporis humani: atque ita unum illud corpus faciliè occuparet loca decem distincta & adæquata & uni primo similia.

Propter multa hæc quæ cursim dixi, & propter multò plura quæ taceo, valde inclinor, Domini mei, ad suspicandum falsitatis quidquid affirmant Aristotelici circa quantitatem

H h ij

XXXVIII.

Nullum corpus potest naturaliter esse in pluribus locis.

XXXIX.

Probabilis est non produci novam

de novo productam pro explicanda rarefactione. Amovebitur tamen forsitan illa suspicio per colloquium, quod eadem de re, postquam remota fuerit mensa, redintegrabimus. Oro autem vos, Domini mei, ut non antè illi assideamus, quam deposuerimus personas Philosophorum.

R O C C H I U S. Ita fiet, Domine Philalethes: neque cogitabimus hac hora, nisi de restituyendo pulmone, quem inter colloquendum exhaustimus.

P A Z Z I U S. Tibi jubenti non contradicam, Domine Philalethes: scias tamen tua in iussione non esse parum asperitatis, quando vix fieri potest, ut qui Philosophi ex professo sumus, à Philosophia temperemus vel inter epulas.





DIALOGUS NONUS.

QUAM BENE SENTIANT

Atomista de quantitate.

PERSONÆ COLLOQUENTES.

PHILALETHES, PAZZIUS, ROCCHIUS.

PHILALETHES. Sensi rem difficilem postulas-
 se me, Domini mei, quando vos esse rogatos vo-
 lui, ut inter mensam, etsi parca & brevis fuit, tempe-
 raretis ab omni dissensione philosophica de rebus vestris.

I.
 Agitur
 statim de
 experientia
 pulveris
 tormentarii.

PAZZIUS. Si quid, te rogante, difficile mihi esse
 potuit, hoc equidem fuit: nosti philosophicam indolem:
 nosti dapes etiam optimas palatis nostris esse insipidas,
 quando non alicujus obviæ, aut meditatæ disputationis
 sale condiuntur: experiri, ut conjicio, voluisti an ego
 & Rocchius valeremus inter epulandum silere; nam no-
 bis utique hoc totum, quod non est philosophari, silere
 est.

ROCCHIUS. Parce, Domine mi Pazzi; non is
 ego sum tam philosophicæ indolis, qui nesciam inter epu-
 las Philosophiæ oblivisci: attamen fatebor obnoxium me
 inter illas fuisse pruritui anticipandæ hujusce disputationis
 pomeridianæ, quoties memor fui pulveris illius tormen-
 tarii, quem mane comminabar.

PAZZIUS. Noli, mi Rocchi, noli pulverem illum
 tormentarium in jocos trahere: res seria est, quam neque
 tu, neque totum Atomistarum genus poteritis aliquando

exponere aliter, quàm recurrendo, ut Aristotelici solent, ad novam quantitatem majorem, per quam rarefiat pulvis ille, quando accenditur.

II.
Petitur
narratio ta-
lis experien-
tiae.

PHILALETHES. Et sic quidem, Domini mei, video vos statim à mensa in arenam descendere. Age igitur, mi Pazzi, & fac ut ad longum audiamus demonstrativam illam pulveris tormentarii per accensionem rarefacti experientiam, in qua post Palancum tam audacter confidis pro stabilienda entitate reali ac separabilitate reali quantitatis accidentalis.

Dial. 36.
n. 474

PAZZIUS. Mane ceperam verba hæc ex Palanco re-ferre. Nam certe pulvis tormentarius, cujus extensio sit ut quatuor v. g. si accendatur in flammam, commutatur in extensionem, ut centum: & addit, nam videmus parvam materiam illius pulveris repente extendi circumquaque ad majus spatium occupandum, ita ut parietes ipsos rectaque subvertat. Tum interrogat Atomistas, Ubi nunc intromissio illa corpusculorum: Et pergit, Certe omnia corpora ambientia ingentissimo impetu circumquaque expellit pro spatio sibi exacto occupando. Qualiter ergo pateat aditus ad prædictam intromissionem atomorum, quando circumquaque omnia expellis violentissime? Tandem sic concludit, Fictitia igitur est illa atomorum intromissio ad majorem extensionem faciendam. Atque hinc quidem Atomista collocutor obmutescit, nihil habens quod respondeat idoneum pro introducendis corpusculis; siquidem potius, si quæ occurrerent, protrudendis per flammam ita derepente accensam, & rarefactam, & subvertentem quidquid obviam reperit.

III.
Opponitur
Atomistas
valde mirari
hanc experien-
tiam.

Quin etiam fatetur idem Atomista rarefactionem, sive expansionem præfati pulveris accensi valde miram esse, & apud nostros, inquit, difficillime explicabilem. Quid hinc aies, mi Rocchi? an cum eodem vestro Atomista suos spiritus longe post resumente confugies ad vacuola, quo-

rum intercepcio flammiam illam ex præfato pulvere accensam rarefaciat & extendat ? sed hoc confugium Palancus *desperatum* vocat, & esse fictitium probat apertissime, quia si talis flammæ rarefactio fieret per intercepta vacuola, multo plura ibi essent vacuola, quàm corpuscula ignea, & ita *magis apparerent vacuola, quàm corpuscula, cum essent longe majora & plura ; cujus contrarium ad sensum apparet evidenter ; nam in flammula illa nulla vacuola ad sensum apparent, sed tantummodo flamma continua.* Unde rursus ira concludit. *Est igitur fictitia illa vacuolorum inventio, &c.* Quò te vertes, mi Rocchi ? Erant vobis duo effugia : Palancus ea præcluserit ; an pro ingenio quo vales, adinvenies tertium ?

Dial. 36.
n. 48o.

ROCCHIUS. Ne pæna canas, mi Pazzi, antequam viceris. Ecce Palancus sibi nescio quem Atomistam finxit minùs habentem ac fere cœcurrentem in doctrinis nostris : cave itaque ne in illo victo putes Atomistas omnes convictos. Res aliter omnino habet, aliterque omnino senties, si me tibi, tuoque Palanco passus fueris respondere. Daveniam tu & ille ; rarefactiones, quas distinguere debuistis, confunditis. Aqua rarefit in olla igne supposito : ad hanc rarefactionem in sensu vere philosophico explicandam dicimus subingredi per ollæ poros corpuscula ignea, quæ aquam agitant, dissociant, & attollunt ; unde fit ut quæ partem ollæ decimam ex hypothesi tantum occupabat, ollæ totius aream occupet, non equidem per se solam, sed per se prout permixtam cum corpusculis igneis subingressis, aut cum corpusculis quibusdam aëreis adhuc permixtim residuis. Sed tum instat Palancus & declamitat contra poros illos, contra illa corpuscula : quamquam hæc declamatio vana est, ut antè à me probatum est.

IV.
Talis oppositio evacuatur.

Deinde pulvis tormentarius quando accenditur, rarefit : sed hæc rarefactio est aliterius generis, pro qua philoso-

V.
Aliiter rarefit aqua, &

aliter pulvis
tormentarij.

phice explicanda nullis opus est intromittendis intra pulverem illum corpusculis alienis. Tantum opus est ut plurima illa corpuscula ignea, quæ sunt in grani pulveris illius singulis intricata, extricentur, uti extricantur per accensionem: ubi autem extricata sunt, suo illo vivacissimo motu divinitus impresso, (quando ab initio creata sunt, & exinde nunquam non perseverante, nunquam non urgente, quoties ac quandiu non impeditur) prorumpunt, propelluntque obicem omnem; emicant in flammam, aducunt, & succutunt quidquid obviam venerit; præsertim verò si ad eum effectum disponantur & apponantur globi plumbei aut ferrei missiles, ut sit in catapulis, in sclopis, in tormentis, in falconibus bellicis, &c.

V I.

Differen-
tia opinionum
quæ sit cir-
ca pulverem
& accensum.

PHILALETHES. Condona mihi, oro, mi Rocchi, ut hinc verbum unum interloquar de discrimine, per quod infinite distas à Palanco circa temperaturam pulveris præfati tormentarii. Etenim tu equidem opinaris esse sub singulis cujuslibet grani pulverei levibus involucris, sive superficibus fragilibus, corpuscula multa ignea, & ad eruptionem violentam parata: Palancus autem in illis nihil esse opinatur, nisi valde terrestre, quod eapropter nisi acquirat formam ignis, emicare non possit in flammam & rarefieri. An non ita est, mi Pazzi,

P A Z Z I U S. Ita equidem est: sed ut magis pateat ita esse, audite, Domini mei, verba nostri Scriptoris. Itaque de pulvere illo tormentario loquens ait, *qui dum in forma pulveris ex terreis elementis commixti existit; quibus densitas maxima inest; sub parvissimis dimensionibus multum materia includit; dum verò transmutatur ipsa materia in formam ignis, cui maxima raritas innata est, extenditur quàm maxime, ita ut sub magnis dimensionibus parum materia contineatur.* Et paulò infra, *Cum enim pulvis ille ex terreis elementis compactus sit; absdubio est materialissimus & densissimus formaliter. Attamen dum subito*

Dial. 16.
n. 475.

Quàm bene sentiant Atomista de quantitate. 249
subito propter sui optimam & quasi ultimam dispositionem ibid. n. 419.
transmutatur in formam substantialem ignis puri, seu flam-
ma, quæ ex natura sua est maxime materialis & rarissima,
opus est quòd extendatur, &c. in quibus verbis bene per-
 pensis illustrissime nitet causa physica, propter quam vel
 modicum præfati pulveris sine corpusculis, sine poris, si-
 ne vacuolis, sine ullis id genus atomisticis fabulis ad spa-
 tium amplissimum dilatatur.

ROCCHUS. Dic potius, Domine mi Pazzi, oc-
 cultissimam esse in verbis illis, imò adhuc impossibilissimam
 causam physicam repentinæ adeò & spatiosæ dilatationis: VII. Impugnatur ratio adduc-
 & certe videtur Palancus voluisse hîc per verba singula fa-
 cere illi dilatationi & remoras & angustias. Audite me, si
 placet, & capite, Domini mei. Affirmat Palancus pul-
 verem illum pyrium tormentarium esse mixtum quoddam
 ex terreis elementis, & hæc elementa terrea esse densis-
 sima, id est, habentia multum materiæ sub parvissimis di-
 mensionibus. Iterum affirmat illum ex terreis elementis
 compactum esse, & ideo materialissimum esse atque den-
 sissimum. Quid igitur hinc philosophice inferri poterit,
 nisi quòd ille pulvis ineptissimus est ad illam flammeam
 momentaneam & amplissimam rarefactionem?

PAZZIUS. Sed nunquid caute addidit Palancus
 verba hæc, quæ dissimulare non debuisti, *Attamen*, in-
 quit, *dum subito propter sui optimam & quasi ultimam dis-*
positionem transmutatur in formam substantialem ignis pu-
ri, seu flamma, quæ ex natura sua est maxime immaterialis
& rarissima, opus est, &c. Hæc, Domine mi, hæc præser-
 tim sunt verba, in quibus aiebam illustrissime nitere cau-
 sam physicam subitæ ac grandis rarefactionis, de qua est
 sermo.

ROCCHUS. Absit ut voluerim hæc verba dissimu-
 lare; quin imò, nisi mei sermonis filum abruptisses, eram
 illico perpensurus ac demonstraturus apertissimam contra-
 dictionem. VIII. Exponitur contradictio quæ est in ratione ad-

ditionem, quam involvunt, si ad præcedentia referuntur. Res est, mi bone Pazzi, quæ serio est digna examine. Verba præcedentia hæc sunt. Pulvis ille pyrius compactus est ex terreis elementis, materialissimus est atque densissimus. Hæc verò sunt quæ sequuntur, Pulvis ille pyrius est optime & quasi ultimò dispositus ad formam substantialem ignis puri. Quis incohærentiam, quis inconsequentiam, quis contradictionem istam non videret? Omne igitur quod erit compactum ex terreis elementis, quod erit materialissimum, atque densissimum, erit optime & quasi ultimò dispositum ad formam substantialem ignis puri; & ita nihil obstat quin & ferrum & plumbum & simile quid, tam facile quàm pulvis pyrius accendatur, tam late ac tam subito rarefiat.

IX.

Non sic, sed
è contrario
fit dispositio
ad accensio-
nem.

Si dixisset Author vester, mi Pazzi, pulverem illum esse compactum ex aqueis aut æreis elementis, quæ minus materialitatis, minus densitatis habent quàm terrea, id tolerabilius fuisset atque conjunctius cum optima illa & quasi ultima dispositione ad formam ignis puri maxime immaterialis & rarissimi: si quid minus terrestre, minus materiale ac densum est, id intelligo magis accedere ad immaterialitatem atque puritatem ignis, & in quem ideo possit facilis commutari. Sed quòd, ad istam commutationem sit optime & quasi ultimò dispositum id quod è contra plus terreæ concretionis, materialitatis atque densitatis habuerit, hoc sane inauditum erat & inconsultissime dictum est. Et ego quidem si rogaret de causa physica optimæ illius & quasi ultimæ dispositionis, quæ in pulvere pyrio est ad formam ignis, dicerem illum esse compactum, non ex terreis, sed ex igneis elementis, quorum utique forma magis ad formam, quorum utique vis, seu mobilitas ad vim seu mobilitatem ignis magis accederet. Et hoc quidem quod ita responderem, recideret in id quod antè dictum est de corpusculis igneis, quibus ille pulvis ille py-

Quàm bene sentiant Atomista de quantitate. 251
rius abundat, & in quibus est vis ad eruptionem & inflammationem promptissima.

PHILALETHES. Audio te libenter, Domine mi Rocchi: nondum tamen me convicisti esse in præfato pulvere corpuscula illa plurima, quæ ais, ignea: si enim ibi essent, quomodo non apparerent scintillarum instar, ac præsertim quando pulvis ille per levem inter digitos aut aliter attritionem evadit in pulvisculum exilissimum ac vix palpabilem?

X.
Opponitur
quod illa
corpuscula
apparerent.

PAZZIUS. Rationem attingis, Domine Philalethes, quæ haud dubie Palancum movit ad affirmandum non esse in eo pulvere pyrio, nisi terrea elementa, ac proinde multum diversa ab illis aliis igneis elementis, quæ Rocchius noster in eo se potius admittiturum aiebat. Quis ad aspectum illius pulveris attri cogitare potest de igne, qui ruberet utique, si adesset? Quis suspicabitur latere ignem sub involucro tam alieno à specie ignis?

ROCCHIUS. Id suspicabitur quisquis novit compositionem physica talis pulveris: ecce componitur ex sale nitro, quod aliter *sal petra* vocant, ex sulphure & ex carbone; quæ quidem mixtorum genera, nisi continerent plus ignis, quam cujuslibet alterius elementi, nihil conferrent ad illius compositionem idoneam: uti revera si quid purioris terræ, aut aquæ, aut aëris permisceres cum præfatis mixtis, id utique remoraretur aut etiam omnino impediret inflammabilitatem illius subitam & vagam, qualem experimur. Sed instantiam vestram interpreter: instatis enim dicendo difficultatem redire, quia nec in sale nitro, nec in sulphure, nec in carbone rubet ullus ignis: unde igitur colligo mixta illa plurimis corpusculis igneis abundare? Sic ne Philosophi nihil, nisi ex aspectu dijudicant? Ad quid homini datus est intellectus, nisi ut sensibus præsit & eos suppleat, cum opus fuerit. Vapores aqueos, qui per aërem continuo assurgunt, oculus non

XI.
Affertur
compositio
pulveris
pyrii.

videt; sed intellectus oculum supplet, & illos admittit sciens non coginubes, nisi ex vaporibus, qui per aërem in sublime surrexerint: atque hinc colligit esse in aëre vapores, qui non videntur. Sic etiam non videt oculus spiritus igneos, qui sunt in sale nitro, in sulphure & carbone componentibus pulverem pyrium; sed intellectus oculum supplet, & illos admittit sciens non posse flammam, in quam pulvis pyrius emicat, componi nisi ex spiritibus igneis qui præfuerint in eo, sive quod idem est, in mixtis, ex quibus unis compactus est.

XII.
Proponitur
argumentum.

Argumentabor adhuc ad hominem in hunc modum, mi Pazzi. Non videt oculus in illo pulvere pyrio sal nitrum, sulphur, carbonem; sed an eapropter nihil in eo salis nitri, nihil sulphuris, nihil carbonis est? imo hæc tria in eo sunt: sed commixta sunt, & ideo sub sua seorsim specie apparere non possunt. Sic etiam in his tribus, licet commixtis, sunt suæ particulæ componentes, inter quas contendo plurimas igneas reperiri; sed quæ seorsim, donec mixtæ sunt, comparere non possunt, antequam extricentur, & confluant in copiam huiusmodi sufficientem, sensibilem ac micantem, quam vocamus *flammam*. An adhuc, Domine mi Pazzi, apud te intellectus non supplet visum? an adhuc non intelligis cō-pūcula ignea, quæ aiebam.

P A Z Z I U S. Hoc tantum intelligo, mi Rocchi, te nihil omittere, quo efficias ut corpuscula illa vestra intelligam: atque in hoc cum Palanco condolendum esse mihi arbitror Atomistis, qui mire ac horrende torquent sua ingenia, ut explicare valeant, quod breviter & sasis clare Aristotelici describunt per transmutationem materia in varias formas substantiales & accidentales. Ecce pulvis pyrius accenditur & rarefit mirum in modum: ad id explicandum, Aristotelicis sufficit affirmare quod forma talis pulveris transmutatur in formam ignis, cui tam mira raritas connaturalis est.

ROCCHIUS. Hoc Aristotelicis sufficit, quibus propterque rebus physicis explicandis mera verba sufficiunt: sed mera hæc verba in contemptu & horrore sunt genio atomistico: quærimus res in verbis, & ideo altius profundius quæ ultra requirimus tum causas physicas, tum modos physicos tam instantaneæ accensionis, tam dilatatæ rarefactionis. Inde ridemus vestra illa elementa terrea pulveris pyrii, & eorum in formam ignis tam celerem conversionem, pro qua efficienda non sufficeret una æternitas. Tam non potest elementum unum vel ex parte in aliud, quàm totus hic Mundus in alium commutari.

PHILALETHES. De hac incommutabilitate formali ac substantiali rerum aliarum in alias nimis multa, quæ alibi à te dicta sunt, nisi te continerem, forsitan repeteres. Sine illa, precor, & condona ut interponam mirari me quomodo non attendas ad id, quod ad te toties ex Palanco repetitur de terreis elementis, ex quibus compactum esse pulverem pyrium affirmavit: quomodo à Pazzio non requiras quid post Palancum intelligat per illa terrea elementa. Novi ab Aristotelicis admitti elementum illud, quod vocant *serram*, & unum est è vulgaribus quatuor; sed mihi nova sunt plura illa terrestria elementa, quæ, ut audio, veniunt in tempore præfati pulveris: unde inferri debeat mixta pariter materialia & densa, quæ ad alias species pertinent, componi ex aliis specie terreis elementis.

Sed tum si sunt plura terrea elementa, quare non erunt plura aquea, plura aërea, plura ignea? An Aristotelici jam inclinant in id, quod Atomistis verisimile videtur de multis elementorum millibus admittendis? Doce nos, mi Pazzi, quid intellexerit Palancus per illa sua terrea elementa.

PAZZIUS. Novum esse fateor, Domini mei, apud Aristotelicos modum illum loquendi: neque probarem

XXIII.
Mos Atomistarum
est quærere
causâ physicas rerum.

XIV.
Quæritur
quid sint
terrea elementa:

illum, nisi coniicerem noluisse Authorem nostrum quicquam innovare in doctrina solita, quæ affirmat non esse nisi quatuor elementa proprie dicta. Itaque quando inducit in compositionem pulveris pyrii, seu tormentarii elementa quædam terrea, intelligit elementa improprie dicta, sive late accepta, non utique pro primariis, sed pro secundariis & ideo non simplicibus, miscibilibus, quæ *terrea* vocat ob id, quod è sinu terræ proveniant: uti revera sal nitrum & sulphur, ex quibus pulvis ille compingitur, mineralia quædam sunt, ac proinde mixta quædam terrestria, quæ comparative ad alia mixta magis composita, pro elementis haberi potuerunt & in hoc sensu respectivo *elementa* vocari. Et hæc est interpretatio mea.

XV.
Item quid
sit plus ma-
teriæ &
plus formæ.

ROCCHIUS. Hæc etiam mea fuit, mihi que spem fecit fore ut Aristotelici, qui de elementis atomistice loqui incipiunt, de illis tandem atomistice sentiant. Quare à Pazzio nihil requisii, Domine mi Philaleres, de illis *terreis elementis*, licet in hoc genere loquendi adverterem novam Aristotelicam locutionem. Sed mihi reservabam hoc alterum rogandum ab illo, quid nempe intelligat per illud plus materiæ & minus formæ, item per illud plus formæ & minus materiæ, de quo hic frequenter Palancus loquitur, tanquam de principio certissimo maximeque idoneo ad explicandas elementares rarefactiones.

PAZZIUS. Atqui saltem Aristotelicus hic loquendi modus, mi Rocchi, tibi novus non est, tibi, aio, qui si credimus tibi, nostra omnia calles mysteria.

XVI.
Qualiter
intelligatur
illud plus
materiæ aut
formæ.

ROCCHIUS. Novus utique non est; sed mihi certe, tibi que fortè incomprehensus est. Itaque si vobis creditur, terra respectu aquæ multum habet materiæ & parum formæ. Aqua similiter respectu aëris habet multum materiæ & parum formæ. Tum aër respectu ignis habet eodem modo multum materiæ & parum formæ. Sed tum si retrocedimus, ignis respectu aëris habet multum formæ, pa-

rum materiæ : quod pariter verificatur in aëre respectu aquæ, & in aqua respectu terræ. Atque ita quando ista elementa minis immediate, seu magis remote comparantur, uti terra cum igne, comprobabitur terram habere multò plus, uti centies plus materiæ quàm ignem, & ignem habere centies plus formæ, quàm terram. Resilisce, mi Pazzi, ab hac hypothefi.

P A Z Z I U S. Non resilio.

R O C C H I U S. Igitur pergo & hinc infero esse in elemento terræ centum partes intelligibiles materiæ cum una sola parte intelligibili formæ ; ut è contra in elemento ignis esse centum partes intelligibiles formæ cum una sola parte intelligibili materiæ. Quia verò istæ partes intelligibiles realitate sua non carent, aliàs reale non esset illud materiæ ac formæ plus aut minus, de quo loquimini; hinc rursus infero esse in elemento terræ fere centies aliquid materiæ sine forma, ut è contra in elemento ignis fere centies aliquid formæ sine materia. Vide autem, mi Pazzi, quomodo jam poteris conciliare hanc innegabilem illationem cum illa fundamentali vestra doctina de inseparabilitate materiæ à forma, & formæ à materia. Atque ut clariùs videas difficultatem, qua laboro circa illud plus aut minus materiæ vestræ ac formæ, sumo ex una parte molem bipalmarem cubicam terræ, & ex altera molem bipalmarem cubicam ignis. Ac tum attendo, ad singula loca intelligibilia illius spatii cubici bipalmaris, de quibus quæro an in singulis, in quibus terrestris illa moles habet aliquid materiæ, habeat aliquid formæ, & iterum an in singulis, in quibus illa ignea moles habet aliquid formæ, habeat aliquid materiæ.

Si respondes affirmative : neque terra plus materiæ quàm formæ ; neque ignis plus formæ quàm materiæ obtinet : quod arguit falsitatis vestrum istum loquendi modum. Si negative : assignantur illico loca multa, in quibus

XVII.
Agiatur con-
tra illud plus
materiæ aut
formæ.

XVIII.
Et argumen-
tum est info-
lubile.

materia est seorsim ab omni forma, & forma seorsim ab omni materia, quod est contra vestram illam fundamentalem doctrinam de illarum inseparabilitate reciproca. Mac-te animo, Domine mi Pazzi, & clarifica mihi, si vacat, res istas.

Dial. 56. n. 476. P A Z Z I U S. Vos Domini Atomistæ, mi Rocchi, descenditis semper ad minutias, à quibus usus noster abhorret. Quando Palancus ad explicanda omni meliori modo physico experimenta rarefactionum elementarium aut aliarum, de quibus agitur, supponit quod terra *plus materia habet quàm aqua*, & quòd aqua *plus materia continet quàm aër*, & quòd aër *plus materia habet quàm ignis*: & è contra quòd ignis *inter omnia elementa quàm minimum habet de materia*, quàm maximum autem de forma, &c. quid supponit, nisi quod Aristoteles expressissime scripsit, nisi quod in scholis nostris familiare ac tritum est: hoc totum nimis clarum est, quàm ut in eo elucidando teri tempus hoc nostrum debere arbitrer. Ais, mi Rocchi, nosse te omnia doctrinæ nostræ mysteria, & hæc ignoras.

R O C C H I U S. Non ignoro hujus mysteriî sonum; sed rem ignoro, hanc, si me amabis, illustra.

XIX.
Quæ itur
explicatio
præsentis
doctrinæ A-
ristotelicæ.

P H I L A L E T H E S. Mihi quoque pergratum feceris, Domine mi Pazzi, si rem istam dignaberis illustrare. Etenim constringunt me difficultatis ejusdem compedes; neque plane capio, si de forma substantiali sermo est, qualiter sive illud plus materiæ & minus formæ, sive illud plus formæ & minus materiæ accipi debeant: præsertim quia stando in principiis rigidis Aristotelicis nihil est materiæ, quod careat sua forma, id est, forma sibi debita, sibi proportionata, sibi coæquata; & reciproce nihil est, formæ, quod materiam pro subjecto suo non habeat, id est, materiam sibi debitam, sibi proportionatam, sibi coæquatam. Unde parem ubique utriusque quantitatem esse necesse est; ut non adjiciam notionem, quam secum afferret alicujus reciprocæ

Quàm bene sentiant Atomista de quantitate. 257
reciprocae separationis, defectus ille proportionis inter
materiam & formam, quando non esset eadem quanti-
tas utriusque.

Occurrit etiam hæc alia difficultas: quatenus si quæ
densa sunt, magis habent materiæ & minus formæ: & è
contra quæ rara sunt, plus habent formæ, minus materiæ,
quid fiet quando una & eadem aëris moles modò rarefiet,
modò densabitur? Cùm enim una & eadem in utroque
statu rarefactionis & condensationis esse supponatur, nihil
hîc in materia, nihil hîc in forma variabitur. Unde ar-
bitror falsò afferri sive illud plus materiæ & minus formæ,
sive illud plus formæ & minus materiæ pro condensatio-
nibus & rarefactionibus in vera Physica exponendis: &
maxime si sermo est de forma substantiali, quam Aristote-
lice loquendo non est possibile augeri aut minui, quando
materia nec minuitur, nec augetur. Atque hæc est præci-
pua difficultas quæ me premit: solve illam, si placet.

P A Z Z I U S. Hæc difficultas, fateor, quæ ex insperato
venit, etiam me premit, tentabo tamen illam solvere con-
fugiendo, ut soleo, ad Palancum, quem illud plus aut mi-
nus formæ puro intellexisse non de forma substantiali,
sed de forma illa, quæ est accidentalis quædam activitas
rei. Siquidem postquam dixit, ut supra retuli, *Et è contra
descendendo ignis inter omnia elementa, quàm minimum
habet de materia, quàm maximum autem de forma*, addit,
*ideoque minùs materialis maximeque formalis & activus
est.* Ac tum comparando aëreni cum igne dicit, *Aër verò
plus habet de materia, quàm ignis minusque de forma; &
ideo magis materialis minùsque formalis & activus est,
quàm ignis*, &c. Ex quibus verbis patet nostrum Palan-
cum per ignem magis formalem non intelligere, nisi ignem
magis activum, & per aërem minùs formalem, nisi aërem
minùs activum.

PHILALETHES. Ad quid ergo utuntur Aristote-

K k

XX.
Proponitur
alia difficul-
tas.

XXI.
Afferitur ex-
plicatioque
sua.

lici vocibus tam æquivocis ?

P A Z Z I U S. Noli conqueri , si æquivocationem omnem jam abstuli ; quid superest ?

XXII

quæ sit causa
physica rarefactionis.

R O C C H I U S. Hoc superest, Domine mi Pazzi, quod præcipuum est, ut tandem suadeatis neque majorem illam raritatem ignis pendere à majori forma, seu ab ulla majori activitate, neque minorem aliam aëris raritatem procedere à minori forma, seu ab ulla minori activitate ; sed tantum illam quidem majorem ignis raritatem à majori dissociatione locali, istam verò raritatem minorem aëris à dissociatione locali minori particularum, seu corpusculorum, ex quibus respectively constat utriusque moles. Atque ita generatim absque ope ullius formæ, aut ullius activitatis, aut cujusvis alterius qualitatibus accidentalibus corpora omnia generatim sunt rara & densa plus minusve per hoc unum, quod partes, ex quibus constat eorum moles, magis minusve uniuntur, magis minusve distant ab invicem. Quare deinceps quando aliquod corpus aut è denso fit rarum, aut è raro fit densum respectively, non alia hujus phænomeni causa physica quæri debet, quàm illa una, quæ respectively illius partes aut dissociat, aut consociat magis & neque aliter unquam rarefactum, aut condensatum aliquid fuit.

XXIII.

Ostenditur
Aristotelicos
non loqui
philosophice
de illa.

Cæterum, Domini mei, offert sese cogitationi meæ res, quam non tacebo circa modum lachrymabilem philosophicum, quo Aristotelici se gerunt in explicandis plerisque rarefactionibus, & condensationibus. Esto exemplum aquæ rarefactæ in æolipilis, sive follibus æneis habentibus tubulum adjunctum, in cujus cuspide foramen est perexiguum : (meminit Palancus unius id genus follis à se visi :) quando itaque reddenda est ratio & proferenda causa physica talis rarefactionis, illam explicant, (Palancum audite pro suis loquentem) *per transmutationem substantialem vi caloris factam ex aqua in vapores, seu æ-*

Dial. 56.
q. 478.

Quàm bene sentiant Atomistæ de quantitate. 259
rem natura sua minus materialem & magis rarum & ex-
tensum, & propterea violenter exeuntem ad quarendum
spatium sibi proportionatum. Quod omnino idem est, ac
 si diceret aquam rarefieri, quia mutatur in aërem: at aqua
 mutata, in aërem jam non est aqua, quid ergo rarefit? Eisto
 aliud exemplum, de quo jam toties dictū est, pulveris pyrii
 rarefacti per accensionem. Itaque rarefactionem istam Pa-
 lancus, ut Aristotelicis mos est, explicat dicendo quòd il-
 le pulvis *transmutatur in formam ignis, cui maxima rari-*
tas innata est. Hoc est, ille pulvis fit ignis; quando au-
 tem factus est ignis, jam non est pulvis ille, quem suppo-
 nitur rarefieri & de quo quæritur, quomodo rarefiat.

Ibid. n. 475.

PHILELTHES. Placet, mi Rocchi, tua hæc ob-
 servatio, per quam adverto Aristotelicos subtiliter effu-
 gere difficultatem, quæ in casibus istis proponitur. Quæ-
 ritur causa physica, per quam igne supposito aqua in su-
 pradiçto folle æneo inclusa dilatatur & ampliatur localiter,
 sicque dilatata & ampliata cogitur violenter egredi per
 foraminulum obvium, atque ita particulatim dividi ac
 dispergi per aërem: & respondent Aristotelici aquam il-
 lam fieri aërem. Iterum quæritur causa physica, per quam
 pulvis pyrius admoto igne patitur sui subitam divisionem,
 & eruptionem ita vehementem, ut in instanti flammescat
 abeatque in auras: & respondent Aristotelici pulverem
 illum fieri ignem. Atqui nec quæritur an & qualiter aqua
 illa fiat aër; nec quæritur an & qualiter iste pulvis fiat
 ignis: imo verò supponitur aquam illam & istum pulve-
 rem non aliter mutari, quàm per dilatationem ac disper-
 sionem localem. Sicque valde propendeo, ut de hac ut a-
 que rarefactione ac de utriusque causâ paulò ante tacta te-
 cum consentiam.

XXIV.
 Aristotelici
 fugiunt diffi-
 cultatem.

Valde quoque propendeo in hoc, quòd tecum opiner
 neque id quod rarefit magis extendi, neque id quod con-
 densatur minùs extendi, nisi ad sensum & respective ad li-

XXV.
 Nihil magis
 solito ex-
 tenditur nisi
 apparetur.

K k ij

mites spatii, intra quod vel dissociantur partes rei, quæ rarefieri dicitur, vel associantur partes alterius rei, quæ dicitur condensari. Vide, si placet, an hæc sit tua mens in hisce rebus inter vos controversis. Agebatur hoc mane, Domini mei, de stabilienda vel eliminanda quantitate illa, quam Aristotelici dicunt esse realem ac physicam entitatem, subiecto suo inhærentem, illud extendentem, & ab illo realiter ac physice separabilem. Hanc probare aggressus est Pazzius his antemeridianis horis, & his pomeridianis perrexit ab experimento rarefactionis.

XXVI.
Refertur
vis argumen-
ti Aristotelli-
ci.

Et tota vis ratiocinii in eo fuit, quod dum aliquid rarefit, acquirit extensionem majorem, quamvis non acquirat materiam majorem: quod signum est extensionem à materia distingui: extensio autem aut est effectus quantitatis, aut est quantitas ipsa. Unde sæpius conclusit quantitatem, qualem Aristotelici admittunt, comperiri revera in omni substantia corporali, scilicet tanquam entitatem realem inhærentem, extendentem, & ab illa proinde realiter separabilem. Cujus conclusionis vim adhuc majorem infirmavit ab experimento condensationis opposito: etenim in condensatione materia non minuitur, minuitur tamen illius extensio, sive quantitas. Et hoc iteratum signum est quantitatem à materia distingui, ea videlicet distinctione reali & physica, de qua est sermo, & sufficiente ad separationem realem & physicam, de qua pariter est sermo. Agone bene personam tuam, Domine mi Pazzi?

Pazzius. Agis optime.

XXVII
Tum ostenditur inefficacia ejusdem argumenti.

PHILALETHES. Et nihilominus cum tua bona venia dicam argumentum illud tuum apparere mihi valde inefficax. *Primo* quia supponit rem probandam: supponit siquidem in rarefactione quantitatem majorem, in condensatione minorem: at hoc nunquid est supponere quantitatem, de cujus reali existentia disputatur? *Secundo*

do quia si quæ esset hujusmodi quantitas, esset invariabilis. perinde ac materia, cujus esset quantitas, cum indifferens esse materia non possit ad hanc vel illam quantitatem. Tertio tandem ac præsertim, quia si non ad sensum, sed ad rei veritatem respicitur, neque res quæ rarefit majorem; neque res quæ condensatur, minorem de novo locum occupat, licet in rarefactione accidat partes rei quæ rarefit, in loca disjunctiora transferri, & ex adverso redigi ad conjunctiora partes rei, quæ condensatur. Etenim hæc loca sive sint magis conjuncta, sive sint magis disjuncta, non eapropter sunt majora, vel minora in se ipsis: & sic area tota localis, quæ concipitur conflare ex illis omnibus ac singulis particularibus locis, est prorsus eadem. Sic mille nummi per arcam sparsi non occupant majus spatium, quàm si collecti fuerint in crumenam: sic titionis accensi fumus per domum sparsus spatium non occupat majus, quàm antequam fluere, occuparet in titione nondum accenso. Sic stilla olei effusa super pannum palmarem ac per totum imbibita non eapropter est in spatio majori quàm antè, dum esset in globum coacta. Sic paululum illud atramenti, quod reddente pennâ sufficit ad tres quatuorve lineas scribendas, non ideo est in loco majori, quia locus ille multiplex, in quo reperitur per has lineas distributum, si mensuretur, non superabit aream illius unius totalis loci, quem occupabat in pennæ acumine, antequam redderetur. Nec addo plura.

PAZZIUS. Sed neque opus est ut addas, satis enim clare intelligo, quod si aliquid antequam rarefiat, habet mille partes conjunctas in mille locis proportionaris, non habebit, quum rarefiat, nisi easdem illas mille partes disjunctas in mille aliis locis, sed proportionatis similiter; ex quibus si adunarentur, non fieret nisi locus unus totalis alter æqualis primo. Atque hæc est tua mens, Domine

XXVIII.
Opponitur
infinitudo
partium contra
factam
hypothesin.

Philalethes: neque non mea esset, si non obstaret falsa illa tua hypothesis de mille partibus, ex quibus tantummodò constet id, quod supponitur rarefieri: nosti enim quomodò non admittimus substantiam corpoream ullam adeò modicam, quæ non coalescat ex partibus potentiâ infinitis, & ideo non redigibilibus ad ullum calculum.

XXIX.
Rursus il-
le est valde
junctiljs.

PHILALETHES. Do tibi, mi Pazzi, do tibi falsam esse meam hypothesim: do tibi veram esse opinionem, quam sectaris de partibus potentiâ infinitis: do tibi adhuc liberaliter partes illas actu infinitas: neque tamen hoc totum quod tibi do, tibi sufficit ad evasionem. Ratio est: quia si res locata habet partes utcunque infinitas, locus illi adæquatus habet partes pariter infinitas: arque ita erit semper eadem proportio inter rem locatam & locum, si-ve finitæ sint, si-ve infinitæ sint partes rei locatæ. Habesne, Domine mi Pazzi, impedimentum aliud veniendi ad opinionem Atomisticam de rarefactione, quæ omnino fit, eo scilicet modo quo fit, sine ope quantitatis novæ ullius accidentalis Aristotelicæ, cujus probationem susceperas?

XXX.
Desidentur
vacuola ato-
mistica.

PAZZIUS. Est sane aliud ac longe indissolubilius; quod Rocchio jam objeci de vacuolis, quibus Atomistæ ad plerasque rarefactiones explicandas uti compelluntur: istum verò ad talia vacuola recursum vocat Palancus *desperatum confugium*, quod ait se perlegisse in celeberrimo ac ingeniosissimo Atomista: & addit, *Sed inde urgentissime colligo quàm falsus sit Atomismus, qui ad vacuola citra miraculum admittenda cõggit ingeniosissimum præ omnibus Atomistam, cum tamen certissimum sit Naturam universalem vacuum omnino refugere & abhorrere.* Celeberrimum ac ingeniosissimum illum Atomistam, de quo loquitur Palancus, suspicor, mi Rocchi, esse te aut Maignanum.

Dial. 56.
n. 480.

Mar. i. 7.

ROCCHIUS. Si alter noster est, Maignanus est, cujus non sum dignus procumbens solvere corrigiam calceamentorum ejus; At quisquis ille sit, verum ait, non tan-

tum si dixerit contingere in plerisque rarefactionibus debito modo acceptis nova quædam vacuola ; sed si etiam affirmaverit nullum esse corpus vel mediocriter rarum, quod non abundet plurimis interceptis vacuolis , quando vel in ipsis corporibus, tantum non infinite densis , debere satis multa intercipi facile demonstratur. Et hæc mea demonstratio est. Sumo pumicem & quæro an partes illius aliæ aliis omnes conjunctissime uniantur ? suppono autem te nosse hoc lapidis genus.

P A Z Z I U S. Genus est lapidis ignotum nemini : lapis est levis & cavernosus , & aquis innatans. Jam verò respondéo illius partes non esse conjunctissime unitas, propter illos videlicet sinus, qui etiam ad visum patent, & interceptum habent ærem quo replentur.

R O C C H I U S. Sumo iterum cotem patis omnino molis : & quæro similiter an partes illius aliæ aliis omnes conjunctissime uniantur ? lapidem nosti.

P A Z Z I U S. Lapidem novi , & hujusmodi est quo cultri ut plurimum acuiuntur : & iste quidem nec levis, nec cavernosus est, nec aquis innatat. Nollem tamen affirmare conjunctionem partium illius ita esse immediatam, ut non admittat intermedia quædam foraminula : sed quid inde ? an non aliquo aëre replebuntur ? non video quòd me tua hæc interrogata perducant.

R O C C H I U S. Perducent te, si Deus me juverit , ad notitiam veritatis probandæ. Si enim pumicis , quia rarus est, partes intervalla quædam admittunt ; an aëris utique rarioris intervalla illa replentis partes non admittent aliqua pariter intervalla, pro quibus replendis jam non est , quòd confugas ? Nec aliter discurreret de aëre alio replente foraminula illa quæ ais, sen parvula intervalla, quæ saltem aliquas cotis, ob id quòd densissimus non sit , partes dissociant, ut fateris: atque in hunc modum vacuola erunt pauciora quidem in cote, plura in pumice. Sustine adhuc

XXXI.
Ostenditur
omnia corpora habere
poros.

me, si placet. Pumex innatat aquis, cos immergitur : cur ? nisi quia cum in pumice plura sint partium intervalla quam in cote, patet pauciores esse partes pumicis quam cotis : & hinc progredior ad dicendum, quod si par aquæ moles jam accipiatur, obtinet quia rarior est cote, pauciores partes quam ille : & quia densior est pumice, partes plures quam ille. Quæ est ratio, propter quam cos immergitur, siquidem densior simul ac gravior, & ideo gravior, quia densior : pumex autem innatat, quia rarior est simul ac levior, & ideo levior, quia rarior. Juxta quam legem quoties duo corpora in æquali mole accepta, sunt inæqualis gravitatis aut levitatis, ratio inæqualitatis hujus non aliunde petenda est, quam ex inæquali numero partium uni certæ æqualium.

P A Z Z I U S. Nobis autem, mi Rocchi, non est computandus ille numerus partium : res ista facilius conficitur per accidentia gravitatis & levitatis, quæ ex natura rerum gravium & levium consequuntur ; & id quidem independenter à numero partium majori scilicet, aut minori.

XXXII.
Unde procedunt gravitas
& levitas.

R O C C H I U S. Atqui hoc impatientissime à te audio. Erunt igitur ejusdem gravitatis nummus integer & nummus dimidius ; nam utriusque natura eadem est ? aut si utique gravitatis ejusdem non sunt, quis id non referet ad integri partes plures, & ad dimidii pauciores ? In his non immoror, ut redeam, mi Pazzi, ad vacuola quæ ridebas, & quæ nihilominus ad veram & physicam notionem omnis raritatis & rarefactionis, omnis densitatis & condensationis omnino atrinent. At memini non debere à me omitti solutionem unius alteriusque instantiæ à te sparsim hic ex Palanco propositæ contra hæc vacuola. Prior est, quod Natura fugiat & abhorreat illa : posterior est, quod si quæ essent, utique in corporibus rarissimis essent valde mura, & ita visui paterent, quod falsum est. Vide, mi Pazzi, dissimulare me nihil de difficultatibus, quas opponis.

PHILALETHES.

Quàm bene sentiant Atomista de quantitate. 265

PHILALETHES. Sed tu quoque, mi Rocchi, vide Solem ruere in occasum & jubere finem hujus colloquii. Quare, oro te, aut differ ad hæc respondere, aut omni, quæ potes, brevilquentia utere.

ROCCHIUS. Faciam imperata tua, Domine Philalethes. Nec dicam nisi Naturam non posse fugere & abhorreere ea, sine quibus esset tota plane iners atque immota: nam apud Atomistas demonstratio non una est, (sed nullam hîc referre vacat, ut video,) non una, inquam, est convincens nullum sine vacuis & vacuolis fore motum localem. Unde nihil foret vitæ ac respirationis, nihil alterationis, nihil generationis, nihil etiam discriminis inter corpora rara & densa, inter levia & gravia, inter mollia & dura, &c. nihil denique omnium, à quibus experimur pendere constitutionem, seriem, ordinem, varietatem atque pulchritudinem Universi: & hanc synopsis, quum occasio dederit, dilatabo. Tum neque dicam, nisi non videri seriò dictum à Palanco, quòd saltem in corporibus rarissimis vacuola quæ inessent, visui paterent. Ecce aer corpus est quoddam rarissimum; sed cum nec aer ipse videatur, quomodo illius vacuola viderentur?

PAZZIUS. Igitur non advertis, quòd eximia raritas aeris id à principiis vestris exigit, ut affirmetis plura esse in aëre vacuola, quàm partes: atque ita visibilia essent, quàm partes: unde seriò conjici potuit quòd viderentur, licet aer non videatur.

ROCCHIUS. Adhuc seriò non agis, mi Pazzi, nam dato quòd aer esset millies rarior, quàm sit, in quo casu haberet vacuola millies plura, non tamen viderentur, quando nec vacuitas totius spatii aërei videretur. Quomodo itaque non luditis id dicendo? an vacuum patere potest visui? Vide an patere possit auditui; nam æque necesse est ut utrique, aut neutri pateat. Itaque Palancus aut id non dixit, aut ludit.

XXXIII.
Sine vacuolis
non fieret ul-
lus motus lo-
calis.

XXXIV.
Non est pos-
sibile vacuola
videri.

P A Z Z I U S. Id equidem expresse non dixit de vacuolis aëris; sed id saltem dixit expresse de illis igneis, quæ videlicet essent in flamma illa, in quam pulvis pyrius transmutatur: sic enim loquitur, ut supra retuli. *Cum pulvis pyrius transmutatur in flammam, tunc vacuola essent longe plura vel majora, quàm corpuscula in spatio illo majori: ac per consequens in flamma illa progenita ex pulvere magis apparerent vacuola, quàm corpuscula, cum essent longe majora & plura, cujus contrarium ad sensum apparet evidenter; nam in flammula illa nulla vacuola ad sensum apparent, sed tantummodo flamma continua.*

XXV.
Et de omnibus
id pariter
verificatur.

R O C C H I U S. Id dixit Palancus: igitur non luse. Non valet, mi bone Pazzi, hæc consequentia; & ego quidem in gratiam illius malo credere quòd luserit, quàm quòd serid dixerit. Etenim vacuola siue sint inter partes aëris, siue sint inter partes ignis perinde sunt vacuola, & ideo perinde incorporea, ac proinde invisibilia perinde, nullique omnino sensibilitati obnoxia. Præterea nunquid vacuola, quæ essent inter partes flammæ accensæ, replerentur aëre, qui pulverem pyrium ambebat? Nisi diceret aërem illum uno eodemque instanti fuisse simul cum pulvere illo in ignem conversum & in aërem reversum; quod esse impossibile nemo non videt. Et ita quæstio rediret de vacuolis aëris, de quibus si adhuc sustines, quòd visibilia forent, nihil habeo quod addam.

P H I L A L E T H E S. Quid posses addere? ego certe si pro Palanco responsurus essem, nescio quæ evaderem.

P A Z Z I U S. Consulam tamen apud Palancum, quæ fieri possit evasio.

P H I L A L E T H E S. Dabo tibi tempus oriumque id consulendi, Domine mi Pazzi, nam mihi à vobis indulgendum rogo, Domini mei, triduum aut quatrimum, quo exacto ero juris vestri, ut antè. Sed quod solemus, nondum condiximus materiam secuturi colloquii.

Quàm bene sentiant Atomista de quantitate. 287

ROCCHIUS. Amo ut condicatur, nolens, mi Pazzi, venire imparatus ad te, in quo totus Palancus est, vir eruditionis plenissimus, suaeque in eruditione forissimus. Tu itaque jam, si placet, quaestionem agendam determina.

P A Z Z I U S. Selegit Palancus inter accidentia cætera figuram accidentalem, pro cuius realitate stabilienda & multa sunt & multum urgent argumenta, quæ afferunt : de illa, si annuitis, erit quaestio.

XXXVI.
Proponitur
agendum de
figura

P H I L A E T H E S. Annuimus, & hæc sit clausula. Ecce favet cælum, Domini mei, nostro reditui ad urbem ; videte ut prætet spem fruimus vespera, quæ mire serena & tranquilla est.





DIALOGUS DECIMUS.

QUAM MALE SENTIANT
Aristotelici de figura.

PERSONÆ COLLOQUENTES.

PHILALETHES, ROCCHIUS, PAZZIUS.

I.
Proluditur
ad concerta-
tionem de fi-
gura.

PHILALETHES. Fui apud te statim à prandio, Domine mi Rocchi, mihi quæ ibi renunciatum est quoddam cum Domino Pazzio, qui te convenerat, exiisses domo & co, quem conjiciebant, animo exiendi urbe ad suavius fruendum zephiro spirante hujus diei. Egoverò hinc ultra conjeci sortis meæ fore, ut vos reperirem in hoc recessu nobis jamdiu familiari : & ecce cras in potestate vestra me habebitis, Domini mei ; & ibo quò & quando jubebitis ad audiendam disputationem, quam condixistis.

ROCCHIUS. Tuo igitur præter spem omnem conspectu hodierno hîc fruimur ; nam si bene meminimus, inducias tridui totius, aut quadridui poposcisti.

PHILALETHES. Res, quam ominabar quadridui fore, bidui fuit.

PAZZIUS. Gaudemus supra modum omnem de hoc compendio, Domine Philalethes ; sed adhuc plenius erit hoc gaudium, si hac horâ ceperis nos audire. Flat zephrus, Sol est in nubilo, ripa hæc Garumnæ perpulchra est ad ambulandum, nec longe ab illa gramen est ubi sedeamus, si quiescere oportebit : ne hanc gratiam transfer in crastinum. Unum quod hîc deesse posset pro texti-

bus referendis ac perpendendis ad literam, ut solemus, Palancus est; sed in pera mihi est, mihi non inceditur, mihi non dormitur, mihi non editur, mihi non vivitur, sine illo; quare si tantummodò Rocchius noster ab his votis meis non resilit, poterit hîc à nobis coram te materia, quæ condita est, agitari.

R C C H I U S. Imo tuis votis inhæreo totus atque incumbo. Igitur quia, ut video, Domine Philalethes, præbes te humanissimè illis propitium, opus est ut quod contendere cepimus, ex quo paulo plus quàm ante semissem horæ accessimus, tuo iudicio supponamus. Videbatur mihi Palancus fuisse non satis religiosus in Aristotelica doctrina, quando formam cum figura confudit, quando vere bimembrem esse noluit, sicut cæteras, hanc ultimam speciem qualitatis. Audi verba quibus Atomistam suum interrogat, *Quid sentis*, inquit, *de forma & figura, quam Aristoteles pro quarta specie qualitatis constituit? Est ne realiter distincta à substantia materiali.* In quibus utique verbis forma omnino cum figura confunditur; quamquam si Aristoteles non erravit in assignandis speciebus bimembribus qualitatis, non est cur distingui voluerit minùs formam à figura, quàm habitum à dispositione, potentiam ab impotentia, & passionem à patibili qualitate. Respondebat autem Pazzius præfuisse Palanco plures atque insignes Aristotelicos, qui hac in parte ab Aristotele deflexerunt; quare hîc potuit sine scrupulo sese istis adjungere, ut alibi aliis se adjunxit, quando asseruit in sua Metaphysica durationem non esse accidens realiter distinctum à re durante. Et ego quidem hac responsione placatus fui.

P H I L A L E T H E S. Ego verò miror fuisse te hac responsione placatum; miror quòd saltem non intuleris Palancum hac rescissione durationis accidentia relationis, actionis, passionis, ubicationis cæteraque omnia rescidif.

I I.
Non debuit
confundi for-
ma cum fi-
gura.

Dial. 17. n.
483.

I I I.
Non debuit
etiam dura-
tio rejici à
numero acci-
dentium.

se : cùm doctrinæ Aristotelicæ cohærentia id ita ferat, ut vel omnibus, vel nullis accidentibus propria sit sua entitas, sua inhæsiō, sua distinctio, sua separabilitas à subiecto.

ROCCHIUS. Id olim intuli : nunc tacui ; mihi tamen reservato jure id iterum inferendi, quum opus foret.

PANZUS. Sed pace dixerim, mi Rocchi, tam falsò iterum id inferres, quàm olim falsò id intulisti : contendit enim Palancus non esse hîc paria utrinque jura. Jus nostrum est, inquit, ut si vel unius accidentis realitas probabitur, par realitas omnium censeatur probata : sed Atomismus vester non admittitur ad hæc jura ; nihil enim à vobis proficitur, nisi seorsim pro singulis hac realitate spoliandis singularis ratio afferatur. Refero verba nostri Authoris, *Et hoc quidem maxime vestrum systema infirmat, quandoquidem ad illud penitus evertendum satis erit Peripateticis vel unum tantum accidens intrinsicum substantia, & ab ea realiter distinctum ostendere.* Cujus contrarium vobis contingit, quibus opus est omnia probare realiter à substantia esse indistincta ; ad cò ut si in unius tantum probatione deficiatis, systema vestrum rueret opus erit. Actum addit, *Et ut ad præsens loquamur, si de solâ figura per vos non constet esse realiter indistinctam à substantia figurata, nosque illam realiter adjectitiam & distinctam ostenderimus, actum erit penitus de vestro systemate, nostrumque firmiter prævalebit.* Vides hîc, mi Rocchi, jurum, de quibus aiebam, imparitatem :

IV.
Opponitur
probat de-
bere s. orfina
nullitatem
acciden-
tium.

ROCCHIUS. Hanc imparitatem non video, mi Panzi ; sed neque tu videres, nisi prava tua hæc consuetudo esset, ut nihil ponas discriminis inter rem à Palanco dictam & rem ita se habentem. Palancus ait, si unum accidens est, omnia sunt : nos dicimus, si unum accidens non est, nulla sunt. Jam verò tu ais, vos male inferis ; Palancus autem bene infert. Quærimus rationem discriminis, & ref-

pondes, *Refero verba nostri Authoris*, qui videlicet rem ore suo & autoritate sua ita determinat. Tum Dominus Pazzius suspicetur saltem videre me vestrum effugium: accidentia vestra fere sunt infinita, quæ ideo seorsim persequi nemo possit, nemo seorsim nullitatis convincere: si autem manet unum de nullitate non convictum, dicitis hanc non convictionem de nullitate unius esse convictionem pro veritate omnium satis idoneam.

Si probavero seorsim nullitatem quantitatis, supererit nullitas gravitatis seorsim probanda; uti similiter erit probanda seorsim nullitas actionis, passionis, relationis, ubicationis, motûs, quietis, caloris, &c. in infinitum. Quare nihil unquam obtinebo, quia fas non est persequi omnia: ut in hoc casu, si tantum à me non probatur nullitas figuræ, de qua est sermo, istud accidens omnino erit reale, cæteraque omnia pariter erunt realitatis. Si verò hæc nullitas à me probabitur, quid obtinebo, si vobis creditur? pene nihil; quatenus à primo ad ultimum id omnino idem probari de universis ac singulis oportebit: & hæc fuga vestra pudenda est.

P A Z Z I U S. Itaque ut fugam non exprobres, faciamus paria esse jura. Si ostendero realitatem figuræ, dabis mihi omnia accidentia: si è contra ostenderis nullitatem hujus realitatis, fatebor tibi omnium nullitatem. Vide ac memoriâ tene, quam propono, quam accipis conditionem.

P H I L A L E T H E S. Nulla æquior proponi, nulla æquius accipi potest conditio: nulla simul proponi periculosior, aut accipi periculosius potest, quando hinc apertissime secutura est Thomi limitotius, aut totius Atomismi ruina. Si quæ unquam, hodie res hæc contra è diametro agitur; quando in proximo est, ut sciatur utrum philosophiæ veteri, aut recentiori palinam veritatis & honoris, post tot controversias ac per tot sæcula tam publice, tam dubie agitas adjudicari atque proclamari oporteat. Ete-

V.
Deregitur
effugium
male qua-
rum.

V I.
Hæc con-
certatio su-
premi mo-
menti est.

nim utraque fere tota est in probandis, aut negandis accidentibus, quæ in usum Naturæ veniant, aut utique non veniant pro effectibus continuis, quos producit. Ergo agite, Domini mei: & tu quidem, Domine mi Pazzi, aggredere probationem, nempe claram & evidentem illius singularis realitatis accidentalis, quam *figuram* vocaris:

P A Z Z I U S. Parebo libentissimus; sed non antè aggrediar, quàm rogaverim Rocchium nostrum, an legerit demonstrationes, quas ab initio dialogi hujus quinquagesimi septimi refert Palancus suo in cursu philosophico sparsas pro stabilienda reali existentia relationis, actionis, passionis, ubicationis, &c. Nam plerique Atomistarum, ut noster Author conqueritur, aut speras non legunt, aut lectas dissimulant: hoc autem *ingentis ruditatis signum est* inquit, *velle systema aliquod stabilire dissimulatis, seu spre- tis omnino innumeris pene rationibus contra illud militan- tibus*: ratioque rogandi est, quia si legisset, figuræ realitas, de qua jam sermo est, suaderetur ei facilius.

Dial. 57. n.
482.

VII.
Saris est si
probetur hic
realitas si-
g. 12.

R O C C H I U S. Imò, mi Pazzi, nisi legissem, suaderet facilius; Sed quid tum? Finge nihil scriptum, nihil lectum, nihil dictum aut auditum unquam de accidentibus cæteris: nunquid pactum nostrum hoc est? si figuram suadebis, omnia suasisisti.

P A Z Z I U S. Itaque supponit Palancus figuram, seu imaginem aliquam artificiosam impressam ceræ: ac tum sic primò argumentatur. *illa figura & imago, sive quod idem est, artificiosa illa & pulcherrima partium ceræ dispositio re ipsa non erat in cera antecedenter, modoque in illa intrinsece reperitur & conspicitur evidenter: sed id pulcherrimum & ingeniosissimum, quod antè non existerat realiter & modo existit realiter intrinsece in cera, realiter entitati- ve distinguitur à cera ipsa quoad substantiam, fitque de novo in ipsa substantia ceræ: ergo illa figura & partium dispositio est novum aliquid factum in cera realiter distinctum*

Dial. 57. n.
484

ab

Quàm male sentiant Aristotelici de figura. 273
ab ipsa cera quoad substantiam. Ergo est aliqua realitas, entitas & actualitas substantia realiter superaddita. Ad quod argumentum, si bene attendis, ibi habes unde plenissime suadearis sine ope cæterorum, quæ addit.

R O C C H I U S. Ut melius atque distinctius attendam, mi Pazzi, antè spoliabo illud multa, qua laborat, redundantia verborum. Ad quæstionem enim non spectat, quòd figura illa ceræ impressa, sit pulchra vel foeda, ingeniosa vel fatua, & juxta vel contra leges artis disposita. Ad quæstionem rursus non spectat, an figura ceræ impressa efficiat illam intrinsece; nam licet illam afficeret tantum extrinsece, dummodo ab illa distingueretur realiter, id sufficeret ad notionem accidentis quæsitum. Hinc non video cur in hoc argumentum insinuari debuerit, quòd hujusmodi figura intrinsece reperitur in cera: vel taceri debuit quòd sequitur, & *conspicitur evidenter*; cum utique repugnet aliquid intrinsecum conspici evidenter. Nisi quòd dum agitur de figura rei, de illa utique agitur, quæ apparet: quæ autem est intra rei crassitiem, non apparet: & ita sufficit ad figuram, de qua præsens controversia est, quòd efficiat superficiem rei. Venio jam ad argumentum, cujus totam vim ad hæc pauca verba redigi manifestum est. Figura, quæ realiter non erat in cera ante impressionem, est realiter in ea post impressionem. Atqui id quòd antè non erat aliquid reale, & postea est aliquid reale, est utique aliquid reale de novo. Igitur figura est aliquid reale de novo in cera: ac proinde aliquid de novo productum in ea, scilicet aliquid reale, entitativum, distinctum & separabile, ut erat probandum. Et hoc quidem argumentum totum admittimus usque ad posteriorem consequentiam, quæ falsa est, & de cujus probatione fatagendum est Palanco. Figura est aliquid reale in cera, figura est aliquid reale de novo in cera: hoc utrumque admittitur. Igitur res est, quæ scorsum suam entitatem habet factam atque productam;

M.m

VIII.
Aperitur redundantia verborum in argumento.

hoc tertium negatur; tibi que sive tuo Palanco probandum est.

IX.
Proponitur
aliud argu-
mentum.

P A Z Z I U S. Audi secundum argumentum, & in eo reperies probationem, quam postulas. Sic itaque interrogat. *Illam partium dispositio ingeniosa, seu quod idem est, illa imago est nihil superadditum substantia, vel aliquid?*

ROCCH I U S. Jam semel responsum est, mi Pazzi, figuram illam ceræ impressam & esse aliquid reale, & esse aliquid reale de novo afficiēs ceram: sed non ea propter esse aliquid factum & productum, ut fieri & prodici solent res, quæ seorsim sunt alicujus omnino distinctæ ac separabilis entitatis.

lib. n. 485.

P A Z Z I U S. Patienter te habe, mi Rocchi, & dic quâ fronte possis hanc responsum afferre. Figura illa, ut ais, non est aliquid factum: igitur nihil fecit artifex, quando illam ceræ impressit: cujus consequentiæ falsitatem copiose ac eleganter manifestat Palancus dicendo. *Nunquid pro nihil efficiendo in cera tantum laboravit ingenium? tam exquisito labore manus desudavit? Nunquid cera quæ antè informis præexistebat, vel sub forma rudi, nihilo omnino illi superaddito, nec immutato intrinsece, quæ prius deformi figura attentionem minime conciliabat, postea attentionem conciliat, intuentes delectat, curiositatem omnem suspendit? nunquid opus tanti ingenii nihil omnino est reale? Quis talia dicat, nisi Atomista?*

X
stis sic ar-
gumento a-
dhibita dis-
tinctione.

ROCCH I U S. Nemo tamen nisi Atomista id dixerit, quia cæteris datum non est ad rei veritatem loqui; satis est si loquantur ad sensum & applausum vulgi. Audite itaque, Domini mei, rationes quæ nos ad ita loquendum movent. Agitur de figura ceræ impressa; & hæc quidem duobus præsertim modis imprimitur; scilicet aut per impositionem sigilli: quod utique fit sine arte ulla; nam ars tota in sigillo est; aut per leges quasdam artis sculptoriæ, seu statuariæ. Et certe non dubirandum quin Palancus loquatur de figura, seu statua quadam ceræ integræ, aut dimidiatæ emi-

nentiæ & ex vero expressa elegantissima, in qua videlicet supponit laborasse ingenium, manum desudasse ad attentionem conciliandam, ad intuitum delectandum & ad curiositatem omnem suspendendam. Ad quid aurem id supponit, nisi quia ubi plus laboris erit, ibi putat rem fore aut majorem, aut magis factam atque productam; & id falsò purat. Ergo si de figura secundi generis sermo est, sciat Palancus artifices statuarios cum suis baccillis ad infatigabilem scalpellorum planis, aut acutis aliud nihil præstare, quàm è massa cerea rubicata & ad resistentem mollietatem temperata paulatim abjicere modò istas, modò illas cum ista & illa, quâ opus est, proportionem partes: quibus abjectis patet & eminet figura, cui formandæ illaborabant.

Nunc autem vulgus purat Artifices illos fecisse ac produxisse realitatem talis figuræ; nos autem aliter loquimur & dicimus illos tantum discoopuisse talem figuram, quando per cæterarum partium abjectionem fecerunt ut appareret, quæ unice involuta erat sub illis. Et vera id præcise quod est abjicere partes alias ab aliis non est aliquid facere aut producere, sive in partibus abjectis, sive in partibus relictis; atque ita nullæ figuræ qualitercunque in hunc aut similem modum elaboratæ sunt aut produciuntur attentâ rei veritate, licet Aristotelici cum plebe affirmant illas fieri & produci. Deinde si respicitur ad figuram primi generis ceræ impressam, quæ utique fit per solam impositionem, sive applicationem sigilli, perinde patet quòd in hoc casu talis figuræ de novo apparentis & exhibitæ in cera nihil vere ac proprie fit, nihil vere ac proprie produciuntur. In hoc quippe casu quid accidit, nisi quòd dum partes sigilli prominentes impelluntur in crassitiam ceræ, aliæ ejusdem sigilli partes profundæ, sive incisuræ replentur cera? & ita sigilli prominentia incisuram, incisura verò prominentiam facit in cera: quo pacto sigillum representatur in cera.

XI.
Ostenditur
qualiter fi-
guræ non
sunt res pro-
ductæ.

XII.
Afferatur
in exemplū
figura ceræ
impressa.

Hoc totum autem ad quid reducitur, nisi ad hoc quodd partes prominentes sigilli partes ceræ aliquas, eas videlicet, quæ subjacent, premunt ac deprimunt? id autem præcise, quod est deprimi, non magis importat aliquid vere ac proprie factum, quàm id præcise, quod est deprimere; unde sicut in partibus sigilli deprimentibus nihil fit, ita quoque nihil fit in partibus depressis, quibus utique utrisque nihil accidit per talem depressionem hinc activam, illinc passivam, nisi quodd istæ movent, illæ autem moventur deorsum. Unde superest in cera talis impressio, quæ figura est: sed talis impressio non est res vere facta, vere producta, cum nihil importet præter motionem localem, per quam non magis fit aliquid in moto, quàm in movente. Et ita ut in sigillo nihil fit per applicationem activam, ita in cera nihil fit per applicationem passivam, quæ est nova ceræ impressio passiva seu figura, quæ vulgo equidem dicitur fieri, sed philosophice tamen loquendo nihil habet, quod vere ac proprie factum productumque sit. Atque hoc tandem est, Domini mei, quod aiebam agens pro Atomistis, figuram ceræ impressam esse aliquid reale, ac de novo reale; sed esse tamen nihil vere & proprie factum atque productum.

XIII.
Approbat
ratio adduc
ta.

PHILALETHES. E multis, quæ cursim dixisti, Domine mi Rocchi, hoc nondum audieram, nempe artifices statuarios non conficere figuras, quas vulgo dicimus ab illis fieri: neque non mihi probatur ratio, quam attulisti, videlicet figuram illam talem omnino qualis est, & totam quanta est præfuisse in mole seu massa, circa quam laboratum fuit. Etenim Artifices illi statuarii nullas hujusmodi partes, quæ figuram componunt; sed neque ullarum ordinem mutaverunt, ubi erant ibi sunt: quot erant tot sunt; quales erant tales sunt, unde nihil illis agendum erat in ista figura, nihil actum est: tantum reiici debuerunt, tantum rejectæ sunt partes obvolventes talem figuram.

Quare deinceps quando mihi populariter loquendum erit, dicam statuas à statuariis fieri; sed quando philosophice de illis sentiendum erit, tecum apud me illas reputabo non fieri. Neque tamen capropter mihi videtur idem esse generatim sentiendum de omnibus figuris, uti de illis quæ fiunt per mixtionem & additionem, quales sunt figuræ quæ pinguntur, atque ita componuntur ex variis coloribus temperatis & in telam translatis, ac per luces & per umbras distinctis, sicut ars præcipit: nam in istis saltem figuris ita depictis videtur à pictoribus aliquid fieri. Quare saltem hîc tibi limitate loquendum erit de figura, de qua nimis generatim dixisti nihil in ea vere fieri ac produci.

ROCCHIUS. Imo, Domine Philalethes, nihil hîc limitate loquar: nam sicuti per rejectionem nihil fit sive in partibus rejectis, sive in retentis; ita per additionem nihil fit sive in partibus additis, sive in partibus præsuppositis. Ita rursus per mixtionem nihil fit in partibus mixtis, cum tam in mixtione, quàm in additione nihil intercedat, nisi motus quidam localis: atque in hunc modum intelliges tam à pictoribus, quàm à sculptoribus, quantumvis diu ac diligenter elaborantibus, nihil vere fieri & produci. Sed non morabor, si placet, hac in re, quæ postea in sermonem redibit: nolo enim abrumpere seriem argumentorum, quæ Pazzius noster ex Palanco afferre cepit. Veni, si placet, Domine mi Pazzi, à secundo ad tertium.

PAZZIUS. Argumentum est cui adhuc minùs facile satisfieri à te possit, quàm cæteris. Itaque sic argumentatur Palancus. *Dum illa imago & figura est in mente artificis ideata præcellenti ingenio, negare audebis ideam illam importare veram realitatem objectivam excogitatam mente & ingenio artificis in abstracto?* Tum post hanc propositionem sibi ab Atomista collocutore suo concess-

XIV.
Alicuius
lofophus,
aliter vul-
gus loquitur
de figura.

XV.
Afferitur
tertium ar-
gumentum.
Dial. 59.
n. 486.

sam sic pergit. *Sed nunquid dum ipsemet artifex ingenioso labore vel in are vel in cera ipsam realitatem objectivam exprimit & imprimit, nullam omnino realitatem in materia de novo efficit?* & post hæc concludit. *Certe hoc evidenter falsum est; nam eandem realitatem & formam, quam objective in idea formavit, eandem in cera subjective existentem jam facit, & physice apparentem ad sensum, &c.* An aliquid aliquando, mi Rocchi, evidentius audiisti?

ROCCHIUS. Ita est; & nihilominus volo illud, si potero, adhuc evidentius reddere, advocatâ in subsidium omni meliori formâ syllogisticâ: & nota interim bonam indolem, qua feror ad quærendam in ore ipso mei Adversarii veritatem. Forma itaque omnis melior, ad quam totum illud ratiocinium redigi potest, hæc est. Si idea figuræ est aliquid reale, figura erit pariter aliquid reale: atqui constat ideam figuræ esse aliquid reale: igitur figura est aliquid reale. Igitur adhuc quando artifex elaborat aliquam figuram, efficit & producit in ea veram ac realem entitatem superadditam rei figuratæ & ab ea separabilem. Ita ne, mi Pazzi?

PAZZIUS. Ita omnino, mi Rocchi: nisi quoddâ Palancus meminit, tu verò oblivisceris figuræ ideatæ ab artifice habere præcellentiam quandam ingenii pro idea formanda, & industriæ pro illa in praxim accuratissimam redigenda. An id frustra cavet Palancus? non credam; sed ad rem, si placet.

XVI.
Non inter-
test ad rem
pulchritudo
figuræ.

ROCCHIUS. Cavet id omnino frustra: pone fatuissimum artificem, fatuissimam ideam, fatuissimam figuram, quid inde? An syllogismus meus, sive potius vester, non procedit de omni idea, & de omni figura?

PAZZIUS. Sed ad præmissum syllogismum sive tuum, sive nostrum quid jam respondes?

ROCCHIUS. Admitto præmissas & consequentiam

unam, quæ prima est; sed alteram nego, quæ secunda est, & de qua sola quæstio tota est. Explico me. Idea sumitur hic vel formaliter pro præcognitione figuræ laborandæ, vel objective pro figura ipsa præcognita, ad quam respicit artifex, velur ad directricem sui laboris. Itaque sub hoc utroque respectu idea figuræ realis est: & ejusdem proinde realitatis est figura ideæ: atque ita evidentissime infertur per præmissum syllogismum realitas omnis figuræ.

Sed hic sisti deber; non autem procedi, ut Palancus processit ad alteram illationem de realitate, quæ fiat & producatur ab artifice in figura. Nam si de tali realitate facta & producta in vero ac proprio philosophico sensu sermo est, illam omni ideæ denegamus; & ita nihil hujusmodi ex idea inferri poterit pro figura. Vel si Palancus aliquid hujusmodi concludere voluit in gratiam figuræ, antè debuit duo hæc probare valde improbabilia. *Unum* est, quòd idea quocunque pacto accepta sive formaliter, sive objective, habeat per se sibi que propriam entitatem factam & productam & separabilem, aut separatam à mente: quod ideis Platoniceis ab Aristotele, vere an falsò, imputatum est. *Alterum* est, quòd talis entitas transferri possit ac debeat ex idea in rem ideatam, sive figuram, de qua jam agitur. Tibi de cætero liberum est, mi Pazzi, ut probes hæc duo, quæ Palancus improbata reliquit: audiam te libenter.

PHILALETHES. Et ego pariter te audirem ex animo, nisi mallet non interrompi seriem argumentorum, quæ affers ex Palanco, & quibus utique meliora ulla totus Aristotelismus non haber; unde nihil illi debet imputari, quando affert talia, quæ non convincunt, & in quorum numero esse valde suspicor illud, quod ultimò agitastis. Et ratio suspicandi est, quia realitas idearum, ad quas artifices respiciunt, quando & quoties operantur,

XVII.

Figura est realis; sed non ideo est vere facta.

XVIII.

Ex idea non probatur, nisi realitas obiectiva figuræ.

alia esse non potest, quàm mere objectiva, id est, mere mentalis; mere intelligibilis, & ita nihil habens vere entitativum, vere factum, vere productum, vere distinctum ac separabile à mente, per cujus solam considerationem est totum id, quod est. Unde si alia non est realitas rei ideatæ, quàm ideæ, quid erit nisi realitas pariter mere objectiva, mere mentalis, &c. ? Nisi quòd mere objectivum est, ac meræ considerationis quidquid pertinet ad transferibilitatem realitatis ex idea in rem ideatam; quandoquidem totum consistit in similitudine objectiva, quam postmodum artifex reperit inter opus suum, & præviā illam objectivā sui operis cognitionem, ad quam dum operaretur, respiciebat. Ut non addam, quòd si figura præeise ut figura est, per se seorsim habet entitatem sibi propriam factam & productam & distinctam & separabilem à re figurata, id perinde omni figuræ conveniret, ac proinde tam omnibus figuris quæ sunt casu, quàm cæteris quæ sunt arte: unde ad thesīm probandam videtur insufficiens argumentum hoc ductum ex ideis figurarum. Sicque tandem intelligo, Domine mi Pazzi, præmississe te argumenta minoris roboris & distulisse robustiora, quæ modò audiemus.

XIX.
Affertur
altius & mul-
tiplex dis-
cussus.

P A Z Z I U S. Sane robustissima sunt quæ sequuntur, & multa; sed quæ libuit Scriptori nostro coacervare in unum, ita quòd omnium sit una vis, quam puto invictam. Hæc autem in hoc maxime posita est quòd si figura non est aliqua singularis entitas facta & producta & distincta prorsus ab entitate rei, cujus figura est, id generatim affirmari pariter deberet de omnibus formis ac figuris visibilibus rerum omnium, ex quibus hic Mundus coalescit; atque ita Deus præter materiam, ex qua Mundus coaluit, nihil fecisset, quando illum secundum ideas suæ sapienitiæ ordinavit & efformavit in hunc modum spectabilem, quem miramur. Hinc etiam tota illa pulchritudo, quæ apparet
in

in lapidibus, metallis, gemmis, plantis, animalibus, syderibus, &c. nihil esset præter materiam elementarem, quam Atomistæ admittunt. Ac tandem nunquid est perfectior Mundus propter hanc tot rerum varietatem ac pulchritudinem, quàm esset, si Deus materiam reliquisset omnino informem? Quis id neget? Igitur produxit Deus & superaddidit materiæ informi elementari entitates innumeras, quæ sunt innumerae illæ perfectiones Mundi tanta rerum varietate distincti atque ornati. Perspiciasne, mi Rocchi, vim hujus multiplicis argumenti?

ROCCHIUS. Nondum satis perspicio, mi Pazzi.

PAZZIUS. Et nihilominus vis hæc tam ex se ipsa patet atque urget, ut Palancus sentiat non posse aliter, quàm temere contrariam sententiam propugnari: hinc ad suum Atomistam conversus ait, *Audebisne dicere Deum ad extra nihil fecisse secundum prædictas ideas præter materiam antè creatam sub forma elementorum?* Et rursus, *Audebis item dicere Universum istud præter materiam nihil prorsus importare?* Ac deinde, *Audebisne asserere hoc factum fuisse absque omni entitate, realitate, actualitate, aut forma realiter distincta & superaddita ad materiam rudem & informem præexistentem?* &c.

XX.
Robotatur
prædictus
discursus.

Dial. 17. n.
487.

ROCCHIUS. Sed quid pro veritate audendum non est? sane audendum est pro illa contradicere & Palancus & tibi, & omni Genti Aristotelicæ. Audendum est affirmare Deum in opificio hujus Mundi nihil aliud præstitisse, quàm quòd combinavit, ordinavit, movit, conjunxit, disposuit in numero, pondere, & mensura omnes particulas materiæ elementatis, prout continebatur in ideis sapientiæ suæ: & ideo non aliter, aut ex aliis principiis fecisse cælum & terram, & omnia quæ insunt atque interjacent. Audendum est affirmare omnem varietatem specificam rerum in illa particularum elementarium combinatione, in illa ordinatione, mobilitate, conjunctione,

XXI.
Contradicitur
prædicto
discursui.

dispositione positam esse. Audendum est affirmare nullam aliam esse pulchritudinem, proportionem, figuram exter-
nam rerum, quàm quæ pender ex particulis præmissis ele-
mentaribus ita combinatis, ita ordinatis, ita mobilibus, ita
conjunctis, ita dispositis.

XXII.
Affertur ra-
tio contradi-
cendi.

Et ratio audendi hæc est, quia in systemate vestro de
formis quibuscumque & figuris cogimini perinde recurrere
ad combinationem, ordinem, &c. partium materialium,
quatenus sine aliqua determinata talium partium disposi-
tione tum internâ, tum externa, essent otiosæ inutiles, in-
sensibiles vestræ illæ formæ ac figuræ, siquidem per se
non habentes quidquid ad speciem, ad pulchritudinem,
ad varietatem, ad figuram requiritur. At è contra juxta
leges nostri systematis nihil formis illis vestris ac figuris
tribui potest in ordine ad species & pulchritudines & fi-
guras rerum, cujus non sit omnino capax materia nostra
elementaris, scilicet ut par est, combinata ad tales effec-
tus.

XXIII.
hic contendi-
tum dicitur
de figura.

PHILALETHES. Sistite, si placet, Domini mei, &
audite mihi non probari, quod ubi sermo tantum est de fi-
gura rerum, id est, de forma illa rerum externa, quam fi-
guram vocamus, retrahitis sermonem ad priores con-
tentiones vestras de materia prima, de forma substantiali,
de formis accidentalibus generatim, &c. Nunquam di-
rimerentur controversiæ præsentis, si semper ad veteres
rediretur: sufficit vobis malitia jurgii hodierni, quod si an-
nuitis ita decernam, ut ad extraneas controversias non
possit diffui.

ROCCHIUS. Audietur cum voluptate decretum
quod polliceris; sed interim, Domine mi Philalethes, ne
mihi saltem irascaris, qui debui argumento, licet nimis
vago satisfacere, ne viderer habere nihil, quo satisfaceret.
Notavi tecum extraneitatem illius: de cujus tamen vi, si
quam è recto vel obliquo habet, oro ne taceas; & pro

more tuo lauda, vel vitupera quod respondi.

PHILALETHES. Parce precibus, mi Rocchi, ne verbum referes; ut reus non fiam similis repetitionis. Malo vos illico revocare ad tramitem, à quo deflexistis. Agitur de figura; itaque circulum eligo è figuris planis, globum è solidis: & de utraque opto scire an sit aliquid reale & entitativum & factum & productum, & distinctum & separabile à re, quæ talem accipit figuram. Atque ut clarius procedam suppono superficiem chartæ adhibito circino rotundatam in circulum, & massam eburneam adhibito torno rotundatam in globum. Habemus hîc circulum & globum, de quibus si quid rectè ad rem præsentem definiatur, id generatim de superficiebus & solidorum omnium figuris universis pro definito habendum erit. Dic tu prior, Domine mi Pazzi, clare ac luculenter quid de hac utraque figura sentias.

P A Z Z I U S. Non hærebo, uti neque Palancus hæret dicere figuram circularem ab illa charta, & globosam ab illa massa eburnea realiter & entitative distingui, atque in hunc modum ut iste globus & ille circulus sint aliquid vere factum atque productum, neque non vere separabile à suis respectivè subjectis. Ad quod utrumque affirmandum rationes superiores me movent; nempe quòd tales figuras suis respectivè subjectis accidisse constat; neque minùs constat esse factas; ne dicamus nihil fecisse, qui circino usus est ad priorem, aut qui torno ad posteriorem. Si chimeræ non sunt istæ figuræ, res sunt: si autem res sunt, aut antè fuerunt contra hypothèsim, aut de novo factæ sunt juxta veritatem, quam tuos.

PHILALETHES. Tunc jam hæres dicere, mi Rocchi? quid subrides, aut quid mîtaris?

R O C C H I U S. Miror Aristotelicos factores rerum. Mihi millies contigit, optime Philalethes, æquare longitudinem diei cum perpetua delineatione figurarum recti-

N n ij

XXIV.
Proponitur
agendum de
circulo &
globo.

XXV.
Offenditur
nihil vere
feri, quando
formatur cir-
culus in pla-
no.

linearum & curvilinearum omnis generis ; cumque ad vesperam pervenissẽm , putabam me fecisse nihil : & in eadem opinione fui , quoties olim exercui me animi gratia in globis , in pyxidibus , in annulis , &c. torno conficiendis. Aristotelici autem diebus singulis ac horis singulis vel tantũ deambulando , aut jocando , aut etiam otitando res grandes , & innumerabiles atque incredibiles faciunt. Sed jam redeo ad circulum & ad globum. Quando inmoto uno circini pede alterum circumduco super planitiem chartæ , quid ago ? Duco unam illam lineam curvam , qua circulus continetur , & quæ *peripheria* , sive *circumferentia* circuli dicitur : ille autem ductus lineæ hujus circularis non est , nisi circularis quædam annotatio , seu pressio punctorum omnium , quæ in orbem sunt ad certam & æqualem à centro distantiam. Jam itaque puncta illa per talem annotationem , aut pressionem non mutantur intrinsece ; nec intrinsece mutatur illud , quod pro centro assumptum est ; multòque minùs sic mutantur tota quantitas , sive area circuli tota , quæ prorsus intacta est. Igitur circulus , qui est totum id quod dixi , non est res ulla , quæ à me aut à circino vere fiat , aut vere producatnr. Unde infero generatim nullam figuram planam esse quid vere factum atque productum.

XXVI.

Item nihil
vere fieri,
quando glo-
bus torno
conficitur.

Rursus quando globus ex ebore aut ex alia materia torno conficitur , quid accidit , nisi quòd massâ informi appositâ super utramque torni cuspidem , resecantur variis scalpellorum generibus partes omnes , quæ sunt extra superficiem illam , quâ globus ad certam diametrum tornandus , comprehenditur : & hîc quidem non apparet , nisi talium partium resectio , quæ utique non est aliquid factum atque productum. Unde in genere pariter verum est nullam esse figuram solidam , in cuius elaboratione contingat aliquid vere fieri ac produci. Atque hîc , Domini mei , demum norabitis , me etiam non inonente , quantum

discriminis sit inter rei veritatem, & vulgares de illa locutiones. Juxta locutionem vulgarem, quâ nos Philosophi æque utimur, prout quis plus minusve per diem laborat, dicitur plus minusve facere: & ita plus dicitur facere qui diem terit in scindendis lignis, quàm qui tranquille deambulat: plus qui destruit domum, quàm qui complicit chartas; plus qui pugnat, ferit & occidit, quàm qui sedit legendo: &c. Et nihilominus quando rei veritas attenditur, comperitur non plus ab illis vere fieri, quàm ab istis, imo nihil vere fieri ab utrisque.

PHILALETHES. Et hinc sine mora illaturus eras, Domine mi Rocchi, nisi obstaret interlocutio mea, Philosophos Aristotelicos nimis cum plebe se confundere, quando non solum cum illa loquuntur de figuris rerum, tanquam de rebus vere factis & productis, & distinctis & separabilibus à suis respectivè subjectis figuratis; sed etiam cum illa pariter sentiunt tales figuras esse res vere factas & productas & distinctas, &c. De cætero parces, ut precor, interlocutioni meæ, cujus in causa fuit, quod èminus videam, nisi mea me fallunt lumina, par amicorum, qui ad nos veniant & grandibus & æquis passibus. Prodiit fuimus, Domini mei; fuit à quo rescierint nos hîc esse. An tu, mi Pazzi, qui visu polles, deprehendis qui sint?

PAZZUS. Unus eorum mihi notus est: alterum ignoreo: is notus est qui ripæ propior est, & perbene loqueretur de figuris istis; totus enim deditus est geometricis studiis.

ROCCHUS. Etiam novi; sed nescio an æque bene sentiret quoad rem physicam, de qua sermo est: unus enim eorum est, mi Pazzi, qui nondum ab Aristotele discesserunt. De cætero bonum est, ut pro salute illius oret tota Gens vestra: rara quippe avis est inter vos, homo Geomerra. Sed quid agimus, Domine Philalethes? clare jam videmus amicos esse, in quorum occursum ire debea-

XXVII.
Philosophi
viniis vulga-
riter lo-
quuntur.

XXVIII.
Propenitur
proci qui
candem ma-
teriam in
dialogo se-
quente.

mus: & ideo fas non est prosequi cœptam materiam. Cras apud te illam, si annuis, prosequemur; ego & Pazzius ad te ibimus circa secundam, vel tertiam à meridie: tantum provide ut reputeris abesse, & ut nemo præter nos ad te admittatur.

PHILALETHES. Ita fiet, Domini mei, sicut disponitis. Et ecce jam fere adsunt, ac subridere ceperunt. Paremus nos jocis: nam, ut nostis, facetissimi sunt, neque parum aspernantur res philosophicas, pro quibus agitantis jurabunt nobis quæsitam fuisse hanc solitudinem.





DIALOGUS UNDECIMUS.

QUAM BENE SENTIANT
Atomista de figura.

PERSONÆ COLLOQUENTES.

ROCCHIUS, PAZZIUS, PHILALETHERS.

ROCCHIUS. Diu nobis pro ingressu pugnam-
dum fuit, Domine Philaethes, ad ostia domûs tuæ. I.
Proluditur
ad inquiren-
dum quid sit
figura.
Non aderas; non prænferas apud te; vix prænsum exieras
domo; summo mane abieras in villam; hæc & similia
responsa tulimus; & quod mirum est; etsi tam valde con-
traria essent, quid quilibet respondisset, id si opus esset,
aciebat se cum juramento affirmaturum. Adfuit vetula, quæ
nobis audientibus submussitabat esse fortè nos, de quibus
Hærus dixisset, quoddam uni admitteremur.

PAZZIUS. Certe sine ope illius vetulæ, quæ ad hoc
saltem bonum servata est, remittebamur, perjeratque ho-
diernus dialogus. Creditum est illi, rogata fuerunt nomi-
na, dedimus, adfuit. Ride, si placet, eventum istum.

PHILALETHERS. Imo doleo de mora, quam ri-
dendus ille confictus attulit fruitioni meæ conspectus
vestri. Imperaveram, ut nemo admitteretur præter vos,
quos expressi satis; sed satis non attenderunt: hinc ne me
adirent quos nollem, dare aditum nemini, puto, decreve-
rant. Quid agam, Domini mei, parcite, oro, crassitici ho-
minum; atque ut amissi temporis jactura resarciatur, mis-
sum facio eventum magis ridendum, cujus narrationem

præmissurus eram isti colloquio. Itaque perpendebam apud me hoc mane seriem totius vestræ disputationis hesternæ de figura, quàm memini à nemine vestrum definitam fuisse: atque ita deprehendi mirum non esse, si venire in nullam de illa concordiam potuistis. Quid apud Aristotelicos est figura, mi Pazzi? Quid apud Atomistas est figura, mi Rocchi? Hinc aggredi heri debuimus: hinc hodie saltem aggrediamur.

11.
Affertur
definitio fi-
guræ ex Pa-
lanco.

P A Z Z I U S. Non definiit expresse figuram in his suis dialogis noster Palancus; sed supposuit illam à se alibi definitam, scilicet in Metaphysica tractatu sexto, quæstione septima, numero duodecimo, ubi sic loquitur, *Quarta species qualitatis est forma, sive figura, quæ in præsentia sic definitur, Est qualitas resultans ex terminatione quantitatis, v. g. figura circuli, quæ resultat ex eo quòd quantitas undique terminatur per unicam lineam sphericam & circularem: & figura quadrati, quæ resultat ex eo quòd quantitas terminetur per quatuor lineas rectas mutuo se contingentes.*

ROCCHIUS. Hic adhuc expressius adverto, quod supra aiebam, scilicet formam cum figura confusam in opprobrium quattæ illius speciei binembris. Ac tum expressissime video, quàm impossibile sit stando in terminis præfata definitionis figuram esse de genere rerum, quæ vere ac proprie fiunt ac producuntur, ut heri à me contendebatur.

P H I L A E T H E S. Atqui non rogavi te, Domine Rocchi, quid in tali definitione figuræ Aristotelica vel adverteris olim, vel nunc primum advertas; sed quæ sit definitio illius Atomistica: ut videlicet his definitionibus inter se comparatis dijudicaretur, utra prævaleat alteri, sitque oportunior ad decisionem difficultatis præsentis circa identitatem aut non identitatem realem figuræ cum re figurata: hoc unum enim est quod heri agitatum est & oportet hodie definiri.

ROCCHIUS.

ROCCHIUS. Condonandum est aliquid fervori disputationis: ecce jam pareo. Figura apud Geometras ac proinde apud Atomistas est quantitas, *quæ sub aliquo vel aliquibus terminis comprehenditur*, id est, continetur, ambitur, limitatur: qua ratione linea infinita non ponitur inter figuras, quia nullis terminis ambitur, licet aliàs duobus punctis, quæ sunt termini lineæ, uno hinc, & inde altero terminetur. Sed de cætero quantitas omnis, quæ superficies est, aut soliditas, figurata evadit per terminum, aut per terminos, sub quibus comprehenditur: sub uno comprehenditur circulus, ellipsis, sphaera, sphæroides, &c. sub pluribus comprehenditur triangulum, quadratum, cubus, pyramis, conus, &c. Sic explicant se Geometræ, qui præterea dividunt figuram in planam & solidam, prout est vel solius superficiei, vel totius corporis, quod *solidum* vocatur. Taceo cæteras divisiones ad rem præsentem non attinentes. Jam verò, Domine Philalethes, quid adhuc jubes.

PHILALETHES. Jubeo nihil, mi Rocchi. Tua jam in potestate sit de præfatis divisionibus agere cum Pazzio nostro, & illas ad apices juris perpendere, ut ex earum altera, quæ prævaluerit, veritas materiæ propositæ eruatur. Age itaque tu prior, quia tuæ hodiernæ partes sunt exponere quid Atomistæ sentiant de figura; & qualiter & quare affirmant illam nullius esse singularis ac sibi seorsim propriæ entitatis realis.

ROCCHIUS. Itaque hîc repeto præmissam figuræ definitionem Aristotelicam his verbis expressam. Figura est *qualitas resultans ex terminatione quantitatis*; id est, ex terminatione passiva, quatenus ad quantitatem pertinet terminari: quo pacto corpora, sive *solida* terminantur per superficies, & superficies per lineas, & lineæ per puncta. Ut autem hæc definitio distinctius expendatur, suppono superficiem aliquam tribus lineis in totidem angulos coeuntibus terminatam: & quæro, an hujusmodi

117.
Quid sit figura apud Atomistas.

IV:
Notio figuræ nullam importat qualitatem resultantem.

terminatio sit figura, vel non sit figura; nam si non est figura, quomodo qualitas ex illa resultans erit figura? si verò est figura, quomodo rursus figura erit qualitas, quæ resultat ex illa. Ubi de cætero certum est talem terminationem per se solam ita omnino figuram esse, videlicet triangularem, ut quidquid præter illam excogitari potest, sit extraneum ad illam. Ad quid igitur Aristotelici audent inducere in definitionem figuræ qualitatem illam resultantem? An terminat, an terminatur qualitas illa resultans? neutrum haud dubie: hinc ergo adhuc magis extranea est ad figuram quæ nihil est, nisi terminatio quantitatis. Ecce revera Geometræ, qui nihil prætermittunt ex omnibus, quæ spectant ad notionem, ad compositionem, ad multipliciter, ad mensuram & ad valorem figuræ, nullam ullibi agnoscunt, aut nominant qualitatem huiusmodi resultantem. Si quid ad hæc responsi habes, interpone illud pro jure tuo, mi Pazzi, aut pergam.

V.
Aristotelici attendunt ad notionem metaphysicā figuræ.

P A Z Z I U S. Dico Geometras non facere mentionem qualitatis huiusmodi resultantis, quia è finibus suis non exeunt ad figuram metaphysice considerandam. Nos autem è contra illam metaphysice magis, quàm geometricè consideramus: & ita magis attendimus in ea, quòd sit qualitas, quàm quòd sit quantitas terminata: nostrumque fundamentum hoc est, quia una & eadem omnino immutata substantia subit varias figuras; unde liquet figuram esse accidentalem substantiæ, sive qualitatem accidentalem illius. Quòd autem secum afferat hanc vel illam terminationem quantitatis, id se habet materialiter ad figuram; sed quòd sit qualitas, id se habet ad illam formaliter; unde non est mirum, si Aristotelici Metaphysici antè meminerunt in definitione figuræ qualitatis resultantis, quàm quantitatis terminatæ.

V I.
Sed hæc agitur de

R O C C H I U S. Sic per verba semper, mi Pazzi, ut potestis, evaditis; sed mera verba sunt. Nam hæc non

Agitur an ab homine Metaphysico considerari possit in figura, & in figura quidem non pure geometrica, sed physica, ratio quædam abstracta qualitatis: agitur an figura physica constituatur physice per rationem illam qualitatis abstractam, aut per realem & physicam terminationem quantitatis, seu magnitudinis figuratæ. Ad id opus fuit respondere: hæc determinanda fuit disjunctio. Sed vim difficultatis dissimulas, & ais licere homini Aristotelico Metaphysico considerare in figura rationem abstractam qualitatis. Considera in figura rationem illam quandiu quotiesque volueris; an aliquid ad veram & physicam entitatem figuræ confert illa consideratio? An ideo quòd hæc figura physica subire possit notionem metaphysicam qualitatis resultantis, definiri per qualitatem resultantem debet? Audi hanc paritatem. Humanitas considerari, ut qualitas potest: sed si de constitutivo physico humanitatis ageretur, & ego quærerem quid in sensu ac statu physico sit humanitas, responderetur autem humanitatem esse qualitatem resultantem ex conjunctione corporis & animæ; quid diceres? An non opponeres superfluum hic esse mentionem qualitatis resultantis? Nam quòd illa qualitas resulter, aut non resulter, quid inde? dummodo conjunctio illa sit, satis est ad humanitatem physice acceptam.

Neque res se habet aliter in hoc casu, in quo quæritur, quid in sensu ac statu physico sit figura; & responderetur figuram esse qualitatem resultantem ex terminatione quantitatis, quando utique nihil præter terminationem istam pertinet ad statum physicum, seu realem figuræ. Si non tandem, Domini mei, hanc difficultatem, & propono aliam urgentiorem. Agitur an figura, præcise ut figuræ est, sit alicujus seorsim propriæ ac singularis entitatis factæ ac productæ & superadditæ suo subjecto, quod est res figurata. Nos id negamus: id vos affirmatis, mi Pazzi, & assertis ad id probandum hanc figuræ definitionem,

figura physica.

VII.

Et ideo non debet attendi, ut qualitas resultant.

O o ij

Figura est qualitas resultans ex terminatione quantitatis. Quæ definitio, si bene attenditur, ex aduerso probat figuram nihil esse factum productumque seorsim in se realiter; nihil reale superadditum rei figuratæ, nihil reale à re figurata separabile, ut asseritis. Nam utique illa qualitas non resultat, ut pila è muro, in quem projecta est; quare si resultat, non aliter quàm considerabiliter resultat: sic autem resultando, non fit. Nisi quòd si fieret illa qualitas, fieret ut plurimum ab artificibus: quis verò artificem unquam rogavit sibi ab eo fieri qualitatem aliquam resultantem? Quis artificum aliquando cogitavit de facienda qualitate huiusmodi resultante?

VIII.

Attributa
figuræ non
conveniunt
qualitati
resultanti.

Et nihilominus artifices attentissime cogitant de figura, quam elaborandam suscipiunt: non est igitur illa qualitas idem, quod figura: hæc ope aut calami, aut penicilli, aut coeli, aut circini; aut normæ, &c. potest fieri; illa fieri nullis id genus instrumentis potest. Ultimo si figura recte definiretur per hoc quòd est *qualitas resultans ex terminatione quantitatis*, omnia & singula figuræ attributa essent pariter attributa qualitatis illius resultantis: quod apertissime falsum est atque ridiculum. De figura dicitur quòd alia sit plana, alia solida; dicine pariter potest qualitatem resultantem, &c. esse aliam planam, aliam solidam? De omni triangulo dicitur, quòd tres illius anguli semper sint æquales duobus rectis. Quis tali qualitati resultanti tribuere auderet angulos cuiusvis numeri, aut valoris? Et sic de cæteris. Quare servet sibi Palancus suam figuræ definitionem à nemine Geometra, à nemine Physico approbandam.

IX.

Aliud est
vere fieri,
& aliud
resultare.

PHILALETHES. Multa hinc una serie perpetua operis posuisti, mi Rocchi, & adeò incitate dixisti, ut fere hoc unum ponderare poterim; scilicet hæc duo *fieri* & *resultare* esse valde diversa. Quare tecum consensio qualitatem illam, quam vocant *resultantem*, non esse aliquid vere ac

proprie factum, seu productum, hoc uno titulo, quòd non aliter sit, quàm resultando. Jamdiu scimus nihil vere ac proprie fieri, seu produci, quod non habeat causam sui materialem, ex qua fiat, & efficientem à qua fiat: hujusmodi autem causam materialem & efficientem non habent entia illa Aristotelica, quæ mere resultantia dicuntur: ex quo fiant, nescitur; à quo fiant, adhuc mahis nescitur, ut in hoc casu. Ducuntur tres lineæ coeuntés in triangulum: an componitur qualitas, de qua sermo est, ex tribus lineis & tribus angulis? an sit ab illo, qui exarat triangulum, & de illa non cogitat? nemo id dixerit. Et ideo valde propendeo ad affirmandum nihil in figura sive sit sola terminatio quantitatis, ut Atomistis placet, sive sit qualitas quædam resultans ex terminatione quantitatis, nihil, inquam, in figura occurrere vere factum atque productum, unde inferri possit figuram rei figuratæ superaddere veram aliquam entitatem realem, & ab illa separabilem. Quid agis, mi Pazzi, an responsum non affers.

P A Z Z I US. Quæro illud, ut videtis Domini mei, apud Palancum, apud quem memini legisse me illud valde idoneum: excidit locus è memoria; sed in illum non tarde incidam.

R O C C H I US. Interim pergam, Domini mei: & qui non possum visui, repræsentabo tamen intellectui vestro mille millia qualitatuum resultantium ex terminatione quantitatis; & ubi creditis? super hoc unum, quod præ manibus habeo papyri folium. Etenim in prima hujus folii papyracei superficie sunt figuræ innumerabiles, & saltem multò plures, quàm delineatæ ab omnibus Geometris hucusque fuerint, aut à pictoribus, aut ab aliis artificibus ullis. Vis circulos? an ibi non sunt secundum varios orbes puncta constitentia lineam illam unam, qua quilibet circulus continetur. Vis figuras trilateras, quadrilateras, multilateras omnes generis? ibi etiam sunt puncta

X.
Essent in
una chara
innumeræ
qualitates
resultantes.

per quæ , & à quibus ductæ lineæ illas efformant. Vis pyramides , prismata , sphaeras , conos , cylindros , cubos , &c. ? ibi etiam non desunt puncta pro ducendis per ea lineis ad talium figurarum exarationem necessariis. Tum ibi adsunt omnes linearum inflexiones & proportionales convenientes formis ad vivum expressis , hominum , animalium , arborum , florum , fructuum , herbarum , lapidum , &c. item urbium , propugnaculorum , domorum , navigiorum , &c.

P A Z Z I U S. An nondum finis , mi Rocchi ? Dic in ea charta esse figuras rerum omnium , & conclusisti. Sed cui suadebis , si placet , ubi nulla figura sit , hinc omnes esse. Exarari quidem in ea charta possunt multa genera figurarum ; sed adhuc nulla sunt : ideoque nondum resultant illæ qualitates , de quibus sermo est , ex quantitatis terminatione , quæ nondum est.

P H I L A L E T H E S. Clarum est , Domini mei , quod è diametro pugnatis. Alter ait omnes figuras esse in ea charta delinearas , alter nullam adhuc in ea delineatam esse affirmat : & ego mi Rocchi hac in opinione sum , qui perinde ac Pazzius nullam in ea figuram video.

X I.
Ostenditur
qualiter sint
innumera
figuræ in
una charta.

R O C C H I U S. Non promisi vos illis vestris pupillis visuros hac in charta figuras , quas aio : at intellectu , quod satis est , illas videbitis , si me auditis. Assumo normam , & acceptâ cretâ signo triangulum , quod jam videtis. Sed nunquid jam pariter intelligitis illas ipsas superficiei chartaceæ partes , quæ sub creta jacent , suum ordinem non mutasse ; igitur erant pariter dispositæ in triangulum , & constituebant triangulum , licet visus triangulum illud non distingueret : atque in hunc modum illud ipsunt triangulum , quod nunc adhuc minus visui patet , quia creta obductum est , intelligitis vel inviti. Si delineavero sphaeram , si pyramidem , si cubum , si domum , &c. intelligitis has omnes figuras similiter præfuisse. Si scripsero in ea

hebraïce, arabice, græce, latine, &c. nec etiam dubirabitis, quin talium characterum figuræ omnes præfuerint. Atque uno verbo quidquid delineari potest in hac charta visibiliter, est in ea, licet invisibiliter, anticipatè delineatum: neque hoc totum nunc non intelligitis, ut promiseram, delineatum actu & revera.

Sed ite mecum ultra, si placet, & omnes hujusmodi figuras, quas constat esse actu delineatas super hanc chartam, intelligite adhuc delineatas super omnem primam faciem corporum omnium, atque in hunc modum comparebunt innumeræ illæ, quas aiebam figuræ, in infinitum multiplicatæ. Quæ omnia licet tam aperte verificentur de figuris planis, id est, de figuris in superficie corporum omnium delineatis, noveritis, Domini mei, quoddam adhuc apertius verificantur de figuris solidis æque innumerabilibus intra crassitiem omnium corporum constitutis.

PHILALETHES. Nescio quid non sis probaturus, mi Rocchi, quando rem probasti, quæ nobis tam incredibilis videbatur.

P A. Z Z I U S. Quis unquam simile quid audivit de figuris intra crassitiem corporum constructis? Quis illas construxit? nunquid illas construi ab artificibus opus est? Nihil ego efficit statuarius, quando multo plurimum mensium aut annorum labore suam artem exercet circa massam marmoream, ut illam conformet in extantem effigiem Alexandri.

R C C H I U S. Certe nihil habet efficiendum: nam effigies Alexandri & ad vivum quidem expressa, tota est in massa illa marmorea: at effigies illa jacet & latet sub multis hinc & inde hujus marmoreæ massæ portionibus, in quibus nec pluribus, nec aliunde quàm oporteat rescindendis, suam omnem collocare debet statuarius artem & operam. Ibi est effigies Alexandri stantis, sedentis, equitantis, pugnantis, convivantis, &c. Et quod mirum est, vixit

XII.
Est etiam
delineatio
omnium fi-
gurarum in
qualibet su-
perficie.

XIII.
Figuræ
solidæ tam
sunt innum-
erabiles,
quàm pla-
næ.

nemo, aut victurus est, cujus necesse non sit expressissimam effigiem esse in illo præfato marmore : in quo, ne prolixior si n, adhuc sunt formæ rerum tam non viventium, quàm viventium omnium: tantùm rescindat ex illa mole artifex quidquid opus fuerit, & unde opus fuerit, & ecce quidquid voluerit, habebit expressum. Quare si artifice statuario aliqua statua non succedit, imputet sibi, non quòd non produxerit aliquid, sed potius quòd non destruxerit quòd debuit per rescissionem idoneam. Jam verò transferre, Domini mei, ad omnem molem corpoream quidquid modò de hac mole marmoris audiistis, & videbitis figuras solidas tam innumerabiles esse, quàm planas.

P A Z Z I U S. Nondum me convicisti, sed frange, si volueris, convictum; & dic quid tandem ad rem præsentem inferre paras ex multitudine tam innumerabili figurarum, quas tibi repræsentas in superficie atque in crassitie corporum omnium.

XIV.
Figuræ sunt
ad huc plu-
res in cor-
poribus vi-
ventibus.

R O C C H I U S. Nihil aliud inferre paro, mi Pazzi, quàm parem multitudinem qualitarum resultantium ex illa quantitatis terminatione, quæ apud nos tota figura est, apud vos autem tota non est; quia, ut affirmatis, nulla figura esset, nisi qualitas aliqua resularet: sed neque vere resularet, nisi vere fieret ac produceretur. Unde apud vos sequitur quor sunt figuræ, tot entitates esse vere factas atque productas: quo major autem multitudo hæc est, eo incredibilior est: & ob id maxime quòd assignari non possint causæ materiales & effectrices illarum; ut probatum est. De cætero autem nondum eò perveneram, quòd ire volui pro declaranda innumerabili multitudine figurarum in corporibus vita fruentibus. Nam hæc corpora, præter tempus modicum quo consistunt, crescunt aut decrescunt semper: neque incrementum hoc aut decrementum fit aliter, quàm per aliquam immutationem quantitatis; ac proinde per novam quantitatis terminationem;

tionem, quæ nova quædam figura est. Quia verò partes organicæ corporis viventis crescunt aut decrescunt omnes ea proportionem, qua totum, hinc apprehendite, Domini mei, si potest fieri, multitudinem ac multipliciter figuratum, quæ momentis singulis innovantur in tot corporibus & in tot partibus rerum viventium, uti hominum, animalium, plantarum, metallorum, lapidum, &c.

PAZZIUS. Valde præceps es in loquendo, mi Rocchi: & lapsum linguæ interpretor quod dixisti devita lapidum.

ROCCHIUS. Et ego, mi Pazzi, lapsum mentis inter precor quod negas devita illorum. Sed materia hæc extranea est, & de qua proinde non est cur contendatur. Cæterum non solemus ad disputationes ita exteras digredi. Nihilominus, si vellet Dominus Philalethes, nobis præter morem aliquam hac de re digressiunculam indulgere, posset ipse testificari quid postquam de illa olim diu ac sæpe litigavimus, decrevimus tandem esse sentiendum.

PHILALETHES. Sentiendum decrevimus, Domine mi Pazzi, si breviter id audire volueris, illos saltem lapides, qui crescunt secundum eandem figuram, vivere: atque illos præsertim, in quibus est aliqua particularis figura, seu interna, seu externa proportionaliter crescens. Et ratio evidens est, quia mera juxtapositio materiæ, per quam augetentur, figuram illam quæ præfuisset, potius turbaret aut tegetet: aliunde autem patet materiam juxta positam, si crasse spectetur, nihil habere simile cum lapidibus illis crescentibus.

Unde intelligitur illam nihil conferre ad tale incrementum, nisi per exilissimas sui particulas, quæ simul cum variis humoribus insinuant se per eorum poros & internos meatus, in quibus digeruntur, & per quos distribuuntur, ut par est, in totam molem crescentem, & ita

XV.

Insinuat
tur lapides
esse qui vi-
vunt.

XVI.

Afferunt
ratio, prop-
ter quam la-
pides vivunt.

dum moles crescit, crescit etiam figura illius; quod est crescere vitaliter. Hujusmodi autem lapides crescentes secundum eandem figuram, aut in quibus certæ quædam figuræ inscriptæ, aut insculptæ proportionaliter crescunt, innumeri sunt. Sunt in quibus inscripta, aut insculpta est figura hominis, canis, felis, piscis, ranæ, arboris, cucurbitæ, peponis, larvæ, ostreæ, crucis, &c. & eorum schemata sunt apud Aldrovandum, apud quem videtur etiam schema marmoris mathesi multa ornati, seu figuris multis, uti trigonis, tetragonis, pentagonis, &c. itaque, mi Pazzi, omnes lapides qui sic crescunt, vivunt, & hoc nuper coactus sui fateri Rocchio nostro, postquam illi non raro, ac non parum contradixissem.

XVII.
Accedit
mira curiositas
lapidis
exquisite
stellati.

ROCCHIUS. Lapidem illum omitto, quo tuam contradictionem tandem contrivi: illum aio, quem exhibui tuis oculis paulò grandiorē nuce, cujus dorso insculpta est stella cælaturæ paululum eminentis. Is sub se umbilicum habet, per quem videlicet excipit alimentum idoneum: & si bene meministi, reperitur hoc lapidum genus satis frequenter in fossis castri Blavii non valde à Burdigala distitiverſus Oceanum. Sed jam si condonaretur mihi dilatare modice digressionem, quæ cœpta est, dicerem datum mihi nuperrime fuisse aliud lapidis stellati genus ac mire curiosius: neque fas est Datorem tacere. Is est Reverendissimus nostri Ordinis Præpositus Generalis Syrus Joseph Vicus, Vir quem pietas & Mathesis genuerunt: aded in utramque totus & pariter & unice ardet. Ergo lapillus ille, qui altitudine semilinealis, & latitudine bilinealis est habet radios quinque separatos distinctissimos, quos inspiciens per microscopium reperi habere singulos hinc & inde duodecim incisuras: ac deinde mihi visa est tota substantia valde porosa & instar pumicis, nempe ad admittendos succos & humores per quos nutritur.

Tum illi lapilli ab initio conjuncti sunt & in cylindrum assurgunt; sed quando ad certam magnitudinem pervenerunt, aut, ut ita loquar, ad certam maturitatem, disjunguntur & fiunt stellæ separatae. Hæc verò lapillorum genera, ut audiui, reperiuntur circa locum villarem *stella* dictum, & ab illis sic dictum, prope Arborosam in Comitatu Burgundiæ. Venio jam ad rem & dico talium lapillorum structuram esse ita mirabilem atque ita subtilem ut necesse sit eos crescere per intusfuspceptionem ac proinde vivere. Atque hîc quidem, Domini mei, digressionem quam nobis mutuo condonabimus, claudamus. Et dic, mi Pazzi, bona fide, an non magis sanam Physicam sapiat quod dicimus figuram non esse, nisi terminationem ipsam quantitatis, quàm quod dicitis figuram esse qualitatem resultantem ex terminatione quantitatis, ob impossibilitatem multam, quæ est in assignandis perpetuis atque infinitis causis physice productivis talium qualitatum sic resultantium.

PAZZIUS: Quidquid dixeris, nullam hujusmodi impossibilitatem hîc fatebor, difficultatem tamen aliquam fatebor. Ac præsertim in casu figuræ, quæ v. g. fit in cera per applicationem sigilli; quia vix intelligo in hoc casu causam productivam entitatis factæ & productæ, qualem esse dicimus figuram ceræ impressam: hîc enim non apparet nisi mera sigilli applicatio, in qua præcise ut applicatio est, concipitur quidem vis repræsentandi sigillum in cera, sed non apprehenditur vis activa & productiva entitatis ullius, cui conveniat esse qualitatem resultantem ex tali repræsentatione, quæ est tantum certa quædam terminatio quantitatis. Eapropter, Domini mei, si mihi relictus fuisset, suscepissem potius probandum aliud accedens, quàm figuram, cujus entitas singularis difficilius ostendi potest quàm illa, quæ est accidentium cæterorum. Sed videbam Palancum magis in figura, quàm in cæteris

P p ij

XVIII.
Describitur
disti disti
figura prismæ
mulli lapidis.

XIX.
Proponitur
disputandū
potius de
calore accidentali.

accidentibus confidentem ; sicque laxavi recte in verbo illius.

XX.
Sed calor
non magis
producitur,
quàm figura

ROCCHIUS. Atque hîc tandem intelliges, quàm mihi tecum generose ac liberaliter agitur. De figura nihil aliud prosequamur, quoniam in illius entitate singulari ac seorsim propria, de qua sermo est, probanda fateris te difficultatem aliquam experiri, converte te ad accidens quodcunque aliud & de illo renovemus conditionem hesternam : si probaveris realitatem illius, dabo tibi accidentia vestra omnia ; si nullitatem talis realis ostendero, erunt mihi tibi que accidentia vestra universa pro nullis. Quale itaque est accidens illud, quod ex arbitrio tuo potius suscepisses probandum ?

PAZZIUS. Calor est ; & huiusmodi quidem accidens est, in quo etsi Palancus fiduciam multam posuerit ; ponere majorem potuit, nisi fallor, ac præsertim majorem, quàm in figura. Quapropter hesternâ conditione, ut vis, renovatâ, & dummodò placeat Philalethi Moderatori nostro, faciamus rursus in hoc calore accidentali aut Thomismi, aut Atomismi totius ruituri periculum.

XXI.
Debuisset
continuari
disputatio
de figura.

PHILALETHES. Totum hoc mihi minime placet, Domine mi Pazzi, neque tibi decorum est : tota colluctatio vobis esse debuit hodie de figura, & de illa pactum conventumque inter vos fuit, quòd si realitas illius probaretur, accidentium cæterorum realitas censeretur probari ; & è contra quòd si non probaretur, nulla pro realibus censerentur. Standum in conditione fuit & antè debuit colloquium solui, quàm thesis mutari ; vel præsertim quia scio vobis Aristotelicis non deesse altius eo, quod rationis est, refugium fidei pro accidentibus vestris stabiliendis. Habetis Sacramentum Eucharisticum, in quo accidentia vestra stabilire soletis, & ad quod, si ratio deficit, non est indecorum refugere.

PAZZIUS. Hæc est, ut nosti, Domine Philalethes,

arx nostra inexpugnabilis; sed antequam in eam me reciperem, imitari debui Scriptorem nostrum, qui non aggreditur probare accidentia nostra in dial. 64. per Sacramentales Eucharisticas species, nisi postquam in sexagesimo tertio præcedente ultimum rationis conatum exeruit in stabiliendo accidente caloris. Et sic vel ob unam istam imitationis necessitatem debui deferere figuram ad dicendum aliquid de calore, quamvis evidentius non esset, præ accidentibus cæteris, illum consistere in aliqua entitate reali, vere facta & producta, & distincta, & separabili à subjecto suo, sive naturali quod est ignis, sive extraneo quod est aqua, vel quidvis aliud calefactum. Da veniam itaque ut adhuc de illo aliquid disputetur, quo fulciri accidentium aliorum ex occasione istius realitas possit. Permite ut ioterrogetur à me Rocchius noster iisdem verbis, quibus Palancus Atomistam suum invadit, *Dic mihi qualiter aqua calefit.*

XXII.
Cur a i o-
tiani debue-
rit de calore

Dial. 63. n.
140.

R O C C H I U S. Parceres tuæ interrogationi, mi Pazzi, si te non cepisset oblivio modi physici, quo rarefactionem aquæ in olla nuper, quum de tali materia tractaretur, exponebam per corpuscula ignis insinuantia se in poros ollæ, & excitantia, & dissociantia, & attollentia partes aquæ usque ad exundationem: scis exosam mihi esse rerum semel dictarum iterationem.

P A Z Z I U S. Nolo vel unam syllabam à te repeti; sed ecce hodie apud Palancum invenio nova duo solidissima ratiocinia, quæ invicte militant contra id, quod tunc aiebas de tuis illis poris & corpusculis, & ideo nolo esse prætermissa, quia forsitan ad tui convictionem pro calore Aristotelico admittendo proficient. Unum est, quòd ignis non potest intra aquam admitti & non illico exstingui, & ita non calefaceret aquam, licet intra illam admissus. Alterum est, quòd ignis ille non afficeret aquam intrinsece, & ideo aqua non vere calefieret, quia maneret ab intrinse-

XXIII.
Opponitur
qualiter a-
qua non pos-
set calefieri.

co frigida, ut antè. Sed quia istæ difficultates sui totius splendoris non sunt in ore meo, volo, si annuitis, Domini mei, referre illa ex ore nostri Scriptoris. Ad illam interrogationem, *Qualiter aqua calefit, Atomista responder. Non quidem entitalulâ illâ, quam vos calorem appellatis, sed corpusculis igneis tenuissimis & mobilissimis, quæ aquam invadunt, & commovent, & in vapores dissolvunt, & sic aquam calefaciunt.* Palancus contra sic instat. *Miror quòd horum corpusculorum igneorum aqua intromissorum fabulas credas: qualiter enim in medio aqua intromitteretur & subsisteret atomus ignea, ignis naturâ servatâ; quando vel carbo ignitus, si in medio aqua mittatur, statim naturam ignis amittit, & ignis extinguatur? Quomodo tenuissima illa ignis particula, undique circumjectâ aquâ, aqua resistet & indemnis conservabitur in esse ignis?* Tum addit, *Quis vos fascinavit ut talia credatis, quæ nullo sensu percipitis, imo sensibus omnibus repugnansibus?* Et hæc est prior difficultas.

XXIV.

In quo evenit
sit lucor
ignis.

ROCCHIUS. Et hæc est prior, quæ facillime solvetur. Agiturne hîc, mi Pazzi, de una scintilla vel atomo ignea, quæ invadat aquam ad illam calefaciendam? fortè putas quòd si unica est, mutabitur in aquam, falleris: res omnes quoad entitatem suam quidquid semel sunt, semper sunt. Agitur de corpusculis plurimis igneis, quæ aquam illam invadunt, & intra illam retinent activitatem ignis, licet ignis lucorem non habeant; quia lucor ille consistit in fluxu libero & satis copioso talium corpusculorum. At aqua impedit liberratem copiamque illam fluendi, qualiter etiam impediuntur fluere corpuscula carbonis igniti, quando mergitur sub aquis & sic extinguatur.

XXV.

Ignis non
perit, quan-
do extingui-
tur.

Sed ramen ignis ille non perit, imo tenaciùs recolligitur, ut deinceps patet ex facilitate ac constantia igniendi. Nisi fortè putes carbonem illum sub aquismersum obtinuisse ab illis hanc dispositionem igniendi & facile & conf-

tanter. Si tale quid putas, risibilior erit hæc fabula, periculosius erit hoc fascinum. Sed non videmus, inquit Palancus, illa corpuscula per aquam insinuata, quid agendum? efficiat ut videamus omnia quæ sunt, & corpuscula illa videbimus. An videt ipse suas illas formulas figuræ, caloris, relationis, actionis, &c. Admittit formulas, quas non videt: & corpuscula non vult admittere hoc uno titulo, quod non videat: an intellectus non præstat visui? Vel certe si asserere Philosopho non licet nisi quod videt, arduum non erit selem in Philosophum commutare. Erit haud dubie, mi bone Pazzi, posterior difficultas multum urgentior.

P A Z Z I U S. Sic videtur: & ecce ut Atomistam suum interrogat. *Deinde à te rogo. Nunquid Atomus illa ignis afficit intrinsece totam aquam, cui intromittitur?* *ibid. n. 541*

R O C C H I U S. Id interrogari posset, si quis nostrum aliquando dixisset totam aquam, videlicet in aliqua olla contentam calefieri ab una quadam atomo ignis in illam intromissa. Non adverto rationem sic interrogandi; sed perge.

XXVI
Interrogatio
fir, quæ de-
beret emitti.

P A Z Z I U S. Pergo, & ecce responsum Atomistæ. *Quamvis, inquit, supponatur existens intra partes sui sub-
jecti, non tamen est intra partem ullam illius ejusdem sub-
jecti; & sic nullam illius partem afficit intrinsece: ergo
nec afficit intrinsece suum subjectum, quandoquidem sub-
jectum nihil est præter omnes partes, ex quibus constat.* Tum addit Palancus, *Sic ad literam præfatus Atomista.* An nosti, mi Rocchi, Atomistam illum? An ad literam ira est?

R O C C H I U S. Ad literam ita est: & Atomistam illum novi, sed non bene, quia nondum novi bene me ipsum. Verba hæc citat Palancus ex opusculo meo de accidentibus profligatis quæst. 1. art. 8. n. 65. ubi agens de activitate accidentium aio, quod sicut unum corpus non potest afficere intrinsece aliud, ita neque unum corpusculum

XXVII.
Nulla res
materialis
afficit aliam
intrinsece.

afficere aliud intrinsece potest : est etenim par ratio. Unde postea infero falsum esse quòd Aristotelici aiunt posse subiectum quodcunque materiale affici, videlicet intrinsece ab ulla huiusmodi entitalula materiali ac proinde corpusculari, quam vocant qualitatem, aut formam accidentalem. Hoc sensu corpuscula ignea, quæ sunt intra molem aquæ, non afficiunt illam, si proprie loquimur, intrinsece, cum intrinsece non afficiant ullam aquæ particulam : at moles illa coalescit ex omnibus suis particulis, nec est in se aliquid præter omnes. Sic aiebam ibi, & idem hic aio.

P A Z Z I U S. Optime quidem : & hæc est instantia nostri Scriptoris : ergo licet plures atomi ignis intromittantur atomis aquæ, nulla atomus aqua intrinsece afficitur ab atomis ignis, nec intrinsece immutatur : ergo nec intrinsece calida fit per atomos ignis : ergo tota aqua, quæ nihil aliud est præter omnes sui partes & atomos tam frigida manebit intrinsece, ac erat antea. . . . Ad quid ergo illa atomi ignis pro aqua calefacienda ? Sic Palancus. Ego verò addo, quòd in vestro systemate aut aqua non calefit contra hypothesim ; aut est calida simul & frigida, quod est contradictio, nis, vel certe contrarietatis plenissimum.

XXVIII.

Quæstio
aqua cale-
fac.

R O C C H I U S. Aqua illa est ab intrinseco frigida, & est ab extrinseco calida ; ubi est jam, mi Pazzi, plenitudo illa contradictionis, aut contrarietatis ? Error vester est in hoc quòd creditis, quòd aqua non esset calida, nisi ab intrinseco calida esset ; & rursus quòd nisi ab intrinseco calida esset, non posset jam calefacta calefacere aliquid ; quasi verò ad hoc ut calefiat & calefaciat non sufficiat ei societas ignis cum ipsa permixti.

XXIX
Calor aquæ
non est nisi
calor ignis
permixti.

P H I L A L E T H E S. Et ego quidem, Domini mei, si datis veniam loquendi & imponendi metas hodierno colloquio, dicam ingenue fuisse me diu in hoc errore vulgari, juxta quem creditur vim ignis calefactivam intrinsecam communicari aquæ in hunc modum, ut ei pariter fiat intrinseca

Intrinfeca ; & rursus ut ea pariter calefaciat deinceps ab intrinfeco , si quid illi apponitur , aut immergitur. Sed tum puduit me abiisse in errorem illum , quem neque novi , nisi ex quo mihi ab Atomistis demonstratum est rem unam non posse fieri ab intrinfeco aliam : ac proinde activitatem intrinfecam unius rei non posse fieri activitatem intrinfecam alterius. Hinc autem intellexi aquam non posse magis ab intrinfeco fieri calidam aut siccam , quàm ignem ab intrinfeco frigidum aut humidum. Unde mihi jam certissimum est illum aquæ calorem , de quo jam agitur , non esse nisi calorem ignis , qui sese corpusculatim inter partes aquæ permiscuit ac implicuit ; & ideo aquam non esse nisi denominative calidam , nisi denominative calefacientem ; quia nunc nihil caloris magis illi ab intrinfeco inest , quàm antè , dum nihil caloris habere reputabatur.

Sed de cætero ad quid opus est , ut aqua fiat 'ab intrinfeco calida , & ab intrinfeco calefactiva ? Ad nullum naturalem effectum id opus est ; quandoquidem ignis per aquam insinuaturs & cum illa permixtus id totum præstat , quod aqua præstaret , si ab intrinfeco calefieret , & calefaceret. Itaque , Domine nii Pazzi , quando manum mergis in aqua calida , ne putes aquam esse , quæ te calefacit , sed ignem aquæ immixtum : quando manum admoves ferro ignito , ne putes ferrum esse quod te urit , sed ignem ferro imbibitum. Uti quando aqua salsa palato molesta est , non id aquæ , sed salis aquam imprægnanti tribuitur : quando aqua , cui quis cicutam infudit , hominem necat , non id ad aquam , sed ad cicutam referur. Id ego à quibusdam annis sic arbitror , & consulo ut arbitreris. Consulo etiam ut à ratione , quæ infallibilis non est , procedas ad autoritatem infallibilem fidei , si quam habes pro stabiliendis accidentibus universis & singulis hac , tenus controversis.

XXX.
Aqua fieret inouilliret calida ab intrinfeco

P A Z Z I U S. Sed nunquid fines, Domine Philalethes; opponere me adhuc Rocchio pauca, sed magni ponderis, quæ hoc ipso in loco Palancus Atomistis opposuit.

XXXI.
Opponuntur multa, sed quæ nullius momenti sunt.

R O C C H I U S. Parcam, mi Pazzi, tuo labori: ecce substantiam totius oppositionis. Opponit quoddam si nulla particularis atomus aquæ invaderetur intrinsece ab aliqua particulari atomo ignis, nulla utique solveretur in vapores: quasi ad solutionem & abitionem alicujus atomi aquæ in vapores non sufficiat, quoddam dissocietur & propellatur ab atomo ignea pone instante. Opponit etiam quoddam nulla atomus aquæ in vapores abiret, quia nulla esse potest plus minusve extenta; quasi ad abeundum in vapores aliud requiratur, quam seungi ab atomis cæteris & in sublime attolli. Opponit adhuc aquam organo molendinario circumagitatam frigidam esse, atque ita calorem aquæ non consistere in commotione; quasi verò ullus Atomista vel somniando cogitaverit calorem aquæ consistere in commotione illius alia, quam quæ sit per ignem, à cuius consortio calida dicitur. Et hæc quidem ac similia ita levia sunt, ut eorum mentio potuisset facile prætermitti; sed, Domine mi Pazzi, volui servire desideriis tuis, & nihil tacere omnium, quibus credidisses posse tuas partes defendere. Jam ergo valedicamus Domino Philaleri & abeamus.

XXXII.
Clodius margaritas apponbat palato.

P H I L A L E T H E S. Imo Domini mei sponte, vel invite manebitis apud me hac nocte. Cænatiuncula mihi est, quam tripartiemur: videte fiduciam ac ingenuitatem erga vos meam. Non probabitis in mea, ut olim in mensa Clodii probatum est, quid in gloria palati sapiant margaritæ: at hospitis voluntatem probabitis omni sapore meliorem.

R O C C H I U S. Jam non semel illam probavimus.

P A Z Z I U S. Obtemperandum est tuæ jussioni, Domine Philalethes, quæ cæterum hoc titulo præter pluri-

mos est acceptissima, quòd dum honorem offers nocturnæ huius apud te per mansionis, gratiam polliceris aurium tuarum pro disputationum nostrarum serie non longius, quàm in crastinum differenda.



DIALOGUS XII.

QUAMMALB PROBENT
Aristotelisci accidentia ex speciebus Eucharisticis.

PERSONÆ COLLOQUENTES:

PHILALETHES, PAZZIUS, ROCCHIUS.

PHILALETHES. Non est datum homini, uti
advertitis hac horâ, Domini mei, suis ducere vitam
auspiciis & sponte sua componere curas. Anteluculo sur-
roxi, fuique compulsus egredi ad officia sollicitudinis ali-
cujus domesticæ. Cæterum putabam me illico reditu-
rum; sed repentina & personarum & rerum turba obli-
tit; & ecce nona imminet, quum me habetis reducem.
An renunciatum vobis non fuit de mea egressione inex-
pectata? An appositum vobis non fuit, unde robur ac-
cederet jejuno stomacho? Utrumque jusseram.

I.
Agitur de
accidentibus
probandis
per species
Eucharisti-
cas.

PAZZIUS. Et in utroque tibi fuit obtemperatum;
Domine Philalethes: fuitque simul à nobis animadver-
sum prætermittere te nihil omnium, quæ placere ac gra-
tificari tuis hospitibus possint.

ROCCHIUS. Animadvertimus & laudavimus, Opti-

Qq ij

me Philalethes: sed cui laus nulla placet, tibi nostra tacebitur. Jam verò noveris nos ab una & altera hora tuo in hoc musæo multa voluisse animo & lingua de rebus Eucharisticis, quâ parte spectant ad accidentia Aristotelica, quæ Pazzius quidem per eas admitti debere affirmat, ego verò per eas profligari oportere pronuncio. Hæc est hodiernæ disputationis materia, sed quæ de cætero tot secum ambages trahit, ac protrahit in tot contentiones, ut nunquam antehac magis, quàm hodie nobis tuo moderamine opus fuerit ad nihil inordinate aut superflue disputandum.

III.
Palancus
eadem ar-
gumenta af-
ferit, quæ
Geuparus.

Vellem, si fieri posset, nihil hîc repeti ex omnibus, quæ te audiente ac desiniente, inter nos olim sufficienter agitata sunt circa materiam istam, quando enitebar vindicare Maignannum ab impugnationibus Gennari. Tum, ut nosti, juris publici feci nostros dialogos sub titulo *systematis Eucharistici*, è quo hodiernus Adversarius noster Palancus transtulit in opus suum hoc contra Philosophiæ Novatores dialogisticum argumenta omnia Gennari, eadem fere ac sola; sed pro ingenio forti ac subtili, quo pollet, sæpe mutata in pulchriorem formam & urgentiorem. Notabitis etiam per parenthesis, Domini mei, & ad pœnam libri, si vultis, videbitis nihil quoad vim & substantiam objectionum hîc à Palanco dictum, nihil à Gennaro præoccupatum, quod anticipate non scripserit & non abunde solverit Maignanus in sua præsertim quinta appendice ad Philosophiam Sacram: adeò nihil ille de speciebus Eucharisticis affirmaverat, quod nesciret esse inexpugnabile, quia omnes impugnationes prævenerat, quæ deinde menti Adversariorum suorum occurrere possent aut ex Scriptura, aut ex Conciliis, aut ex Patribus, aut ex canonibus, aut ex suffragiis Theologicis, aut ex inventis philosophicis, &c.

III.
Cavebitur.

Claudo parenthesis, & redeo ad id quod aiebam fo-

Quam male Aristot. probent accidentia ex speciebus. Euch. 309
 re in votis meis, si posset fieri, abstinere ab omni superflua
 repetitione sive rationum, quibus firmata satis fuerit alibi
 nostra opinio, sive solutionum quæ satis ibidem infirma-
 verint opinionem oppositam. Nam quia plurima sunt &
 voluminis non unius, quæ in hunc modum & probata &
 soluta sunt, si probanda iterum & solvenda resumantur,
 non unius diei, sed anni disputationem exigent: Itaque
 tu equidem, Domine Philalethes, si quid in antiqua illa,
 cujus bene meministi, concertatione mea cum Pazzino
 propugnante opus Gennari, mihi non satis in hac materia
 probatum aut solutum fuit, id suggere ut hic, si potero,
 adimpleam quæ illic defuunt. Tu verò, Domine mi Pazzi,
 qui agis hodie pro Palanco restaurante pugnam Gennari,
 & iisdem ac fere solis armis utente, in hoc si placet, to-
 tus incumbe, ut ejus nomine non proponas, nisi quod
 magis invictum ac demonstrativum videbitur: ac proin-
 de leves ictus, si quos tulit, tace ne rideantur; sed for-
 tes si quos tulerit, loquere ut seridè retundantur.

nequid re-
 putatur ex
 systemate
 Eucharisti-
 co:

P A Z Z I U S. Rem difficilem postulas; quia enim Pa-
 lancus ex omnibus, quæ de suo aut de alieno afferre po-
 terat, selegit quidquid fortius ac virilius, quidquid altius
 ac subtilius ipsi videbatur, nihil reliquit hic meo delectui.
 Obtemperabo tamen, ut potero.

P H I L A L E T H E S. Ego pariter video tentari me su-
 pra id quod possum: moveris enim, mi Rocchi, non esse me
 tenacissimæ ejus memoriæ, cujus aliquando fui; & ita
 in potestate mea non esse, ut hoc in ipso temporis puncto
 recitem unâ serie observationes à me olim factas circa id,
 quod in vestris hinc & inde pugnis veteribus & ad præ-
 sentem materiam spectantibus dubitationi relictum est ob
 insufficientiam aggressionis, aut defensionis. Confido ta-
 men non earum paucas & eas saltem quæ momenti ma-
 joris fuerint, in animum esse recursuras paulatim & quas,
 ut occurrerint, communicabo. Tum inde accipietis con-

IV.
 Quæritur
 notio physi-
 ca specierum
 sensibilium.

silium opportunius ad nihil prætermittendum quod dici debeat, & ad dicendum nihil, quod debeat prætermitti. Itaque hoc primum memini à me observatum fuisse quòd non satis fuisset agitata inter vos & elucidata notio physica specierum sensibilium generatim: nam hinc maxime ac fere unice pendet veritas, aut falsitas opinionis, quam alter vestrum impugnat, alter propugnat de accidentibus Aristotelicis intelligendis per eas species, quas post substantiarum panis & vini transmutationem definitum est in Eucharistia remanere. Capite, si placet, mentem meam. Ad hoc ut verificari possit accidentia Aristotelica quantitatis, gravitatis, coloris, figuræ, &c. intelligi debere per species, quas definitum est remanere post consecrationem panis ac vini, oportet ut ante utriusque consecrationem fuerint veræ species utriusque: siquidem remanere non possunt, nisi quales præfuerint.

V.
Et qualiter
accidentia
possint esse
species.

Hinc opto ut hoc primum examini vestro subjiciatis, an accidentibus Aristotelicis generatim loquendo conveniat esse veras species substantiarum, quarum sunt accidentia. Etenim si res ita est, hoc ipso quòd definitur species panis & vini remanere, eadem definitione statuitur accidentia prædicta panis & vini remanere: quia verò remanere non possunt nisi præfuerint, vi ejusdem definitionis patebit accidentia hujusmodi præexistisse. Sed tum si res aliter haberet, id est, si accidentibus Aristotelicis non conveniret esse veras species suarum respective substantiarum, nihil ex remanentia specierum panis & vini concludi posset in gratiam talium accidentium panis & vini: sicque omnino esset incertum an remanerent, imo an præexistissent. Tandem ut advertitis, Domini mei, pendet tota decisio theologica vestræ hodiernæ disputationis ex decisione philosophica, quam aperui & præoccupandam proposui circa veram notionem sensibilium specierum pendentem, aut independentem ab accidentibus Aristotelicis.

Quàm male Arist. probent accid. ex speciebus. Euch. 311

P A Z Z I U S. Placet admodum, Domine Philalethes, iste disputandi ordo, quem proponis; & hinc magis placet, quod noster Palancus in hoc ex professo incubuit, ut probaret species Eucharisticas esse vera accidentia, quod utique probat in dialogo septuagesimo secundo, cujus hic titulus est, *Explicantur species sensibiles in Sacramento per vera accidentia, &c.* Unde mihi non arduum erit eruere veram notionem specierum sensibilibus, & ostendere illam propriissime convenire accidentibus Aristotelicis ad representandas substantias, quibus inhærent.

R O C C H I U S. O te beatum, mi Pazzi, si poteris ex dialogo illo, quem sæpius legi, eruere veram illam, quam quærimus, notionem specierum sensibilibus & earum propriissimam convenientiam cum accidentibus Aristotelicis, de quibus sermo est. Neutram in illo invenire potui. Da, si placet, librum & legam, & fortè intelligam, si te habueropro interprete. Ecce Atomista sic interrogat. *Sed quid rei physica est hujusmodi representatio realis & sensibilis?* illa scilicet representatio, per quam panis consecratus apparet panis, ut antè. Palancus sic respondet. *Est sane ipsa species realis & sensibilis, quam panis præferebat formaliter in se ipso.* Tum Atomista quærit insuper, *quid est hujusmodi species,* quam videlicet panis præferebat formaliter in se ipso? & Palancus respondet. *Non est quidem aliqua species intentionalis, aut intelligibilis, prout species sunt in intellectu, aut in sensu: nam sic non possit constituere sacramentum reale ipsa positum, & existens extra sensum & intellectum. Nec item est species virtualiter, & per modum motus aut qualitatis transeuntis, qualiter sunt species in diaphano, vel in aëre transeunter tantum. Sed est species realis, realisque apparentia sensibilis, qua panis sensibiliter apparet panis, &c.*

Brevius dixisset speciem, quæ in quæstione posita est, non esse speciem receptam, non esse speciem transmissam,

V I.
Quid intel-
lexerit Pa-
lancus per
speciem sen-
sibilem.

Dial. 72. n.
613.

V I I.
Potuisset
brevius ex-

ponere suam
mentem.

sed esse speciem subsistentem. Cum igitur de ista sit quæstio, de ista debuit reputare se interrogatum, & de ista respondere quid esset. Interrogatus quid sit species panis consecrati, respondet quodd eadem sit ac species panis non consecrati: interrogatus deinde quid sit species panis non consecrati, respondet quodd est species, qua panis apparet panis. Quod est respondere, ac simul non respondere.

Dan. 10.
Psal. 44.
Eccli. 9.

P A Z Z I U S. Debuiſti legere quod sequitur, mi Rocchi, & vidisses claritatem ac dignitatem responsi absoluti. Lege tria hæc loca, quæ affert ex sacris paginis, *species mea immutata est in me.* Ac tum *specie tua & pulchritudine tua* Et deinde *ne circumspicias speciem alienam*: quæ loca, inquit, *plane significant speciem realem corporum.*

R O C C H I U S. Sed neque adhuc respondet, mi Pazzi; nemo negat speciem realem corporum; quæritur quid sit illa species realis: ad hoc quæsitum debuit responderi.

VIII.
Exponitur
aliter quid
sit species
realis corporum.

P A Z Z I U S. Sed, mi Rocchi, habe, oro, patientiam & audies quid sit illa species realis. *Species igitur realis*, inquit, *relate ad omnes sensus formalissime est ornamentum illud coloris, figuræ, extensionis, odoris, saporis, suavitatis, mollietiei, aut duritiei, & aliorum huiusmodi, quibus substantia corporea constituitur formaliter sensibilis, &c.* Paulò post addit, *Plane intelligitur speciem corporis, aut substantiæ corporeæ nihil rei physica esse, nisi ornamentum substantiæ ex omnibus illis accidentibus constans, quibus formaliter se præsentat aut repræsentat in ætæ primo sensibus.* Tum concludit, *Constat ergo speciem panis esse cumulatam accidentium prædictorum, siue ornamentum ex illis coalescens in substantia panis.* An adhuc tibi satisfactum non erit? Nulla est substantia, quæ sua non habeat accidentia: hæc collige & hæc intellige esse speciem illius. Sic igitur panis, ut rebus cæteris, sua sunt accidentia, quæ sunt species ejus: & ideo post transubstantiationem vera ejus species manet, si accidentia manent; sed aliter manere, quàm istis manentibus

Quam male probent Arist. accid. ex speciebus. Euchar. 313
manentibus non potest. Atque ita id, quod definitum fuit
de solis ac duntaxat speciebus panis & vini post consecra-
tionem remanentibus, reputari debet pariter definitum de
solis ac duntaxat accidentibus utriusque. Quid ais, mi
Rocchi? estne lux ipsa clarior hac consequentia?

R O C C H I U S. Aio nullas in luce tenebras esse: & in
hac consequentia multas esse, scilicet ortas ex tenebris
præmissarum. Vide jam igitur, mi Pazzi, tenebras istas.
Tenebræ sunt in hoc quod affirmatur accidentia repræsen-
tare substantias: nam sine aliqua similitudine nulla repræ-
sentatio est: at inter substantias & accidentia similitudinis
nihil est. Rursus similitudinis nihil est inter accidentia om-
nia unius substantiæ, unde si fortè substantia uni accid-
entium suorum esset similis, dissimilis esset aliis omnibus; &
ideo ista non concurrerent ad repræsentationem illius:
qua ratione cumulus accidentium tam dissimilium ineptis-
simus est ad repræsentandam substantiam. Cæterum hîc
supponitur substantias repræsentari per accidentia: quid
hoc est? repræsentari ad visum, ad auditum, ad gustum
vel alium sensum? Atqui non magis videmus, aut audi-
mus, aut gustamus rerum substantias quàm essentias, aut
subsistentias, aut potentias, &c. Istæ siquidem formalita-
tes nulli sensui corporeo parent, soli intellectui reservantur.
Quid ergo est quod dicitis substantias per accidentia sen-
sibiliter repræsentari, quando nulla unquam ulli aliquan-
do sensui patuit?

Tenebræ sunt in hoc quod dicitur substantias ornari per
accidentia, & hoc ornamentum accipi debere pro specie,
qua repræsentantur. Nihil aliquando magis metaphoricum
audivi: nam quòd accidentia ornent, aut non ornent sub-
stantiam, perinde accidentia sunt: & res foedissimæ ac
omni ornatu destitutæ, perinde ac pulcherrimæ & orna-
tissimæ, habent & exhibent speciem sui. Quid hoc igitur
est substantias ornari per accidentia? An accidentia sunt

IX.
Declaratur
multiplex
obscuritas
præmissæ ex-
positionis.

X.
Falsum est
substantias
ornari per
accidentia.

veluti quædam vestes sericæ ac deauratæ substantiarum? Sed si substantiæ & accidentia se habent penetrative ad invicem, ut Aristotelicorum doctrina hæc est, non potius substantiæ ab accidentibus, quàm à substantiis accidentia induuntur: quamquam si nihilominus tribuitur accidentibus vestire substantias, non illas utique repræsentare, sed occultare tribuitur; qualiter vestes non repræsentant corpus, sed occultant. Tenebræ sunt in hoc quod dum providetur repræsentationi substantiarum per accidentia, veluti ornamenta ipsarum, non providetur repræsentationi accidentium: nam accidentium perinde ac substantiarum debet esse aliqua species, & ea quidem realis: quare sciendum superest quid sit hæc species realis accidentium.

XI.
Assignari
deb. rent sug-
species sin-
gulis acci-
dentibus.

Aut etiam accidentibus propria sunt ad ipsorum repræsentationem aliqua ornamenta? An se invicem ornabunt; ut se invicem repræsentent? Non puto tamen repræsentari posse figuram ab odore, aut odorem à mollietie, aut mollietiem à sapore, &c. Cuilibet talium accidentium sua singularis competit species, siue qua non potest ulli nostrorum sensuum exhiberi. Dic igitur, mi Pazzi, quid sit species odoris, quid sit species mollietiei, quid sit species saporis, &c. aut donec id dixeris, dicam tenebras esse in vestra illa doctrina de speciebus sensibilibus corporum. Dicam in particulari valde obscurum esse quod aiebas esse tam clarum de identitate inter species panis & accidentia panis, & unde inferebas species panis post ejus consecrationem superstites esse illa ipsa singula & omnia accidentia, quæ olim panem præsentem repræsentabant, & adhuc repræsentant, licet absentem.

XII.
Respondet ut
accidentia
esse sensibilia
per se ipsa.

P A Z Z I U S. In hunc modum quo agis, mi Rocchi, tenebras ubique reperies. Ad quid opus est tam minutim, tam curiose res istas perscrutari? Quæsisisti quid sit species realis corporum, & dixi illam speciem consistere in cumulo accidentium, quæ investiunt & adornant substantiam. Tu

Quam male probent Arist. accid. ex speciebus. Euchar. 315
verò postquam jocos fecisti & ista vestimenta & ista orna-
menta substantiæ, iterum quæris quid sit species realis ac-
cidentium, paratus ad quærendum & tertio & quarto &
fine fine quid sit species speciei, quam assignabimus. Qua-
re ut his quæsis metas impertransibiles figam, pronun-
ciabo speciem substantiæ accidentia esse, ut declaravi, ac-
cidentium verò speciem nullam esse, sed esse sensibilia per
se ipsa.

R O C C H I U S. Sed sic respondere, mi Pazzi, nunquid
est in desperationem abire? Memento, si sapias, re perso-
nam hinc agere doctissimi, simul ac juratissimi Aristotelici,
qui nunquam id sensit, qui è contra sensit accidentia omnia
egere ad sui sensationem efficiendam speciebus pro-
priis & distinctis. Quid, Domine mi Pazzi, si hoc sensit
de luce, an dubitabis quin de accidentibus cæteris ita sen-
serit?

P A Z Z I U S. Non erit dubitandi locus; quia lux per
se valde sensibilior est ob ingenitum splendorem, quàm
accidens ullum è cæteris.

R O C C H I U S. Suppono, Domine Philalethes, ha-
bere te in hoc tuo magnifico Musæo Palancum.

P H I L A L E T H E S. Habeo plane opera illius omnia
& Theologica & Philosophica: & hinc utraque sunt ad
manum.

R O C C H I U S. Itaque Palancus in libro secundo de
anima, quæstione tertia, quæ est de *potentia visiva & ejus*
objecto ac subjecto, inter varia quæsitæ inquit septimò,
An lux per se videri possit, & isti quæstioni tripliciter re-
sponderet; sed omisiss duabus prioribus responsionibus, quæ
minùs sunt ad rem præsentem, lego sic tertiam. *Respondit*
tertiò, inquit, *lucem adhuc in corpore luminoso non videri*
per se absque specie distincta, sed per speciem aliquam à se
distinctam. Et addit, *Patet ex d. Thoma q. 10. de verita-*
te art. 8. ad 10. ubi sic ait. Ipsa enim lux, quæ est in Sole,

XIII:
Ostenditur
Palancum
li. 1. et sensu-
se.

R r ij

non videtur à nobis, nisi per similitudinem ejus in visu nostro existentem : & concludit , Non ergo per suam speciem absque specie distincta. Reddo librum.

XIV.
Cor Ad-
versarius.
dissimula-
re hanc opi-
nionem.

PHILALETHE s. Poruisti, mi Rocchi, parcere la-
bori hujus lectionis : nam Pazzius noster , si voluisset ,
locum illum recitasset memoriter ; aded parum ignorabat
Palancum in hac opinione fuisse. Sed maluit hanc opi-
nionem dissimulare , ut se liberaret ab importunis quæ-
sitionibus , quibus se à te præsentiebat exagitandum circa
species , per quas fateretur accidentia sensus nostros af-
ficere. Prævidebat quod si fateretur lucem Solarem vide-
ri per speciem à se distinctam , illico quæsiturus eras quid
sit species illa lucis in luce ipsa ; quid sit illa species in
medio quod pertransit ; quid sit in subjecto , in quo reci-
pitur : ac deinde quæsisset modum physicum , quo multi-
plicatur , quo propagatur , quo recipitur , ut mittam
cætera. Sed neque pro jure , quo me voluisti apud te va-
lere , permissem hunc dialogum distrahi ad hujusmodi
difficultates , quas memini jam semel fuisse olim à te pro-
positas Pazzio , quando inter vos certatum fuit , *An non*

*syss. Euch- verius per atomos , quam per formas exponatur quidquid
1. 1. dial. 5. pertinet ad sensationes corporeas efficiendas ?*

P A Z Z I U S. Memini etiam illius nostri certaminis ;
quod hinc superflue restauraretur. Sed jam vicissim an non
veniam dabis , mi Rocchi , quærendi per quas species tu
vides substantias & accidentia.

XV.
Nec sub-
stantiæ nec
accidentia
videntur.

R O C C H I U S. Valde me intricas , mi Pazzi ; ego ne-
que substantias , neque accidentia unquam vidi , & quæ-
ris à me quæ sint species , per quas & illas & ista video.
His oculis non vidi hætenus nisi corpora , quæ nec sunt
substantiæ , nec accidentia ; tantum in corporibus illis con-
cipio formalitates substantiarum & accidentium : & istæ
quidem formalitates sunt res , quæ obijciuntur menti , sed
non sunt res , quæ subiaceant visui. Corpora sunt quæ cor-

Quam male probent Arist. accid. ex speciebus. Euchar. 317
 poraliter videntur; & hæc quidem corpora sunt extensa,
 gravia, figurata, colorata, rara, mollia, lævia, &c. neque
 non talia videmus aut alio sensu corporali percipimus; sed
 tum non videtur, neque ullo sensu percipitur id formale
 ac præcisum, per quod illa corpora sunt extensa, & quod
 vocamus *extensionem*: id formale ac præcisum, per quod
 sunt gravia, & quod vocamus *gravitatem*: id formale ac
 præcisum, per quod sunt figurata, & quod vocamus *figu-*
ram: atque ita de cæteris.

Quo pacto extensio, gravitas, figura, &c. non sunt
 nisi formalitates intelligibiles in corporibus hujusmodi ex-
 tensis, gravibus, figuratis, &c. Neque obstat isti veritati
 vulgaris loquendi usus, juxta quem sermo fit de formalita-
 tibus illis, de qualitatibus illis abstractis perinde ac de
 rebus, quæ suam seorsum propriam ac singularem entita-
 tem corporalem haberent; nam non sic veritas pendet ex
 sermonibus vulgi. Loquitur ac sentit vulgus de extensio-
 ne corporis, uti de re corporea superaddita corpori: tum
 accedit Philosophus, & disquirat quid sit illa extensio,
 reperitque illam aliud esse nihil, quàm positionem partium
 talis corporis extra partes, & ideo aliud nihil esse, nisi par-
 tes ipsas non penetratas; unde concludit extensionem
 præcise acceptam, sibi que uni seorsum intelligibili relic-
 tam nihil habere corporeæ entitatis. Atque in hunc mo-
 dum accidentia cætera persequeret; sed intelligentibus
 pauca.

PHILALETHES. Si persequi cepisses, Domine mi
 Rocchi, rogaturus eram non persequi. Nam nunquid nu-
 per inter vos pactum conventumque fuit judicandum esse
 per existentiam aut non-existentiam realem cujusvis assig-
 nabilis accidentis de existentia aut non-existentia reali om-
 nium? Nisi quod jam satis intelligimus atomismum tuum,
 juxta quem præter corpora ipsa, seu præter partes corpo-
 rum integrantes, nihil omnino est in corporibus illis, quod

XVI.
 Qualiter
 accidentia
 non habeant
 propriam
 realitatem.

XVII.
 Quæritur
 quid sint
 species in
 sensu ato-
 mistico.

non videtur à nobis, nisi per similitudinem ejus in visu nostro existentem : & concludit , Non ergo per suam speciem absque specie distincta. Reddo librum.

XIV.
Cor Ad-
versarius
dissimula-
vit hanc opi-
nionem.

PHILALETHE S. Poruisti, mi Rocchi, parcere la-
bori hujus lectionis : nam Pazzius noster , si voluisset ;
locum illum recitasset memoriter ; adeò parum ignorabat
Palancum in hac opinione fuisse. Sed maluit hanc opi-
nionem dissimulare , ut se liberaret ab importunis quæ-
sitionibus , quibus se à te præsentiebat exagitandum circa
species , per quas fateretur accidentia sensus nostros af-
ficere. Prævidebat quòd si fateretur lucem Solarem vide-
ri per speciem à se distinctam , illico quæsiturus eras quid
sit species illa lucis in luce ipsa ; quid sit illa species in
medio quod pertransit ; quid sit in subjecto , in quo reci-
pitur : ac deinde quæsisisses modum physicum , quo multi-
plicatur , quo propagatur , quo recipitur , ut mittam
cætera. Sed neque pro jure , quo me voluisti apud te va-
lere , permisissim hunc dialogum distrahi ad hujusmodi
difficultates , quas memini jam semel fuisse olim à te pro-
positas Pazzio , quando inter vos certatum fuit , *An non
verius per atomos , quàm per formas exponatur quidquid
pertinet ad sensationes corporeas efficiendas ?*

Syst. Euch-
r. 1. dial. 5.

PAZZIUS. Memini etiam illius nostri certaminis ;
quod hîc superflue restauraretur. Sed jam vicissim an non
veniam dabis , mi Rocchi , quærendi per quas species tu
vides substantias & accidentia.

XV.
Nec sub-
stantiæ nec
accidentia
videntur.

ROCCHIUS. Valde me intricas , mi Pazzi ; ego ne-
que substantias , neque accidentia unquam vidi , & quæ-
ris à me quæ sint species , per quas & illas & ista video.
His oculis non vidi hætenus nisi corpora , quæ nec sunt
substantiæ , nec accidentia ; tantum in corporibus illis con-
cipio formalitates substantiarum & accidentium : & istæ
quidem formalitates sunt res , quæ obijciuntur menti , sed
non sunt res , quæ subjaceant visui. Corpora sunt quæ cor-

Quàm male probent Arist. accid. ex speciebus. Euchar. 317
 poraliter videntur; & hæc quidem corpora sunt extensa,
 gravia, figurata, colorata, rara, mollia, lævia, &c. neque
 non talia videmus aut alio sensu corporali percipimus; sed
 tum non videtur, neque ullo sensu percipitur id formale
 ac præcisum, per quod illa corpora sunt extensa, & quod
 vocamus *extensionem*: id formale ac præcisum, per quod
 sunt gravia, & quod vocamus *gravitatem*: id formale ac
 præcisum, per quod sunt figurata, & quod vocamus *figu-*
ram: atque ita de cæteris.

Quo pacto extensio, gravitas, figura, &c. non sunt
 nisi formalitates intelligibiles in corporibus hujusmodi ex-
 tensis, gravibus, figuratis, &c. Neque obstat isti veritati
 vulgaris loquendi ulus, juxta quem sermo fit de formalita-
 tibus illis, de qualitatibus illis abstractis perinde ac de
 rebus, quæ suam seorsum propriam ac singularem entita-
 tem corporalem haberent; nam non sic veritas pendet ex
 sermonibus vulgi. Loquitur ac sentit vulgus de extensio-
 ne corporis, uti de re corporea superaddita corpori: tum
 accedit Philosophus, & disquirat quid sit illa extensio,
 reperitque illam aliud esse nihil, quàm positionem partium
 talis corporis extra partes, & ideo aliud nihil esse, nisi par-
 tes ipsas non penetratas; unde concludit extensionem
 præcise acceptam, sibi que uni seorsum intelligibili relic-
 tam nihil habere corporeæ entitatis. Atque in hunc mo-
 dum accidentia cætera persequeret; sed intelligentibus
 pauca.

PHILALETHES. Si persequi cepisses, Domine mi
 Rocchi, rogaturus eram non persequi. Nam nunquid nu-
 per inter vos pactum conventumque fuit judican. lum esse
 per-existentiam aut non-existentiam realem cujusvis assig-
 nabilis accidentis de existentia aut non-existentia reali om-
 nium? Nisi quod jam satis intelligimus atomismum tuum,
 juxta quem præter corpora ipsa, seu præter partes corpo-
 rum integrantes, nihil omnino est in corporibus illis, quod

XVI.
 Qualiter
 accidentia
 non habeant
 propriam
 realitatem.

XVII.
 Q. æritat
 quid sint
 species in
 sensu ato-
 mistico.

habeat vel quid minimum alicujus corporeæ entitatis. Sed tum per sensusprehenditis, sicut cæteri hominum, corpora illa esse extensa, gravia, figurata, colorata, &c. neque id prehenderetis, nisi ad tales sensationes sui efficiendas objective concurrerent: ad illas autem sic efficiendas concurrunt per correspondentes sui repræsentationes; & istæ repræsentationes, vocantur *species*. De istis saltem speciebus Pazzio respondebis quid sint: & id libenter ambo audiemus; nec inutiliter ad aliam observationem circa res istas olim à me factam & hoc ipso momento sese meæ memoriæ offerentem.

XVIII.
Species sunt
repræsentationes ipsæ.

ROCCHIUS. Quæris quid sint species; dum tu ipse quæstioni respondes, Domine Philalethes, & ita quidem ex integro, ut nihil respondendum supersit. Species sunt illæ repræsentationes, per quas objecta ad sui sensationes efficiendas concurrunt: illæ autem repræsentationes sunt activæ, aut passivæ, & ita reducuntur ex parte objectorum ad id unum, quod est agere aut pati: & ecce Philosophiam omnem atomisticam de speciebus sensibilibus corporum.

PAZZIUS. Habetis hic Philosophiam mire brevissimam, mi Rocchi; sed illam, nisi dignaberis aliquantulum dilatare, non capio. Dic, si placet, quid sit species corporis-quantum, quid sit species corporis gravis, quid sit species corporis colorati, quid sit species corporis figurati: ac tum de cæteris speciebus quid sint conijciam ex istis quatuor.

PHILALETHES. Dic etiam, si placet, quid sit species corporis lucidi, lapidi, odori & sonori: ex quibus quatuor istis specierum generibus patebit clariùs veritas atomisticæ hujus Philosophiæ de speciebus; sed dic quàm brevissime poteris: prævideo enim magnam copiam rerum, quæ hodiernæ vestræ disputationi se offerent.

XIX.
Exponitur

ROCCHIUS. Utriusque voluntati ut paream, dico corpus, quod est quantum, sive extensum sufficienter so-

rale representare per hoc, quodd offert visui & tactui plures
sui partes seorsim videndas atque tangendas. Atque in hunc
modum illa repræsentatio tum activa, tum passiva partium
extra se positarum est vera & sola species corporis quan-
ti, sive extensi, juxta notionem communem extensionis
consistentis in positione partium extra partes. Deinde sup-
positâ notione gravitatis consistentis in descensu, aut in
nisi ad descensum, corpus per hoc unum sufficienter se
repræsentabit grave, per quod exhibebit se ita descendens,
aut enitens ad descensum: & ideo præter hanc exhibitio-
nem sive activam, sive passivam quærenda non est alia
species corporis gravis. Sic etiam quærenda non erit alia
species corporis colorati, quàm repræsentatio quæ sit per
lumen reflexum illius extremæ perspicuitatis, in cujus ap-
parente modificatione consistit color. Et cum figura in
terminatione quantitatis consistat, quare alia quæreretur
species corporis figurati, quàm actio illa vel passio, per
quam corpus illud se repræsentat taliter terminatum: sic
autem se repræsentat per hoc unum, quod habet & exhibet
partes suas sub his aut illis terminis, seu locis ultimis com-
prehensas. Ecce, mi Pazzi, quid sint quatuor illæ species,
de quibus à te rogatus fui.

Audi, mi Philalethes, quid sint aliæ quatuor, de qui-
bus insuper me rogasti. Concipe corpus lucidum corpus-
cula lucis radiatim mittere aut remittere, quæ per se aut
per fluida intermedia vim talium radiorum habentia fe-
riunt oculum: Concipe corpus sapidum habere varios sa-
les pungentes ac titillantes palatum: concipe corpus odo-
rum corpusculari quodam effluvio nares afficere: concipe
corpus sonorum ex vi percussioneis admittere in se vibra-
tiones, quæ reperiuntur in aërem illas undulatim re-
ferentem ad auris tympanum. Hoc tantum si concipis,
deprehendes actiones & passionem, quibus corpora ista
concurrunt ad præmissos effectus, esse veras ac solas spe-

de multis
speciebus in
particulari
quid sint.

XX.
Aliæ quæ-
dam species
exponuntur.

cies, per quas repræsentantur lucida, sapida, odora, & sonora. Sed neque aliter omnino discurrendum est de omnibus generatim speciebus, per quas corpora omnia se se cum discrimine pene infinito suis respective sensibus taliter, aut taliter repræsentant. Atqui, ut video, nondum expectationi vestræ, Domini mei, satisfactum est; nam oportet adhuc, quod primum est, ostendere qualiter hæc Philosophia transferri possit ac debeat ad species Eucharisticas solas ac duntaxat manentes post consecrationem panis & vini.

XXI.
Proponitur
difficultas
de speciebus
passivis.

PHILALETHES. Hoc opus, hic labor est, mi Rocchi; sed nihil, quæso, antè aggredere, quàm tibi comminica-
verim recordationem meæ cujusdam alterius observa-
tionis antiquæ circa vestram illam de speciebus generalem
doctrinam ad casum particularem de speciebus Eucharis-
ticis translatam. Itaque intelligebam quod aiebas olim
posse Christum in Sacramento divinitus agere id omne,
quod panis ageret, si adesset: sed non intelligebam quo-
modo Christus sic posset pati quidquid pateretur panis, si
adesset. Unde quia species panis naturalis aliæ in actio-
nibus, aliæ in passionibus ipsum repræsentantibus consis-
tunt, ut mox dixisti, hinc hodie adhuc minùs intelligo
posse in Sacramento remanere omnes species panis, Chris-
to scilicet valente quidem omnes actiones panis jam trans-
substantiati supplere, sed non valente passionibus illius in se
admittere. Hæc difficultas olim me premebat, ut memini,
& adhuc me premit.

XXII.
Adversarius
hanc diffi-
cultatem vo-
cat urgen-
tissimam.

PAZZIUS. Hanc difficultatem, Domine Philalethes,
Palancus vidit, & insuperabilem esse agnovit: quare se-
cundo loco illam recensuit inter *rationes urgentissimas*,
quæ, ut conversus ad suum Atomistam aiebat, per vestras
actiones objectivas eludi non possunt. Hanc, si annuis, op-
ponam Rocchio; non meis tamen, sed ipsissimis verbis
nostri Authoris, ne fortè de illius vi aliquid pereat.

PHILALETHES. Sed cur, mi Pazzi, hanc secun-
dam

Quàm male probent Arist. accid. ex speciebus. Euchar. 321
dant urgentissimam rationem afferres primâ omisâ : hæc
forsan erit, quæ Adversarium tuum urgebit acrius.

ROCCHIUS. Affer, affer, mi Pazzi, utramque ; amo
urgeti : & si tertia quædam est pariter urgentissima ,
noli omittere.

PAZZIUS. Itaque audi Palancum. Mitto alias ratio-
nes urgentissimas , quæ per vestras actiones objectivas elu-
di non possunt. Prima, quia actio formalis occupandi locum,
seu spatium intra superficiem aëris ambientis hostiam , non
est actio objectiva, sed actio formalis & physica. Debetis er-
go vel dicere spatium illud vacuum realiter & physice ma-
nere, vel admittere quantitatem realem panis, quæ occupa-
tur localiter & circumscriptive; nam per corpus ipsum Chris-
ti sic non occupatur, multoque minus per actiones divinas
formaliter indistinctas ab ipsa Divinitate. Quid hinc su-
perest, mi Rocchi, nisi ut eligas aut vacuitatem loci, in
quo est hostia ; aut quantitatem in loco illo, ad illum vide-
licet replendum. Elige.

ROCCHIUS. Eligo, mi bone Pazzi , vacuitatem,
quam vos vitare falsò præsumitis per vestram illam Aris-
totelicam quantitatem. Locum repleri per corpus, verum
est ; sed perinde repleri per solam quantitatem illius cor-
poris, falsum est, nihilque magis chimæricum est. Quid
est quantitas ? est extensio, id est, positio partium extra
partes : tolle jam partes, quid superest ? positio. At hæc
positio cum jam non sit positio partium, nullius rei posi-
tio est, & ideo nulla res est. Quod cum ita sit, quis ille est
mentis adeò parum philosophicæ, qui putet perinde ad
locum replendum se habere positionem alicujus rei ac
positionem nullius rei ? Ac proinde vestra illa quantitas,
quæ cum materia ex hypothesi locum replet, illum si-
ne materia non replet : hinc falsò arguitis locum, ubi
est hostia, fore plenum, modò ibi sit quantitas panis,
licet absit materia panis. Amovete, quæso, à Vobis er-
rorem tam turpem.

S f

XXIII.
Opponitur
quod locus,
ubi est hos-
tia, esset va-
cuus.

XXIV.
Talis va-
cuitas non
est repug-
nans.

P A Z Z I U S. Sed saltem à nobis aliquatenus provide-
tur plenitudini loci hujus, ubi est hostia, quando in eo
supponimus quantitatem: vos autem nullatenus illi pro-
videris, quando in eo non supponitis, nisi actiones ob-
jectivas Christi divinitus operantis. Nisi quòd quantitas
illa secum habet accidentia cætera materialia, quæ hoc
titulo non sunt ut actiones illæ objectivæ spirituales, om-
nino ineptæ ad locum replendum.

XXV.
Ad acci-
dentia non
pertinet re-
plere locum.

R O C C H I U S. Jam dixeras, mi Pazzi, quòd in eo
loco supponeres quantitatem; sed si quantitas hæc, ut
nullius rei quantitas est, ita res nulla est sive spiritualis,
sive materialis, locus in quo hanc supponis, perinde va-
cuus est ac si non supponeres in eo, nisi chimæram: unde
fit ut à vobis plenitudini ejus loci non aliter provideatur,
quàm in speciem & verbo tenus. Nos autem bonæ fidei
sumus, & cum locum fatemur vacuum, quia jam in eo
corpus panis non est: & rursus quia Christi corpus,
quod in eo est, nec extensum, nec circumscriptum est, ut
ad replendum locum necesse est: qua ratione neque per
objectivas actiones ullas repleti potest. De cætero perti-
nebit ad Deum, si voluerit, substituere substantiam ali-
quam corporalem pro panis substantia, quæ in corpus
Christi mutata est: quamquam putamus tale vacuum etiam
millies ac nullies multiplicatum nullius detrimenti fore
ad res Naturæ. Neque non Aristotelici compelluntur re-
currere ad similem substitutionem, quia tandem illa quan-
titas, etsi locum repletet, nunquid illum vacuum relin-
queret, quando cum cæteris accidentibus esse desineret?

XXVI.
Vel præ-
sertim ob id
quòd se in-
vicem pene-
trant.

Quòd autem ad hæc accidentia cætera recurritis ad
meliùs locum replendum, error idem est: nam si quanti-
tas nullius rei res nulla est, ita gravitas nullius rei res nulla
est, ita figura nullius rei res nulla est, &c. ac proinde ac-
cidentia hujusmodi etiam infinita non replerent locum,
de quo est sermo. Ultra quòd accidentia id genus omnia,

Quàm male Aristot. probent accidentia ex speciebus. Eucb. 323
 stando in tricis Aristotelicis, se habent penetrative ad invicem; & ideo non magis per omnia, quàm per unicum prædictus locus, in quo est hostia, repleretur. Tandem si accidentibus Aristotelicis perinde ac corporibus convenit locum replere, superflua sunt ad Mundum replendum corpora: sicque illæ plenitudine spatii totius mundani annihilari poterunt universa: quid simile fuit unquam à Poëtis fictum? Itaque mi Pazzi, non video Atomistas valde urgeri per primam illam *urgentissimam* rationem Vestri Authoris. Ad secundam, si placer.

P A Z Z I U S. Pergo sic legere. *Secunda. Nam ad veritatem Sacramenti non solum requiruntur actiones objectiva panis, sed etiam passionibus accidentales: nam species Sacramentales se ipsa corruptibiles sunt; alioquin frustra esset tanta cura in Ecclesia Sacramentum renovandi: istam autem corruptibilitatem Deus ut Deus, imo nec corpus Christi gloriosum per se ipsum formaliter supplere potest.* Hujus rationis vim quomodo declinabis, mi Rocchis? oportet enim ut hîc assignes aliquid corruptibile, ubi nihil est præter Christum & accidentia panis: in Christum autem cadere corruptibilitas illa non potest: igitur ut in accidentia cadat necesse est. Hujus rationis vim, iterum dico, quomodo declinabis, mi Rocchi?

R O C C H I U S. Et quomodo tu, mi bone Pazzi, non advertis solutionem primæ illius *urgentissima* rationis esse solutionem istius pariter *urgentissima*? Dico quantitatem quæ nullius rei quantitas est, & ideo res nulla est, corruptibilem non esse: dico gravitatem, quæ nullius rei gravitas est, & ideo res nulla est, corruptibilem non esse; præsertim quia hîc sermo est de corruptione substantiali, quæ per incuriam aliquando contingit, putredine sacrarum specierum degenerante in generationes vermiculorum. Itaque an isti vermiculi non habent materiam & formam substantialem? An aliquod merum accidens transmutati-

XXVII.
 Resumitur
 difficultas de
 passionibus
 objectivis.

XXVIII.
 Ostenditur
 nihil posse
 ex acciden-
 tibus gene-
 rari.

in materiam & formam substantialem potest? Et materia quidem generabilis non est: non igitur fuit ex accidentibus genita: neque forma substantialis generari aliter, quàm ex materia potest, in cuius sinu præcontinetur, (loquor Aristotelice:) in sinu autem accidentium non præcontinetur: non igitur ex accidentibus gigni potuit forma hæc substantialis talium vermiculorum. Quid igitur superest; (& hæc est opinio, in quam Aristotelici hac ætate facilius eunt) quid, inquam, superest, nisi ut dicatur Deum ad occultationem mysterii & ad exercitium fidei suppeditare pro hisce generationibus materiam idoneam, & illam quidem suppeditare in illis ipsissimis circumstantiis rerum ac temporum, id quibus ex pane, si adesset, generationes id genus fierent."

XXIX.

Aliàs hinc
sequeretur
superfluitas
corporum in
phænomenis
Naturæ.

Atque hic est, modus, quo Christus plane incorruptibilis supplet divinitus ágendo corruptibilitatem illam, quam obijcitis, specierum sacramentalium, & pro qua supplenda, nobiscum, si sapitis, ad miraculum idem recurritis. Cæterum sicut pro solutione prioris rationis aiebam errorem esse in hoc, quod creditur apud Aristotelicos accidentia corporum perinde ac corpora ipsa idonea esse ad locum replendum, ita jam aio errorem peiorem esse in hoc, quod etiam credunt accidentia perinde valere ad agendum & patiendum quidquid patiuntur & agunt corpora, ut in hoc casu Eucharistico quidquid panis ageret & pateretur, si adesset, de accidentibus affirmant, quòd id totum agunt & patiuntur. Si res ita est: superfluum est, quòd creaverit Deus corpora; satis ei fuisset creare accidentia corporum; nam perinde mota fuissent, quievissent, genuissent, genita fuissent, &c. ac tandem perinde omnia Naturæ phænomena contigissent. Quis, mi Pazzi, vobiscum id unquam crederet? Et ideo rursus non video Atomistas valde urgeri per hanc alteram *urgentissimam* rationem. Si adest tertia pariter *urgentissima*, noli eam tacere.

Quàm male probent Arist. accid. ex specieb. Euch. 325

P A Z Z I U S. Non tacebo ; sed hoc pacto juris, quod mihi retineo, postea opponendi tuis responsionibus meas instantias. Pergo adhuc sic legere. *Tertia, quia Sacramentum evidenter frangitur, integro corpore Christi manente ; actio autem divina ab ipso Deo indistincta frangi nequit. Sacramentum dividitur in particulas ; sed Corpus Christi integrum perseverat & indivisum in qualibet particula. Id docet Ecclesia, dum ait, Fracto ætænum Sacramento, ne vacilles, &c. Unde concludit. Est ergo in Sacramento aliquid sensibile, quod in particulas dividitur. Ac tandem ad abundantiam hujus rationis ait, Mitto etiam alias passiones, quæ de Sacramento verificantur, ut calefieri, humectari, siccari, & alia hujusmodi, quæ Corpori Christi glorioso repugnant. Vides hîc, mi Rocchi, plurimas passiones in speciebus Eucharisticis contingentes, quas utique supplere Christus non potest, quia non potest pati hæc omnia, quæ panis pateretur, si adesset. At saltem istam rationem non negabis urgentissimam esse : quomodo evades ?*

R O C C H I U S. Evadam facile, opponendo nullis accidentibus vestris Aristotelicis, sive conjunctim, sive seorsim convenire posse istas apparentes passiones sacramentales divisionis, caloris, humoris, siccitatis, &c. & ideo recurrendum esse ad Christum, qui pro illis repræsentandis suppleat divinitus defectum panis absentis.

P A Z Z I U S. At hoc ipsum est, quod contenditur, mi Rocchi, Christum non posse supplere tales passiones, quia supplere illas nisi per consimiles passiones non potest : nullis autem passionibus hujusmodi potest subjacere in hoc Sacramento. Vel dic modum verum ac realem, quo supplere illas potest, & eris mihi magnus Apollo.

R O C C H I U S. Dicam postmodum, mi Pazzi ; Sed antè dicendum quod ceperam, falsum esse quod creditis posse accidentia subjacere præfatis passionibus divisionis, caloris, humoris, siccitatis, &c. Imo nec fere dicendum ;

XXX.
Opponitur
difficultas
de actione
spe ier. vi.
Dial. 74. a.
639.

XXXI.
respondetur
accidentia
non posse
frangi, cale-
fieri, &c.

XXXII.
at aff. i. n. r.
plur. ratio-
nes.

sed ex antè dictis recolendum est accidentia, quæ dum substantia erat, erant accidentia alicujus rei, sublata substantiâ jam esse accidentia nullius rei: & hoc pacto sicut non potest fieri, quod supra dictum est, ut separatim agant quidquid & qualiter agebant conjunctim, ita nec fieri potest ut quidquid & qualiter patiebantur conjunctim, id totum & similiter patiantur separatim: aliâ enim, quod omnino repugnat, substantia esset omnino inutilis ad patiendum in casu isto, sicut in illo esset omnino inutilis ad agendum. Itaque licet Aristotelicis concederetur quantitate, quæ in statu suæ conjunctionis cum substantia erat positio partium extra partes illius substantiæ, divisibilem esse, non concederetur tamen illam esse perinde divisibilem jam sublata substantiâ, ut supponitur: Etenim antè divisibilis erat ratione partium, quarum erat positio aliarum extra alias, & ideo separabiliû aliarum ab aliis; sed quia jam sublata est substantia, nec ullæ propterea supersunt partes separabiles aliæ ab aliis, evidens est non manere nisi positionem in abstracto; quis autem tale abstractum putet esse perinde divisibile ac concretum quantum & substantiale, quod præerat.

XXXIII.
Afferunt
rationes urgentiores.

Tum verò si quantitas separata non potest dividi ut antè, quomodo ut antè poterit calefieri, humectari, siccari, &c. nisi quod insuper attributa hæc omnino aliena sunt à notione propria quantitatis, nec minùs quàm à notione propria gravitatis, figuræ, coloris, &c. Date adhuc veniam, Domini mei, ut aliud exemplum eruiam è gravitate, cui si convenit aliquod pondus, non ejusdem utique ponderis erit separatim à substantia, cujus erat conjunctum cum illa: vel dicendum esset substantiam esse otiosam atque superfluum ad pondus rei. Taceo itaque cæterorum accidentium exempla: satis sit attulisse hæc duo, ex quibus satis utique patet accidentia qualiacunque Aristotelica post separationem à substantia, cui supponebantur

Quàm male probent Arist. accid. ex speciebus. Euchar. 327
 tur inhætere, subire non posse passiones omnes, quas an-
 tè subibant, quando inhærebant, ut neque omnes actio-
 nes exercere possunt sine substantia, quas exercebant cum
 illa. Occurrit etiam, Domini mei, meæ menti ratio, qua
 satis efficaciter probatur accidentia Aristotelica, quando
 sunt à suis respective substantiis separata, non modò non
 posse agere ac pati, ut antè, id est, quantum & qualiter
 antè; sed agere omnino nihil aut pati posse: quatenus
 stando in principiis rigidis Aristotelicis, substantia est id
 quod agit & patitur *ut quod*: accidens autem est id, quod
 agit & patitur tantum *ut quo*, quia est id, quo substantia
 agit & patitur.

In hunc modum ignis est id quod calefacit, & calor
 est id quo calefacit; ignis est id quod illuminat, & lux
 est id, quo illuminat: hinc calor non est calidus, nisi *ut*
quo, & lux non est lucida, nisi *ut quo*: atque ita de cæte-
 ris accidentibus activis. In hunc etiam modum panis est id,
 quod extenditur & dividitur; quantitas autem est id, quo
 extenditur ac dividitur: panis est id, quod gravitat & pon-
 deratur; gravitas autem est id, quo gravitat & pondera-
 tur; hinc quantitas non est extensa, non est divisibilis aut
 divisa, nisi *ut quo*: & gravitas non est gravis, non est pon-
 derabilis aut ponderata, nisi *ut quo*: atque ita de cæteris
 accidentibus passivis. Ergo sic adhuc magis verificatur,
 quòd accidentia illa panis Aristotelica, quæ post illius
 transubstantiationem ex hypothesi remanerent, non pos-
 sent præfatis illis passionibus, quas objicit Palancus, divi-
 sionis, caloris, humoris, siccitatis, &c. subjacere: quate-
 nus jam nullum inter omnia est accidens, de quo affirma-
 ri possit, quòd dividatur, quòd calefiat, quòd linnecte-
 tur, quòd exsiccecur, &c.

XXXIV.

Idem proba-
tur per ipsa
principia A-
ristotelica.

PHILALETHES. Quiesce paulisper, Domine mi
 Rocchi; contine halitum, interim dum noster Pazzius
 nos docebit qualiter id, quod ex sua notione non est divi-
 XXV.
 duntaxat mo-
dus quo ac-
cidencia se-

parata p. f.
sint agere &
pati.

fibile, nisi *ut quo*, dividi possit *ut quod*, in Sacramento Eucharistico: qualiter in eo ponderari possit *ut quod* id, quod ex notione sua non est ponderabile, nisi *ut quo*: id est, qualiter quantitas possit esse quanta *ut quod*, & gravitas gravis *ut quod*, & figura figurata *ut quod*, & color coloratus *ut quod*, &c. Sic enim tuam difficultatem ad hoc deduxisti, ut non solum contendas accidentia peripatetica Eucharistica minus habitura esse actionis & passionis ob id, quod sint separata omnino à suis respectivè subjectis, sed insuper ob istam separationem nihil omnino actionis, nihil omnino passionis fore habitura. Unde sequitur quod recurrere pariter oporteret, licet illa remanerent, ad Christum divinitus agentem & patientem pro representanda panis agentis & patientis præsentia. Doce itaque nos, Domine mi Pazzi, quomodo panis jam transsubstantiati absentia nihil de activitate accidentium vestrorum remanentium, nihil de illorum passivitate immittit: imo etiam quomodo secum retinent totam activitatem substantiæ abeuntis.

P A Z Z I U S. Modus in promptu est. Elevat Deus supernaturaliter accidentia remanentia ad omnem vim activam & passivam substantiæ: atque in hunc modum agunt & patiuntur quidquid substantia, si cum illis simul adesset, pateretur & ageret.

XXXVI.
Ostenditur
qualiter nec
divinitus hoc
possit fieri.

P H I L A L E T H E S. Modum affers expeditissimum: sed estne, mi Pazzi, æque possibilis? Haud dubie tibi opponet Rocchius, quod si accidentia separari à substantiis possunt, & seorsim ab illis operari & pati quidquid ipsum concretum ex substantiis & accidentibus potest, poterunt substantia separari ab accidentibus suis, & seorsim ab illis id totum agere, id totum pati, quod pati & agere conjunctim possunt. Hinc autem erui posset consequentia valde contra Philosophiam Aristotelicam periculosa: nempe quod res Naturæ contingerent perinde omnes ac contingunt,

Quam male probent Arist. accid. ex speciebus. Euchar. 329
 quod, si Deus ab initio substantias sine accidentibus, aut
 accidentia sine substantiis produxisset. Et hanc conse-
 quentiam dixi pro vestra Philosophia periculosam, quia
 quando res contingere perinde duobus modis possunt; il-
 le quo contingant, nescitur; & ita nesciretur an pro rebus
 Naturæ ut Deus voluerit, aut noluerit complexo ex sub-
 stantiis & accidentibus; si quidem uti perinde pro illis
 potuit substantiis, aut accidentibus seorsim. Imo hinc præ-
 sumeretur Deum, aliàs effecturum per plura quod potuif-
 set per pauciora, non induxisse in rerum Naturam, nisi
 substantias aut accidentia seorsim: & sursum præsumptio
 caderet in substantias: quâ viâ statet Atomismus & Ari-
 stotelismus conrueret.

PAZZIUS. Nescio, Domine Philalethes, an Pa-
 lancus tibi concederet posse substantiam etiam divinitus a-
 gere ac pati per se solam id omne, quod agit & patitur
 per accidentia: quia nempe accidentia sunt causæ forma-
 les actionum & passionum, quæ in rebus Naturæ contin-
 gunt: causæ autem formales non possunt suppleri. Unde
 substantia non posset occupare locum sine quantitate, non
 posset gravitare sine gravitate, non posset albescere sine
 albedine, &c. Et ratio negandi esset, quia neque Deus
 per se ipsum potest præstare formaliter id, quod præstant
 accidentia huiusmodi, unde probat necessitatem reman-
 entia accidentium. Sic enim loquitur, *Nunquid panis*
per se ipsum locum non occupabat circumscriptive? Ergo
poterit Deus se ipsum nihilo producto eundem locum occupa-
re circumscriptive, pane sublato? Nunquid non gravitabat
panis & ponderabat pondere semiuncia v. g.? Ergo poterit
Deus se solo gravitare & ponderare pondere semiuncia, &c.
 quibus verbis innuit causas formales accidentales esse ne-
 cessarias indispensabiles ad suos respective effectus.

PHILALETHES. Equidem video, mi Pazzi, quod
 Palancus id non concederet; concedi tamen oporteret,

T:

XXXVII.

Opponitur
 indispensa-
 bilitas cau-
 sarum for-
 malium.

Dial. 71.
 n. 616.

contra **M**am
indispensa-
bilitatem.

quia non apparet, qualiter affirmare Aristotelicū possit substantias in agendo & patiendo magis ab 'accidentibus pendere, quā à substantiis accidentia: qualiter affirmare iterum possit divinam efficientiam se solā non sufficere ad eos effectus, quos contingere providit per concursum qualiscunque causæ secundæ sive substantialis, sive accidentalis. Sed nolo tecum in hanc controversiam ingredi: tempus est audiendi à Rocchio modum, quo Christus in Sacramento repræsentat & supplet repræsentationem huiusmodi passionum, quæ contingunt in speciebus Eucharisticis, quando scilicet, dividuntur, calefiunt, humectantur, exsiccantur, &c.

XXXIX.
Accidentia
non possunt
elevari ad
activitatem
substantia-
rum.

ROCCHIUS. Jam jam audietis, Domini mei; sed ante interrogandum habeo quid hoc sit, quod aiebat Dominus Pazzius elevare Deum accidentia remanentia ad omnem vim activam & passivam substantiæ, atque in hunc modum agere illa & pati quidquid substantia, si cum illis simul adesset, pateretur & ageret: & sumamus in particulari passionem illam divisionis, qua hostia frangitur in plures partes. Itaque Deus quantitatem remanentem, quæ per se dividi non posset, elevat supernaturaliter ad hoc ut dividatur: quid hoc est? nisi quod Deus supplet impotentiam illam quantitatis per supernaturalem aliquem concursum. De isto igitur concursu quæro an sit activus, an sit passivus?

PAZZIUS. Passivus utique non est, quia Deus nihil tale pati à manu dividente potest: uti nec ab illa tale aliquid pati potest Corpus Christi gloriosum, qualiter est in Sacramento. Itaque activus est: sed quid hinc inferi, mi Rocchi?

XL.
Qualiter
Christus
possit repræ-
sentare pas-
siones spe-

ROCCHIUS. Hinc infero universas non tantum actiones, sed etiam passiones specierum sacramentalium posse repræsentari facillime in Sacramento per actiones Dei, sive Christi divinitus operantis: atque ita concidere

Quàm male Arist. probent accid. ex speciebus. Euchar. 331
 tertiam illam *urgentissimam* rationem, quam ultimò at-
 tulisti ex Palanco his verbis, *Sacramentum evidenter*
frangitur, integro corpore Christi manente: actio autem
divina ab ipso Deo indistincta frangi nequit: Sacramen-
tum dividitur in particulas: sed Corpus Christi integrum
perseverat, &c. Jam in confesso erat, aut fere in con-
 fesso universas actiones panis posse suppleri ac repræsen-
 tari per actiones objectivas Christi divinitus operantis:
 difficultas supererat de passionibus ejusdem panis, scilicet
 divisi, calefacti, humefacti, exsiccati, &c. pro quibus
 repræsentandis non sufficit sola quantitas Eucharistica &
 ideo indiget elevari per concursum scilicet Christi fa-
 cientis supernaturaliter id, quod quantitas per se solam
 non potest, talem autem concursum dicis esse activum.
 Ad difficultatem jam redeo, quam urgebas ex hoc capite
 quòd Christus, sive Deus non posset subjacere ullis hu-
 jusmodi passionibus, quæ sunt divisionis, calefactionis,
 &c. unde apud te inferebas, quòd saltem non posset re-
 præsentare tales passiones, quia id non posset nisi per si-
 milis; Tum verò coactus fuisti concedere quantitatem
 indigere concursu divino extraordinario ad illas repræsen-
 tandas, & talem concursum fateris activum.

Hinc itaque clarum est Christum, sive Deum posse
 absque eo quòd tale aliquid patiatur, repræsentare totum
 id, quod panis pateretur, si adesset: & id quidem posse
 sine illa vestra quantitate Aristotelica; quam ad effectum
 talis repræsentationis contenditis remanere. Cæterum er-
 ror est in hoc, quod ab initio putabas, mi Pazzi, passio-
 nem panis divisi non posse repræsentari, nisi per similem
 aliquam divisionem passivam. Potest aliquis repræsentare
 dolentem, quin doleat: potest repræsentare claudum,
 quin claudus fiat: & homo plane doctus potest repræsen-
 tare ignarum, absque eo quòd labem ullam ignorantiae
 patiatur, &c. Quâ viâ passiones per solas actiones repræ-

cietum in
 Eucharistia

XLI.
 Non opus
 est similibus
 passionibus
 ex parte
 Christi

stantur: & hæc est via, quâ Christus in Sacramento divinitus operans potest sine ulla sui divisione divisionem panis repræsentare, & ita de cæteris passionibus, quas opponere calor, humoris, siccitatis, &c. Sicque tandem non superest locus dubitandi ullius de potentia Christi in ordine ad repræsentandam in Sacramento præsentiam activam & passivam panis, licet omnino per vim consecrationis sublatis. Et in his quidem repræsentationibus talis præsentia consistunt sufficienter species Eucharistica; quare pro istis explicandis nulla opus est accidentium remanentia.

V. 17.
Advertitur,
quod nihil
remaneret,
nisi acciden-
tia remane-
rent.

PHILALETHES. His verbis, Domine Rocchi; meæ recordationi reddis aliam observationem, quæ à me olim fiebat, & cui nunquam satisfiebat, circa remanentiam specierum, quæ nulla esse mihi videbatur, si nihil panis remaneret. Ex hac igitur parte discurrunt fanius Aristotelici quàm Atomistæ: admittunt enim aliquid quod remanet: accidentia scilicet, quibus tum adaptant, ut possunt, nomen specierum: vos autem nihil admittitis quod remaneat: & in hoc contradicitis definitionibus Conciliatibus de remanentia specierum. Ecce apertius mentem meam. Definitiones illas salvas intelligo, si pane sublato maneat apparentia panis: tum intelligo quod jam ostendit, posse à Christo divinitus operante fieri, ut ubi panis omnino non est, ibi omnino appareat & extensus, & gravis, & figuratus, & coloratus, & divisus, & alteratus, & corruptus, &c. Sed deinde non intelligo remanentiam istius apparentiæ, quæ utique apparentia est omnino nova, quia de novo exhibita per operationes Christi repræsentantes panem existentem, agentem, & patientem, ubi nec agit quidquam, nec patitur, nec existit. Scio vos nihil realis distinctionis admittere inter apparentiam rei & rem apparentem: igitur si totus panis, qui apparebat, deperit, etiam deperit apparentia illius: si autem deperit, quomodo remanet?

Quam male probent Arist. accid. ex speciebus. Euchar. 333
Hæc est, Domini mei, difficultas à qua nunquam me potui liberare: nec dubito quin Palancus illam alicubi repofuerit inter urgentiores magisque invictas.

PAZZIUS. Ita est, optime Philalethes; & illam fuiffime proponit, & ad metas ultimæ convictionis perducit.

PHILALETHES. Propone illam, amabo, quàm primum: mihi etenim jam longum est videre, si fortè poterit Rocchius noster iloneam solutionem afferre.

PAZZIUS. Interrogat Atomistam suum Palancus, XIIII.
Roborat
p remissa di-
fficultas.
an actio illa multiplex objectiva, qua panis se repræsentabat quum aderat, effer distincta vel indistincta à pane: & Atomista respondentem illam esse indistinctam, Palancus illico concludit, *Ergo ipsamet (actio objectiva panis) realiter permanere non potest, sublata tota substantiâ panis. Ergo vel non manet ipsamet actio objectiva panis, vel si manet, manet realiter substantia panis. Ergo si species panis est actio objectiva panis, vel non manet ipsamet species panis, vel si manet, manet substantia panis. En difficultatem nostri Scriptoris, & quæ coincidit cum tua. Vis, Domine Philalethes, audire jam responsum Atomistæ.* Dial. 70. n.
605.

PHILALETHES. Volo audire responsum Rocchii, qui cum Atomista illo sæpissime non consentit. Audiamus, mi Rocchi, quomodo hanc trium consequentiarum seriem declinas?

ROCCHIUS. Tribus illis consequentiis & mille id genus aliis iter præcluditur, si responderetur quòd actio, qua panis se repræsentabat, erat utique species seu repræsentatio panis, & à pane quidem indistincta; & quòd nihilominus sublato pane remansit, non quidem ut actio, sed ut repræsentatio.

PAZZIUS. Sed, mi Rocchi, quid nisi terminos mutas responfionis, quam Atomista suus afferebat Palanco, dicens *non manere eandem numero actionem panis, manere* XLI.
Accedit nova ratio pro roboranda præmissâ difficultate.

*re tamen eandem actionem objectivam panis quoad speciem, seu simillimam; ac proinde manere eandem, seu similem speciem panis? Contra quam responsionem Auctor noster sic instat, Ergo, inquit, tandem negas veram remanentiam specierum, quia remanentia vere non dicitur, nisi de eo ipso realiter & individualiter, quod praexistebat. Tu autem negas eandem actionem objectivam, seu eandem speciem panis revera permanere. Neque hic gradum sistit Palancus, sed ulterius solide impugnat praesumptam illam ab Atomistis actionum objectivarum, sive specierum similitudinem; siquidem actio panis erat corporea, quatenus à pane indistincta: actio autem divina eò quòd divina sit, spiritualis est, Quo pacto igitur, inquit, persuadebis actionem Dei cum ipso identificatam, & re ipsa spiritua-
lem, esse eandem in specie & omnino similem cum actione corporea panis cum pane identificata? &c. Quibus verbis effugia vestra omnia praecludit, ut vides, mi Rocchi.*

XLV.
Ostenditur
debilitas
praemissae
rationis.

ROCCHIUS. Tuis oculis id viderem, mi Pazzi: meis è contra video instantiae hujus debilitatem hinc procedentem, quòd à Palanco non capitur, qualiter non manente eadem actione representante, possit eadem representatio manere ac fieri per aliam actionem. Quanquam hoc est captu facillimum, si advertitur quòd cum Atomistae aiunt actionem illam objectivam panis se se representantis, & quam vocamus *speciem* illius, sive *representationem*, esse speciem illius, sive *representationem* activam, quae terminatur ad *representationem* passivam; & haec est illa species, sive *apparentia* rei, de qua contendimus, quòd remaneat omnino eadem, nec tantum similis, ut falsus ille Atomista responderet, Sed tum ecce, mi Pazzi, quomodo manet eadem: cessat actio panis representativa panis, & in locum illius accedit actio Christi representativa ejusdem panis: sic itaque una, eadem & individua manet representatio, id est, species, seu *apparentia* panis. Jam

Quam male probent Arist. accid. ex speciebus. Euchar. 335
verò quoddam actio panis esset corporea ob suam identitatem cum pane, & quoddam actio Christi sit spiritualis ob suam identitatem cum Christo, id nullatenus impedit unitatem & identitatem individualem talis speciei, seu apparentiæ.

Possunt etenim duæ actiones diversissimæ ex parte principii, esse consonantissimæ ex parte termini, imo convenire in unam ex parte ejusdem termini: hoc sensu quod esse potest unus & idem terminus diversissimarum actionum, id est, actionum à principiis diversissimis fluentium. Nunquid, Domini mei, admititis causam primam concurrere cum secunda ad omnes naturales effectus? unde intelligitis nullum esse naturalem effectum addò unum & individuum, qui non fiat per actiones, quæ licet valde atque in infinitum differant ex parte principii, nullatenus tamen differunt ex parte termini. Hac ratione nullus omnino naturalis effectus est, qui non possit unus atque idem continuari per solam actionem causæ primæ, cessante actione causæ secundæ: transferte jam, si placet hanc doctrinam ad casum nostrum, & deprehendetis illam, de qua sermo est, panis apparentiam unam & omnino eandem, ad quam antè Deus & panis concurrebant per suas respective actiones, posse pane cessante agere, perseverare per solam actionem Dei, sive quod idem est, Christi divine operantis in Eucharistia.

PHILALETHES. Facis ut in re tam obscura, mi Rocchi, videam aliquid. Nondum mihi tale aliquid auditum aut lectum fuerat de distinctione inter speciem activam & passivam. Quando itaque definitur solas ac duntaxat panis jam transsubstantiati species remanere, de quibus, si placet, id intelligitur definitum? Nunquid de passivis?

ROCCHIUS. De passivis plane, quæ sunt illæ ipsissimæ panis, quæ remanent sublato pane, & exercentur non jam per actiones panis, sed per actiones Christi di-

*XLVI.
Et affertur
exemplum
quo probatur
oppositum.*

*XLVII.
Quales sint
species, quæ
remanent.*

vine operantis & perseveranter agentis totum id , quod panis ageret, aut pateretur ad illas sui apparentias exhibendas, sui scilicet non solum ut extensi , ut gravis, ut colorati, ut figurati, &c. sed etiam ut alterati , ut divisi , ut corrupti, &c. Tantòque id facilius intellectu est , quantò certius est , quòd panis dum aderat , indigebat concursu divino ad illas sui apparentias exhibendas. Quid igitur pane sublato impedit, quominus Deus illas continuo exhibeat ubi & quandiu & qualiter essent sensibiles, si sublatus non fuisset panis ? Atque in hoc sensu, Nos Atomistæ apparentias illas salvas post transubstantiationem panis & solas ac duntaxat manentes vocare solemus *panem apparentem*, cui vere tribuimus quidquid falsò Aristotelici tribuunt quantitati, aut accidentibus cæteris. Et ita panis ille apparens est , qui extensus est , figuratus , coloratus , translatus , divisus, fractus , &c. & qui proinde constituit totum esse sensibile Eucharisticum , ac statum omnem Christi Sacramentalem.

XLVIII.

Q uæritur
quid sit panis
apparens
in Eucharis-
tia.

PHILALETHES. Agnosco, mi Rocchi, te hac tua expositione depellere tenebras multas, quas pariebar; sed ecce illico redeunt, & in æternum patiar, donec mihi clare dixeris quid sit *panis ille apparens*: est ne aliquid reale, est ne aliquid chimæricum? est ne aliquid productum, est ne aliquid improductum? si de novo producitur, non manet; si manet, & est aliquid reale, non deperit tota panis realitas, quod est contra vestram hypothesein: si autem manet & est aliquid chimæricum, chimæras in Sacramentum inducitis; quod esset impium.

P A Z Z I U S. His paucis verbis tetigisti, Domine Philalethes, plurimas difficultates, quas Palancus noster fusc attulit agens contra illud esse sensibile sacramentale per quod explicant Atomistæ species sacramentales, & quod aliter vocant *statum Eucharisticum, quem Christus*, inquit, *actionibus suis divinis efficit*, & quem, ut discimus à Palanco

Phil. 70.
p. 608.

Quàm male Aristot. probent accidentia ex speciebus. Ezech. 337
 lauco explicat ingeniosus Atomista exemplo Angeli moti,
 vel quiescentis. Capis mi Rocchi, hanc explicationem
 tuam esse, à te scilicet datam agente contra Gennarum
 in Eucharistico tuo systemate parte secunda, dialogo ter-
 tio: & in qua explicatione implicationes manifestas mul-
 tas deprehendit Palancus, quas hinc à me, Domine Phi-
 lalethes, recenseri atque urgeri jam oportet.

PHILETHEUS. Imo, mi Pazzi, parcere isti con-
 ceptioni potes; quia ille *status Eucharisticus*, quem impug-
 nat Palancus, & iste *panis apparens*, quem rogavit expo-
 ni unum & idem sunt. Ac proinde per idoneam aut non-
 idoneam panis hujus apparentis expositionem locus ause-
 retur, aut dabitur dubitandi de implicationibus illis: sæ-
 pissime quippe accidit, ut opinio, quæ dum in confuso est
 summæ contradictionis arguitur, plana videatur & con-
 sonans, quando novis luminibus fuerit illustrata. Cæterum
 ex imminente horâ prædij Consecutis, Domini mei, pari-
 ter imminere horam matutini hujusce colloquii finiendi.
 Fac itaque breviter, mi Pazzi, ut clare ac sine ulla cali-
 gine capiamus quid sit ille *panis apparens*, quem rogo ex-
 poni. Agedum.

ROCHIIUS. Agam quàm clarissime, quàm bre-
 vissime potero. Præsupponamus, si placet, Domini mei,
 rem esse, & rem apparere esse duo realiter diversa,
 quandoquidem multa sunt, quæ non apparent; & appa-
 rent multa, quæ non sunt: item multa sunt, quæ secun-
 dum varios modos non apparent qualia sunt, aut apparent
 qualia non sunt. Neque hoc arduum intellectu erit Aristoteli-
 cæ, apud quos aliud est esse, & aliud existere: aliud est
 esse, & aliud agere: aliud est esse & aliud quiescere: aliud
 est esse, & aliud est referri: &c. Quò igitur titulo negarent,
 quod aliud sit esse, & aliud apparere, scilicet apparere
 cuivis sensui? Quem in modum aliud est esse, & aliud vi-
 deri, aliud tangi, aliud audiri, aliud dividi, &c. Jam verò

XLIX.
 Quid sit
 statu Eu-
 charisticus.

L
 Qualiter
 aliud sit esse
 & aliud ap-
 parere.

panis quando erat, apparebat; quare postmodum non poterit non esse & nihilominus apparere, dummodo ex parte illius fiat pro illo quidquid ab illo fiebat ad apparendum? Imo dummodò id fiat, impossibile est quòd non appareat & adæquate appareat, id est, sub omni sensibilitate, sub qua appareret, si adesset. Cæterum posse à Christo divinitus operante fieri ex parte panis prædicti pro illo, quidquid ab illo fiebat ad apparendum, satis superque probatum est: sicque obtinebitur in Eucharistia pro pane vero ac reali, panis tantum vere ac realiter apparens.

L I.

Proponitur
alta difficultas.

PHILALETHÆS. Hactenus bene, mi Rocchi; sed difficultas proposita subsistit, nec adhuc capio ad quod genus entis spiritualis aut materialis, producti aut improducti pertineat apparentia illa panis remanens post transubstantiationem ejusdem panis. Ais enim apparentiam illam fieri per actiones Christi supplentes locum actionum panis sublatis: & simul ais totum id reale, quod erat panis, sublatum fuisse: non igitur illa prior apparentia erat realis: quomodo posterior erit realis? sed si sit, quomodo non erit realis? vide altam difficultatum congeriem.

L II.

Multa sunt,
quæ nec
producta,
nec impro-
ducta sunt.

ROCCHIUS. Sufficit tamen ad unam omnium solutionem, si advertitis, Domini mei, multa esse genera rerum quæ sunt, & nihilominus nec spiritualia, nec materialia, nec producta nec improducta sunt. Hujusmodi tempus est; hujusmodi spatium est, & quidquid ad utriusque proprietates ac differentias pertinet. Item sunt multa genera rerum quæ sunt; nec tamen seorsim sunt ullius entitatis designabilis. Hujusmodi est motus; hujusmodi est quies, & quidquid spectat ad istum vel illum statum quiescendi & movendi. Hujusmodi tandem est omnis rerum apparentia, quæ equidem realis est, quatenus independens ab intellectu: & tamen realis non est per realitatem propriam ac singularem vere productam. Atque ut concludam, (audio enim mentem esse instructam,) non advertitis posse

Quàm male probent Arist. accid. ex speciebus. Euchar. 339
me requirere à vobis, id totum quod à me requiritis. An
in Sacramento Eucharistico non apparet panis, qui ta-
men non est? est igitur ibi apparentia panis. Quod au-
tem hæc apparentia exhibeatur sensibus per actiones ac-
cidentium remanentium, aut per actiones Christi per se
solum divinæ cooperantis quidquid tribuitis accidentibus illis,
omnino perinde ac indifferenter ad apparentiam panis se
habet. Ac proinde in eadem difficultate versamur circa
realitatem aut non-realitatem, circa productionem aut
non productionem talis apparentiæ, quam utrinque pari-
ter admittimus; licet illius exhibitionem ad actiones diver-
sas referamus. Sed ecce assurgis, Domine Philalethes,
non dicam plura.

PAZZIUS. Plura etiam taceo, quæ opponerem.

PHILALETHES. Si quid, Domini mei, difficul-
tatis superest, alia vice solutioni patebit; sed jam tempus
est post tam ferventem tamque diuturnam contentionem
serviendi stomacho & refrigerandi pulmonem.





DIALOGUS XIII.

QUAM BENE A FORMISTÆ REPRO-
bent accidentia propter decisionem de speciebus
solis ac. u. axai m. ne. 11000.

PERSONÆ COLLOQUENTES:

ROCCHIUS, PAZZIUS, PHILALETHER.

ROCCHIUS. Fecisti nobis, Domine Philaethes
Procluditur
 id differen-
 cum de de-
 finitione
 Concilii
 Constan-
 tensis. ac suavissime hospes noster, quasi convivium Regis:
 stomacho & pulmoni usque ad delicias providisti. Si quis
 mensam vidisset sic abunde ac delicate paratam, non pu-
 tasset esse Philosophos, qui assiderent.

PAZZIUS. Sed saltem id coniecisset, mi Rocchi,
 ex sermonibus nostri suavissimi hospitis. An nisi Philoso-
 phus, nisi coram Philosophis potest de rebus tam sublimi-
 bus loqui tam affluenter ac tam ornate? Sed ecce, Domi-
 ni mei, hac epistola, quæ mihi vestro in conspectu reddi-
 tur, moneor expectatum me iri circa septimam. qua fere
 Sol occider, apud Dominum meum & amicum Peraltum,
 & pro re magni, ut hîc scribitur, momenti. Quare, si me
 amabitis, aggrediamur absque alia mora conditam disser-
 tationem, cujus materiam præsentio fore arduæ & pro-
 lixæ contentionis.

ROCCHIUS. Tantùm id innuat Hospes noster.

PHILALETHER. Ego verò, Domini mei, hospes
 sum non aded inhumanus, ut inter mensam & aded se-
 riam contentionem sinam nihil intercedere remissionis.

Quàm bene Atom. reprob. accid. prop. decis. de, &c. 347

Absit me ardori vestro, imo fere furori obsequi: egent mentes, non secus ac corpora, otio suo & refrigerio. Quare ante integrum horæ unius fluxum non pariar initia disputationis, in quam exardescitis pariter: tum eritis juris vestri. Deambulabimus interim, & erit, ut confido, deambulatio hæc vobis non injucunda ob novitates literarias recentes & multas, & Parisiis latas, quas oculis & & judiciis vestris subiiciam. Chartam explico & lego. *Parisiis hac die 26. Julii 1715.* Sudat sub prælo egregium & grande opus Doctoris cujusdam Sorbonici de

Sed ecce ut religiose vobiscum agam, Domini mei, non dissimulabo præterisse horam, quam eripere volueram contentioni jam incundæ. Tria casu adsunt sub hac frondosa quercu sedilia: his infideamus, si videbitur, dum æstus paululum remittatur. Atque ut exequar Moderatoris munus, cui me addixistis, vellem vos audire colloquentes præsertim de Concilio Constantiensi, ubi tam expresse definitum videtur manere post consecrationem accidentia sola, quàm in cæteris expresse definitur manere solas species: unde præclara est occasio conjiciendi debere per species intelligi accidentia.

Sed ante vellem resumere aliquid ex matutino dialogo circa panem illum mere apparentem; qui utique non solum apparet extensus, gravis, figuratus, coloratus, &c. sed etiam sapidus, odoratus, sonorus, &c. De illa etenim apparentia minùs dubitarem; sed de ista valde dubito, quia non capio modum, quo panis ille apparens exhibere possit saporem, odorem, sonum, &c. Quare tuum sit, mi Rocchi, aperire nobis modum, quo per actiones Christi objectivas repræsentari hæc accidentia possint in Sacramento.

P A Z Z U S. Imo, Domine Philalermes, satis erit, si tantum obtinuerimus à Domino Rocchio modum, quo

II.
Resumitur
a theolais,
sic a panem
apparentem.

III.
Qualiter
possit odor

panis re-
præsentari.

possit solus odor per actiones illas repræsentari : licet enim pro accidentibus cæteris non desit sua difficultas , majorem in repræsentatione istius esse notavit Palancus noster ; & propter istud magis deridet atomisticas species.

Dial. 71.
N. 621.

Audiamus illum. *Occurrit demum contra illas tuas objectivas actiones , quas Christo attribuis in Sacramento , (ô Atomista) quibus sensus immutare possit ac movere , quod respectu sensus olfactûs locum habere non possunt speciali titulo : & rationem hanc profert petitam ex responsis sui Atomistæ constituentis odorem in certo effluvio atomorum , quas scilicet à corpore odorifero ad olfactum perducere oportet : rationem , inquam , hanc profert , quia jam non est in Sacramento aliquid , unde tales atomi possint effluere.*

IV.
Proponuntur simul
plures difficultates circa speciem odoris.

Ac tum ita interrogat. *Effluuntne ex Corpore Christi aut ex substantia panis ? Hoc si dicas : jam admittis in Sacramento substantiam corpoream panis , ex qua effluant atomi odorifera usque ad sensum olfactûs , quod certe est hæreticum. Vel effluunt ex Corpore Christi , & hoc imprimis est ponere Corpus Christi corruptibile. Deinde atomi ex Corpore Christi effluentes non olerent panem , sed carnem. Nunquid Deus de novo atomos ibi creat panis sed si creantur , jam non effluunt ex Sacramento sensibili , sed ex nihilo fiunt.* Ac tandem sic concludit : neque , si placet , mi Rocchi , velis ægre ferre hanc conclusionem , licet parumper vobis injuriam : condonanda est zelo veritatis ; *O quot ineptias hic vos dicturos suspicor & conjector , ut actionem objectivam olendi in Sacramento Corporis & Sanguinis Christi per effluviū atomorum exponere possitis. Quod certe nisi chimarice præstabitis omnino nunquam.*

V.
Prænititur molus , quo diffunditur odor.

ROCCHIUS. Absit ut conquerar de Palanco , mi bone Pazzi : de te autē conquerar , qui pertimescis ne exandescam ad sibilum contumeliæ tam levis. Hoc sufficit Atomistis , quod norunt veritatem nullis vituperationibus ,

nullis derisionibus minui : & ego quidem lucrum puto quodcunque maledictum fero pro tuitione illius. Sed ad rem venio : jamque audi nostras ineptias. Certum est quòd si quis in pane reali odor est, idem in pane apparente pariter erit, pariterque afficiet sensum olfactûs. Certum adhuc est quòd si quis odor in pane præerat, consistebat in certo quodam effluvio corpusculorum subtilium, quæ post exitum à pane ad olfactum perveniebant, vel sui exitûs commotionem communicabant aëri proximiori, ac per istum remotiori olfactum tangenti, qui sic proinde commotus nares afficiebat affectione, quam vocamus *odori*.

Enim, mi Pazzi, si nosse mysteria nostra perinde ac ego novi, jam diu est, vestra, nosse omnes sensationes pendere à commotionibus sensuum, & hujusmodi commotiones fieri sine contactu immediato corpusculorum fluentium ex objecto sensibili. Ita dummodò aër, qui ambit oculum, sit commotus commotione aliqua lucis, lucem videbo. Dummodò iterum aër, qui auditui conjunctus est, commotionem aliquam soni admittat, audiam sonum : & proinde non opus est corpuscula odorifera pervenire ad nares : satis est si commotionem illorum admittat & naribus referat aër proxime adhærens. Hinc patet Christum sub pane apparente latentem non indigere ad efficiendam apparentiam illius ut odori, corpusculis ullis odoriferis, quæ ad olfactum mittantur, quoniam sufficit ut ad illum transmittat commotionem aëream, qualem transmitterent talia corpuscula, si adessent : atque ita, ut videtis, Domini mei, non erit difficilius Christo apparere sub specie panis odori, quàm sub specie panis albi, gravis, figurati, &c.

PHILALETHES. Præsenſi te id responſurum, mi Rocchi; sed quia sæpe accidit, ut corpuscula ipsa odorifera feriant olfactum : & rursus quia præter commotionem, qua illum afficiunt, non parum confert ad hujus commotionis modificationem figura ipsorum particularis;

VI.
Hinc species odoris facile repræsentatur, sicut repræsentantur cæteræ species.

VII
Fic difficultas ex figura quæ habent corpuscula odorifera.

dic, si placet, quid fieret in casu, quem sic propono. Suppono ex pane reali prodire aliqua id genus corpusculum odorifera, quæ per se ipsa olfactum afficiant immediate: tunc ergo illum afficiunt commotione modificata per propriam ipsorum figuram; sicque fit singularis quædam olfactio. Tum suppono panem illum realem auferri, solâ remanente illius appatentia per actiones Christi objectivas exhibita; & dico saltem in hoc casu non posse per illas manere salvam eandem sensationem odoris sine creatione corpusculorum, quæ olfactum afficiant; quia videlicet deesset pro ejusdem sensationis effectu figura corpuscularis, quæ ad illum particulariter concurrebat. Solve mihi, oro, hanc difficultatem, quæ; ut deprehendis, habet aliquid de Atomismi vestri mysteriis.

VIII.
Responde-
tur suppleri
defectum
figuræ.

ROCCHIUS. Sane, Domine Philalethes, tota redolet Atomismum nostrum: solutio autem hæc est. Admitto casum, quem proponis, & dico non eapropter pro effectu similis sensationis opus fore corpusculis parem figuram habentibus, pariterque immediate afficientibus sensum, quia particularitas illa contactus immediati suppleri potest per mutationem aliquam factam in commotione aeris transmissa ad eundem sensum. In hoc igitur casu, quem subtilissime proposuisti, Domine Philalethes; pertinebit ad Christum commotionem aeris transmissam disponere ac temperare in hunc modum, ut in sensu idem efficiat, quod per prædictum immediatum contactum fieret. Sed jam pro jure meo an non potero rogare Pazzium nostrum de modo, quo juxta sententiam Aristotelicam transmittitur odor ille residuus panis usque ad olfactum distantem.

PAZZIUS. Rogare me id potes, mi Rocchi; sed non rogares, si attenderes ad id, quod paulò antè gloriaberis nosse, ut unum è nobis, nostra mysteria. Ad quid rogas, si nosci?

ROCCHIUS.

R O C C H I U S. Rogo, quia novi, mi Pazzi : & eo fine rogo, ut respondendo te ipsum intrices & advertas Aristotelicis longe difficilius esse, quàm Atomistis explicare sensationes causatas à speciebus Eucharisticis. In exemplum accedat odor ille accidentalis, quem dicitis esse residuum. Ille itaque non percipitur per se immediate ab olfactu, qui supponitur distans : ac proinde necesse est, ut ad illum se transmittat : transmittere autem se, nisi per generationum prope innumerabilium seriem non potest : hæc autem series in hoc consistit, quòd odor ille generare debet odorem sibi similem ex primis particulis æreis in orbem sibi conjunctis. Ac tum iste de novo genitus odor alium generabit similem sibi ex aliis particulis æreis, quæ immediate succedunt. Et iste recenter genitus alium generabit ex particulis aliis immediate sequentibus ; atque ita descens, donec odor similis generetur ex illis particulis æreis, quæ immediate tangunt olfactum : ne dicam illum generari debere adhuc ex olfactu ipso, ad hoc ut inhæreat illi, sine qua inhæsiōne non posset percipi.

Et nondum finis talium generationum : nam debent momentis singulis iterari pro salvanda perennitate odoris illius sensibilis. Vide jam, Domine mi Pazzi, an non videret iste modus exponendi speciem Eucharisticam odoris sit longe intricatior, quàm noster. Sed pro cæteris speciebus res pariter se habet, ac secum importat apud vos multa millia diversarum generationum, ad quas oporteat Christum concurrere, ut se occultet sub solis ac duntaxat speciebus sensibilibus panis : apud nos autem tantùm ad id opus habet movere aërem ambientem, scilicet eo modo, quo illum moveret panis, si adesset. An adhuc, Domine Philalethes, morabimur colloqui de Concilio Constantiensi super hisce nostris materiis specierum solarum ac duntaxat manentium ?

P H I L A L E T H E S. Imo agite, Domini mei ; nihil

X x

I X.
Hæc diffi-
cultas est
major apud
Aristoteli-
cos.

X.
Etenim
deberent
fieri gene-
rationes in-
numera.

aliud mihi occurrit, quod præmitti oporteat:

XI.
Qualiter
servetur o-
dor in py-
xide occlu-
sa.

PAZZI U.S. Mihi verò, salvâ pace, videtur præmitti pariter oportere difficultatem hanc alteram valde annexam de permanentia odoris & saporis, &c. in pyxide occlusa. Nos igitur hanc permanentiam talium specierum nullo negotio explicamus admittendo illas consistere in huiusmodi accidentibus realibus, quæ substantiæ panis antè inhæserint, & illâ sublatâ permaneant. Unde fit ut talium specierum sensibilitas eadem perseveret, etiam quando nulla illarum specierum actu percipitur, ut accidit quando accurate omnes in pyxide occluduntur. Aromistis autem nulla omnino patet via, qua illarum in ea permanentiam explicent: siquidem non sunt, nisi quandiu per actiones Christi objectivas exhibentur sensibus. At quandiu in pyxide occluduntur, nullis sensibus exhibentur per tales actiones: quas de cætero tunc evidens est fore superfluas & omnino inutiles: non est autem credibile Christum quicquam superflue ac inutiliter operari. Ergo in pyxide bene occlusa nullæ erunt cohærenter ad atomisticam doctrinam species Eucharisticæ: nullum erit, ut loquimini, *esse sensibile Eucharisticum*, nullus erit *Eucharisticus panis apparens*; atque ita ibi sacramentum Eucharisticum non erit; siquidem ad rationem huius Sacramenti opus est, quodd Corpus Christi sit realiter sub aliquo signo sensibili. Huius difficultatis solutionem, si quæ posset afferri, libenter audirem à te, Domine mi Rocchi, & considerem quodd illam valde roborares atque ornares; sed fere illam non peto; quia res impossibilis non est materiæ petitionis.

XII.
Potest ali-
quid appa-
rere quin
percipiatur.

ROCCHI U.S. Gloriaris, mi Pazzi, & superbis in difficultate tritissima, & quæ de cætero in vos retorqueri facile potest, & amoveri difficile. Tum solutionem, quam non rogas, non dabo: ipsa se offeret in hunc modum. Ad hoc ut aliquid sit vere apparens quantum est ex se, nulla-

Quàm bene Atomista reprobent accidentia prop. &c. 347
 renus opus, est ut appareat ulli sensui : unde licet nullus
 oculus esset, eadem esset apparentia lucis; licet nullus
 olfactus esset, eadem esset apparentia odoris, &c. id est,
 eommutatis abstractis terminis in concretos, omne cor-
 pus quod esset lucidum, æque lucidum appareret, & illud
 quod esset odorum, æque odorum appareret, &c. quia
 per se totum id præstaret, in quo consistit id, quod est
apparere acceptum ex parte objecti, & quoddam vocari po-
 test *apparere obiectivum*. Hoc uno principio supposito
 species Eucharisticæ tam apparent in pyxide, quàm ex-
 tra pyxidem, tam de nocte, quàm de die; tam coram nul-
 lo spectatore, quàm coram spectatorum multitudine infi-
 nita.

Et ratio, quæ jam præoccupata fuit, hæc est, quare-
 nus id totum, quod ad panis quanti, gravis, figurati, co-
 lorati, saporati, odori, sonori, &c. repræsentationem Chris-
 tus pro se sub tali repræsentatione occultando præstat ex-
 tra pyxidem & de die, & populo astante, id æque præstat
 in pyxide oclusa, & de nocte obscura, & in solitudine
 deserta. Quid impedit, si placer, mi Pazzi, quin una & ea-
 dem Christi actio sive simplex, sive multiplex ab ipso
 exercita pro pane repræsentando ubi non est, sed ubi ipse
 est sub repræsentatione illius, perseveret constanter tam in
 occulto, quàm in publico; tam in tenebris, quàm in lu-
 ce; tam in solitudine, quàm in frequentia, &c. ? Sed me-
 mini quod aiebas Christum id facturum *superflue ac inuti-*
liter : quasi verò superfluum esse possit & inutile id, sine
 quo nulla esset sensibilitas & ideo nulla subsistentia Sacra-
 menti. Tum verò ut veniam ad hujus difficultatis urgen-
 tioris retorsionem in caput vestrum, duo sunt quæren-
 da. Hoc primum quæro, an vestra illa accidentia Eucharis-
 tica manentia habeant suam omnem sensibilitatem inde-
 penderet ab omni concursu divino, an non ? Deinde
 quæram hoc alterum, an hujusmodi accidentia omnia sint

XIII:
Qualiter
 repræsentatio speciei-
 rum Eucharisticarum
 sit continua;

activa? Vide quomodo, mi Pazzi, res impossibiles à te non quero, ut tu à me unam eorum paulò ante quaesisti.

P A Z Z I U S. Imo faciles sunt: quare audi breviter nihil sensibilitatis Sacramentalis esse, quod à Deo concurrente non dependeat. Audi æque breviter non omnia accidentia nostra esse activa; propterea quòd alia sunt, quæ magis pertinent ad formam, & hæc activa sunt: alia vero magis spectant ad materiam, & hæc sunt passiva.

XIV.
Talis re-
presentatio
non esset
continua
stando in o-
pinione Ari-
stotelica;

R O C C H I U S. Hinc *primò* contra te infero, mi Pazzi, aut accidentia vestra non esse sensibilia constanter, aut concursus divinus esse satis sæpe superfluum atque inutilem, quia satis sæpe non sentiuntur, uti quando sunt in pyxide, aut quando non adest spectator, &c. Et revera quòd non tangantur, quòd non videantur, &c. id non se tenet ex parte ipsorum, quæ semper ac continuò agunt quidquid semel agunt ad exhibenda se contactui, visui, & cæteris sensibus; neque id agunt, quin Deus id ipsum agat cum illis. Jamque sic intellige doctrinam Atomisticam, juxta quam panis apparens est continuò apparens ubi & quâdiu appareret panis realis, si adesset: continuò, inquam, est apparens, quia Deus continuò id totum agit, quod opus est ad illius apparentiam exhibendam. Tum *secundò* contra te inferam accidentia illa passiva, quæ admittis & quæ non sunt generativa sui similibus, non esse sensibilia, tunc maxime quando in pyxide occluduntur; quia videlicet tunc nihil agunt, nullamque sui speciem mittunt ad sui sensibilitatem representandam. Quare si quæ manet in pyxide sensibilitas eorum, referri utique debet ad actionem aliquam objectivam Christi divine agentis pro iis accidentibus, quæ ad sui representationem nihil tunc agunt; sed nec agere quicquam possunt, quatenus activa non sunt.

XV.
Afferitur

P A Z Z I U S. Sed, mi Rocchi, non obstat discrimen

Quàm bene Atomistæ reprobent accidentia prop. &c. 349
 quod admittimus inter accidentia activa & passiva, quin
 adhuc in passivis sit satis activitatis ad generandam spe-
 ciem sui; & ita non obstat quia raritas, mollities, lævor,
 quies, &c. possint emittere continuam speciem sui, & in
 eo sensu nunquam illis sua sensibilitas decit.

diversa res-
 ponsio. & re-
 futatur.

R O C C H I U S. Hoc sane respondere debuisti; sed si
 supra non superasti difficultates, quæ occurrunt in gene-
 - randa toties & transmittenda specie odoris, qui supputatur
 inter accidentia activa, quomodo nunc superares illas, quæ
 occurrerent circa species ab istis accidentibus inextitibus
 æque toties generandas & transmittendas? Verum nescio,
 an Domino Philaleti placeat audire de novis istis difficul-
 tatibus aliquid.

PHILALETHES. Nolite, Domini mei, nolite in his
 immorari difficultatibus exagitandis, sive superari possint,
 sive non possint: magis seria illa est, quæ præsentī dis-
 putationi destinata est circa Concilium Constantiense,
 quod primâ solum fronte Aristotelistis suffragari, Atomis-
 tis adversari videtur. De illo autem memini quàm subtiliter,
 quàm graviter, quàm animose olim certastis, alter contra
 Gennarum, alter pro Gennaro agentes. Neque non me-
 mini plurium decisionum, in quas auditis utriusque parti-
 bus, sponte ibam, & in quas ambo veniebatis: quare
 meæ partes sunt ut attendam ne quid ibi actum, iterum
 hîc agatur: & ideo si annuitis, non alia hodie inter vos
 disceptatio sit, quàm de particularibus non nullis punctis,
 quæ debeant aut de novo, aut diligentius quàm antè dif-
 cuti: & hæc successive proponam. Interim suppono autho-
 ritatem omnem, quam Aristotelici sibi vendicant ex Con-
 cilio Constantiensi pro suis accidentibus illis panis & vini
 post consecrationem manentibus, positam esse totam in
 condemnatione unius & alterius propositionis VViclef-
 fianæ & præsertim alterius, sive secundæ. Prima propo-
 sitio damnata velut hæretica, hæc est. *Substantia panis*

XVI.
 Resumitur
 difficultas
 ex Concilio
 Constantiensi.

materialis, & similiter substantia vini materialis remanent in Sacramento altaris. Tum secunda propositio pariter damnata hæc est, *Accidentia panis non manent sine subjecto in eodem Sacramento.* Unde ad Fidem spectat primo substantias panis & vini non manere post consecrationem Eucharisticam, & secundo accidentia illarum manere, ac proinde manere sine suis respective subjectis.

XVII.

Aristotelici
affirmant species & accidentia idem esse.

Hinc autem ulterius eunt Aristotelici, & contendunt remanentiam solarum ac duntaxat specierum illam, quæ definita fuit in Concilio Lateranensi sub Innocentio III. & in Florentino sub Eugenio IV. & in Tridentino sub Paulo III. sub Julio III. & sub Pio IV. esse illam ipsam accidentium remanentiam, quæ definitur expressissime in Concilio præfato Constantiensi, atque ita pariter spectare ad Fidem id, quod in Scholis Aristotelicis passim traditur de quantitate, de gravitate, de figura, de colore, de sapore, de odore, cæterisque omnibus accidentibus, quæ ante consecrationem erant suis respective substantiis, sive subjectis conjuncta, & deinde post consecrationem manent ab illis separata. Quare jam hoc primum est quod propono, an Concilium Constantiense per condemnationem illius articuli secundi VVicleffiani, *Accidentia panis non manent sine subjecto*, censeri possit, aut debeat aliquid definiisse, tanquam de fide certum, circa remanentiam & eatenus circa præexistentiam, & ideo generatim circa existentiam realem accidentium Aristotelicorum quantitatis, gravitatis, figuræ, &c.

XVIII.

Adversarius
non vult accidentia manentia vocari. Aristotel.

P A Z Z I U S. Omnino & primario ad rem est, quod proponis, optime Philalethes; sed non amat Palancus accidentia, quæ probat per autoritatem Concilii hujus Constantiensis, vocari *Aristotelica*, non quod Aristotelica non sint, sed quia solent abuti hoc epitheto Atomistæ, opponendo accidentibus Aristotelicis alia quædam accidentium genera, quæ *Platonica* vocant, aut *Atomistica*, ut in-

Quàm bene Atomista reproberent accidentia prop. &c. 351
 de inferant Concilium minime cogitasse de ullo primatu
 deferendo hac in re accidentibus Aristotelicis, & in hunc
 modum libertatem reliquisse intelligendi accidentia hæc
 vel illa, *Platonica* seu *Atomistica*, vel *Aristotelica*, scilicet
 per ea, quæ definit manere post consecrationem sine sub-
 jecto. Ægre omnino fert Scriptor noster, quod Atomistæ
 opinantur nos in hac decisione Concilii, minùs attende-
 re Fidem ipsam, quàm Aristotelis gloriam, quasi Ecclesia
 voluerit se Aristotelicam declarare. *Nunquid dices*, inquit,
Ecclesiam in ea doctrina sic universaliter tradenda & cre-
denda fuisse Aristotelicam; regive spiritu aut mente Aristo-
telis, & non potius spiritu Dei vivi: Ecclesia certe nec Aristo-
telica, nec Platonica, nec alterius secta discipula, sed veritatis
magistra est. Ac deinde. *Absint ergo illa voces.* Acciden-
 tia Aristotelica, accidentia Platonica, accidentia Atomis-
 tica, quæ solum deservire possunt ad palliandam contradic-
 tionem, quæ sit doctrina universalis Ecclesia, & ut appa-
 reat solum facta contra Aristotelem pro Platone. Non enim
 pugnamus in presenti pro Aristotele, sed pro doctrina Eccle-
 siae. Ista accidentia prophane vocantur Aristotelica,
 Platonica, Atomistica. Hæc quidem non tam acci-
 dentia Aristotelica dicenda sunt quàm accidentia Catholi-
 ca. Ac tandem, *Et de cætero voces illas Atomistica, Plato-*
nica, Aristotelica, fugio quidem ut prophanas vocum novi-
tates. Quibus verbis satis intelligitur, quid velit Palancus.

Dial. 68.
n. 585.

ibid. n. 586.

ROCCHIUS. Satis intelligitur, mi Pazzi, quòd ve-
 lit longam seriem rerum impossibilium. Vult accidentia,
 quæ sine Aristotele adhuc non fuissent in Philosophiam
 introducta, non denominari ab Authore suo *Aristotelica*; ne
 certe perinde est ac si Alexandrum, qui filius Philippi est,
 nollet vocari *Alexandrum Philippi*. Vult accidentia, quæ
 hætenus Aristotelis fuerunt, esse deinceps accidentia Fi-
 dei, & *Catholica* vocari: ut nimirum cætera quæcunque
 accidentium genera, cum ipsi libuerit, vocare possit Hæ-

XIX.
 Sic autem
 Adversarius
 vult res pla-
 ne impossi-
 biles.

retica; quid hoc est, nisi velle pro suo arbitrio statuere Fidem & Hæresim? Vult non distingui per ullam denominationem accidentia, ut dubium non superfit, quin de suis intelligatur quidquid in gratiam accidentium definitur. Sed fierine potest ut pro varietate rerum non sit etiam varietas nominum? Quomodo non omnia sine ope nominum essent in confuso? Sed quid, si Palancus audiret accidentia esse chimæras, an non de suis accidentibus id negaret, an non id de nostris permitteret? Tunc saltem oporteret alia quidem Aristotelica, alia verò Atomistica vocari ad discrimen. Denique non video cui bono verti possit quod taceatur accidentia, quæ vere Aristotelica sunt, Aristotelica esse: an Aristotelici Aristotelem erubescant?

XX.

Accidentia
diversa de-
bent diversimode nomi-
nari.

PHILALETHES. Certe ubi agitur de accidentibus manentibus in Sacramento, quomodo fieri potest, ut qui varias accidentium opiniones sectantur, non illico dicant sua esse, quæ manent? Sic itaque Aristotelici affirmabunt sua esse, quæ manent: sic Platonici de suis id affirmabunt. Quare non video cur non dicantur accidentia *Aristotelica* manere, *Platonica* non manere; aut *Platonica* manere, *Aristotelica* non manere: nam certe utraque non manent, cum manere nisi quæ præextiterint, non possint: præextitisse autem utraque non possunt, sive in utroque sensu intellecta. Nam non minùs, quàm contradictorie opponuntur, ita quòd necesse sit, si vera sunt *Platonica*, *Aristotelica* esse chimæras, aut è contra. Sed tum hoc saltem indulgere Palanco possumus, ut nisi nos necessitas ad id compulerit, taceantur accidentium epitheta illa, quæ odit. Scisne, mi Pazzi, quare odit?

PAZZIUS. Causas alias non novi, nisi quas retuli.

XXI.

An Concilium
faveat
accidentibus
Aristotel.

PHILALETHES. Jam itaque tempus est, Domini mei, ut serid, si quid aliud unquam, inter vos disquiratur, qualiter faveat, aut non faveat accidentibus) hic certe opus est ut addam, *Aristotelicis*) definitio, quâ Concilium

Quam bene Atomista reproben accidentia prop. &c. 353
 lium damnat hanc propositionem VVicletti, *Accidentia
 panis non manent sine subiecto*. Sed quomodo id disquiri
 potest, nisi ante noverimus, an VVicleffus fuerit Aristote-
 licus, vel Atomista? Nosti ne, mi Pazzi, cujus Philo-
 sophiæ sequax fuerit hæreticus ille?

P A Z Z I U S. Vidi duas hac de re sententias. Theophi-
 lus Raynaudus vir in Societate Jesu doctissimus, qui pri-
 mus Calamum manui admovit contra systema Eucha-
 risticum P. Maighani, credidit VVicleffum esse Aristote-
 telicum, & unum è severioribus illis, qui putarent inhæssi-
 onem ita essentialem esse accidenti, ut esset indispensabilis.
 Unde audacissime affirmavit accidentia panis non manere
 in Sacramento sine subiecto. Tum Nicolaus Maria Gen-
 narius è Dominicana Familia vir doctissimus pariter &
 qui secundus impugnandum suscepit hoc ipsum systema,
 credidit è contra VVicleffum esse Atomistam, idque
 credidit tum propter authoritatem Thomæ VValdensis,
 qui ea in opinione fuit, tum propter identitatem realem,
 quam ponebat inter subiectum & accidens subiecti; unde
 impulsus est ad hæretice asserendum accidentia panis non
 manere in Sacramento sine subiecto. Tertius, qui hodie
 invadit systema Eucharisticum Maighani, Palancus est, vir
 doctrinæ non imparis; sed non video in quam opinionem
 de VVicleffo aut Aristotelico aut Atomista inclinet;
 quapropter nihil determino; vel præsertim quia tam in
 ore Philosophi Aristotelici, quam in ore Philosophi
 Atomistæ hæretica est propositio hæc VVicleffiana,
Accidentia panis non manent sine subiecto.

R O C C H I U S. Revera ita est, Domine mi Pazzi: &
 miror quod Dominus Philalethès non meminerit fuisse
 id olim inter nos post altercationes multas constitutum.
 Ratio fuit, quia de qualibuscunque accidentibus in sen-
 su Aristotelico, aut Platonico, sive Atomistico intellectis
 diceretur quod non manerant sine subiecto, propositio es-

XXII.
 A VVicleffus fuerit
 Aristoteli-
 cus vel At-
 omista.

XXIII.
 Concilium
 non respexit
 ad varias
 opiniones de
 accidentibus

set perinde hæretica. Tum accedebat in hujus rationis confirmationem, quodd non minus eadem propositio esset hæretica, si pro nomine *accidentium* substitueretur nomen *specierum* in quocunque sensu philosophico acceptarum: nam perinde fuisset VVicleffus hæreticus, si dixisset, *species panis non manent sine subiecto*. Hinc autem apertissime inferebatur mentem Concilii non fuisse, ut quicquam determinaret circa sententiam philosophicam hanc vel illam de accidentibus. An adhuc non meministi, Domine Philaethes, hoc etiam fuisse unanimiter illatum atque cõclusum?

XXIV.
Nihil in
Concilio
definitur de
accidenti-
bus Aristote-
licis.

PHILAEETHES. Memineram, mi Rocchi, rationum & illationum istarum omnium; neque à Pazzio rogavi: an VVicleffus fuisset Aristotelicus, vel Atomista, nisi ut addiscerem, an Palancus idem quod Genuarus sensisset de Atomismo VVicleffi. Cæterum intelligo nunc magis, quam olim: ex propositione illa damnata, *Accidentia panis non manent sine subiecto*, inferri nihil posse determinare in gratiam alium accidentium, pro quibus Aristotelici decertant. Accipite, Domini mei, verbis his paucissimis mentem meam: Duo sunt quæ in hoc Concilio Constantien: si definiuntur circa res Eucharisticas. *Primum*. est accidentia manere. *Secundum* est subiectum non manere. Sed tum ibi, ut de quidditate subiecti nihil definitur, ita de quidditate accidentium definitur nihil: Quem in modum propositionis hujus Catholicæ, *Accidentia panis manent sine subiecto*, Fides sicut perinde stat sive subiectum, quod non manet, esset compositum ex principiis Platoniciis, quæ sunt atomi, sive componeretur ex principiis Aristotelicis, quæ sunt materia & forma, ita etiam perinde stat sive accidentia quæ manent sint formæ genitæ ad mentem Aristotelis, sive sint actiones solum objectivæ ad mentem Platonis, qualem Atomistæ sectantur. Uno verbo licet illico videatur præfatum Concilium favere Aristotelicis in hoc, quod definit accidentia manere, revera tamen non

Quàm bene Atomista reproben accidentia prop. &c. 355
 favet, quatenus ex hoc uno *accidentium* nomine nullatenus potest colligi accidentia, quæ manent esse illa, quæ ab Aristotelicis putantur manere: nam quare non erunt illa, quorum remanentiam Atomistæ propugnant? Quare illa *Catholica* erunt, & hæc hæretica?

R O C C H I U S. Ratio in promptu est, quia sic placet Palanco, qui primus hominum ex zelo nimio contra prophanas vocum novitates induxit novitatem sacræ huius vocis, quâ prophanissimi Authoris accidentia *catholica* dicerentur; nempe ut deinceps necesse sit alia cuiuslibet Authoris alterius *hæretica* nominari. Sed tum si catholica dici oportet ea, quæ ad Fidei normam & Veritatem magis accedunt, hoc novo nomine veriùs donabuntur illa, pro quibus stamus. Vis ut hoc demonstrem, mi Pazzi?

P A Z Z I U S. Voluntati tuæ rem condono, quam tuam esse in potestate despero: agedum, mi Rocchi.

R O C C H I U S. Oportet ut hoc primum fatearis, mi Pazzi, nomen *accidentium* non reperiri ad rem istam in alio, quàm in Constantiensi Concilio, ubi neque reperitur, nisi quatenus relatum ex VVicleffo dicente, *Accidentia panis non manent sine subjecto*: in cæteris autem Conciliis præciteris nomen *Accidentium* tacetur, & in usu est nomen *specierum*: nam sic quidem definitur solas species panis & vini remanere in Sacramento post consecrationem. Et ne aliquid æquivocationis esset in hac solitaria remanentia specierum, in ultimo Concilio, quod est Tridentinum, adhuc expressiùs statutum fuit solas & duntaxat talium substantiarum panis & vini species remanere. Jam itaque in hunc modum discurre. Si de nostris, aut de vestris accidentibus panis & vini verificatur quoddam maneat, utique potiùs verificatur de illis, quibus convenit magis accedere ad id, quod est esse solas & duntaxat species panis & vini. Ad id autem nostra omnino accedunt: imo nihil aliud sunt, quàm tales solæ ac duntaxat species, id est,

XXV.
 Accidentia
 Aristotelica
 non debent
 nominari
 catholica.

XXVI.
 Demonstratur
 accidentia
 Aristotelica
 non esse
 illa quæ manent.

Yy ij

repræsentationes panis & vini, cum ad mentem nostram, quæ hac in re mens est Concilii Tridentini, nihil panis & vini remaneat in Sacramento præter id, quod est repræsentari panem & vinum.

xxvii.

Probatum
quod man-
ent omnino
inutiliter.

Et certe inutiliter remaneret quidquid remaneret præter id, quod sufficit ad occultationem mysterii & ad exercitium fidei: ad id autem sufficit id, quod est repræsentari panem & vinum, ubi nihil panis, nihil vini jam est propter vim transsubstantiationis jam factæ. Quare definitio Concilii Tridentini de *solis ac duntaxat* speciebus manentibus si bene capitur, intelligitur de *solis ac duntaxat* speciebus, seu repræsentationibus passivis, quas sic explico. Antè consecrationem, panis (idem dic de vino) repræsentabat se ubi erat, & quantus & qualis & qualiter erat; sicque se repræsentabat agendo mediate aut immediate in sensus, quibus se repræsentabat; atque ita per suas illas actiones efformabat statum passivum suæ repræsentationis. Itaque considerari ante consecrationem in pane poterat & status activus, per quem se repræsentabat, & status passivus, qui terminus erat activi, & per quem fiebat ipsum repræsentari. Tum post consecrationem, status quidem activus ille periit, quia jam panis non est, qui repræsentare se possit; sed permanet status passivus unus atque idem, licet non jam pendens ab actionibus panis, qui non est, sed ab actionibus Christi suppletis actiones panis,

xxviii.

Sola species
passivæ sunt
ilæ quæ
manent post
consecra-
tionem.

Videte in hunc modum, Domini mei, qualiter, si res bene attenditur, definitio lata in Concilio Tridentino de *solis ac duntaxat* speciebus manentibus, non aliter intelligi debeat, quàm de solis speciebus, sive repræsentationibus passivis, in quibus consistit tota & vera sensibilitas Sacramenti, quam Christus exhibet, agendo totum id, quod panis ad sui sensibilem exhibitionem ageret, si adesset. Tum veniamus ad considerationem accidentium, (sub-

Quam bene Atomistæ reprobent accidentia prop. &c. 357
intelligo *Aristotelicorum*, quando interdictum est ita loqui)
quantitatis, gravitatis, figuræ, coloris, odoris, &c. & de-
prehendimus illa in infinitum discedere ab ista simplicis-
sima notione *solarum & duntaxat* remanentium specie-
rum: nam nunquid accidentia illa in se ipsis sunt totidem
res, quæ vere existunt, & vere agunt; an non vere in se
ipsis sunt totum id, quod erant antequam essent seorsim à
suis respective subjectis; imo sunt aliquid valde spectan-
dum ultra id, quod erant, si creditur Aristotelicis affir-
mantibus illa esse elevata divinitus ad ministeria multa
substantiæ.

Quis autem de Aristotelicorum grege interrogatus quid
sint accidentia panis non consecrati, responderet ea ni-
hil esse, nisi solas ac duntaxat species panis? An non sin-
gulis accidentibus suas tribuunt entitates, suas propieta-
tes, suas actiones, suas generationes, suas alterationes, &c.
hocne est accidentia esse solas ac duntaxat species subjec-
torum suorum? Quo nodo igitur illa eadem accidentia
non erunt post consecrationem, nisi solæ ac duntaxat spe-
cies panis, quæ ante consecrationem erant aliquid ultra id,
quod est esse species solas ac duntaxat illius? Unde con-
cludo accidentibus nostris, subintelligo *Atomisticis*, veriùs
convenire id, quod est esse solas ac duntaxat species pa-
nis remanentes; ac proinde veriùs, quàm quæcunque alia
vocari *Catholicæ* posse; si fortè aliqua sacrum hoc ac ve-
nerabile nomen promerentur.

PHILALETHES. Miror, mi Rocchi, quòd semper
aliquid novi ac solidi afferas in gratiam tui systematis: ne-
que diffitebor me hoc tuo novissimo ratiocinio perducì
ad opinandum non satis probari ex Concilio Constan-
tienti permanentiam accidentium Aristotelicorum in Sa-
cramento, ideoque nec ullam præexistentiam eorum in
quibuslibet subjectis. Sed deinde quando Concilium dani-
navit VVicleffum ob id, quòd affirmaret accidentia panis

XXIX.

Quod non
potest con-
venire acci-
dentibus A-
ristotelicis.

XXX.

Opponitur
quòd Con-
cilium vide-
tur repu-
lia-
se accidentia
atomistica.

non manere sine subjecto, non potuit non improbare principium philosophicum illud, unde inferebat suam illam hæresim: tale autem principium est commune Atomistis, quare hac in parte pugnarent pro VVicleffo, quod indecorum est Philosophis Christianis. Explico me: ac deinceps audiam vos; & hoc est illud alterum, quod contentioni vestræ hodiernæ proponam. Quare VVicleffus negavit quantitatem, gravitatem, figuram, colorem, &c. panis manere sine subjecto, nisi quia putavit formas illas accidentales non esse nisi modalitates substantiæ; sed de cætero à substantia ita indistinctas, ut seorsim ab illa subsistere nullatenus possent? Formas illas Atomistæ similiter putant esse indistinctas à suis subjectis: igitur habent principium commune, per quod VVicleffistæ firmantur in sua hæresi, Atomistæ autem ab illa non declinant, nisi admitiendo inconsequenter separationem rerum inseparabilium. Atque ita fit ut Atomistæ, vel saltem inviti, pugnent pro VVicleffo, neque se à VVicleffitis discernant, ut par est discerni Catholicos ab Hæreticis.

XXXI.
Opponitur
nimia socie-
tas Atomis-
tarum cum
VVicleffo.
Dial. 69.
n. fol.

PAZZIUS. Institit, Domine Philalethes, super hoc punctum sæpissime Palancus, & exprobravit tacite Maignanò ac suis societatem hac in renimiam cum VVicleffo. Itaque Palancus relatis ex Thoma VValdensi quibusdam locis, unde fulciebat præfatam illam indistinctionem accidentium à suis subjectis, hæc habet. *Ecce quomodo VVicleffus ex indistinctione reali, seu titulo etiam identitatis accidentium cum substantia sentiebat non posse manere accidentia sine substantia.* Et subdit, *Nonne vestri Atomista id ipsum sentiunt, id ipsum frequenter loquuntur? In quo ergo ab VVicleffo vos ipsos secernitis?* Paulò antè dixerat, *Si ergo vos contenditis ipsamet (accidentia) non utunque annexa substantia; sed cum illa identificata realiter esse, atque ideo sine illa existere non valere, urgentissime pro Hæretico pugnatis, &c.* Quare vehementer doleo, mi

Quàm bene Atom. reprob. accid. prop. decisi. de, &c. 359
Rocchi, quoddam Atomistæ Catholici causam habeatis
ita communem cum VVicleffo.

ROCCH IUS. Et ego, mi bone Pazzi, misereor super te,
ac super tuam nostri Atomismi obstinatum inscitiam. Parem
in te non criminabor; Domine Philalethes, quem sæpius
animadverti dissimulare quæ scires, ut præberes occasio-
nem contendendi. Sed ad te redeo, mi Pazzi, & dico quod
fortasse vitium, de quo quereris, si te diligenter excuseris,
in sinu invenies, vitium, aio, communionis cum VVi-
cleffo, cum Joanne Hufs & exinde cum Luthero atque
Calvino in hisce rebus ad accidentia pertinentibus. Ecce
omnes isti Aristotelici fuerunt, nec alia quàm Aristotelis
authoritas, in qua nimis confidebant, illis occasio fuit
errandi circa Fidem Sacramenti Eucharistici. Audiebant
ab Aristotele accidens non esse tam ens, quàm entis ens:
unde alii quidem ut VVicleffistæ & Hufistæ intulerunt
accidens esse realiter identificatum cum ente, cujus est
accidens; alioquin esset ens & non entis ens, ut Aristoteles
docuit. Alii verò, ut Lutherani & Calvinistæ intulerunt
accidens, si non est entis ens identice, esse saltem entis
ens inhæsiue, ac proinde inhærere suo enti essentialiter,
seu indispensabiliter.

Ac tandem omnes propter Aristotelicam illam præven-
tionem affirmaverunt non posse accidentia in Sacramen-
to manere sine suis respective subjectis; nempe ob id, quoddam
cum illis identificari aut indispensabiliter inhærere neces-
se esse arbitrantur. Neque mirum quoddam in eam opinio-
nem identitatis aut indispensabilis inhæsiōis ceciderint,
quando in eandem opinionem lapsi sunt Aristotelici Ca-
tholici satis multi pro quibusdam particularibus acciden-
tibus, uti Arriaga pro gravitate, Poncius pro raritate,
Oviedo pro figura, &c. Quare negaverunt hæc accidentia
manere in Sacramento aliter quàm apparenter, Christo
scilicet supplente vires eorum, & concurrente divinitus

XXXII.
Sed Aristote-
lici majorem
habent
societatem
cum illo.

Sen. l. 1. de
benef. c. 28.

XXXIII.
Qualiter
hæc hæc
fluxit ex
præventionem
Aristotelica.

per actiones suas ad illorum apparentiam exhibendam juxta leges nostri systematis.

XXXIV.
Nihil Atomis & hæreticis illis commune est.

Ad nos autem quod spectat, ecce accidentia hujusmodi Aristotelica nulla plane admittimus : & ideo nunquam introimus in vestras illas Aristotelicas controversias de inhæensione dispensabili aut non-dispensabili, de identitate aut non identitate talium accidentium cum suis subjectis. Ubi ergo jam est, mi Pazzi, societas illa, quam exprobras nostro systemati cum hæresi VVicleffiana? Cæcus es, si tandem non vides tam nullam illius cum ista conversionem esse, quam nulla est conventio Christi cum Belial. Atque ut scias quantum absumus à vestris illis Aristotelicis hæreticis, attende ad hæc tantummodo tria verba, quæ complectuntur nostrum de accidentibus Atomismum.

XXXV.
Quæ sunt accidentia physica atomistica.

Vis itaque scire quæ sint accidentia nostra physica, hæc sunt ; esse quantum, esse grave, esse figuratum, esse coloratum, esse lapidinum, &c. id est, esse quantum sensibilibiter, esse grave sensibilibiter, esse figuratum sensibilibiter, &c. jam itaque quando fit consecratio panis, sicut perit id quod est esse panem, ita perit id quod est esse quantum, id quod est esse grave, id quod est esse figuratum, &c. Sed hæc quæ secundum statum absolutum pereunt, secundum statum sensibilem non pereunt : sicque non pereunt, sed manent omnes ac singulæ sensibilitates panis quanti, gravis, figurati, colorati, &c. & istæ sensibilitates sunt illæ *sola ac duntaxat* panis species, quas Concilium Tridentinum definiuit remanere in Sacramento.

XXXVI.
Quæ sunt in talia accidentia & individua sui subjecti.

P. A z z H' t u s. O quam callide, mi Rochi, vertis te in omnem partem, ut te dimoveas à præfatis Hæreticis in hoc, quod affirmant de accidentibus non manentibus sine subjecto. Attamen non haberes effugium, si te argerem ad mentem nostri Scriptoris, ac te interrogarem, an quantitas, gravitas, figura, duntaxat, &c. sint aliquid distinctum aut

Quàm bene Atomista reproben accidentia prop. &c. 361
aut indistinctum à suo subjecto : nam haud dubie respon-
debis esse aliquid indistinctum, ut ab Aristotelicis te dis-
cernas ; sed hoc ipso confundes te cum VVicleffo & cæ-
teris, qui non contendunt panem in Sacramento esse, ni-
si quia putant illum ab accidentibus suis aut indistinctum,
ut saltem inseparabilem esse.

ROCCHIUS. Si me sic urgeres, mi Pazzi, si me sic
interrogares, non aliter responderem, quàm à te rogando
pro meo jure, an videris Antichristum ambulantiem vel
sedentem. Cæterum scio quid responsi dares, te neque
sedentem, neque ambulantiem illum vidisse, aut videre po-
tuisse, cum nondum sit. Quare igitur non coniecisti esse
me aliquid simile responsurum dicendo accidentia, quæ in
subjecto non sunt, nec distincta esse ab illo, nec indistin-
ta; seu realiter, seu modaliter, seu utcunque aliter.

PAZZIUS. *Optime* (sic instat Palancus) *ergo ut quis* *Dial. 69. n.*
fit verus Atomista, lex inviolabilis est, ut nullam admittat *601.*
qualitatem realem in rebus, nullam realem quantitatem,
nullam realem figuram sed dicat omnia ista esse o-
nimodas chimæras & omnes, dum loquuntur, chimærizare,
vosque ipsos etiam ; nam ista prænumerata & alia similia
continuo nominatis, &c. & hic, mi Rocchi, vide abyssum,
in quam tandem incidit atomistica vestra illa cogitandi ac
loquendi sublimitas.

ROCCHIUS. Bona verba, mi Pazzi, & cave ne *XXXVII.*
prior incidas in foveam, quam fecisti. Timuit Arriaga, ne *Qualiter*
si quid rei tribueret gravitati, chimæram fingeret : timuit *pro accidentibus affectantur chimære.*
Poncius ne chimæram fingeret, si quid rei tribueret rari-
tati : id Oviedo timuit pro figura, ut raceam cæteros ac
præsertim hodiernos Aristotelicos, quorum alii colorem,
alii calorem, alii odorem, alii saporem, alii sonum, &c.
è numero rerum seponunt, quia vetentur ne chimæras
fingant. De cætero autem si quantitas, gravitas, figura,
color, odor, sapor, &c. accipiuntur, ut solent à nobis ac-

cipi pro qualitatibus abstractis, & de quibus sic in abstracto acceptis loquimur ut cæteri, reputabuntur apud Sapientes nunquam pro chimæris, quia utique sunt abstractiones fundamentum habentes. Unicum igitur est, ut vocabulo vestro utar, chimærizandi periculum, si quid rei non-rei tribuitur: id igitur timete, quoties accidentalibus formis vestris, quas seorsim per se non esse res toties à nobis demonstratum est, aliquam realitatem affingitis. Neque admodum plura, mi Pazzi.

PAZZIUS. Sed neque vacaret audire plura, mi Rocchi: meministi enim necessitatis, in qua constitutus sum abeundi paulò ante occasum Solis: & ecce imminet.

XXXVIII.

Proponuntur examinandæ aliquæ auctoritates.

PHILALETHES. Tuæ hujus necessitatis, Domine Pazzi, ceperat me oblivio; etenim si meminissem illius, rogassem omitti chimæras istas, quas ultimum objecisti, & in quibus umbra non fuit difficultatis. Suggestissem tibi aut ex Breviario Romano, aut ex catechismo Concilii Tridentini, aut ex sacris canonibus aliquid oportunius digniusque opponi, & in cujus examine tempus teri utilius potuisset.

PAZZIUS. Non opus fuisset, Domine Philalethes; mihi à te quidquam ex his omnibus suggeri: præsentissimum enim est memoriæ meæ quidquid Palancus ex illis locis selegit ad impugnationem Maignani & sequacium. Sed quia nihil affert quod Gennarus non præoccupaverit, & propositum & agitatum olim non fuerit prolixissime inter nos, haud dubie auditus non fuisset, quia nos vicissim obstrinximus promissis vitandi omnem inutilem repetitionem.

XXXIX.

Tales auctoritates alibi examinatz fuerunt.

ROCCHIUS. Certe si meministis, Domini mei, nec labori, nec tempori olim pepercimus, quando à me oportuit satisfieri argumentis Gennari afferentis pro se Breviarium Romanum, Catechisimum Concilii Tridentini, & sacros canones nonnullos. Extant singuli dialogi de sin-

Quàm bene Atomista reproben accidentia prop. &c. 363
gulis hisce materiis à me conscripti ; & ideo me rædūisset
hic audire rursus easdem difficultates , & rursus easdem so-
lutiones afferre. Quare præterea si attenditis ad volunta-
tem meam , quam probastis , dandi colloquia ista in publi-
cum , num eadem oporteret , quod absit , iteratis typis vul-
gare ? Accipite mentem meam : quando colloquium hoc
nostrum à me vulgabitur , rogabo sub finem illius Lecto-
res meos recurrere pro istis particularibus materiis ad dia-
logos , quos de illis seorsim conscripsi , & in quibus nihil
ad aggressionem , aut ad defensionem ab Aristotelicis , aut
ab Atomistis potest desiderari , quod non occurrat.

P A Z Z I U S. Amplector mentem tuam , mi Rocchî :
jamque , Domini mei , rogatâ non semel veniâ surgo &
abeo.

R O C C H I U S. Nec solus , nec pedes ibis , mi Pazzi :
juncti jam sunt equi ad bigam meam , qua excipiam te ,
perferamque obiter ad ædes Peralti ; & cundo statuemus
quid , & ubi , & quando contentionis erit magis oportu-
num ad materiam secuturi dialogi. Qua de re ambo te
monebimus , Domine Philalethes , tuumque accipiemus
consilium. Inetrim ama hospites , qui non reddunt , nisi
gratias pro mercede.

P H I L A L E T H E S. Interim , Domini mei , amate hos-
pitem , qui vestras gratias non admittit pro idonea merce-
de : alia est , quam reposcit , & hæc est , voluntas redeundi
sepe ad hospitium , & eo familiariter utendi. Valete plu-
rimum.

XL:
Terminatus
dialogus &
decernitur
materiam seq.
quatur.

DIALOGUS XIV.

QUAM MALE SENTIANT ARISTOTELICI DE FORMIS SPIRITUALIBUS IN GENERE.

PERSONÆ COLLOQUENTES.

PHILALETHES, PAZZIUS, ROCCHIUS.

I.
Locus ad colloquendum
destinatus
est insula ad
id valde opportuna.

PHILALETHES. Quæ fraus hæc vestra est, Domini mei? Condictum heri fuit nos hac scapha trajecturos Garumnâ, & ituros ad *delicias* Peralti: (sic vocat ædes riparias, quas nuper exædificavit,) & ecce in medio fluminis sistitur, in nova insula: an hic nata, an aliunde traducta hæc sylva est? an incantamenti res est?

PAZZIUS. Hic nullius fraudis, nullius incantationis res est, Domine Philalethes: heri quando sub altam noctem ibam cubitum, monuit me per epistolam Peraltus suas *delicias* fore hodie occupandas à lectissima Urbis Juventute, trahente secum choros & jubila: unde intellexi studia jurgiaque nostra esse aliò transferenda. Illico cogitavi de hac parvula insula, quæ, ut vides, valde frondosa est, & ubi casa valde commoda est boni ac divitis piscatoris, qui amicissime nos excipiet. Ad oram purissimi fontis non deerit vini delicatissimi copia, piscibusque vescemur, quibus quisque voluerit: Fraudem aliam, aliam incantationem non novi: Rocchius neutram hîc metuit.

ROCCHIUS. Insula est, Domine Philalethes, ubi Pazzius regnat. Neque nos hodie huc perducit, sicut me perduxit non semel, nisi ut ostendet quid possit. Suspicio

Quàm male sentiant Arist. de formis spirit. in genere. 365
tamen hanc quoque accessisse causam, nempe ut iciat
aliquando Palancus qualiter terra marique pro ipso pug-
net. Cæterum potuit illi securiorem hanc solitudinem sua-
dere voluntas inclamandi altiùs ac liberiùs quàm antè
adversus Atomisum, & illum sepeliendi, si poterit, sub
grandi aggere formarum accidentalium spiritualium, quas
suscepit hodie demonstrandas. Hæc, si annuis, materia erit
torius contentionis hodiernæ.

P A Z Z I U S. Erit etiam initium hujus contentionis
lectio, quæ, ut confido, mihi per vos licebit, numeri tex-
centesimi tertii ex dialogo sexagesimo nono nostri Scrip-
toris, qui rectissime hic concludit nullas fore in rebus
spiritualibus formalitates reales, si nullæ id genus essent in
rebus materialibus. Sic lego. *Et quidem quod dicis de
quantitate, figura, colore, & aliis qualitatibus in substantia
corporea, pariter debes dicere de omnibus formalitatibus, quas
abstrahimus tam à Deo, quàm à creaturis. Dicere ergo de-
bes sanctitatem, bonitatem, veritatem, justitiam ceteras-
que perfectiones nullas revera esse in rebus, nec in Deo;
sed tantum in mente abstrahentis; neque esse res; neque
modos reales, sed omnimodas chimaras . . . ac proinde in
Deo non esse bonitatem, veritatem & justitiam, nisi chima-
ras.* Jamque adhuc magis attendite, Domini mei, ad
verba quæ sequuntur, *Si ita loqui ac sentire debet quisquis
fuerit verus Atomista, hanc legem præfigito, & credo certe
quod nullus velit esse verus Atomista, nisi mente-captus.*

R O C C H I U S. Doleo vehementer, mi Pazzi, quod
Scriptor vester nescierit quis & qualis sit verus Atomista.
Itaque verus Atomista sicut non negat quantitatem, fi-
guram, colorem & alias qualitates in substantia corporea,
ita neque negat in substantia spirituali sanctitatem, boni-
tatem, veritatem, justitiam cæterasque perfectiones: quin
etiam affirmat utrasque reales esse. Sed tum quæstio est
de sensu, in quo sunt, aut non sunt reales tam istæ per-

III.
Arguitur à
formis ma-
terialibus ad
spirituales.

III.
Qualiter
accidentia
materialia
sint realia
& non rea-
lia.

Er.

fectiones incorporeæ, quàm illæ corporeæ qualitates. Ut ab istis incipiam dico quantitatem v. g. præcise ut quantitas est, quia sic forma mere abstracta est, non esse per se ac seorsim rem aliquam superadditam subjecto, quod quantum est; sed de cætero si subjective accipitur, habet hoc ipso realitatem sui subjecti considerabilis in ratione quanti; aliam autem non habet. Similiter Sanctitas v. g. præcise ut sanctitas est, quia sic forma mere abstracta est, non est per se ac seorsim res aliqua superaddita subjecto, quod sanctum est; sed de cætero si jam non abstracte, sed subjective accipitur, habet hoc ipso realitatem sui subjecti considerabilis sub ratione sancti; aliam autem non habet.

I V.
Et similiter
discurrendū
est pro acci-
dentibus
spirituali-
bus.

Tum è contra ego, qui quondam ab Aristotele steri; non ignoro quis & qualis sit verus Aristotelista. Ecce, Domini mei, ut discurret. Quantitas, figura, color, & aliæ qualitates in substantia corporea, sunt realitates superadditæ illi: ergo sanctitas, veritas, bonitas & aliæ perfectiones in substantia spirituali, sunt etiam realitates superadditæ illi. Sic, inquam, discurret non attendens quod res spirituales incapaces sunt admittendi compositionem ullam realem. Unde quamvis qualitates corporis singulæ realitatem propriam obtinerent, quam illi superadderent; hoc tamen non aliter, quàm temere pro qualitatibus spiritualibus inferretur. Et aliquando etiam sic discurret inferendo qualitates corporales ex perfectionibus spiritualibus, scilicet in hunc modum. Creaturæ spirituali accidunt sanctitas, bonitas, veritas, iustitia, &c. & istæ perfectiones reales sunt: igitur similiter accidunt creaturæ corporali quantitas, figura, color, &c. & similiter reales sunt.

V.
Quale sit
discrimen
inter rea-
litatem sub-
iectivam &

Sed dum ita discurret, non attendit ad difficultatem, quæ utique non est de realitate subjectiva talium sive perfectionum, sive qualitarum; sed de realitate præcisa & superaddita. Unde aut asserere debet perfectiones omnes spiri-

Quàm male sentiant Arist. de formis spirit. in genere. 367

tuales esse totidem res distinctas & superadditas substantiis spiritualibus, quod ipsarum spiritualitati repugnat; aut inferre non potest pro qualitatibus corporalibus realitatem illam præcisam, & superadditam, de qua est quæstio. Atque ita clare videris circulum, in quo verus iste Aristorelista confidenter ludit. Est etiam alius, in quo ludit cum fiducia majori: quando videlicet ex qualitatibus corporalibus quantitatis, figuræ, coloris, &c. assurgit ad perfectiones divinas sanctitatis, bonitatis, veritatis, iustitiæ, &c. ac tum ex perfectionibus istis divinis descendit ad qualitates illas corporales stabiliendas, prout vult, & distinctas & superadditas & separabiles à suis respective subjectis. Quæ utique consequentia nulla est, nisi de perfectionibus divinis pariter affirmetur realitas distincta, superaddita & separabilis: quod omnino pugnat cum simplicitate divina.

P A Z Z I U S. At ubi est bona tua fides, mi Rocchi? quare races, aut dissimulas rationem, propter quam verus Aristorelista contendit, quod si nihil realitatis esset in quantitate, figura, colore & aliis qualitatibus corporum, nihil etiam realitatis esset in sanctitate, bonitate, veritate, iustitia & aliis perfectionibus spirituum: imo nihil etiam realitatis esset in perfectionibus divinis. Etenim Atomistæ dicunt quantitatem nihil realitatis habere, quia non est nisi forma quædam abstracta, & quæ ideo est tota intra mentem abstrahentis: nec proinde extra illam, nisi chimæra est. Unde Aristorelici sic argumentantur cum Palanco. Si quantitas corporis nihil nisi forma quædam abstracta est, nihil etiam nisi forma quædam abstracta erit sanctitas Dei: & ideo si quantitas illa ex hoc, quod non sit nisi forma abstracta, non est realis, sed potius chimæra; id etiam pariter sequeretur de sanctitate Divina: quod impium atque insanum est. Aut dicant Atomistæ in quo sanctitas ista erit quid minus abstractum, aut quid minus intra mentem abstrahentis, quam illa quantitas. Igitur aut negandum

realitatem
præcisam.

P. I.
Opponitur
sanctitatem
Dei non fore
realem, si
forma abstracta non
est realis.

erit perfectiones divinas ob id quod sint formæ abstractæ, reales esse : aut negandum non erit qualitates corporales esse reales, licet sint formæ quædam abstractæ. Et idcirco aut illa quantitas realis est, aut ista sanctitas realis non est : hoc secundum nemo nisi mente-captus non affirmabit : is qui primum illud negabit, quis erit ?

P. II.
In quo
sensu sancti-
tas sit realis,
sicut & quan-
titas.

R O C C H I U S. Erit mente-captus, mi Pazzi, si nemo illud negabit in sensu, in quo Atomistæ non negant. In sensu subjectivo & fundamentalis Atomistæ non negant quantitatem esse realem : sed negant illam esse realem in sensu præciso & formali, in quo videlicet forma mere abstracta est, & extra mentem abstrahentis non est. Uno verbo quantitas prout in subjecto, realis est, ea scilicet realitate, quæ est subjecti quantæ ; sed prout seorsim à subjecto, realis non est, quia jam non in subjecto, sed in mente est : ubi realitatem non habet nisi objectivam ; quamquam non eapropter chimæra est, quatenus formalitas est, quæ rationabiliter præcisa est. Quæ doctrina transferenda est ad omnes perfectiones spirituales, etiamque divinas, quæ utique in suis subjectis reales sunt ; sed si præscinduntur ab illis, jam reales non sunt, quia ut sic præcisæ, non sunt extra latitudinem mentis præscindentis. Et revera si sanctitas divina præcise ut sanctitas est, & considerata seorsim à Deo, qui sanctus est, adderet aliquid realitatis supra illam, quæ est Dei sancti, nunquid hoc simplicitati Divinæ obstarer, mi Pazzi ?

P. III.
Opponitur
simplicitati
entis
divini esse
simplicem ad
discrimen
cæterarum
entibus.

P A Z Z I U S. Obstarer ; sed non similiter obstat simplicitati cæterarum rerum spiritualium realitas multiplex variarum formalitatum, sive perfectionum, quibus abundant : quia talis simplicitas non est summa, qualis est divina : ideoque realiter atque intrinsece mutabilis est. Atque in hunc modum argumentari solent Aristotelici ex multitudine reali accidentium in rebus spiritualibus ad multitudinem realem accidentium in rebus materialibus ; &
hic

Quam male sentiant Arist. de formis spirit. in genere. 369
hic quidem modus est argumentandi, ut aiunt, à fortiori;
quia si multiplicitas realis accidentalis non repugnat
in rebus spiritualibus, quanto minus in materialibus re-
pugnabit.

PHILALETHES. Video jam clare, Domini mei,
quò tendit vestra contentio hodierna: eò scilicet tendit
ut sciatur, an sint in entibus spiritualibus formæ accidenta-
les, quæ sint alicujus realitatis singularis, distinctæ & super-
additæ ad substantiam ipsam talium entium. Et hæc ma-
teria magni momenti est, ac digna quæ in secessu isto in-
sulari tractetur: nam si fortè ita est res spirituales non ca-
rere accidentibus superadditis perficientibus ac mutanti-
bus ipsas intrinsece, quam ob causam res materiales non
poterunt intrinsece perfici & mutari per accidentia ordi-
nis materialis, uti per quantitatem, per gravitatem, per
figuram, per colorem, &c.? Cæterum memini plura &
pluries dicta fuisse à vobis obiter de accidentibus substan-
tiarum spiritualium; memini etiam vestræ super hanc rem
contumacissimæ dissensionis, quam non faciliè placatum
iri præsentio. Ut sit, contendite, Domini mei, pro mo-
re vestro, tuque prior age, mi Pazzi, & declara quid de
hisce accidentibus spiritualibus Aristotelici sentiant: quid
convictionis de illis habeant.

ROCCATUS. Aget prior, ut jubes, Pazzius, Do-
mine Philalethes; sed mihi condona; si hoc verbum
interposuerim de securitate, in qua pro nostro Atomismo
mihi jam vivitur, quum video hanc unam superesse Aris-
totelici spem probandi rem improbabilem. Non potue-
runt Aristotelismum ædificare hætenus in terra; & jam
tentant ædificare illum in cælo: non potuerunt probare
accidentia materialia, & cogitant de spiritualibus proban-
dis. Aut mirum in modum fallor, aut res ista non succe-
det illis è voto.

PAZZIUS. Mihi verò successus prosperi spem facit:

Aaa

IX.
Proponitur
status diffi-
cultatis cir-
ca qualitates
spirituales.

X.
Qualitates
spirituales
difficilius
probantur, quæ
quàm mate-
riales.

optimam titulus dialogi quinquagesimi noni de hac materia ex professo scripti à Palanco.

ROCCHIUS. Quis scit an titulus ille non erit vacuus?

PAZZIUS. Audi titulum, mi Rocchi. *Demonstratur accidentia realia in substantiis spiritualibus.* An sub hoc titulo putabis demonstrationem talium accidentium non comperiri? Illam audies, & multis quidem Sanctorum Patrum autoritatibus communitam. Pender autem ex variis interrogationibus, quibus Atomistam suum aggredditur, & ex variis responsionibus Atomistæ sui, quem tandem convictum diiungit.

ROCCHIUS. Ego, mi bone Pazzi & Atomista ille suus duo sumus valde dissentientes ut plurimum in modis argumentandi & respondendi: quare nihil agis, si tantum retuleris, unde convictus fuerit. Affer, si placet, unde convincar.

XI.

Arguitur
ex divina
immutabili-
tate intrin-
seca.

PAZZIUS. Radix convictionis, quam non effugies, mi Rocchi, hæc est; quia videlicet Deus est ab intrinseco immutabilis, ita quod nullius intrinsecæ mutationis vices tolerare utcumque possit: scriptum est enim, *Apud quem non est transmutatio, nec vicissitudinis obumbratio.* Et hanc quidem immutabilitatem intrinsecam, esse singularissimam ac characteristicam Divinitatis proprietatem tum Sancti Patres expresse docuerunt, atque imprimis S. Augustinus, S. Gregorius Magnus, S. Joan. Damascenus, & S. Gregorius Nyssenus, quos Palancus citat præ cæteris; tum Theologi omnes unanimiter affirmant, & exinde in hoc omnes concordant, quod nulla creatura esse possit immutabilis intrinsece. Quapropter, ut Scriptor noster concludit, *non sine ingenti temeritate, ni dicam sine blasphemia, de substantia ulla creata, quod sit immutabilis intrinsece in se ipsa dici potest.* Ac tum ad suum Atomistam convertens addit, *Vide igitur in quod barathrum incitatis pro vestro systemate propugnando, seu pro accidentibus realibus profligandis.*

Dial. 59.

n. 510.

Quam male sentiant Arist. de formis spirit. in genere. 372

ROCCHIUS. Præclara hæc sunt, Domine mi Pazzi; sed demonstratio, de qua sermo est, ubi est?

PAZZIUS. Ibi est quoad vim omnem: jam verò formam accipe. Ratio propter quam Atomistæ contendunt substantias spirituales non posse in se admittere accidentia realia, hæc est, nempe illas esse ab intrinseco immutabiles, siquidem simplices: per huiusmodi autem accidentia realia, qualia videlicet Aristotelici tuentur, ab intrinseco mutarentur. Unde inferunt illas nullis accidentibus huiusmodi realibus posse subiacere. Igitur si solus Deus est ab intrinseco immutabilis, ratio, quam afferunt Atomistæ, rui, & cā- mente demonstratum relinquitur substantias spirituales subiacere accidentibus realibus; quod erat demonstrandum.

ROCCHIUS. Adhuc tamen quæro, mi Pazzi: demonstratio; de qua sermo est, ubi est? Quia scilicet et immutabilitas Dei ab intrinseco absoluta & essentialis non aufert à substantiis spiritualibus immutabilitatem intrinsecam secundum quid & participatam. Hæc autem sufficit illis, ut non subiaceant accidentibus ullis realibus, qualia & qualiter Aristotelici volunt intra illas admitti. Præterea ratio, quam pro negandis accidentibus spiritualibus Atomistæ desumunt ex simplicitate ac proinde immutabilitate intrinseca substantiarum spiritualium non est, nisi ratio una è multis. Quare licet rueret, non eapropter tales substantiæ admitterent huiusmodi accidentia: uti si aliunde improducibilia essent: quod Atomistæ propugnant, & à me antequam discedamus hac die ab invicem, pro voluntate Domini Philalethis probabitur.

PHILALETHES. Ad id probandum expectabis, si placet, oportunitatem sermonis nos in hanc materiam deducentis. Inrerim scias, Domine Rocchi, evacuatam à te non esse præmissam demonstrationem ex Palanco adductam, donec clariùs pateat quid intelligas per illam se-

XII.
Construit
Adversarius
formam argu-
mentum

XIII.
Immutabili-
tas secun-
dum quid
non admittit
compositionem
realem

XIV.
Queritur
quid sit hæc
immutabili-
tas secun-
dum quid

secundum quid & participatam immutabilitatem intrinsecam substantiarum spiritualium. Nam donec te magis explices, potest Pazzius instare dicendo demonstrationem quam attulit, hac tua responsione roborari, quâ utique fateris substantias spirituales, quas vocas *immutabiles secundum quid*, ex parte immutabiles esse intrinsece, & ex parte immutabiles non esse: Quapropter ex illa saltem parte, quâ immutabiles non sunt, mutari poterunt per accidentia, de quibus agitur. Et similiter quid erit illa substantiarum spiritualium immutabilitas participata, quam ais, nisi quædam dimidiata immutabilitas? Unde fiet ut saltem ex parte aliqua mutabiles erunt intrinsece; & ideo ex parte aliqua erunt obnoxie accidentibus realibus ipsas intrinsece mutantibus.

XV.

Cur creaturæ spirituales sint omnino mutabiles, ut Adversarius opponit.

Pazzius. Addam, si placet, quod si omnimoda immutabilitas intrinseca est proprietas quædam characteristica Divinitatis, quomodo intrinseca ulla immutabilitas poterit inter proprietates creaturarum spiritualium computari? Imo quomodo ad integrum discrimen inter Deum & creaturas spirituales non pertinebit, quod sicut Deus est omnino immutabilis intrinsece, ita creaturæ spirituales sint omnino mutabiles ab intrinseco? atque ita per quæcunque accidentia, de quibus sermo est, mutari poterunt.

XVI.

Solventur instantiæ præallatæ, ab exemplo æternitatis.

Rochus. Laudo vestras instantias, Domini mei, non laudandas tamen in hominibus doctis, quibus in promptu fuit concipere quæ aio de immutabilitate secundum quid & participata substantiarum spiritualium per respectum ad earum æternitatem, quæ, ut omnes Theologi loquuntur, est *æternitas secundum quid & participata*, & quæ utique non dicitur *æternitas secundum quid*, ex hoc uno quod sit æternitas tantum à parte post. Nam licet tales substantiæ ab æterno essent perinde ac in æternum erunt, nihilominus æternitas earum perinde vocaretur *æternitas secundum quid*, quia non esset connaturalis; sed

Quam male sentiant Arist. de formis spirit. in genere. 373
accidentalis & amissibilis ; atque ita non haberet omnem
excellentiā æternitatis absolutæ , quæ est essentialis at-
que inamissibilis. Deinde verò licet æternitas substantia-
rum spiritualium non sit, nisi æternitas secundum quid &
participata, ideoque accidentalis, amissibilis, dependens,
&c. nunquid non numerabitur inter perfectiones illarum
intrinsecas ? vel præsertim quia fundatur in simplicitate
naturali quam habent, & quæ per se nulli naturali destruc-
tibilitati subjacere potest.

Fingite jam, Domini mei, Atomistam qui affirmaret
substantias spirituales quotidianis disperditionibus ac rui-
nis esse obnoxias ; & qui demonstrandum id susceperet
dicendo solam æternitatem posse illis obstare ; sed æter-
nitatem non posse substantiis spiritualibus convenire, quia
æternitas est perfectio propriissima Deo & characteristica
Divinitatis. Quid in hoc casu responderet vir Aristoteli-
cus, nisi substantiis spiritualibus convenire æternitatem se-
cundum quid & participatam, & hanc utrique intrinsecam
sufficere ad hoc, ut non destruantur & pereant ? Atqui
Aristotelici nihil aliud hîc agunt, nisi quòd affirmant sub-
stantias spirituales continuis mutationibus intrinsecis per
accidentia realia inductis subesse ; & id probant quia tali-
bus mutationibus obstare non potest, nisi immutabilitas,
quæ convenire substantiis illis non potest ob id, quòd sit
singularis perfectio divina. Quare igitur ac pari jure non
respondebitur ab Atomistis substantias illas gaudere sua
immutabilitate intrinseca, quæ licet non sit alia quàm se-
cundum quid & participata, & exinde accidentalis, amif-
sibilis, dependens, &c. sufficit tamen, ut nullis subsint hu-
jusmodi mutationibus intrinsecis, quæ per accidentia rea-
lia in aristotelico sensu accepta inducerentur.

PHILALETHES. Obiter rogo cur jam non semel di-
xeris immutabilitatem substantiarum spiritualium esse in-
trinsecam & simul accidentalem. Non audiivi alium Ato-
mistam ita loquentem.

XVII.
Sic de im-
mutabilitate
ut de æterni-
tate discurre-
debet.

XVII.
In quo
sensu immu-
tabilitas cre-
aturarum
spiritualium
sit intrinseca.

ROCCHIUS. Imo non aliter loquuntur Atomistæ omnes : quatenus apud illos omnis perfectio alicujus rei , si vere est perfectio illius rei , est intrinseca illi rei ; imo est res illa ipsa , scilicet secundum aliquem determinatum respectum considerata. In hunc modum , si quæ est simplicitas rei , est intrinseca illi : si quæ est æternitas rei , est intrinseca illi : si quæ est immutabilitas rei , est intrinseca illi : ac certe non aliter quàm res compositæ , temporales , mutabiles habent illos defectus sibi intrinsecos. Atque in hoc sensu immutabilitatem substantiarum spiritualium voco *intrinsecam*.

XIX.
In quo se
ut sit etiam
accidentalis.

Tum illam voco *accidentalem* in hoc videlicet sensu , quod solus Deus est per essentiam totum id quod est : & omnis creatura è contrario est per accidens totum id quod est : & hoc idem est , ac si dicerem Deum ex summa necessitate esse totum id quod est , & ex adverso creaturam omnem esse totum id quod est ex summa contingentia. Quare relative ad hanc summam contingentiam omnes perfectiones creaturarum accidentales sunt , sicuti relative ad illam summam necessitatem omnes perfectiones Dei essentielles sunt. Neque jam non patet potuisse me immutabilitatem substantiarum spiritualium vocare simul *intrinsecam & accidentalem*.

XX.
Opponi-
tur mutatio-
nem appare-
re in substā-
tis spiritua-
libus.

P A Z Z I U S. Nolo , mi Rocchi , quidquam hîc tecum contendere de respectu illo arbitrario , juxta quem possit , aut non possit perfectio aliqua creata vocari simul *intrinseca & accidentalis* ; sed contendo falsum esse quod ais de immutabilitate intrinsecâ substantiarum spiritualium , licet à te pro ingenii tui viribus modificata & restricta. Et revera quomodo unquam suadebis substantias spirituales esse immutabiles intrinsece , quando in illis , ut in animabus nostris , patet vel ad oculos ipsos mutationum intrinsecarum vicissitudo continua ? Audiamus Palancum sic discurrantem. *Rursus dic mihi. Substantia spiritualis eadem*

Quàm male sentiant Arist. de formis spiritual. in gen. 375 substantialiter manens potest nunc esse bona & perfecta spiritualiter & vere coram Deo ; & postea fieri mala & prava vere & realiter coram Deo, vel non ? Quid ais, mi Rocchi ?

ROCCHIUS. An id interrogari potest, mi Pazzi ? quis id unquam negavit ?

PAZZIUS. Ergo mutari potest vere & realiter de bono coram Deo, in malum coram Deo. Verba sunt nostri Scriptoris, qui sic prosequitur. *At quo pacto id explicabis, si incapax sit mutationis intrinseca ; si incapax sit bonitatis realis accidentalis, qua privari possit ?* Urget ostendens posse animam de mala fieri pejorem, & de bona meliorem usque ad incrementum illius magnitudinis, de qua in laudem S. Joannis Baptistæ scriptum est. *Erit magnus coram Domino.* Hinc rursus vertit se ad Atomistam suum, & ait. *Vide igitur, mi Atomista, quo pacto hoc fieri possit sine mutatione intrinseca, & sine intrinseca perfectione & bonitate adjectitia & superaddita realiter ? Sane qui hoc negatis, latenter negatis mutabilitatem istam mentis humanæ, ullamque admittere posse augmentum & decrementum in bonitate & perfectione spirituali intrinseca, vere & realiter & coram Deo. quod sane hæreticum est.*

ROCCHIUS. Esto bono animo, mi Pazzi, noli timere hinc hæresim latentem ullam. Omnes illas mutationes, quas ex Palanco profers, admittimus & fatemur esse valde reales, valde intrinsecas ; sed nihil probant contra immutabilitatem intrinsecam, de qua est sermo. Quæritur an substantiæ spirituales sint immutabiles intrinsece, id est, in se ipsis, & spectatis relative ad illud esse substantiale primum, proprium, distinctivum & unicum nativum, quod à Deo creante acceperunt. Nos id affirmamus : vos id negatis ; & ut opinioni vestræ faveatis, recurritis ad mutationes, quæ nullatenus variant substantias in se ipsis, licet repræsentent varios status, quibus utique subjacent.

XXI.

Probatur aliunde mutatio substantiarum spiritualium.

XXII.

Illæ omnes mutationes admittuntur reales ab Atomistis.

Ecce anima rationalis scit, nescit; vult, non vult; obedit, resistit; miseretur, ulciscitur; amat, odit; sperat, desperat; gaudet, dolet; & mille viis virtutum aut vitiorum attingit varios sanctitatis, aut nequitiae gradus, per quos summe perfecta, vel summe imperfecta evadit, amicissima vel inimicissima Deo, & dignissima æternis vel præmiis, vel suppliciis.

XXIII.

Sed hæc
realitas non
est nisi reali-
tas. statuum
diversorum.

Sed quid sunt hæc omnia? Varii sunt status animæ, quæ de cætero in suo esse substantiali primario, proprio, distinctivo & unico nativo, quod à Deo accepit, nec minuitur, nec augetur; sed constanter in eo manet una & eadem. An ex quo creata fuit, accessit aliquid ad illius substantiam, unde evaserit substantialiter major? An aliquid de substantia illius periit, unde substantialiter minor effecta sit. An aliquid de sua substantia in aliquid alterius substantiæ commutavit, unde jam substantialiter alia sit? Non utique. Sed neque deinceps fieri poterit, in quocunque varios agendi ac patiendi status incidat, ut subeat ullam in sua nativa substantia mutationem. Quare hinc satis apparet substantias spirituales esse ab intrinseco immutabiles: & addam, mi Pazzi, *omnino*, ut tibi spes nulla per viam aliquam evadendi supersit.

P A Z Z I U S. Sed dum addis hanc particulam *omnino*, vide ne justo audacior sis; & certe video te audaciorem Atomistæ, qui colloquebatur cum Palanco: nam Palanco instante his verbis, *Es quidem audebis jam dicere, quod Angelus v. g. tam immutabilis est vere & realiter in se ipso; ac Deus in se ipso?* Atomistæ responderet, *Id certe nunquam dicam.* Tu verò id dicis; nam è duobus omnino immutabilibus repugnat unum esse minus immutabile alio. Quid ais? An particulam illam *omnino* non recantabis?

XXIV.

Qualiter
Angelus sit
immutabilis
& mutabilis
intrinsece.

R O C C H I U S. Minime, mi Pazzi; recantandi morem non habeo: sed ne verearis me hac in re affimulare nimis Angelum Deo. Ecce Angelus & omnino immutabilis est intrinsece.

Dial. 39. n.
372.

Quàm male sentiant Arist. de formis spirit. in genere. 377.
 intrinsece, & omnino intrinsece mutabilis est. Per paradoxum
 audis, per quod pono haud dubie satis discriminis inter
 Deum & Angelum. Angelus est mutabilis de suo esse ad
 non esse; qua mutabilitate intrinseca nulla est major: sic,
 inquam, mutabilis est à Deo, qui auferre illi suum esse
 tam facile potest, quàm conferre potuerit. Sed tunc in
 suo esse, quod simplex est & ideo unicum est, immutabilis
 est; ita quòd non habeat ullum intrinsecæ mutabilitatis
 principium: & hac immutabilitate intrinseca nulla pariter
 major est. Neque putabitis, Domini mei, abesse à véro
 paradoxum quod attuli, si mecum attenditis proprietates
 esse, quæ non suscipiunt in se ipsis magis & minus: hu-
 jusmodi sunt æternitas, immensitas, simplicitas, &c.

Si Angelus esset ab æterno, tam æternus esset, quàm
 Deus: si esset immensus, tam immensus esset, quàm Deus:
 hinc ejusdem est simplicitatis cum Deo, & ejusdem pro-
 inde immutabilitatis, ejus simplicitas ratio & origo est.
 Sed tum quia hæc in mutabilitas Angeli non est illi essen-
 tialis, sed accidentalis, ut ante aiebam, ideo stat cum
 summa illius mutabilitate intrinseca, summa intrinseca im-
 mutabilitas, quæ jam satis probata est. De cæterò audite
 aliud discrimen maximum inter immutabilitatem intrin-
 secam Dei & immutabilitatem intrinsecam Angeli. An-
 gelus nunquam manet in eodem statu intrinseco intelli-
 gendi, volendi & operandi: Deus autem semper in eo-
 dem statu permanet suæ mentis, suæ voluntatis, suæ ope-
 rationis. Intelligere, velle, operari, hæc in Deo æterna
 sunt, in Angelis autem quotidiana sunt, & in nobis præ-
 sertim pro varietate instantium variantur. Quid adhuc præ-
 ter istas modificationes quaeritis ad temperandam assertio-
 nem meam de immutabilitate intrinseca substantiarum
 spiritualium.

PHILALETHES. Subtiliter loquetis, mi Rocchi: XXV.
Aliquæ
proprietates
non susci-
piunt magis
& minus.
 cave tamen ne in tuis illis subtilitatibus capiaris. Fateris XXVI.
Afferuntur
contra hanc

B b b

statum intelligendi & volendi & operandi esse in substan-
tiis creatis spiritualibus intrinsecum : fateris statum illum
frequentissime mutari: admittis ergo in substantiis illis mu-
tationes intrinsecas. Jam verò nihil intrinsece mutari po-
test, nisi per aliquid, quod intra ipsum se insinuet, aut
intra ipsum recenter fiat & producat. Atque hoc pacto
das evidentem locum accidentibus spiritualibus Aristote-
licis, scilicet cognitionibus, volitionibus, operationibus ad-
ventitiis. Simul etiam das locum pariter evidentæ auxiliis,
seu influxibus accidentalibus spiritualibus gratiarum, sine
quibus receptis non possunt, ut Aristotelicorum mens est,
fieri, si bonæ sunt, mutationes illæ in mente, aut in vo-
luntate, aut in operatione. Probas, mi Pazzi, unam
hanc alteramque instantiam?

P A Z Z I U S. Utramque probo, & eram utramque pro-
positurus: neque video quam afferre Rocchius responsio-
nem possit.

XXVII.
Satisfit du-
abus præ-
missis instan-
tiis, & of-
tenditur
quoddam par-
um urgent.

R O C C H I U S. Hæc te, mi Pazzi, sollicitudo de res-
ponsione mea non torqueat. Admitto in substantiis spiri-
tualibus mutationes varias reales & intrinsecas; non
propter varietatem ullam realem & intrinsecam in substan-
tiis ipsas inductam; sed propter varietatem, inductam in
modos agendi, aut patiendi intrinsecos, quibus illæ sub-
stantiæ spirituales se habent pro varietate objectorum, pro
varietate temporum, pro varietate luminum, aut affec-
tum, &c. Cæterum si actiones omnes & passionem in
rebus materialibus non sunt res per propriam aliquam &
singularem entitatem productam distinctæ ab illis, ut
apud Atomistas in demonstrato est, quantum minus id veri-
ficabitur in substantiis spiritualibus, ad quas quidquid præ-
ter ipsas est, quia sunt simplices, impossibile prorsus est
artinere. Ad ipsas pertinere possunt omnes ipsarum modi,
seu omnes ipsarum status, siquidem indistincti; sed quid-
quid præter tales modos & status cogitare quis poterit, id

Quam male sentiant Arist. de formis spirit. in genere, 379
omne alienum est; jamque nulla ipsarum esse actio aut passio potest: omnis actio res agentis est, & omnis passio res patientis est.

Igitur si agens est res una, & actio est res altera: rursus si patiens est res una, & passio est res altera, non ante actio erit res agentis, quam agens res actionis: non ante passio erit res patientis, quam patiens res passionis: nam & duabus rebus vere ac seorsim productis, neutra esse potest alterius. Quare actio non esset res agentis, si esset aliquid præter realem modificationem, præter realem statum agentis: in quo sensu solo dixi actionem esse rem agentis: & idem affirmandum est de passione. Quod autem subjungitur de influxibus gratuitis accidentalibus, propter quos in ipsas inductos substantiæ spirituales agant & patiantur, id valde minus nos premit, quia magis alieni sunt à substantiis ipsis spiritualibus, quam ipsarum actiones & passionēs, & ideo minus illas immutare possunt. Nisi quod influxus illi ex parte principii, unde proficiuntur esse, nisi actiones non possunt, & ex parte termini in quo recipiuntur, nisi passionēs non sunt. Atque ita reciditur in hoc, quod non possint accipi pro rebus propriam & singularem entitatem productam per se ac seorsim habentibus. Scum aliis loquerer, Domini mei, clarius loquerer; sed hinc vobis nihil est subobscurum.

P A Z Z I U S. Nihil hinc subobscurum est, mi Roachi, omnibus qui legerint tuum illud opusculum, quod inscripsisti *Systema Gratiae*, in quo explicas quidquid spectat ad universa negotia Divinae gratiae per actiones Dei vocantis, moventis, excitantis, illuminantis, inflamantis, &c. & per correspondentes passionēs animae vocatae, motae, excitatae, illuminatae, inflammatae, &c. Sed scias velim tuum illud systema nullius jam verisimilitudinis esse, ex quo Palancus illud severissimum in examen adduxit & errores illius detexit: & impugnavit tandem ex professo in dialogis plu-

Bbb ij.

XXVIII
Actio debet esse aliquid agentis & passio aliquid patientis.

XXIX.
Mentio hic fit systematis gratiae, quod non placuit Palanco.

ribus sui hujus operis dialogistici contra Atomistas. Neque dubitas quin occurruræ sint illico memoriæ meæ demonstrationes potiores, quibus illud irreparabiliter destruit. Tantum dic verbo, Domine Philalethes, & illas una serie proferam.

XXX.

Tum differtur agere de tali systema in alio loco & tempore.

PHILALETHES. Recitarentur hæc, mi Pazzi, extra suum & tempus & locum: non enim hæc contenditis, nisi de formis spiritualibus in genere. Neque si de formis istis particularibus, scilicet gratis divinis, aliquid paulò antè dixi ad majorem vim meæ animadversionis, id egi alio fine, quam ut insinuarem hanc difficultatem esse postmodum in particulari tractandam. Non mutabimus, si placet, methodum, quam hucusque tenuimus circa formas materiales accidentales: eandem circa spirituales servabimus. De illis in genere nihil defini, nisi postquam actum est de quibusdam illarum in particulari. Impresentiarum sic erit, nihilque ultimò statuatur à me de accidentibus spiritualibus in genere, donec inter vos concertatum sit & satis, ut soletis, fuse ac ferventer de quibusdam eorum dignioribus, uti de gratis divinis.

XXXI

Opponitur quòd ubi sunt novi status, ibi debent esse novæ productiones.

PAZZIUS. Ita placet, vel maxime quia hæc debuissim uti compendio, quo vel invitus eripuissem aliquid lucis & roboris demonstrationibus nostri Scriptoris. Sed in animadversione tua novissima, Domine Philalethes, difficultatem aliam tetigisti, quam etsi Rocchius ad illius solutionem multa tentaverit, insolutam reliquit. Aiebas statum, quos Atomistæ assidue memorant pro explicandis cognitionibus & voluntatibus & universis operationibus substantiarum spiritualium, esse reales & intrinsecos & mutabiles: & inde inferebas operationes illas esse qualitates accidentales productas; quatenus repugnat contingere mutationem aliquam realem sine nova productione alicujus rei. Hinc si substantiæ spirituales acquirunt varios status per varias operationes, necesse est aut illos status

Quàm male sentiant Arist. de formis spirit. in genere. 381
non esse reales contra hypothesim, aut istas operationes
esse productiones reales, seu productiones alicujus rei ac-
cidentis da substantiam spiritualem, quæ in hunc modum
& non aliter mutari realiter potest.

Quando anima de non volente fit volens; mi Roc-
chi, quando de non-intelligente fit intelligens; quando
de peccatrice fit pœnitens, &c. quid novi accidit? nam si
nihil novi accidit, non fit mutatio: si quid novi accidit,
fit productio. Dic, oro, clare ac distincte quid novi accidit?

ROCCHIUS. Accidit, mi Pazzi, productio non no-
vi entis, sed novi status. Itane placet?

PAZZIUS. Omnino placet: quia volui te ad hunc
locum perducere, ubi Palancus hoc suo argumento te
perimet. Audi hominem. *Ille novus status est nihil, vel
aliquid? Si nihil: ergo re ipsa non est novus status verus &
realis, sed prorsus nihil reale: nihil ergo verum & reale
efficitur & consequenter nec verus & realis status. Si est
aliquid verum & reale: ergo ens verum & reale: nam
ens & aliquid convertuntur.* Et sic ultimò concludit. *Im-
plicat ergo contradictionem productio novi status realis,
quæ non sit productio novi entis realis, si revera est produc-
tio novi status realis à parte rei.* An adhuc spiras, mi Roc-
chi?

ROCCHIUS. Adhuc spiro, mi bone Pazzi; &
miror fragilitatem argumenti, quo me voluisti perimere.
Dico igitur status omnes rerum reales esse, videlicet in
quantum pertinent ad res, quarum sunt status; sed status
rerum non sunt aliæ res: alioquin ad istas res pertinerent
aliqui status, qui rursus si essent res aliæ, subjacerent va-
rietati aliorum statuum, & ita nullus esset finis rerum &
statuum, quod repugnat. Dico adhuc expressius statum
illum novum animæ volentis, intelligentis, pœnitentis,
&c. esse verum & realem, scilicet ea veritate, & ea reali-
tate, quæ ad animam pertinent; sed non veritate ulla &

XXXII.
Exemplū
fit animæ
intelligentis
& volentis
de novo.

Dial. 58.
n. 504.

XXXIII.
Status sunt
reales; sed
non prop-
terea sunt
aliæ res.

realitate pertinentibus ad aliam rem, quæ non sit anima. Nam si ad rem aliam pertinerent, extranee se haberent ad animam & ideo nihil commune haberent cum statu animæ novo, de quo disputamus. Addo illum statum novum animæ & verum & realem produci; sed non alia productione, quàm impropria, seu præsumpta, qualis convenit non rebus, sese instar rerum habentibus: atque ita negamus productionem novi status esse productionem novi entis.

P A Z Z I U S. Hoc igitur negatis propter illas non-res sese instar rerum habentes. Quæ sunt istæ non-res? Inaudita mihi locutio hæc est: non sic licet ad arbitrium loqui.

XXXIV.
Quales
sint non-res
instar rerum
se habentes.

R O C C H I U S. Hujusmodi non-res sese instar rerum habentes, sunt omnes temporis excursions, dimensiones omnes sparii, privationes, & modorum omnium ac statuum varietates. Atque ut videas locutionem hanc meam arbitrariam non esse, sed egregiæ philosophicæ volo te ipsum, mi Pazzi, ad illius usurpationem compellere.

P H I L A L E T H E S. Vaticinari potiùs debuisti quòd *In caput antè suum labentur ab aquore retro Flumina, conversis, Solque redibit equis.* Res joco plena est, quòd Pazzium vel invitum atomistice locuturum confidas. Perge, mi Rocchi.

R O C C H I U S. Volui tamen rem cum Pazzino agere feriam: eamque tentabo rogando ipsum, an tempus hodiernum sit quid reale novum respectu hesterni temporis.

P A Z Z I U S. Rem rogas, quæ negari nisi temere non possit: quare interpretari debuisti responsionem affirmativam.

XXXV.
Retor-
quetur ar-
gumentum
Adversarii
assumpto
tempore pro
statu.

R O C C H I U S. Bene est, mi Pazzi: hoc unum quod volebam, obtinui: jamque sic discorro. Tempus novum hodiernum *vel est nihil, vel aliquid? Si nihil: ergo reipsa non est tempus novum verum & reale, sed prorsus nihil.*

Quam male sentiant Arist. de formis spiritual. in gen. 38; reale: nihil ergo verum & reale factum est & consequenter nec verum & reale tempus. Nota, si placet, me hic contra tempus novum asserere verba ipsa, quæ supra referebas ex Palæo contra statum novum) jam pergo. *Si est aliquid verum & reale; ergo ens verum & reale: nam ens & aliquid conver- tuntur.* Implicat ergo contradictionem proavectio novi temporis realis, quæ non sit productio novi entis realis, si revera est productio novi temporis realis à parte rei. Jam ergo quid aies, mi Pazzi? Si tempus hodiernum est aliquid reale, seu à parte rei & independens ab intellectu, necesse est ut adnitas illud fuisse productum hodie, nam heri non erat; sed neque transire potuit de non esse ad esse, nisi per productionem. Tum si tempus non est, uti revera non est de numero rerum illarum, quibus convenit vere ac proprie produci; nam tempus neque corpus, neque spiritus est, nunquid verum erit productionem illius esse tantummodò impropriam & præsumptam?

Atque in hunc modum productio novi temporis non erit productio novi entis: & hic ipsissimus est sensus, in quo supra dixi mutationem, per quam anima de non-volente fit volens, de non-intelligente intelligens, &c. esse productionem non novi entis, sed novi statûs. Præterea quia nihil præcise ut nihil est, proprietatem nullam habet, fieri non potest, dividi non potest, mensurari non potest, variari non potest, &c. hinc sequitur id omne, quod aliquam proprietatem hujusmodi habet, non esse omnino nihil, neque considerabile esse ut omnino nihil; vel præsertim quia independenter ab intellectu est aliquid: ita quodd et si nullus intellectus esset, tempus esset. Tandem hoc aliquid, quod est tempus, mediat, ut patet, inter *esse & non esse*; sic tamen ut magis accedat ad non esse quàm ad esse. Et ideo potius est non-res, quàm res; sed est utique non-res, quæ se habet ad instar rei. Si rogarem, mi Pazzi, an tempus absolute loquendo sit res, quid responderes?

XXXVI.
Accessus
novi tem-
poris non
est, produc-
tio i.ovi
entis.

XXXVII.

Adversarius
admittit co-
pus esse non
rem, sed ad
instar rei.

P A Z Z I U S. Vix responderem rem esse, quia video illud advenire, sed non video produci ab agente illo naturali, ut res solent: item video illud præterire, sed non video illud destrui, qualiter res destruuntur ab agente aliquo naturali. Cæterum tempori convenit fuisse, esse ac futurum esse, quod convenire mero nihilo non potest. Quid dicam? tempus mihi videtur esse res; tempus mihi videtur esse non-res: fit igitur aut res instar non-rei, aut non-res instar rei. De hoc non amplius contendatur; voluisti, mi Rocchi, difficultatem, de qua sermo est, per aliam, de qua sermo non est, obscurare: elucidare illam potius debuisti.

XXXVIII.

Idem posset
dici de for-
ma, quod di-
citur de sta-
tu.

Itaque ad novum illum animæ statum, contra quem cum Palanco antè arguebam, redeatur: & paucis accipite, Domini mei, animadversionem valde subtilem nostri Scriptoris, qui postquam demonstravit novum illum statum, de quo agitur, aut nullum fore, aut fore verum ac realem, & vere atque realiter productum, ait licere haud dubie Aristotelicis vocare *formam* id, quod Atomistæ vocant *statum*. Audite ut loquitur ad Atomistam suum converſus,

Dial. 58.
n. 505.

Quod enim tu dicas novum statum, & ego dicam novam formam, si quid reale & verum sit à parte rei ille novus status, perinde se habet unum ac aliud: non ergo effugis difficultatem, dum illam totis viribus fugis; sed in illam velis, nolis, incidis. Ac deinde agens de anima, quæ per suam operationem mutatur intrinsece, ita prosequitur. *Cur ergo non possim ego dicere, quod intrinsece mutatur per novam formam physicam productam, sicut tu dicis intrinsece mutari per novum statum physicum denuo productum? Est ne tota culpa nostra, quod vocamus formam novam, quod vos statum realem novum appellatis.*

XXXIX.

Sicque tota
discordia ef-
fer in aliqua
vorum no-
mine.

Ac tandem (tuumque sit, Domine Philalethes, hinc perpendere, an tandem possit esse sub diversis vocibus una mens Aristotelicorum & Atomistarum) sic concludit.

¶ am

Quàm male sentiant Arist. de formis spirit. in genere. 385
 Jam ergo de re nobiscum sentietis & pro vocibus solis & novis erit tota vestra Philosophia Atomistica contra voces antiquas. Sed quis non videt in controversia de usurpatione & significatione verborum prevalere evidenter antiquitatem? Tu, si placet, unus loquere, & dissertationem hanc matutinam claude: siquidem, ut vides, mihi renunciatur expectari nos ab hospite nostro prope fontis sui crepidinem, ubi mensa fere instructa est.

PHILALETHES. Quid, mi Pazzi? ecce horographicus meus cylindrus vix signat decimam cum semice.

PAZZIUS. Hæc ipsa, Domine Philalethes, in insulis istis similibus est hora prandii. Eamus; sed lente ibimus, erique tibi plusquam oporteat temporis ad aperendam nobis mentem tuam de consensione, quam Palancus hîc suspicatur non impossibilem inter nos & Atomistas, dummodò velint antiquis vocibus uti & *formam* vocare quod vocant *statum*.

PHILALETHES. Antè agni ruté accubabunt cum lupis, quàm hîc aut alibi fulgeat spes ulla veræ consensionis inter Philosophos tam dissentientes. Possent equidem, quod nunquam fieri, vocibus eisdem uti, & pro controversia præsentè usurpare communiter aut nomen *status* aut nomen *formæ*; sed ad quid prodesset hæc concordia vocum in discordia mentium? An non singulas substantiarum spiritualium mutationes alii quidem opinarentur pendere ab entibus accidentalibus vere productis, & vere inherentibus: alii verò censerent fieri absque entibus ullis hujusmodi? Quare, si me amabitis, Domini mei, taceatur de tam inexpectata concordia: tantumque mecum advertite, quàm misera sit nostra conditio, dum de plerisque rebus, de quibus tam laboriose inquiriur, tam clamose, tam superbe, tamdiu disputatur, non modò nescitur quid sint, sed fere nescitur an sint, licet de illis veluti sint & ex hypothesi quòd sint, continuò loquamur ac dissetamus,

C c c

XL.
 Nulla una
 quam effe
 poterit inter
 Aristoteli-
 cos & Ato-
 mistas vera
 concordia.

Quæ produci non possint, non sunt: ea tantummodo esse possunt, quæ produci potuerint; sed si modum, quod producantur, nescimus, merito dubitamus, an sint.

XLII.
Recensetur
multæ
ambages
quæ sunt in
his materiis
philosophicis.

Et hoc dubium mite augetur, quando modum, quo ea putaverimus posse produci, audimus & monemur esse pro impossibili repurandum. Tum offeruntur ambages de productionibus veris & præsumptis, de non-rebus instar rerum se habentibus, & non egentibus productione. Alter vestrum ait hujusmodi entia, seu potius non-entia instar entium, esse tempora, spacia, & motus & status omnes tam materiales, quam spirituales: alter contendit in istis motibus, statibus & generatim in modis omnibus esse aliquid entitatis veræ ac realis & vere ac realiter productæ immutantis realiter atque intrinsece sua subjecta; quid: quid interim sit de temporibus ac spatiis, de quibus non videtur pariter discurrendum. Tandem adhuc non video nisi tenebras; sed forsân lux lucebit in his tenebris, quando audierimus Rocchium enarrantem nobis quid Atomistæ sentiant super hanc rem adeò intricatam: super hæc scilicet, de quibus generatim hoc mane actum est, & hoc vespere agetur, accidentia spiritualia.

R O C C H I U S. De illis dicam multò fusiùs & explicatiùs quid in genere sentiamus; tuoque iudicio id totum submittam, hac tamen spe fretus obtinendi albos calculos in gratiam Atomismi.

P A Z Z I U S. An inane nihil, mi Rocchi, aliquando sperasti? ut unum è cæteris hoc forsân erit: adhuc inexhaustus mihi Palancus est, quem ut soleo, tibi opponam. At ecce, Domini mei, virum bonum, hospitem nostrum, qui nobis hac semita venit obviam; sic eamus & nos.



DIALOGUS XV.

QUAM BENE SENTIANT ATO-
mista de formis spiritualibus in genere.

PERSONÆ COLLOQUENTES.

PAZZIUS, PHILEATHES, ROCCHIUS.

PAZZIUS. Sinite tandem vestros Poëtas : nihil mihi cum illis. Quis insolitus attripuit vos furor recitandi tot carmina ? tempus est revertendi ad Philosophiam & tractandi res graviores ac viciniore veritati.

I.
Insinuat
Aristotelico
esse in sua
Philosophia
Poëtas.

PHILEATHES. Noli conqueri de furore nostro, Domine mi Rocchi : *anne tua nostram inflammasti fraude poësim*, quando nos sollicitasti ad haustus nimis repetitos vini hujus delicatuli & mordacis ? Quis scit an illud non tulerint vineæ Parnassii, unde in hanc insulam advectum fuerit ? si res ita habet, tua culpa sit, quod Philosophos mutaverit in Poëtas. Sed sustine paulisper ; primus ille impetus brevi deservescet, & videbis iterum in Poëtis Philosophos.

ROCCHIUS. Miror, Domine Philaethes, quod Pazzius noster Poësi nostræ bellum indicat ; ipse haud dubie non putat se suosque in Philosophia esse minus Philosophos, quam Poëtas. Neque non confido me id probaturum hoc ipso in loco atque in momento : Ecce *postquam exempta fames epulis, mensaque remota*, tantum superest ut classicum canas.

PHILEATHES. An non tu ipse classicum cecinisti ?
Ccc ij

ti, quando cepisti satis inurbane Philosophiam Aristotelicam accusare Poëseos? An putas hanc inurbanitatem fore inultam? Sed Deo volente tuam accusationem hanc Pazzius non audivit: sermonem faciebat & adhuc faciebat cum bono viro, apud quem hospitamur.

ROCCHIUS. Sicne, Domine mi, putas futurum fuisse ut commoveretur Pazzius accusatione tam levi? Vider me patienter ferentem gravissimas, quibus sive ipse, sive suus Scriptor impetit Atomismum nostrum, jurgias inscitiae, dementiae, arrogantiae, haereseos, atheismi, fanatismi, &c. quare bilini illius commovere non potuisset quod aiebam, & ipso jam audiente repeto Philosophiam Aristotelicam Poësim sapere.

PAZZIUS. Memini adfuisse me olim representationi comicæ hominis, quem nolentem & invitum volebant medicum esse: forsitan tale aliquid comicum meditaris, ut vel inviti & nolentes fiamus Poëtae. Visne hanc nobis dare lætitiā. Rides, ut video.

ROCCHIUS. Rideo; sed *ridendo dicere verum quid vetat*? Atque ut intelligatis, Domini mei, me sub hoc titulo personam seriam occultare, audire me. Mos est integerimus apud Poëtas, ut in genesi suorum numinum partum aut nullatenus sint solliciti de modo reali ac physico, quo potuerint dare, aut accipere vitam. Satis est quod Homero in mentem venerit genitam ex maris spuma fuisse Venerem, & de cerebro Jovis progeneratam Junonem: hanc pro veritate fabulam habent, nec amant interrogari de rebus, quæ probabilem aut improbabilem reddant talium numinum genealogiam. Venio jam Aristotelicos, qui postquam Aristoteli, ut aiunt, ita visum est, supponunt produci continuò à substantiis & in substantiis spiritualibus actionum & passionum entia realia sine numero; sed tum nihil curant de probanda possibilitate talium productionum. Hoc saltem vobis est cum Poëtis commercium.

III.
Peculiaris
prehensio
generationes
suorum nu-
minum.

Quam bene sentiant Atom. de formis spirit. in genere. 389

Nos autem ex adverso absit, mi Pazzi, ullum ens, cui sita sit propria & determinata realitas, inducere in Philosophiam nostram, quin appareat demonstratissime modus realis ac physicus, quo produci potuerit.

Et hæc est hodierna nostra contentio. Vos asseritis accidentia spiritualia, cujusmodi sunt in substantiis spiritualibus actiones omnes tam permanentes quam transeuntes, intelligendi, volendi ac memorandi & cæteras ex istis pendentes ut docendi, promittendi, miserendi parcendi, &c. præter omnes motiones locales, quæ cum analogia quadam spiritui corporique communes sunt, entia vera & realia esse, vere ac realiter producta, talibusque substantiis inhærentia. Nos autem de hujusmodi motionibus & activis & passivis tam intentionalibus quam localibus affirmamus in contrarium, quodd nihil habeant veræ ac propriæ realitatis, vere ac realiter productæ & inhærentis; Quare verò id affirmamus, nisi quia dum illorum productionem mete supponitis, nobis improducibilia videntur atque probantur?

PHILALETHES. Serium est quod ais, mi Rocchi: omninoque velim ut bipartiaris hanc contentionem. Itaque, si potes, hoc primum ostende, nulla id genus entia realia realiterque producta, esse inhærive in substantiis spiritualibus; ac deinde ostendes hoc alterum, nulla scilicet id genus entia produci à substantiis vel in substantiis iisdem spiritualibus ad effectum talis inhæSIONIS posse.

PAZZIUS. Imponis Rocchio, Domine Philalethes, unam alteramque provinciam valde difficilem; an ostendet ea quæ inhærent, non inhære, & produci non posse, quæ produci necesse sit, imo quæ momentis singulis produci accidit?

ROCCHIUS. Tantum attendite, Domini mei, ac mecum considerare Aristotelicos de accidentium spiritualium inhæSIONE opinari cohærenter ad id quod anticipate

III.
Sic Aristotelici non probant productionem accidentium spiritualium

IV.
Inferuntur accidentia spiritualia ex materialibus

opinati sunt de accidentibus materialibus : atque in hunc modum tam illa quàm ista volunt suis respective substantiis inhærere cum necessitate pari propter conditionem paris insubstantialitatis. Et bene quidem ita est : nam si notio eadem est & una omnium, ita quodd omnia sint entia per se insubstantialia, non apparet ratio propter quam esse alia magis aut minus aliis insubstantialia possint ; vel præsertim quia si inter entia quæ per se subsistunt, non est ulla gradualis differentia subsistendi, discurrere pariter oportebit de entibus per se insubstantialibus : Itaque ut ratio subsistendi, ita ratio insubstantialitatis erit indivisibili posita. Loquor ne, mi Pazzi, ad mentem vestram ?

P A Z Z I U S. Optime loqueris : quia enim omne accidens est omnino entis ens, omnino insubstantialis esse oportet. Sed ad quid mentem nostram rogas de hac insubstantialia ?

V.
Acciden-
tia spiri-
tua-
lia possent
separari à
suis subjectis

R O C C H I U S. Ratio rogandi fuit ; quia si accidentia omnia spiritualia perinde ac materialia sunt omnino insubstantialia, omnium inhærentia erit aut æque indispensabilis naturaliter, aut æque dispensabilis supernaturaliter : hinc autem apertissime sequitur aut accidentia materialia separari supernaturaliter à subjectis suis non posse, aut spiritualia posse : sequitur pariter aut accidentia spiritualia supernaturaliter posse separari à suis subjectis, aut materialia non posse à suis. Quâ consequentiâ sic ex principiis vestris clare ac evidenter deductâ inecum adverteres, mi Pazzi, admittere à vobis in substantiis spiritualibus quantitates & qualitates virtutis ; ut in materialibus quantitates & qualitates molis, scilicet accidentales seu inhærentes ; & respondebis, si placet, ad hoc quæsitum, an quantitates & qualitates virtutis illæ spirituales, quæ angelicæ substantiæ inhærent, possint subsistere separatim ab illa : & in particulari, an quantitas intellectus angelicæ subsistere seorsim ab Angelo possit divinitus ; an subsistere seorsim ab

Quàm bene sentiant Atom. de formis spir. in gen. 391
lo divinitus possit quantitas volitionis angelicæ, aut me-
moræ angelicæ, aut sapientiæ angelicæ, &c.

P A Z Z I U S. Omnino taceatur inter nos, mi Rocchi,
de ista separabilitate accidentium spiritualium à substan-
tiis, quibus inhærent: & eapropter non præsumerem de
illa quidquam statuere, nisi hæc verba reperirem apud Pa-
lancium, qui ad solutionem similis quæstionis sic loquitur.
In quibus vestram de doctrina Peripateticorum ignorantiam Dial. 19. n.
patefacitis: sentiunt enim Peripatetici intellectionem An- 108.
geli non esse ipsum esse Angeli . . . & nihilominus quia est
actio, cujus immediatum principium elicitorium est intelle-
tus, negant posse adhuc divinitus sine immediato & forma-
li sui principio existere, licet inter illos controversetur an
intellectus cum sua intellectione possit divinitus existere si-
ne substantia Angeli. Itaque propter auctoritatem nostri
Scriptoris inclino ad asserendum generatim accidentia
spiritualia subsistere à suis subjectis separatim non posse:
atque ad hoc magis inclino, quia neque de omnibus acci-
dentibus materialibus in Aristotelismo certum est quòd
seorsim possint subsistere: ita nemo de motu & quiete asse-
ruit, quòd conservari possint sine sustentatione corporis
quiescentis & mobilis.

R O C C H I U S. Itaque jam tandem aperi oculos tuos,
mi Pazzi, & vide ac dole miseram doctrinæ vestræ inco-
hærentiam. Supponitis omne accidens esse ens entis, ac
proinde ens per se insubsistens, quod idem est, ac egens
subsistentia aliena, ejus scilicet entis, à quo in subsistendo
dependet. Tum distinguitis inter accidentia spiritualia, quæ
sint essentialiter atque indispensabiliter insubsistentia, &
materialia quæ sint insubsistentia non essentialiter ideoque
dispensabiliter. Rursus distinguitur à vobis inter accidentia
ordinis materialis, quorum alia quidem possint divinitus,
alia verò ne quidem divinitus possint subsistere seorsim à
suis respective subjectis: atque in hunc modum ab aliis

V I.
Afferitur
ratio contra
necessitatem
separationis.

Dial. 19. n.
108.

V II.
Quæ sit
incohæren-
tia doctri-
æ apud Aristo-
telicos.

vestrūm asseritur motum non posse subsistere seorsim à subjecto mobili, ab aliis non posse subsistere quietem separatim à subjecto quiescente : id alii dicunt de raritate, alii de mollitie, alii de figura, &c. interim dum plerisque videtur quantitatem, gravitatem, colorem, &c. obtinere divinitus posse subsistentiam separatim ab illa, quæ est subjectorum suorum.

VIII.

In quo sit
adhuc major
incoheren-
tia.

Attendatur jam magis hæc doctrinæ incoherentia. Quando Aristotelici aiunt accidens non esse ens, sed entis ens, idem est; ac si dicerent accidens non esse ens sui, sed esse ens alterius : unde cohærenter ad hanc genericam accidentis notionem, clarum est nulli accidenti posse vel etiam divinitus propriam subsistentiam convenire : quia essentialitæ rerum immutabiles sunt : & proinde si essentialiter est ens alterius, quomodo per potentiam ullam potest in ullo casu esse ens sui, seu non alterius. Hac de causa VViclefistæ, Hussitæ, Zuingliani, Lutherani, Calvinistæ & alii Hæretici Aristotelici supponentes pro vera notionem præmissam accidentis, nunquam sibi suaderi passi sunt quantitatem, gravitatem, colorem & alia id genus accidentia, quæ ab Aristoteli didicerant, posse à suis subjectis separari, multòque minùs manere separatim ab illis : atque ita in hæresim inciderunt de accidentibus non manentibus in Eucharistia sine suis substantiis post consecrationem ipsarum. Pergo & peto à te confidenter, mi Pazzi, quid generatim sentiendum sit, aut apud vos sentiatur de separabilitate, aut inseparabilitate subsistentiali perfectionum spiritualium accidentalium à substantiis suis.

XI.

An intellectus sit separabilis ab anima.

P A Z Z I U S. Jam certum est ex Palanco, quem mox retuli, intellectionem Angeli subsistere seorsim non posse ab intellectu angelico : unde generatim sequitur nullas actiones, nullasque proinde passiones spirituales accidentales esse separabiles in hunc subsistendi modum à suis principiis, sive subjectis. Sed deinde Scriptor noster incertum reliquit,

Quam bene sentiant Atom. de forapis spirit. in gen. 1393
reliquit, an intellectus angelicus sit taliter sepa-abilis ab ipsa substantia angelica: vellem omnino ut id determinasset.

R O C C H I U S. At id determina per te ipsum, si placet, & dic bona fide quid sentias.

P A Z Z I U S. Ego sane ad salvandam coherentiam nostræ doctrinæ dicerem separationem illam intellectus angelici ab angelica substantia esse omnino impossibilem; & hanc redderem rationem meæ hujus assertionis: quia si non potest intellectio Angeli subsistere seorsim ab intellectu Angeli, ob id scilicet quod repugnet intellectiōnem non esse intellectiōnem alicujus potentiæ intelligentis, ita intellectus angelicus subsistere non potest seorsim à substantia angelica, quia similiter repugnat esse potentiam aliquam intellectivam, & non esse potentiam alicujus substantiæ intellectivæ. Hinc transenderem ad omnes facultates, virtutes, qualitates, perfectiones Angeli: & de illis idem assererem, nempe quod earum nulla subsistere seorsim ab Angelo possit.

R O C C H I U S. Bene omnino est, Domine mi Pazzi; sed meminisse debuisti & veræ productionis & veræ distinctionis omnium hujusmodi facultatum & virtutum & qualitatum, & perfectionum, ut ais, Angeli: nam stante verâ productione singularum diversâ; stante pariter verâ distinctione singularum ab invicem & à subjecto suæ inhaesionis; non viderit quomodo & ab illo, & abs se invicem separari non possint, ac seorsim subsistere. Meminisse adhuc debuisti, quod dum agitur de separabilitate substantiali accidentium materialium, statuitur istius possibilitatem in vera productione ac distinctione illorum: igitur aut talis suppositio non sufficit pro accidentibus materialibus, aut utique sufficeret pro accidentibus spiritualibus ad affirmandum, quod separatim à suis subjectis & abs se invicem possint subsistere.

X.
Ex distinc-
tione sequi-
tur separabi-
litas:

XI.
Incohæren-
tia probar
falsitatem
doctrinæ.

Atque in hunc modum Aristotelici nihil de suis acci-
dentibus tam spiritualibus, quàm materialibus cohærenter
dicunt : & hæc incohærentia dicendi sublime argumen-
tum est incertitudinis, imo falsitatis doctrinæ. Cæterum
converto me ad te, Domine Philalethes, & rogo ut dicas
an audieris unquam Philosophos tam incohærenter lo-
quentes: audi quod loquuntur. Accidentia omnia sunt
insubstantia per se, & capropter exigunt inhærere suis
subjectis ad fruendum una illorum substantia. Attamen
si de materialibus sermo est, hæc divinitus frui possunt
substantia separata; sed si de spiritualibus agitur, hæc non
possunt separatam huiusmodi substantiam obtinere. Ne-
que tum hujus differentię causam afferunt aliam; nisi
quòd licet utraque sint tam vere producta, tam vere dis-
tincta, tam vere inhærentia, hæc veritas productionis,
distinctionis, ac inhæssionis sufficit materialibus, spirituali-
bus autem non sufficit ad possibilitatem subsistendi seorsim.

PHILALETHES. Antequam aliquid pronuncia-
rem de incohærentia hujus sermonis, quærerem quare id
quod sufficit illis, non sufficit istis ad huiusmodi substan-
tiam separatam. Rogo te igitur, mi Pazzi, quare hoc quod
est vere pariter produci, vere pariter distingui; vere pariter
inhærere, non utrisque pariter sufficit ad possibilitatem pa-
ris substantię separatæ?

XII.
Affertur dis-
crimen quæ-
suum.

P A Z Z I U S. Discrimen illud quæsiavi apud Palancum,
Domine Philalethes, & non inveni: neque aliud novi,
quàm quòd mea mens refugit à conceptu accidentis spi-
ritualis per se subsistentis, & non similiter refugit à con-
ceptu accidentis materialis subsistentis per se ac seorsim.
Subire in mentem non potest quid esset intelligentia An-
geli separata ab Angelo intelligente; quid esset sapientia
Angeli separata ab Angelo sapiente; imo nec quid esset
intellectus Angeli, quid esset voluntas Angeli, quid esset

Quàm bene sentiant Atom. de formis spirit. in genere. 395
 memoria Angeli, quid esset vis motrix Angeli, &c. seorsim ab Angelo: quare malo dicere omnes perfectiones accidentales angelicas, licet non identificatas, inseparabiles tamen esse atque incapaces subsistendi seorsim. Hæc autem incapacitas sic subsistendi mihi non apparet eadem in accidentibus materialibus, ut in extensione, in figura, in colore, &c. Aliud itaque discrimen non novi.

PHILALETHES. Discrimen affers, Domine mi Pazzi, quod se tener ex parte tui, sed non se tener ex parte rei: aliquod hujusmodi quærebatur. Atque ita cum nulum afferas, audi consentire me tecum in hoc, quod ne divinitus quidem fieri possit, ut vel una perfectio accidentalis quæcunque Angeli subsistat ad unum instans separatim ab Angelo; sed janssi sapieres, mecum consentires hanc impossibilitatem ita subsistendi non aliunde procedere, quam ex hoc quod falsum sit & valde chimæricum quidquid Aristotelici docent de productionibus, de distinctionibus, de inhæssionibus perfectionum spiritualium. Etenim si quidquid de illis docent verificaretur, omnes perfectiones angelicæ & à se invicem, & ab Angelo ita realiter differrent, ut differre non possent magis: quare igitur separari non possent etiam omnes ab invicem & ab Angelo? quare intellectus Angeli subsistere non posset ad ortum; & voluntas ad occasum?

Itaque, mi Pazzi, donec per te, aut per aliquem è tuis eruditior fiam circa realem productionem & inhæssionem, qualem admittitis accidentium spiritualium, audacissime affirmabo accidentia hujusmodi, quæ singularem realitatem, & singularem inhæssionem habeant in subjectis suis, nulla omnino esse, vel propter hanc unam rationem, à qua declinare non potes, inseparabilitatis eorum à substantiis, quarum accidentia esse dicuntur. Et in hunc modum obfirmo me in opinione, quæ me jamdiu tener, substantiarum spiritualium, ideoque simplicium, non admit-

XIII.

Discrimen
 aliarum non
 est illud
 quod qua-
 rebatur.

XIV.

concluditur
 nullam esse
 inhæssionem
 accidentium
 spiritualium

tentium ulla perfectiones accidentales aliter quam ad instar variarum modificationum, quibus & gaudere & carere possint sine vera ulla productione nova, & sine ulla vera nova destructione alicujus rei. Volo tamen obfirmare me magis in hac opinionione, vel si opus foret, ab illa declinare audiendo vos interloquentes de producibilitate aut improducibilitate accidentium realium spiritualium. Et hoc, alterum illud est, mi Rocchi, quod antè rogabam ut ostenderes, nempe nulla id genus accidentia produci à substantiis spiritualibus, aut in substantiis spiritualibus posse ad effectum veræ ac realis inhæssionis, qualem Aristotelici propugnant.

x v.
Non sunt
nisi duæ viz
productionis

R O C C H I u s. Rem rogas, Optime Philalcthes, omnium quæ rogari possint facillimam. Quia enim ad veram & realem productionem, per quam aliquid obtineat entitatem singularem ac sibi propriam, non sunt nisi duæ viæ, una generationis, altera creationis, quarum neutra convenire potest accidentibus illis, de quibus sermo est, spiritualibus, superest ea vere ac realiter produci non posse.

P A z z I u s. Quid igitur, mi Rocchi, an negas potuisse à Deo creari in Angelo & in anima intelligentiam, libertatem, prudentiam, fortitudinem, temperantiam, misericordiam, &c.? aut nunquid istæ ac similes perfectiones sunt accidentia realia in talibus substantiis spiritualibus? Vide quid dicas.

xvi.
Atonisistæ
n t ur
hic ut cæte-
ri.

R O C C H I u s. Opus tibi est interpretatione mea, ut video: hanc ergo accipe. Frequentissime utimur vestro sermone, quia cum multis loquendum est; & tunc dicimus creasse Deum in anima perinde ac in Angelo intelligentiam, libertatem, prudentiam, fortitudinem, temperantiam, misericordiam, &c. quin etiam dicimus tales animæ perfectiones esse accidentia illius, ac realia quidem. Sed tum ad sentiendum cum paucis, qui bene sen-

Quàm bene sentiant Atom. de formis spiritual. in gen. 397
 tiunt, nostrum sermonem resumimus & sic loquimur di-
 centes Deum creasse animam intelligentem, liberam,
 prudentem, fortem, temperantem, misericordem, &c. Quæ
 quidem anima res unica est, quia simplex est; sed nihilo-
 minus propter hanc ipsam unitatem, sive simplicitatem
 æquivalentem, imo prævalentem omni alteri rei compo-
 sitæ, habet quoddam sit sub uno respectu intelligens, & li-
 bera sub alio, & sub alio prudens, &c. Deinde quia id
 unum, quod primò intelligitur in aliqua re, attributum
 est essentielle illius, sequitur cætera omnia, quæ in ea in-
 telliguntur, esse attributa illius secundaria ideoque acci-
 dentalia.

Et hic est sensus physicus, in quo accipimus multiplices
 illas perfectiones accidentales, sive actuales, sive habitua-
 les, quas fatemur creatas fuisse à Deo, aut creati potuis-
 se in anima, scilicet per unam atque individuum animæ
 creationem. Ubi ergo jam erunt accidentia illa spiritualia,
 quibus entitatem propriam & singularem tribuitis, & quæ
 in hunc modum, si vere crearentur, non utique crearentur
 nisi per creationes diversas; quæ poinde forent multipli-
 candæ pro multiplicitate fere innumerabili talium acci-
 dentium? Quis autem hujusmodi rerum distinctarum &
 distinctis creationibus productarum ferat in re una, in re
 simplici, qualis est omnis substantia spiritualis, veluti ani-
 ma, aut Angeli. Sed de cætero, Domini mei, quæstio hæc
 agitata non refertur proprie ad accidentia illa, quæ con-
 creata fuerint ab initio cum ipsa substantia spirituali, aut
 non fuerint: quæstio propria est de illis, quæ ab Aristote-
 licis reputantur fieri, aut perire quotidie in substantia spi-
 rituali, uti quando de non-intelligente fit intelligens, &
 de non-volente volens; aut è contra de intelligente non-
 intelligens, & de volente non-volens: ut interim tacean-
 tur cæteræ omnes mutationes hujusmodi accidentales.
 Igitur quando anima de non-intelligente fit intelligens

XVII.
 Qualiter
 sentiant de
 perfectioni-
 bus substan-
 tiæ spiritua-
 lis.

volunt in anima produci accidens intelligentiæ , & pariter volunt illud destrui, quando cessat anima esse intelligens: rursus quando anima de non-volente fit volens , affirmant in ea produci accidens voluntatis , & affirmant pariter illud destrui, quando abssistit velle quod antè veller.

XVIII.
Probat
illas nec
creari, nec
generari
posse.

Nos autem è contra contendimus per hujusmodi mutationes intelligendi & non-intelligendi , volendi & non-volendi , cæterasque omnes ex illis pendentes, aut illis similes nec produci, nec destrui ulla id genus accidentia entitativa Aristotelica, qualia fingunt produci & inhærere , ac tum destrui & non ampliùs inhærere. Ratio nostra hæc est ; quatenus quando producerentur, id via creationis, aut generationis fieret ; & quando destruerentur id fieret via annihilationis, aut corruptionis : at hæc utraque via præclusa est. Nam *primò* quidem anima non posset accidentia sua illa sive creare, sive annihilare : quia videlicet tam non posset redigere illa in nihilum, quàm non posset extrahere illa è nihilo : hæc utraque potestas ad Creatorem unice spectat, ut certum est, & in Aristotelicis Scholis perinde ac in Atomisticis indubitatum. Neque *secundò* posset anima sive generare , sive corrumpere accidentia illa sua, si quæ hujusmodi essent entitativa , distincta & inhærentia : quia videlicet nihil in ipsa esset , ex quo posset educi, nihil in quod posset resolvi.

XIX.
Et assumi-
tur perfectio
intelligentiæ
in exem-
plum.

Ut si assumatur in exemplum intelligentia, quæ sit sive actus, sive habitus intelligendi, apparet quòd donec anima intelligat, quidquid in illa est, non intelligentia quædam est : & ita ex quocunque fieret intelligentia, fieret ex nihilo intelligentiæ : sicque intelligentia non generaretur , sed crearetur : cæterum non posset intelligentia fieri ex ipsa substantia animæ, alioquin ex parte substantialis esset : uti neque fieri posset ex voluntate, ex libertate ex prudentia, ex fortitudine, aut quacunque alia perfectione : alioquin intelligentia esset voluntas ex parte,

Quàm bene sentiant Atom. de formis spir. in genere. 399
aut libertas ex parte, &c. quæ omnia manifeste repugnant.
Similiter nec posset intelligentia illa redigi aut in substan-
tiam animæ, aut in voluntatem animæ, aut in libertatem
animæ, &c. sicque non corrumpereur quando destrueretur;
sed annihilaretur ab ipsa anima per hoc unum, quòd
desineret intelligere actu aut habitu: quamquam aliàs an-
nihilare nihil anima possit. Et jam quidem, Domine mi
Philalæthes, obtrines quod rogasti.

PHILALÆTHES. Abunde illud obtinui: & vicissim
obtinuisti assensum, quem non rogaveras: ita quòd deinceps
etsi non potero cogitare mutationes rerum spiritua-
lium, quia occurrat illico menti aliquid in eis rebus pro-
ductum aut destructum, per quod mutationes illæ contin-
gerint, cavebo tamen ne putem, multoque magis ne affir-
mem illud vere productum aut destructum fuisse: nam
tuo discursu veram omnem talis productionis aut destruc-
tionis viam præclusisti. An aliam viam noveris nescio, mi
Pazzi; sed si non nosti, necesse nunquid est te mecum in
eandem opinionem venisse? Dic ingenue quid te hoc
Rocchi, nostri discursu tibi videatur. An illi aliquid deest,
ut demonstrationis vim habeat.

P A Z Z I U S. Fateor, Domine Philalæthes, esse in eo
discursu aliquid vivum & efficax, si nempe illius prima
facies tantum attenditur; sed tum penitus attendi de-
bet non esse hic quæstionem de entibus subsistentibus,
quæ equidem non alia via possunt produci, quàm crea-
tionis aut generationis, alia nulla destrui, quàm anni-
hilationis aut corruptionis: agitur enim de entibus insub-
sistentibus, quæ forsitan produci & destrui possunt per ali-
quam aliam viam, licet nobis incognitam.

PHILALÆTHES. At, mi bone Pazzi, quid est il-
lud *forsan*, quod ex te audio? hætenus credidi adver-
bium illud philosophicum non esse.

XX.
Judicium
fertur de
veritate præ-
missi discursus.

XXI.
Alunt mo-
dum pro-
ductionis
esse incertum.

XXII.
Impugnatur
incertitudo
adducta.

ROCCHIVS. Adverbium tamen est, quod apprimè conveniret Philosophiæ Aristotelicæ in plerisque rebus. Visne, Domine Philalethes, ut in re incerta non utantur adverbio incertitudinis? At valde incertum est quod dixit Pazzius posse fieri ut entia insubstantia, si vere producantur, & si vere destruantur, per viam aliam quàm substantia producantur ac destruantur. Illud pro incerto habuit, & ideo dixit *forſan*; sed rectius adhuc ſenſiſſet, ſi quod habuit pro incerto, habuiſſet pro falſo. Etenim quòd entia ſint ſubſtantiæ per ſe, aut per ſe inſubſtantiæ, id ex conſequenti ſe habet ad eſſe entia; quare anticipare confidentum eſt illa entia eſſe, quæ ſi à ſe ipsis eſſe non poſſunt, uti revera non poſſunt, indigent produci: quia verò nulum novimus productionis genus, quod ad creationem aut ad generationem non referatur, quare hærebitur dicere utraque pariter entia, inſubſtantiæ ſcilicet & ſubſtantiæ, creatione aut generatione produci? Deinde autem notio inſubſtantiæ aliud nihil eſt, quàm notio quædam debilitatis atque imbecillitatis connaturalis enti, quod eſt per ſe inſubſtans: quare non eapropter minus eget, imo fere magis eget creatione aut generatione produci. Revoca, mi Pazzi, hodie in memoriam id, quod inter vos docetur de materia prima, de qua dicitis eam ita eſſe in omni genere puram potentiam, ut ſit *prope quoddam nihil*: quo titulo eam per ſe inſubſtantiſſimam eſſe necesse eſt. Sed an eapropter non conceditis illam creari? Unde infero titulum inſubſtantiæ connaturalis accidentibus veſtris ſpiritalibus non potuiſſe tibi eſſe in cauſa legitima dicendi quòd *forſan* aliter, quàm per creationem aut per generationem producantur.

XXIII.
additur ratio
incertitudinis.

PAZZIVS. Puto tamen, mi Rocchi, habuiſſe me cauſam legitimam id dicendi, & à te quidem mihi oblata per tuas illas minutias examinis deſcendentis uſque ad ſcripuloſam perſcrutationem modi, quo noſtra hæc accidentia

Quàm bene sentiant Atom. de formis spirit. in genere. 401
 cidentia spiritualia producuntur. Ecce nos scimus acci-
 dentia illa intelligendi, volendi & quæcunque pendent ex
 illis, esse aliquando & aliquando non esse in substantiis
 spiritualibus, quæ sic utique frequenter mutantur de non-
 intelligentibus in intelligentes, & de non-volentibus in
 volentes, aut è contra. Quia verò hæc nova intelligentia
 & hæc nova, voluntas in illis substantiis esse non possunt
 sine aliqua nova productione, uti neque possunt evanes-
 cere in illis sine aliqua nova destructione, hinc affirma-
 mus convenire talibus accidentibus genus aliquod pro-
 ductionis & destructionis. Tum accedis cum tuo illo dis-
 cursu & probas illa nec creari nec generari, & similiter nec
 annihilari nec corrumpi posse; quid supererat ut respon-
 derem nisi *foras* illa posse aliter & produci & destrui?

Neque parum convenit hæc responsio cum solitis lo-
 quendi modis Aristotelicis, juxta quos vulgò dicitur acci-
 dentia illa produci quasi exoriendo, emanando, pullu-
 lando, resultando, &c. & deinceps destrui quasi evanes-
 cendo, desistendo, abscedendo, deficiendo, &c. Sed tan-
 dem, mi Rocchi, nunquid sunt in rerum natura effectus
 plurimi, de quibus nescitur à quolibet causis & qualiter
 producantur? an ea propter negabitur illos produci? Fin-
 ge itaque idem esse de accidentibus prædictis spiritualibus,
 de quibus, etsi nesciatur modus productionis eorum, ne-
 mo tamen nisi temere negabit ea produci: vel præsertim
 si attenditur ad falsitatem immanem ex illa non-produc-
 tione consequentem. Quia enim Atomistæ idem indiscrimi-
 natim docent de omni motu intentionali rerum spiri-
 tualium, & de omni motu locali rerum corporearum,
 nempe quòd neuter importet productionem ullam; inde
 sequeretur nullo tempore ullam, aut ullibi fieri mutatio-
 nem realem: quam consequentiam Palancus his verbis
 expressit. *Nulla ergo erit mutatio in Universo si ve-*
rum sit vestrum systema; sed omnia penitus immota & im-

Xxiv.
 Afferuntur
 varii alii
 modi pro-
 ductionis;

Dial. 35
 n. 326.

Ecc

mutata semper manebunt. Ac tum his sequentibus illam qualificat dicendo, *Vide igitur in quantum fanaticismum vos perducit vestrum systema.*

ROCCHINS, Taceri hæc qualificatio potuit.

XXV. PHILALETHES. Taceri hæc qualificatio debuit: Exprobra- Etenim in Atomistis non video quicquam futuri illius tur fanaticis- superstitiosi & execrandi, quo furebant olim idololatæ sacer- mus sine ul- dotes, quum oracula redderent, & unde fanatici voca- la ratione. bantur. Sed neque puto Palancum, hominem unditionis tantæ ac pacis illud *fanatismi* vocabulum accepisse aliter, quàm in sensu castigato & mitigato ardoris philosophici mentem abripiantis in aliquam opinionem præ alia. Quare laudo te, mi Rocchi, quod hæc *fanatismi* exprobratio non te commoveat: te verò, mi Pazzi, rogo ut audias me pariter circa rem istam jam satis inter vos agitam, in qua non possum tibi esse propitius. Itaque scemur quotquot sumus Philosophi frequentissime fieri mutationes accidentales in omni substantia spiritali creata; & eas quidem reales, id est, ab intellectu nostro independentes, sicque nec mere objectivas, nec utcunque chimericas. Hujusmodi mutationes sunt & fiunt quoties anima sit de novo aut intelligens, aut volens, aut temperans, aut fortis, aut sancta, aut peccatrix, &c. uti quoties transit ab istis sive actualibus, sive habitualibus dispositionibus ad oppositas.

XXVI. Sed tum quæstio est per quid fiant istæ mutationes rea- Per quid les: quid de novo illi accidat, quid de novo illam afficiat fiat mutatio in substantiis spiritalibus & denominate possit mutatam, id est, intelligentem, volentem, temperantem, &c. vel è contra non-intelligentem, non-volentem, non-temperantem, &c. Id autem quod illi accidit, quidquid interim accidat, & quocunque modo accidat, esse nisi quid spirituale non potest: & tum quæstio rursus est, an illud spirituale quod accidit, sit nova quædam res spiritalis, vel tantum novus quidam modus, seu status spiritalis. Atomistæ igitur hanc secundam

Quàm bene sentiant Atom. de fermis spirit. in genere. 403
 opinionem propugnant, Aristotelici primam: quâ tuente
 alteram stare necesse est: ruit autem infugibiliter argu-
 endo ad vim invictam discussus præmissi. Etenim de illa
 re spirituali, quæ per hypothesein in anima fieret, proferri
 non potest ex quo fieret, cum aliàs è nihilo non possit
 fieri; rursus si per hypothesein fieret, utique ab anima
 fieret, ad quam utique pertinet mutare se de non-intelli-
 gente in intelligentem, de non-volente in volentem, &c.
 sed quomodo ab anima fieret? An anima illam genera-
 ret, an anima illam crearet? an non hoc & illud est pa-
 riter impossibile?

Cæterum Aristotelici contendunt rem illam spiritua-
 lem in anima fieri, quia nisi fieret, ut aiunt, anima non
 mutaretur intrinsece, qualiter putant illam mutari, quoties
 intelligendo, aut volendo, aut bene vel male agendo mu-
 ratur. At talis mutatio intrinseca, si ad aliud refertur, quàm
 ad statum novum, sive modum novum intrinsecum essendi,
 plane falsa est: quis enim putet entitatem spiritualement
 atque simplicem animæ vel augeri, si quid de novo intelli-
 git, vel minui, si quid intelligere desistit? Nisi quodd, si
 bene attenditur quæ & qualis sit constitutio intrinseca
 cujuscunque rei, nulla res intrinsece mutatur per adventum
 qualemcunque intum, aut etiam penetrativum alterius
 rei: quare neque per accessum animæ penetrativum fit in
 corpore humano intrinseca ulla mutatio: corpus etenim
 per penetrationem illam nihil suæ corporeitatis acquirit;
 nihil illius deperdit: tantummodò passivum, ut anima
 quidem activum, animationis statum acquirit, sive mo-
 dum, quem vocamus intrinsecum ad distinctionem ab aliis
 statibus, sive modis extrinsecis, per quos extrinsecam pati-
 tur mutationem. Vide, mi Pazzi, quomodò non discede-
 rem à tuo Aristotelismo, nisi rot & tam urgentes rationes
 sollicitarent me ad hunc discessum.

P A Z Z I U S. Scio, Domine Philaethes, non posse
 Ecce ij.

XXVII.
 Nulla in-
 tercedit pro-
 ductio rei
 spiritualis.

XXVIII.
 Opponitur.

alia ratio
gravior.

404

Dialogus decimus-quintus.

te sollicitari per rationes leves ad discedendum ab aliqua opinione; sed fieri potest ut non satis attendas ad gravitatem illarum, quæ nos inclinant in opinionem, quam sequimur. Hæc autem gravitas in hoc maxime consistit, quod anima tam esset intrinsece immutabilis, quam Deus; si nulla mutationum, quibus illa subiacet, esset intrinseca. Et similiter tam esset mutabilis Deus, quam anima, si animæ mutationes nihil præter novos status & novos essendi modos importarent: quia enim Deus non semper miseretur, non semper punit, non semper præmiatur, non semper creat, &c. novi status, & novi modi essendi erunt in Deo pariter distinguendi. Qua de re audiendus est Palancus, Certe, inquit, si animam equiparas cum Deo in eo, quod ipsa semper ipsamet, eademque intrinsece sit & nunquam intrinsece alia à se ipsa, sicut Deus; Denique cum anima in eo, quod alius sit quoad statum sicut anima; profecto vel miseram conditionem anima humana, vi cuius nunquam in eodem statu permanet, attribuis Deo, vel altissimum Dei attributum, quo Deus idem ipse est semper & intrinsece immutatus, attribuis anima humana. Quorum utrumque blasphemia est. Velle jam audite, Domine Philalethes, qua via declinates hanc ad eam gravem instantiam.

*Dialog. 77.
n. 659.*

XXIX.
Hæc ratio
fuit superius
soluta.

PHILALETHES. An non meministi, mi Pazzi, fuisse hanc instantiam, seu æquivalentem hoc mane solutam ac dissipatam à Rocchio exponente qualiter sit omnis substantia spiritalis creata & intrinsece mutabilis, & intrinsece immutabilis; sed si quid solutioni deest, & dissipationi quam aio, interroga illum & satisfaciet. Nosti non solere me vobiscum cettare, sed de certaminibus vestris brevem sententiam ferre pro potestate, quam contulistis.

PAZZIUS. Nihil interrogo. Audiisti, mi Rocchi; blasphemiam, quam Palancus exprobrat utrique aut de im-

Quàm bene sentiant Atom. de formis spirit. in gen. 405
mutabilitate intrinseca animæ, aut de mutabilitate intrin-
seca Dei vitiosæ extremitati, in quam vos perducit vestra
præventio adversus productionem accidentium spiritua-
lium. Tuum igitur est hanc blasphemiam ab hac vestra opi-
nionem amovere, si poteris.

ROCCHIUS. Oh quam misera esset, mi Pazzi, nisi
vera esset, nostra opinio, quæ tot exprobrationibus à
Palanco impetitur. Exprobrabat illi nuperrime fanatis-
mum: accedit jam ad fanaticismum blasphemiam; mode-
stius tamen ageret si non his superbis exprobrationibus nos
cæderet immerentes; & ecce ut amovemus istam blas-
phemiam. *Deus in eodem statu intrinseco permanet semper;*
anima in eodem statu intrinseco nunquam permanet. Estne
hic aliqua blasphemia? Annon sic satis salva est immuta-
bilitas Dei?annon sic satis proclamatur mutabilitas animæ?

XXX.
Exprobratur
adhuc blas-
phemia sine
ulla causa.

PAZZIUS. Ita plane, mi Rocchi.

ROCCHIUS. Atqui, mi bone Pazzi, nihil huc-
usque adversus accidentia vestra illa spiritualia dictum est,
quod utcunque lædat veritatem propositionis utriusque il-
lius Christianissimæ. Explico me.

PHILALETHES. At explica te paucis, oro, Do-
mine mi Rocchi; instat enim tempus abeundi; & ut vi-
deo, jamdiu à remigibus expectamur.

ROCCHIUS. Explico itaque me paucis. Per status
intrinsecos intelligo status intelligendi & volendi & quos-
cunque alios ex his pendentes, qui de cætero intrinseci
vocantur, quia pertinent ad intrinsecas facultates substan-
tiæ spiritualis. Jam verò quis neget Deum esse semper in
eodem statu intelligendi, & in eodem statu volendi: quan-
doquidem uno actu intelligendi ab æterno intelligit quid-
quid intelligit; & uno actu volendi ab æterno vult quid-
quid vult sine immutatione intelligentiæ, aut voluntatis
apud se ulla. At anima modò intelligit, & modò non in-
telligit: modò vult & modò non vult, idque cum perpe-

XXXI.
Quid sint
status intrin-
seci rerum
spiritualium

tua vicissitudine actuum habituumque incipientium, desinentium, renascentium, recidentium, nullaque tandem inire, nullo in tempore sibi constantium. Atque hic est sensus, in quo Deum esse immutabilissimum, animam verò esse mutabilissimam affirmamus; sed hæc affirmatio non obstat, quin hæc eadem anima perinde ac omnis substantia spiritualis creata sit intrinsece immutabilis, videlicet in sensu alio, in quo acciperetur mutatio intrinseca pro mutatione substantiali, cujus utique incapaces sunt omnes substantiæ spirituales, quia sunt simplices: sicque fruuntur, ut mane aiebam, immutabilitate quæ ad discrimen à Divina vocatur *accidentalis*, id est, *non essentialis*, & *participatas*.

XXXII.
Qualiter
Deus ad-
mitteat varie-
tatem ex-
trinsicam.

Cæterum, mi Pazzi, status ille intrinsecus unicus, simplicissimus atque invariabilissimus divinus nihil de sua intrinseca invariabilitate amittit, per hoc quod varie terminatur ad creaturas, aut per hoc quod creaturæ ad illum varie terminantur: atque in hoc sensu considerabiles sunt in Deo varii status, uti status Dei creantis, conservantis, præcipientis, concurrentis, miserentis, punientis, &c. item uti sunt status Dei cogniti, amati, adorati, formidati, rogati, &c. vel è contra incogniti, exosi, offensi, spreți, neglecti, &c.

XXXIII.
Proponitur
examen ali-
cujus acci-
dentis parti-
cularis.

PHILALETHES. Noli addere plura, mi Rocchi, res clara est: neque ultra esset de accidentibus spiritualibus disputandum, nisi nostræ consuetudinis esset nihil omnino definire de rebus ullis in genere sine prævio descensu ad aliquam earum speciem. Quem in modum, ut meministis, Domini mei; post agitatam generalem difficultatem de accidentibus materialibus in communi, selecta fuerunt quædam particularia, de quibus seorsim inter vos concertatum est. Igitur ad abundantiorē notitiā difficultatis hujus generalis ad accidentia spiritualia pertinentis desidero, ut inter vos fiat optio alicujus accidentis spiritualis, de quo specialiter disquiratur quid & quale sit, & qualiter

Quam bene sentiant Atom. de formis spirit. in gen. 407
admitti debeat in hoc vel illo sensu productionis, in hoc
vel illo sensu inhærentiæ, in hoc vel illo sensu destruc-
tionis, in hoc vel illo sensu operationis, &c. cohærenter
ad hæc aut illa principia Philosophiæ Aristotelicæ, vel
Atomisticæ. Quid arbitramini de re, quam propono?

ROCCHIUS. Digna res est Moderatore, qui nihil
inconsulte molitur, & ita graditur pederentim, ne quid
temere decidatur; sed sit apud Pazzium nostrum optio
accidentis, quod maluerit in nostram disputationem ve-
nire.

PAZZIUS. Absit ut arrogare mihi velim jus optionis;
sed quia Palancus noster selegit hoc & alterum accidens
gratiæ scilicet actualis & habitualis ad effectum Philoso-
phiæ Atomisticæ profundius inhumandæ, pergratum ha-
be, mi Rocchi, ut de hac utraque accidentali gratia dis-
putemus.

ROCCHIUS. Pergratum habeo, mi Pazzi: hac ra-
men conditione, quod nunquam defluemus in Theolo-
giam, sed in philosophico illius margine consistemus. Age-
mus, ut agere solemus, Philosophos, suas Theologis relin-
quendo personas. Nolo in ulla justo intimioris disquisitio-
nis pericula introire.

XXXIV.
Et admittit-
tur cum con-
ditione.

PHILALETES. Non introibis, mi Rocchi: hæc
sunt partes meæ: hanc contentionis moderationem cuius
meis tantum relinquit, Domini mei.

PAZZIUS. Hanc relinquimus, Domine Philaletes.
Itaque jam abeamus; sed nec hospite insalutato, nec in-
haulto uno alteroque vini poculo ad redintegrationem
pulmonum.



DIALOGUS XVI.

QUAM MALE SENTIANT ARISTOTELICI de forma spirituali gratiæ actualis.

PERSONÆ COLLOQUENTES.

PHILALETHES, PAZZIUS, ROCCHIUS.

I.
Proleaditur
ad agendum
de gratiæ ac-
tualis.

PHILALETHES. Illico ut revalui ab hemicrania, quæ me toto triduo afflixit, volui, Domini mei, vos esse monitos & rogatos de his pomeridianis horis apud me transigendis atque impendendis dissertationi, quam scio inter vos expressius conditam de forma spirituali gratiæ actualis.

PAZZIUS. Quia imo, Domine Philalethes, si me amabis, transferes rixam hujus dissertationis ad diem alteram, dum fortiùs revalueris ex dolore illo hemicranico, quem ego quoque his diebus persenfi.

ROCCHIUS. Fuit igitur vitium insulæ, in quam nudiusquartus nos perduxisti, Domine mi Pazzi: illa mihi quoque aliquantulum hemicranix peperit. Sed Deo volente salvi sumus; & quia non decet Philosophos timor mali, quod præterit, redituri, utamur atque fruamur amabili voluntate, quam offert Philalethes noster, audiendi hac ipsa die nostras contentiones circa gratiam actualem, cui ego quidem denego, tu verò tribus notionem accidentis spiritualis physici Aristotelici. Ergo age, Domine Philalethes, & ut soles nostris hisce contentionibus modum ac seriem pone.

PHILALETHES,

Quàm male sentiant Arist. de forma spirit. gratia actua. 409

PHILALETHES. Legi hoc mane Palancum à dialogo septuagesimo quinto usque ad octuagesimum primum, quo concludit suam dissertationem de formis accidentalibus. Itaque in his sex aut septem dialogis, mi Rocchi, vidi tuum illud opusculum, quod inscripsisti, *systema gratia*, prolixè narratum & refutatum cum animositate valde aperta: tuo equidem nomini parcat, neque tua esse monet verba, quæ ex te refert; sed nihilominus quia mihi nota est tua latinitas, accurata, & nitens, facile intelligebam quidquid calami tui erat in paginis pluribus atque integris. Cæterum id placuit, quia unum alterumque authorem simul legebam; sed displicuit quòd viderim multa perturbate relata, quæ referri voluisssem seorsim, de gratia scilicet actuali & habituali. Hæc tuo in systemate cum grandi sollicitudine distinxisti: ille verò mire confudit: quate ad vitandum confusionis hujus vitium laudo quod decrevistis agere seorsim de istis generibus accidentium spiritualium, quæ sunt gratiæ divinæ aut habituales, aut actuales.

Tum suppono, Domini mei, vos pariter decrevisse de illis hic tantum agere gratiis, quæ intra supernaturalem ordinem continentur; quia licet sit una & eadem difficultas pro gratiis cæteris, quæ sunt ordinis naturalis; at tamen tum ad nobilitatem contentionis, tum ad communio-
riorem usum nominis *gratiarum* præstat gratias supernaturales assumere in exemplum. Tuum itaque sit, Domine mi Pazzi, eloqui clare ac distinctè quid Aristotelici Theologi sentiant de gratiis istis spiritualibus supernaturalibus quoad physicam ipsarum entitatem: & qualiter eas putent produci, distingui & inhærere suis subiectis analogice aut non analogice ad doctrinam generalem, quam sustinent de accidentibus Aristotelicis; & unde oporteat illas, aut non oporteat illas considerare ac propugnare ad instar formarum accidentalium materialium inhærentium suis

F ff

I I.
Decernitur
agendum esse
seorsim de
gratia actuali.

II I.
Item hic
tantum agitur
de gratia
supernaturali
actuali.

subjectis modo illo, quem toties diximus, Aristotelico; Unde fiet huiusmodi gratias, de quibus est sermo, esse aut non esse accidentia physica Aristotelica, ordinis videlicet superioris. Quid mussiras, mi Pazzi? dic aperte.

IV.

Opponitur
accidentia
gratiarum
non posse
dici Aristote-
lica.

Dial. 75.
n. 644.

P A Z Z I U S. Aperte dico fore, Domine Philaleries; ut excaudesceret Palancus, si adesset & audiret te interrogantem, an gratiæ supernaturales, de quibus sermo est, sint vel non sint accidentia physica Aristotelica. Etenim neque Physica tractat de gratiis illis, neque de illis Aristoteles aliquando cogitavit quicquam: quare an accidentia sint quæri potest; sed an sint accidentia physica, vel an sint accidentia Aristotelica quæri aliter, quàm *impertinenter* non potest. Audite, Domini mei, Palancum, qui Atomistam suum negantem gratias illas esse *accidentia physica Aristotelica, qualia Peripatetici fingunt*, his verbis excipit, *jam supra te monui, quàm impertinenter hos terminos physica & Aristotelica introducuntur à Vestris, ut examen veritatis perturbent & ad denominationes mere extraneas conversationem de rebus gravissimis detorqueant.* Tum subjungit. *Id sane magis in presenti apparet: nam accidentia supernaturalia nec physica dici debent, quia ad Physicam non spectant; nec Aristotelica, ut de quibus Aristoteles minime disputavit.* Quare deinceps, si me amabitis & Palancum, talia epithera silebuntur.

V.

Sic tamen
vocanda illa
sunt, quæ ad
mentem A-
ristotelis
propugnan-
tur.

P H I L A L E T H E S. Sed parcite tu & Palancus, si te aliter interrogare non potui, aut non credidi posse: novi enim anticipare Theologos Aristotelicos & Atomistas esse unanimes in affirmando gratias, de quibus hîc agitur, esse accidentia; sed tum æque novi discordiam illorum pene infinitam in exponendo, quæ & qualia sint hæc accidentia. Unde fit ut quærere à te debuerim, an hæc accidentia sint instar illorum, pro quibus tum ad ordinem materialem, tum ad ordinem spiritualem generatim spectantibus hucusque pugnavisti ad mentem Aristotelis, & quæ hinc *Aristotelica* merito dicuntur. Quare igitur non.

Quàm male Arist. de forma spirit. gratia actualis. 411
 pariter *Aristotelica* dicerentur hæc accidentia gratiarum, si
 ad mentem Aristotelis illa exponeres, seu analogice ad
 cæterorum expositionem Aristotelicam; sed quare rursus
 non dicerentur pariter *physica*, si sunt instar cæterorum,
 quæ apud vos quidem *physica* sunt, apud Atomistas au-
 tem *physica* non sunt, sed chiniærica reputantur? Quid
 autem hoc est, quod audio *Physicam* non tractare de gra-
 tiis? an propterea non habebunt aut *physicam* entitatem,
 aut nullam? nam quidquid est, si vere est, determinatæ
 ejusdam naturæ ac realitatis est; & ideo *physicum* est:
 vel qui hoc negat, nescit idem esse *quod* quod *naturam*.
 Quid hoc est? an in denominatione hæc accidentium
physicorum Aristotelicorum Aristotelici erubescunt?

ROCCHIUS. Erubescunt plane, aut sunt erubef-
 centibus similes & verentibus ne quid prophanum ex no-
 mine prophano contrahant accidentia, pro quibus hîc
 pugnant. Quare omnino mallet Palancus accidentia hæc
 supernaturalia, qualia propugnat, vocari *Theologica* & *Sa-
 cra* & præsertim *Catholica*, quandoquidem sic etiam vo-
 canda esse superius insinuabat accidentia illa materialia
 panis & vini Eucharistici manentia, ut ipse putat, post
 consecrationem, *Hæc quidem non tam* accidentia Aristo-
 telica, inquit, *dicenda sunt, quàm* accidentia catholi-
 ca. Sed sicut ibi hoc à me non obtinuit pro accidentibus
 suis materialibus, ita neque hîc simile quid obtinebit pro
 ullis suis accidentibus spiritualibus; vel præsertim quia si
 ratio verat in utrisque illis pariter realitatem ullam admit-
 tere, quomodo fides jubere poterit, ut in illis ulla id genus
 realitas admittatur, unde nominentur *catholica*? non in-
 tantum à fide contradicitur rationi. Sed tum, mi Pazzi, si
 accidentia supernaturalia gratiarum actualium nec *physi-
 ca*, nec *Aristotelica* sunt, quid sunt?

PHILALETES. Hoc ipsum eram, mi Pazzi, à te
 quæsiturus: nam nisi ab hac tua responsione fieri proposi-
 tæ disputationis initium potest.

F f f ij.

V. I.
 Veller Ad-
 versarius
 quod talia
 accidentia
 vocarentur
catholica.

Dial. 68;
 n. 386,

Dial. 75.
N. 644.

P A Z Z I U S. Itaque contendit, & hæc sunt verba ipsissima nostri Authoristales gratias supernaturales actuales, quarum quidditas hic requiritur, *esse accidentia realia, native insubsistentia, inherencia anima, ipsi realiter superaddita, ab eaque realiter distincta.*

VII.
Accidentia
physica, &
accidentia
realia idem
sunt.

R O C C H I U S. Bene omnino est, mi Pazzi; sed nunc quid hoc ipsum responderes absque ullius iota, vel ullius apicis mutatione, si à te quaereretur quid sint quantitas, gravitas, color, figura, sapor, odor, &c. cuiusvis corporis? Qualitates illas corporeas pariter responderes esse *accidentia realia, native insubsistentia, inherencia corpori, ipsi realiter superaddita, ab eaque realiter distincta*: neque de istis conquereris, si physica & Aristotelica vocarentur. Miror igitur quod conqueraris de pari denominatione illis indulta. Cæterum per *accidentia physica* tecum intelligo *accidentia realia*; & per *accidentia Aristotelica*, illa eadem intelligo, prout à vobis propugnata coherent ad opiniones vestras philosophicas Aristotelicas de accidentibus materialibus realibus, ut loquimini, *native insubsistentibus, inherentibus, superadditis & distinctis*: quod nescio displicere tibi qualiter possit.

VIII.
Vocando
alia acci-
dentia *Aris-
totelica* con-
siliur bre-
vitati ser-
vanti.

P H I L A L E T H E S. Ego quoque non capio, mi Pazzi; quare accidentia illa supernaturalia, quorum omnem formam, quæ est inhærentis, superadditionis & distinctionis realis sola Philosophia Aristotelica Theologis istis Aristotelicis inspiravit, vocari non debeant Aristotelica, vel hac saltem ex parte, quia si Aristoteles de his accidentibus supernaturalibus non cogitavit, nec enim res supernaturales noverat, ob id quod *divinus* non erat, ut Platon; attamen vobis in occasione fuit cogitandi de illis, nempe ad instar cæterorum naturalium, quæ, ut affirmatis, per sui vim ingenii adinvenit. Sed hæc sinamus, quæ ad nomen magis quàm ad rem attinent: facque iam ut audiamus, quibus rationibus probet Palancius gratias actuales

Quam male sentiant Arist. de forma spirit. gratia act. 413
 supernaturales esse accidentia realia, native insubstantia,
 inherencia anime, ipsi realiter superaddita, ab eaque rea-
 liter distincta. Vide obiter quot voces superflue hic sunt:
 hoc totum perinde intellectum fuisset, si dixissem acci-
 dentia Aristotelica: quare parere ut hoc nomen usurpemus
 salva pace saltem interdum. Quæ sunt itaque rationes illæ
 vestri Scriptoris?

P A Z Z I U S. Palancus in dialogo suo septuagesimo
 quinto, cui titulum istum præfixit, *Dari accidentia spiri-* I X.
Affertur
simul quin-
que rationes
pro realitate
gratiæ
stabilenda.
*tualia, præsertim supernaturalia. & infusa, tanquam quid
 fide certum ostenditur*, affert unâ & continuâ serie rationes
 quinque gravissimas & communitas sacris authoritatibus.
 Synopsis autem earum hæc est. *Prima* est, quia gratia ac-
 tualis supernaturalis, de qua sermo est, donum quoddam
 divinum est. *Secunda* est, quia talis gratia diffunditur in
 cordibus nostris. *Tertia* est, quia Deus per eam justificat
 & sanctificat impium. *Quarta* est, quia per eandem rege-
 neramur in spem vivam & ex Deo renascimur. *Quinta*
 ultimò est, quia Concilium Tridentinum aperte ait talem
 regenerationem fieri per charitatem quæ inhæret, itemque
 per voluntariam susceptionem gratiæ & donorum ejus.
 Jam verò dicam quid illud sit, in quo singularum hujus-
 modi rationum vis invictius elucescit.

R O C C H I U S. Sed antè da veniam, mi Pazzi, ut
 dicam *primò* rationes illas nihil habere, quod egomet mi-
 hi non opposuerim, & non abunde solverim in meo syste-
 mate gratiæ. Imò, absit verbo invidia, meis in illis oppo-
 sitionibus elucet grandior vis ac vehementia talium ratio-
 num, pro quibus ad summam difficultatem perducendis ni-
 hil neglexi; multiplicando authoritates atque instantias.
 Dicam *secundò* rationes, quas ex Palanco hic affers, re-
 ferri valde promiscue ad stabiliendam accidentalitatem
 Aristotelicam gratiæ tum habitualis, tum actualis: hic
 autem præcise agitur de tali accidentalitate concedenda

X.
Ex omnibus
selegitur
prima pro
materia hu-
jus collo-
quii.

vel deneganda gratiæ actuali. Quare cum ad accidentalitatem Aristotelicam gratiæ actualis probandam non pertineat aliquatenus, ut vides, nisi quinque rationum illarum prima, hæc una sit hodierni examinis: cæterarum suo tempore fiet examen aliud.

PHILALETHES. Sic sane distinctius procedetur. Age igitur, mi Pazzi.

XI.
Affertur
& munitur
prima illa
ratio.

P A Z Z I U S. Probat itaque Scriptor noster accidentia gratiarum actualium supernaturalia realia *ex sacro textu, in quo frequenter reperitur*, inquit, *aliquid nobis donari à Deo, quod nomine doni vel donorum exprimitur, juxta illud, Omne donum perfectum desursum est descendens à Patre luminum, & illud, Magna & pretiosa nobis promissa donavit, ut per hæc efficiamini divina consortes natura, & illud, Videte qualem charitatem dedit nobis Pater ut Filii Dei nominemur & simus. Hæc sunt tria loca quæ affert ex innumeris, ac tum sic arguit.*

XII.
Accedit ra-
tionum ad
authoritatem
præmissas.

Non possunt hujusmodi verba sacri textus re ipsa verificari, nisi sit aliquid reale in anima illi donatum à Deo, quod ipsa anima antè ex se non habebat, ut ex terminis ipsis patet. Atqui hoc debet esse aliquid reale distinctum realiter; tum à Deo ipso, quia donum distinguitur realiter à donante; tum ab ipsa anima, quia donum & datum alicui etiam realiter distinguitur à subjecto, cui donatur. Debet ergo esse aliquid reale realiter distinctum à Deo & ab ipsa anima, cui datur. Vides, mi Rocchi, vim ineluctabilem hujus syllogismi. Vide adhuc ineluctabiliorem vim euthymematis subsumpti. Sed hoc, inquit, reale non est realiter substantia, nec aliquid substantiale, aut per se existens, ut etiam per se patet. Ergo est aliquid reale accidentale, non in Deo, sed in anima. An non, mi Rocchi, tunc factus, tam evidens demonstratio te convincit?

XIII.
In quo

R O C C H I U S. Totum quod in hoc discursu affertur, patet tibi ex terminis, totum tibi est ineluctabile, nimium:

Quàm male sentiant Arist. de forma spirit. gratia actual. 415
 & evidens, mi bone Pazzi; atque ita in illo fine ulla op-
 positi formidine conquiescis. Oh te beatum! si tamen fal-
 sa præventio beatum efficit. Sed tum si vel ad unum ins-
 tans tua præjudicia deposueris, videbis, illum se ipso labi
 ac ruere: nam illius tota vis quæ apud te est, pendet ex
 hoc quòd supponis nullam esse aliam realitatem, quàm
 quæ est aut substantiæ Aristotelicæ, aut accidentis Aristo-
 telici. Sic itaque discutris. Omne quod datur, distingui-
 tur realiter & ab illo qui dat & ab illo qui accipit: sed
 gratia supernaturalis actualis datur, scilicet hominì à Deo:
 igitur & à Deo & ab homine distinguitur realiter.

constat vis
 argumeti
 rejecti

Et sic quidem non male inferres, nisi hanc distinctionem
 realem in sensu Aristotelico male acciperes, & ideo sub-
 jungeres illud reale distinctum esse accidens, scilicet in
 sensu Aristotelico, quia videlicet in eodem illo sensu A-
 ristotelico esse substantia non potest. Scias, mi Pazzi, nul-
 lam substantiam in sensu Aristotelico acceptam ullibi esse:
 scias nullum accidens in sensu Aristotelico acceptum ul-
 libi esse: id saltem scias nobis ita persuasum esse, tibi-
 que persuaderi hæc debuisse ob rationes, quas toties ad id
 persuadendum efficacissimas attuli. Quare noli, si sapi-
 tam superbe confidere in discursu præmisso vestri Scrip-
 toris, in quo nihil affert præter gravissimam Aristotelicam
 præventionem. Valde aliter attendi debet illa notio doni
 præcellentissima, quam secum affert gratia supernaturalis
 actualis, de qua sermo est institutus.

XIV.
 Et hæc tota
 vis est in-
 sola præven-
 tione Aris-
 totelica.

PHILALETHES. An non, mi Rocchi, notio illa
 præcellentissima doni convenit etiam gratiæ habituali su-
 pernaturali? Quare igitur notionem illam hîc perpendis,
 quasi magis propriam gratiæ alteri actuali?

ROCCHIUS. Imo verò, Domine Philalethes, do-
 num gratiæ habitualis adhuc majus est dono gratiæ actua-
 lis; sed quia ex illis quinque rationibus, quas Pazzius ex
 Palanco nuperrime afferebat ad stabiliendam accidentia

XV.
 Gratiæ
 habitualis
 potius do-
 num divini
 est.

litate Aristotelicam gratiarum, unica erat, scilicet prima, desumpta ex notione doni, quæ aliquatenus referretur ad gratiam actuale, ideo mihi visum est hanc doni notionem in examen hodiernum adducere; sed eo fine ut patris utilitatis futurum sit ad rejiciendam pariter accidentalitatem Aristotelicam à gratia habituali, si fortè quis isti etiam gratiæ vellet talem accidentalitatem adscribere sub pretexto simili, nempe quòd sit donum divinum homini præbitum. Itaque jam, Domini mei, audite nonnulla, imo non pauca quæ mihi tum generatim, tum particulatim dicenda sunt de præfata notione doni: namque per hæc confido tam clare à vobis, quàm à me visum isti vanitatem argumenti Aristotelici, de quo jam agitur.

XVI.
Potest ali-
quid dari, &
non distin-
gui à sub-
jecto, cui
datur.

Et primo quidem generatim falsum est nihil posse dari, quod non sit realiter distinctum & ab eo qui dat, & ab eo qui recipit: siquidem perfectiones quotquot sunt cujusvis rei creatæ, an non illi à Deo donatæ sunt? nec tamen ea propter ab illa realiter distinguuntur. Sic nemo negabit intelligentiam, voluntatem, memoriam, libertatem, immortalitatem, agilitatem, & cæteras Angeli perfectiones esse dona divina. Dona etiam divina sunt omnes illius virtutes & virtutum operationes: neque tamen istæ perfectiones, istæ virtutes, istæ operationes angelicæ ab Angelo realiter distinguuntur: aliàs enim Angelus esset realiter compositissimus, nihilque omnino haberet simplicitatis, quia nihil in eo esset unum virtualiter multiplex: in qua unitate virtualiter multiplici consistit vera simplicitas. Sed neque hoc rebus spiritualibus proprium est habere suas perfectiones à Deo acceptas & nihilominus secum identificatas. Nam hoc pariter rebus materialibus convenit; ita quòd nec una sit atomus, quæ multis perfectionibus à Deo acceptis, & secum realiter identificatis non gaudeat. Etenim an non accepit à Deo quòd sit indivisibilis, quòd sit mobilis, quòd sit locabilis, quòd sit unibilis, &c. Quæ perfectiones

Quàm male sentiant Arist. de forma spirit. gratia act. 417
perfectiones cum materiales sint, si realiter ab illa differ-
rent, essent in ea res totidem materiales, quæ componerent
atomum; atomus autem ex vi suæ notionis est incomposita

Secundo non pauciora sunt dona in ordine spirituali,
quàm in ordine corporali; utrisque autem quomodo con-
veniet una notio distinctionis pariter realis inter ipsa &
personas dantes aut accipientes? Etenim ut in ordine cor-
porali dantur pecuniæ, vestes, arma, domicilia, alimenta,
&c. ita in ordine spirituali dantur promissa, præ-
cepta, consilia, monita, documenta, &c. Quis
autem dixerit dona ista tam realiter, quàm illa distin-
gui à personis, quæ donant & quæ recipiunt? Certe
pereuntibus his personis manent subsistuntque realiter pec-
uniæ, vestes, arma, &c. sed nemo dixerit promissa, præ-
cepta, consilia, &c. manere pariter atque subsistere. Unde
fit notionem doni spiritualis esse à notione doni corpora-
lis valde diversam: & eapropter ex generica notione do-
ni non posse quidquam legitime inferri pro distinctione
reali donorum spiritualium, cujusmodi sunt gratiæ actua-
les supernaturales, quarum vera entitas hîc inquiritur.

Tertio quia gratiæ actuales, de quibus hîc agitur, sunt
dona quæ à Deo fiunt creaturæ spirituali, cujus omnes
operationes referuntur ad id, quod est intelligere & velle:
clarum est dona illa esse hujusmodi, quæ adjuvant, perfici-
unt, elevant illam characteristicam ipsius capacitatem,
quæ est intelligendi & volendi: nam quæcunque alia do-
na quæ non essent hujusmodi, non convenirent illi, ut
patet. Hinc infero dona gratiarum actualium, quas hîc
examinamus, redigi omnia ex parte Dei ad actionem, qua
Deus creaturam spirituales illuminat manifestando illi
verum atque bonum conveniens; ex parte autem creatu-
ræ hujus spiritualis redigi pariter omnia ad passionem, seu
receptionem præmissæ illuminationis, per quam addiscit
quale quantumque sit verum ac bonum sibi conveniens.

G g g

XVII.
Dona spiri-
tualia non
sunt distinc-
ta à dantibus
& accipien-
tibus.

XVIII.
Dona omnia
spiritualia
referuntur
ad vim in-
telligendi &
volendi.

XIX.

Ad quid re-
du. i. debeat
præfens dif-
ficultas.

Item infero difficultatem omnem, quæ hîc pro admit-
tenda vel rejicienda omnino accidentalitate Aristotelica
gratiarum actualium agitur, reduci prorsus ad hoc ut
sciatur *primò* quid rei physicæ sit Deum illuminare sic,
vel sic creaturam spiritualem; ac tum ut sciatur *secundò* quid
rei physicæ sit creaturam spiritualem sic, vel sic illuminari:
ex hoc enim utroque semel ac bene cõprehenso cõsequẽ-
tur gratias actuales esse, aut non esse accidentia Arist. sive
Aristotelico more accipienda, qualia propugnat Palancus.

XX.

Dona pro-
pria creatu-
re intelligen-
ti sunt illa
quæ augment
intelligen-
tiam.

PHILALETHES. Supponis, ut video, Domine
Rocchi, lectum à nobis fuisse, nec in oblivionem abiisse
tuum systema gratiæ: alioqui non ita festinanter ac per
saltum ires ad remotissimas consequentiis proximioribus
prætermisissis. Ego itaque tecum intelligo creaturæ intelli-
genti non alia convenire dona, quàm quæ illius intelligen-
tiam juvent, augeant, excitent, attollant, firment, &c.
& hæc proinde dona lumina quædam esse, quæ ubi agitur
de gratiis divinis actualibus supernaturalibus, divina & su-
pernaturalia sunt, & de quibus præsertim accipi debeat
quod legitur in epistola catholica S. Jacobi Apostoli,
*Omne datum optimum & omne donum perfectum desursum
est, descendens à Patre luminum.* Hoc igitur pacto gratia
supernaturalis actualis, de cujus accidentalitate aut non-
accidentalitate Aristotelica sermo est, aliud nihil est,
quàm supernaturale aliquod actuale lumen divinum, scili-
cet communicatum à Deo animæ. Et ita rursus tecum in-
telligo nihil hîc aliud disquiri debere ad solutionem quæ-
stionis institutæ, nisi quid rei physicæ sit lumen illud divi-
num, quatenus à Deo est, & illud ipsum lumen divinum
prout in anima est. Atque hæc est, nisi fallor, mi Rocchi,
mens tua circa statum quæstionis præsentis.

6. 1 17.

ROCCHIUS. Hæc omnino est: sed frustra promo-
veretur præfens quæstio, nisi nobiscum veniret Pazzius in
eundem amplexum statûs propositi: quare ultra non ibo,
mi Pazzi, donec tu quoque aperueris mentem tuam.

Quàm male sentiant Arist. de forma spirit. gratia act. 419
statu quæstionis hujus proposito.

P A Z Z I U S. Amplector illum, quem proponis, mi Rocchi. Etenim licet sacræ paginæ & earum interpretes gratiam divinam nobis repræsentent sub diversis proprietatibus, uti & soni quo excitamur, & odoris quo pertrahimur, & vestimenti quo operimur, & thesauri quo ditamur, & laticis quo abluimur, & clypei quo munimur, & muri quo cingimur, & cibi quo alimur, ut omittam cæteras pene innumerabiles; attamen illa quæ est luminis, per quod nostra intelligentia illustratur; frequentius usurpatur: atque hinc conjici potest major illius convenientia. Quapropter annuo, ut jam inter nos contendatur de gratia divina actuali sub notione illius divini luminis, quo à Deo ita providente anima illustratur in ordine ad operationes supernaturales: ac præsertim quidem sic annuo, quia Palancus non renuit, imo libenter utitur hac notione vobis familiarissima, ut ex ea occasionem accipiat oportuniorem redigendi vos ad necessitatem concedendi gratiam actualem esse accidens vere à Deo creatum ac vere inhærens animæ.

R O C C H I U S. Si necesse fuerit id concedere, habemus, mi Pazzi, cor docile: concedemus. Agedum.

P A Z Z I U S. Agam & afferam verba ipsa nostri Scriptoris; cui post multa efficacissima ratiocinia placuit, ut ait, *addere argumentum D. Thomæ in majorem confirmationem, præsertim quia nomine lucis, seu illuminationis gratiam nuncupat, quo vos ipsi gratiam tam actualem, quam habitualement significatis, in eoque vim facitis.* Argumentum autem D. Thomæ est hujusmodi. *Lux ponit aliquid in illuminato; sed gratia est quædam lux anima: unde Augustinus dicit in libro de natura & gratia: Prævaricatorem legis divina lux deserit veritatis, qua desertus utique fit cæcus:* unde concludit S. Doctor, *Ergo gratia ponit aliquid in anima.* Hoc autem aliquid cum substantia esse non possit,

G g g ij.

XXI.
Converitur
de statu pro
positæ quæ
stionis præ
sens.

XXII.
Afferitur ar
gumentum
D. Thomæ.
Dial. 78.
n. 664.

XXIII.
Tale accidens
esset inutile
ad animam
illuminandam

quid superest, nisi ut sit accidens, quale propugnamus? **ROCH I U S.** Dic potius, Domine Pazzi, *Quid superest nisi ut sit accidens Aristotelicum?* An Aristotelem erubescis? Sed si tam nullibi est accidens ullum Aristotelicum, quàm nullibi est Aristotelica ulla substantia, uti neutrum revera ullibi reperitur, ecce illud aliquid, quod gratia ponit in anima, tam in sensu Aristotelico non erit accidens, quàm non possit esse substantia, ut fatetis. Cæterum illud, quod gratia ponit in anima, si præter accidens Aristotelicum nihil est, quid est nisi ens non solum exilissimæ entitatis, sed etiam licet spirituale supponatur, expers omnis rationis ac cognitionis, ideoque omnis activitatis sufficientis ad animam, ut par est, illuminandam in ordine ad qualescumque actus supernaturales intellectus, aut voluntatis. Igitur id quod gratia ponit in anima, si nihil nisi tale accidens Aristotelicum esset, lumen animæ non esset. Nam quid est, si placet, animam illuminari, nisi edoceri, moneri, suaderi omninoque instrui de rebus ab ipsa faciendis circa fidem, circa spem, circa charitatem divinam, & generatim circa omnes necessarios christianæ pietatis usus ac mores? Si autem ita est, planum est hæc munera docendi, monendi, suadendi & instruendi de tot rebus agendis non posse ad tale accidens Aristotelicum, quod plane cæcum ac mutum est, pertinere. Igitur gratia actualis non est tale accidens cæcum ac mutum.

XXIV.
Proponuntur
duæ difficultates
præsertim
solvendæ.

PHILALET HES. Sustine paulisper, Domine Rochi. Ecce loquela tua manifestum te facit: video in his paucis verbis compendium systematis tui de gratia, qua parte scilicet attingit gratiam actualem: sicque fere in memoriam revocas quidquid tuo illo in opusculo ais ad amovendam ab ea notionem talis accidentis Aristotelici cæci ac muti. Quare timeo ne in prolixitatem nimiam diffusas invitante te ardore tuo ad discursum pauca omisurum ex omnibus, quæ habet tuum illud systema. Res est in qua plerique Authores peccant: nunquam tacent quod

Quàm male sentiant Arist. de forma spirit. grat. actua. 421
 scripserint; nec raro accidit, ut in secundo libro quem
 edunt, fere nihil sit præter primum quem repetunt sub
 vocibus non iisdem. Nolo te, ut cæteros, peccare; qua-
 re anthor sum, ut quasi oblitus tui operis illius breviter sa-
 tisfacias mihi & Pazzio circa duas difficultates sequentes
 mox proponendas, ex quarum solutione, ut conjicio, pen-
 det veritas, aut falsitas opinionis militantis pro accidenta-
 litate Aristotelica gratiæ actualis.

Prima est. An Deus per se solitarie atque immediate
 possit animam instruere, commonere, hortari, sicque il-
 lam prævenire, excitare, vocare, impellere, adjuvare,
 elevare ad cognitionem & prosecutionem boni superna-
 turalis. Quo pacto Deus per se solum completeret in anima
 omnes effectus tribui solitos gratiis actualibus productis:
 sicque per se solum esset lux in anima lucens, lux illumi-
 nans mentem, lux accendens voluntatem. Et uno verbo sic
 per se solum esset in anima totum id, quod Aristotelici
 Theologi referunt ad quoddam conjunctum ex Deo &
 gratiis illis actualibus productis & veluti advocatis in sub-
 sidium pro ministeris supernaturalibus præmissis instruendi,
 commonendi, hortandi, atque ita præveniendi, exci-
 tandi, vocandi, impellendi, &c.

Secunda est. An Deus ad id genus ministeria superna-
 turalis ordinis peragenda possit convenienter, aut etiam
 sufficienter uti talibus entitatibus accidentalibus, scilicet
 vere productis & vere inhærentibus animæ, quales Aris-
 totelici vulgò cogitant esse gratias actuales, dum illas co-
 gitant esse suo in ordine spiritali & supernaturali similes
 accidentalibus illis naturalibus ac materialibus formis, pro
 quibus tandiu tamque acriter præliantur. Neque jam du-
 bito, Domini mei, quin advertatis hæc esse vera duo puncta
 polaria totius hîc agitandæ contentionis.

ROCCHIUS. Hæc utique duo sunt & unica sunt:
 nec cogitari distinctius quicquam potest. Has itaque, Do-

XXV.
 An Deus
 possit per se
 immediate
 illuminare
 animam?

XXVI.
 An Deus
 possit uti ac-
 cidente cre-
 ato ad ani-
 mam illu-
 minandam?

XXVII.
 Pa-atur
 responsio ad
 utramque
 difficultatē.

mine Philalethes, assuino mihi partes probandi *primo* Deum per se unum posse in anima efficere quicquid à Theologis Aristotelicis tribuitur ministerio gratiæ actualis productæ: ac *secundo* per huiusmodi gratiam productam nihil ex his omnibus, quæ sic illius ministerio tribuuntur, effici à Deo in anima posse. Hoc utrumque si proba-vero, mi Pazzi, an non mihi es concessurus te tuosque Aristotelicos errare circa physicam quidditatem gratiæ actualis, de qua est sermo?

P A Z Z I U S. Imple tuas partes, mi Rocchi: para rationes tuas: assensum meum, si meruerint, obtinebunt; fac tantum ut plus ponderis habeant, quam quæ solent à vestris Atomistis proferri; illis enim plerumque inest aliquid ejus levitatis, quæ innata est atomis.

XXVIII.
Deus utitur
variis causis
ad varios
effectus na-
turales.

R O C C H I U S. Sic per jocos sæpe itur ad seria, mi Pazzi: libra igitur jam seriò pondus rationum sequentium. Novimus omnes Deum uti causis secundis ad omnes materiales ordinis naturalis effectus: quem in modum utitur Sole ad illustrationem aëris, vento ad commotionem maris, imbribus ad irrigationem telluris, seminibus ad generationes frugum, frugibus ad vitam animalium, &c. sicque universi ac singuli corporales effectus pendent à suis corporalibus causis, quas Deus ubi & qualiter & quoties vult, providet adhiberi atque applicari. Sed tum si ab isto solito & naturali modo quo res fiunt, transferatur consideratio ad insolitum & supernaturalem juxta quem requiratur, an aliter possint fieri, deprehendetur posse divinitus & aërem sine Sole illustrari, & mare sine vento commoveri, & tellurem sine imbribus irrigari, & fruges sine seminibus nasci, & animalia sine frugibus ali, &c. ob id scilicet, quòd Deus ad quemcunque intelligibilem effectum producendum non indigeat subsidio creaturæ ullius particularis: vel præsertim quia si quid in creatura est potestatis, aut industriæ ad talem effectum, id consecuta

Quàm male sentiant Arist. de forma spirit. gratia act. 4 23
est à Deo, in quo proinde abundat omnis illa potestas
atque industria.

Sicque tandem Deus in ordine materialium effectuum po-
test per se solum præstare id totum, quod solet per cau-
sas ipsi ad talia ministeria servientes, & quarum eaprop-
ter concursu non ex ulla necessitate absoluta, sed ex dis-
positione arbitraria utitur. Transeamus hinc ad ordinem
naturalem effectuum spiritualium & deprehendemus haud
dubie Deum in ordine isto non esse minus, quàm in illo
potentem atque industrium; ita quòd si Deus non eget
adminiculo causæ ullius corporalis ad corporalem effectum
quemlibet, poterit perinde sine ope ac concursu cujusvis
causæ spiritualis effectum spiritualem producere, qualem-
cunque voluerit. Itaque in hunc modum potest Deus si-
ne magisterio Angeli ullius aut hominis communicare a-
nimæ meæ omne genus cognitionis ac propensionis spiri-
tualis, efficiendo ut apprehendat quaecumque verum &
apparet quaecumque bonum naturalis huius ejusdem or-
dinis: si autem id potest absque magisterio ullius creatu-
ræ intelligentis, quantò magis id poterit sine ministerio
creaturæ cujusvis intelligentiam nullam habentis,
cujusmodi esset accidens quodcumque spirituale Aristotelicum?

Atque ut clariùs ad rem meam loquar, si potest Deus
sine recursum ad ullum corpus extraneum communicare
corpori meo qualemcumque motum corporalem, uti eun-
di, redeundi, circumvenendi, saltandi, trahendi, repellendi,
&c. potest pariter absque refugio ad extraneum ullum spi-
ritum efficere meo in spiritu omnem motum spiritualem,
seu intentionalem, intelligendi, ac volendi, sive quod
idem est, credendi, sperandi, amandi, timendi, gaudendi,
&c. Unde clarum est necessarium non esse accidens ul-
lum spirituale ordinis naturalis Aristotelicum, per quod
efficiat Deus me scire, credere, amare, &c. quidquid in

XXX.
Sed p.
test per se
supplere de-
fectum cau-
sarum natu-
ralium.

XXX.
Idem po-
test Deus in
ordine natu-
rali rerum
spiritualium.

hoc ipso naturali rerum spiritualium ordine sciri à me, credi, amari, &c. pro arbitrio suo providerit. Ac tandem si ab isto rerum sive operationum spiritualium ordine ad eorum ordinem supernaturalem conscenditur, erit evidens perinde quòd Deus nulla necessitate teneatur adhuc bendi creaturam ullam spiritualem intelligentem, multoque minus spiritualem ullam non-intelligentem (si quæ posset esse huiusmodi) ad efficiendas in anima qualescunque operationes supernaturales, cujusmodi sunt apprehensiones veri cujusvis supernaturalis, & appetitiones omnis supernaturalis boni.

XXXI.

Idem 2-
que verifi-
catur in or-
dine ope-
rationum
supernatu-
ralium.

Et in hunc modum Deus non egebit ullo accidente spirituali & supernaturali, & non-intelligente, quale Aristotelici fingunt, pro apprehensionibus & appetitionibus præmissis in anima efficiendis. Præsertim verò quia si supponimus animam supernaturaliter illuminari, scilicet admitiendo lumen, quod omnis luminis naturalis vim omnem superat, concipimus illam per hoc unum sufficienter elevari & habilitari ad præmissas operationes. Quare tota difficultas ad hoc redigitur, ut sciatur an Deus per se solum illuminare hoc supernaturali modo animam possit: ad hoc autem redacta illico solvitur attendendo Deum per se esse eminentissime totum id, quod esse posset res ab illo producta & destinata ad efficiendam productionem operationum, de quibus sermo est. Etenim si res illa supponeretur habere vim luminis supernaturalis, nonquid illam vim haberet à Deo, & ideo nonquid posset Deus per se solum communicare animæ illud ipsum lumen, quod illi per talis rei productæ mediationem communicaret? Hoc autem si potest ita fieri, dico audeat ita fieri, ne quid fiat superflue: atque in hoc sensu accipio verba hæc aurea S. Augustini. *Deus itaque, inquit, per se ipsum, quia lux est, illuminat pias mentes, ut ea que divina dicuntur, vel ostenduntur, intelligant.* Pergit S. Doctor dicendo, *Sed si,*

con-18. in
psal. 118.

PHILETHES

Quàm male sentiant Arist. de forma spirit. gratia actua. 425

PHILALETHES. Sed si, Domine Rocchi, tua illa pernicitate ac perennitate loquendi nullum das locum interlocutionibus nostris, non jam te collocutorem, sed concionatorem habebimus. Quare abrupto sermonis tui filum & aio mihi quidem videri propter tot rationes à te adductas computandam inter res possibiles illuminationem illam supernaturalem divinam immediatam, per quam scilicet anima erigatur ad objecta supernaturalia credenda, desideranda, speranda, &c. Sed ea propter non sequitur Deum sic illam per se & immediate illuminare, si ad eum effectum uti fortè poterit tali accidente spiritali & supernaturali, quale Aristotelici cogitant, & quod *lumen supernaturale* vocant.

Potuit Deus aërem illustrare sine Sole; ad illum tamen illustrandum uti voluit Sole. Capis me, mi Rocchi: & ideo tibi, ut supra monui, hoc alterum adhuc incumbit probandum, videlicet Deum tali lumine supernaturali, quod suponeretur produci & animæ communicari, uti non posse ad eam, ut par est, illuminandam pro obtinendis ab ea operationibus supernaturalibus jam præmissis credendi, desiderandi, sperandi, &c. Transi jam itaque ad hoc alterum, si placet.

ROCCHIUS. Bene memineram hujus alterius puncti à me probandi; & cum summa quidem facilitate probabitur in hunc modum.

PAZZIUS. Ego verò, mi Rocchi, oro ut ad probationem puncti hujus posterioris non transeas, donec acquievero probationi prioris. Ostat autem ne acquiescam æquivocatio, qua totus ille tuus discursus laborat: & quæ in hoc est posita, quòd perpetuò confundis causam efficientem cum formali, sicut Atomistis passim in usu est per ruditatem, quam Palancus vocat intolerabilem: *hac est, inquit, ruditas intolerabilis, confundens causam formalem cum causa efficienti.* Loquar itaque pro

H h h

XXXII.
Deus non facit per se multa, quæ per se posset facere, si vellet.

XXXIII.
Et ideo præmissa ratio. cincia non satis probant intentum.

XXXIV.
Opponitur multiplex æquivocatio in ratiocinationis præmissis.

Dialog. 79.
n. 674.

jure meo : & dicam esse quidem Aristorelicos omnes in hoc concordēs , quodd omnino non egeat Deus confortio causæ ullius efficientis ad effectum qualemcumque illius : quidquid enim potest cum illa , perinde potest absque illa : & ideo potest efficienter aërem sine Sole illuminare , mare sine vento commovere , terram sine pluvia irrigare , &c. Sed tum formaliter non potest aut aërem illuminare , aut mare commovere , aut terram irrigare , &c. quia esse per se talis illuminatio , talis commotio , talis irrigatio non potest : sicque necesse est , ut præter omnem efficientiam divinam concipiatur aliquid formale , per quod aër illuminatur , mare commoveretur , terra irrigatur , &c.

XXXV.

Qualiter
Deus non
possit omni-
no supplere
causas for-
malis.

Et hoc quidem æque verificatur pro rebus spiritualibus & naturalis & supernaturalis ordinis , pro quibus scilicet quamvis non egeat Deus causa efficiente externa ad animam de rebus credendis , aut sperandis , aut amandis , &c. erudiendam , arque ita efficiendam credentem , sperantem , amantem , &c. non potest tamen esse in ea ratio , seu causa illa formalis credendi , quam vocamus *fidem* ; aut causa illa formalis sperandi , quam vocamus *spem* ; aut causa illa formalis amandi , quam vocamus *charitatem* , &c. Sicque generatim homo non potest formaliter constitui credens nisi per fidem , aut sperans nisi per spem , aut amans nisi per charitatem , & similiter aut prudens nisi per prudentiam , aut justus nisi per justitiam , aut tandem gratus nisi per gratiam. Vos Atomistæ , mi Rocchi , causas istas efficientes & formales non distinguitis , & ideo passim erratis.

XXXVI.

Atomistæ
bene distin-
gunt causas
efficientes à
formalibus.

ROCCHIUS. Imo potius , mi bone Pazzi , nos istas causas distinguimus & vos illas confunditis ; dum affirmamus efficientes ad Physicam , formales ad Metaphysicam attingere ; & ideo illas esse reales realiumque effectuum productrices , istas verò esse mere intentionales ,

Quàm male sentiant Arist. de forma spirit. gratia actua. 427
nec effectuum nisi mere intentionalium productrices. Sed vos, ut dicebam, illas confunditis, dum utrisque tribuitis efficientiam peræque realem ac physicam, & ideo parem in utrisque per fas ac nefas admittitis realem ac physicam entitatem. Hoc est, mi Pazzi, chaos vestrum irremediabile: te tamen remeaturum confido, si me patienter audieris.

PHILALETHES. Sed si loqui ceperis, Domine Rocchi, ad elucidationem rei tam confusæ, timeo ne fiat solutio cœtus hodierni, antequam liberes datam fidem probandi Deum non posse uti supernaturalibus illis accidentibus Aristotelicis, de quibus sermo est, ad efficiendas in nobis operationes supernaturales, de quibus pariter sermo est, credendi, sperandi, amandi, &c. Quare antè, si placet, libera hanc fidem: ac tunc si per tempus licuerit, elucidabis chaos illud causarum; si minùs; res in alium dialogum transferetur.

PAZZIUS. Posset pariter in sequentem dialogum transferri liberatio datæ fidei; sed non interest: age, mi Rocchi, ad voluntatem Domini Philalethis.

ROCCHIUS. Agam ad voluntatem illius; sed & simul obsequar tuæ, Domine Pazzi; quatenus ratio afferenda circa difficultatem alteram, quam proposuit, erit occasio solutioni ejus, quæ à te ultimò jam opponitur. Hanc adinveni viam, qua simul utrique vestrum faciam satis, Domini mei. Audite igitur & mecum attendite ad effectus gratiæ hujus actualis in anima mire varios; sed qui fere rediguntur omnes ad hoc, quòd anima eminentissimo quodam ac vividissimo supernaturali modo erudiat^{ur} de rebus ad salutem spectantibus, atque ita de rebus ab ipsa faciendis, credendis, sperandis, diligendis, tolerandis, &c. Dum autem ita eruditur, hac eruditione simul movetur, excitatur, impellitur, urgetur, sollicitatur ad res illas sic faciendas, sic credendas, sic sperandas, &c. Accedunt præcepta, prohibitiones, consilia, monita,

H hh ij.

XXXVII:
Qualiter
anima de-
beat erudi-
ad recte
operandum
in via salu-
tis.

exempla, promissa, blanditiæ, conminationes; & uno verbo innumerabiles aliæ sive suasiones ad bonum, sive dissuasiones à malo, quas anima vel humiliter admittit vel superbe respuit pro arbitrio.

XXXVIII.
Deus ad ta-
lem eruditi-
onem non
potest ui-
creatura
non-intelli-
genc.

Jam verò in hoc totus sum, ut affirmem non posse uti Deū ad animam de rebus illis erudiendam, multòque minùs ad obtinendam ab anima obedientiam, qua tali eruditioni confidenter & constanter respondeat, non posse, inquam, uti Deum creatura non-intelligente, licet aliàs spiritua-
lis & supernaturalis ordinis fingeretur; etenim, ut satis patet, totum id quod est erudire, præcipere, prohibere, consulere, &c. opus est intelligentiæ. Sed præterea ut vobis clariùs pateat, Domini mei, quàm inhabilis esset ad præmissos effectus supernaturales creatura non-intelligens, redeo ad autoritatem, quā supra referre ceperam Augustini affirmantis Deū effectus illos producere per illuminationem suam immediatam, & insufficientem fore ad illos illuminationem angelicam. Et hæc sunt verba S. Docto-

Hom. 18. in
psalm. 118.

ris. Deus itaque per se ipsum quia lux est, illuminat pias mentes, ut ea quæ divina dicuntur, vel ostenduntur, intelligant. Sed si ad hoc ministro utitur Angelo, potest quidem aliquid agere Angelus in mentem hominis, ut capiat lucem Dei, & per hanc intelligat; sed ita dicitur intellectum dare homini & quasi, ut ita dicam, intellectuare hominem, quemadmodum quisquam dicitur lucem dare domui, vel illuminare domum, cui fenestram facit, cum eam sua luce non penetret & illustret, sed tantummodò aditum, quo penetretur atque illustretur, aperiat, &c

XXXIX.
Imo neque
intelligente,
nisi ad ani-
mam præ-
parandam: &
hæc est mens
S. Augustini.

Ex quibus verbis manifestum est animam disponi tantum posse per illuminationem angelicam, ad illuminationem illam divinam & immediatam & supernaturalem, sine qua nihil unquam supernaturaliter operaretur: cum ita operari non possit sine lumine, quod superet omne lumen creatum: & illud lumen divinum est. Pergit S. Doctor

de isto lumine sic loqui, & de Angelo, qui tantum adjuvare nos possit ad admissionem luminis illius. *Deus autem, inquit, & hominis mentem rationabilem atque intellectualem fecit, qua posset capere lumen ejus, & Angelum talem fecit, qui operari posset aliquid, unde ad capiendum lumen Dei mens adjuvaretur humana: & eandem sic adjuvat mentem, ut angelicam recipiat operationem. & eam sic illuminat de se ipso, ut non solum illa, qua à veritate monstrantur, sed ipsam quoque proficiendo perspiciat veritatem.* Sicque satis superque jam advertitis, Domini mei, non posse accidens illud Aristotelicum, quod *gratiam actualem* vocant, venire in usus divinos pro illuminanda supernaturaliter anima in rebus spectantibus ad salutem. Ecce si non potest ita illuminari par Angelum, quantumvis intelligentem ac eloquentem, quomodo id posset fieri per ministerium accidentis cæci ac muti?

PHILALETHES. Noli, Domine mi, quæso, noli te committere fusiori sermoni: etenim mihi perinde ac tibi jam videtur non esse idoneum & sufficiens ministerium accidentis prædicti non-intelligentis Aristotelici ad communicandas animæ prædictas supernaturales illuminationes, quæ sunt præcipiendi, prohibendi, consulendi, monendi, &c. quando nec Angelus ad illas in anima efficiendas esse potest minister idoneus & sufficiens. Itaque hanc veritatem habeo pro demonstrata.

P A Z Z I U S. Mihi verò valde suspecta est; quia præsens discursus, quem ad illam stabiliendam affert Rocchius, laborat eadem æquivocatione, quam mox redarguebam in præcedente. Cæterum scias, Domine Philalethes, Rocchium hoc ipso discursu olim usum fuisse in suo systemate gratiæ; illum ibi legit Palancus, hinc autem refert, scilicet in dialogo suo septuagesimo nono, atque deridet. Si annuis, afferam verba ipsa & argumenti & responsi, ut intelligas quàm suspecta tibi quoque debeat.

XL.
Admittitur
insufficiencia
accidentis
producti
ad illumina-
nandam ani-
mam.

se veritas, quàm salvâ pace incaute habuisti pro demonstrata.

PHILALETHES. Audiam te libenter, mi Pazzi; sed si placet rem habebis totam cum Rocchio, ad quem pertinet tueri valorem sui discursus.

XLJ.
Refertur
argumentū,
cuj deinde
respondetur.

PAZZIUS. Ad te igitur me verto, Domine Rocchi, & rogo ut advertas an Atomista collocutor noster tuum discursum satis accurate retulerit. *In primis occurrit, inquit, quod saltem gratia actualis non potest consistere in illa entitatula, quam fingitis: siquidem illa incapax est producendi effectus gratia actualis. Gratia enim actualis excitat mentem, allicit pramiis, terret minis, docet, dirigit, &c. Hos autem effectus operari nequit illa entitatula, quia illa, si qua est, expers est intellectus: sine intellectione autem quomodo terrere, suadere, allicere, docere, dirigere poterit? Jam quæto, Domine Rocchi, an sub his verbis mentem tuam agnoscas.*

ROCCHIUS. Agnosco, mi Pazzi; sed quid respondet Palancus?

Diæl. 79.
p. 674.

PAZZIUS. Sic respondet. *O quanta patientia opus est ad hæc & alia similia à vobis audienda!*

ROCCHIUS. Novus hic est respondendi modus philosophicus per exclamaciones.

XLII.
Afferitur
& laudatur
responsio,
licet injuria.

PAZZIUS. At hæc exclamatio, mi Rocchi, non est nisi responsionis initium: quare sic pergo. *Gratia actualis, quam Deus efficit in anima, non producit, non operatur effectus formales ipsius: nulla enim causa formalis producit, aut operatur suum effectum formalem: & addit, Hæc est ruditas intolerabilis confundens causam formalem cum efficienti.*

ROCCHIUS. Bene est, mi Pazzi: Palancus tuus pro responsione suæ exclamationi addit injuriam. Sed si vestra illa causa formalis non operatur, non producit suum effectum formalem, ut ais, quid operatur, quid produ-

Quam male sentiant Arist. de forma spirit. gratia actual. 438
cit nec operatur, producet aut operabitur alicuium? Et rur-
sus si causa illa effectum suum formalem non producit, cur
vocas suum: & suus est & suus non est: hinc luce opus est.

P A Z Z I U S. Lucem illam habes in his verbis sequen-
tibus. *Gratia actualis existens in anima, si sumatur pro
actu anima & non pro principio, est ipsa formalis excitatio
mentis, attractio, & allectio, & timor, vel terror, ipsa
doctrina & directio, qua mens formaliter constituitur di-
recta, docta, territa, aut timens, allecta aut excitata. Hos
effectus ipsa non producit, nec operatur; sed præstat per se
ipsam formaliter.*

XLIII.
Exponitur
adhuc magis
præcedens
hæc respon-
sio.

R O C C H I U S. Deficit hinc aliquid, mi bone Pazzi,
aut in mea mente, aut in tua luce. Adhuc enim minùs ca-
pio quid sit, vel esse possit illa *gratia actualis existens in
anima*, quæ à te sumitur *pro actu anima*. Quis unquam an-
te Palancum gratiam actualem sumpsit pro actu animæ?
Actus animæ est actus aut credendi, aut sperandi, aut a-
mandi, aut timendi, &c. sed talis actus qui à gratia est,
gratia non est: actus ille noster humanus est, vitalis est,
meritorius est, mutabilis est, &c. quæ & similia attributa
utique non conveniunt gratiæ actuali.

Quis rursus ante Palancum dixit actum animæ consis-
tere in excitatione mentis, in attractione, & allectione,
&c.? excitatio ista passio est animæ, attractio ista passio est
animæ, & allectio pariter: quomodo autem potuit sic cum
passione actio confundi? Id quod est animam excitari, at-
trahi, allici, terreri, doceri, dirigi passivum est: igitur ac-
tivum non est, seu pertinet ad actus animæ; qui utique
sunt actus consequentes; quando videlicet anima prius
excitata, & attracta, & allecta sicque impulsæ ad creden-
dum, ad sperandum, ad amandum, &c. exit in exercitium
actuale fidei, spei, amoris, &c. Et addo insuper: quis an-
te Palancum loquendo de effectibus formalibus gratiæ uti
hæc phrasi potuit? *Hos effectus, inquit, ipsa non producit,
nec operatur; sed præstat per se ipsam formaliter.* Si præ-

XLIV.
Aperitur
confusio,
quæ est in
tota ista res-
ponzione.

tat per se ipsam formaliter tales effectus, quomodo non operatur illos formaliter? Primus est, qui aliquid discriminis viderit inter *operari formaliter & præstare formaliter*.

XLV.
Affertur
adhuc alia
nova expo-
sitionis respo-
n-
sionis.

P A Z Z I U S. Nullus est Scriptor, mi Rocchi, apud quem non sit aliquis textus arduus intellectu: efficienti fortè, ut istum intelligas, verba sequentia. *Ad hoc*, inquit, *opus non est quòd ipsa (gratia) habeat intellectum; sed satis est, quòd Deus qui solus illam illosque effectus formales ipsius operatur & producit in anima, intellectum habeat.*

R O C C H I U S. Verba sunt ejusdem styli, & ejusdem lucis egentia: nam si Deus operatur effectus formales gratiæ, quid superest, nisi ut gratia nihil formaliter operetur.

P A Z Z I U S. Si non operatur illos, at saltem præstat illos per se ipsam formaliter, ut retuli ex Palanco, qui tandem sese omnino explicat hoc exemplo. *Sicut imago*, inquit, *ab artifice insculpta in materia*

P H I L A L E T H E S. Parce, Domine mi Pazzi: ecce nox imminet; exemplum hoc, si placet, retineatur in dialogum crastinum.

P A Z Z I U S. Sed nihilominus quia cepi, sine ut referam illud ex integro: tum animadversionem Rocchi retinebis & discedemus: eritque illi hoc commodum, quòd eam hac nocte poterit meditari.

P H I L A L E T H E S. Fac itaque, ut voles.

XLVI.
Et proponitur
exemplum
imaginis
insculptæ
in materia.

P A Z Z I U S. Redeo ad initium exempli. *Sicut imago*, inquit, *ab artifice insculpta in materia, in genere causa formalis materiam constituit exquisitissime formatam & figuratam; ad quod non opus est, quòd ipsa imago insculpta habeat intellectum, quis ipsa non producit, nec operatur artificiose illum effectum formalem; sed solum præstat illum in genere causa formalis intrinsecæ; unde satis est, quòd artifex qui solus illam producit, efficit & operatur, habeat intellectum.* Habes hinc exemplum, Domine Rocchi, unde haud dubie affulgebit tibi clara intelligentia respon-

Quam male sentiant Arist. de forma spirit. gratia act. 433
sionis, quia frangit tuum illud superius, de quo agitur,
argumentum.

R O C C H I U S. Habeo hîc exemplum, Domine mi
Pazzi, quod erit tibi cras, ut confido, in lapidem offen-
sionis. Sicne propter Philosophiam Aristotelicam com-
parari gratia potuit cum figura?

P H I L A L E T H E S. Et hæc sit, oro, Domini mei,
clausula hodierni colloquii solito prolixioris. Cætera in
diem crastinum reservate, & in horam illam ipsam, quâ me
hodie convenistis.

P A Z Z I U S. Abimus, Domine Philalethes; absit ut
tibi velimus esse importuni. Vale.

R O C C H I U S. Abimus; sed debuisti, Domine Phi-
lalethes, si nimis prolixi fuimus, antea nos dismittere. Va-
le plurimum & quiesce in altam noctem.





DIALOGUS XVII.

QUAM BENE SENTIANT ATOMISTA de forma spiritali gratia actualis.

Personæ Colloquentes.

PHILALETHES, PAZZIUS, ROCCHIUS.

I.
Proluditur
ad loquen-
dum de gra-
tia actuali
non produc-
ta.

PHILALETHES. Congaudemus tibi, Domine Rocchi, de hac ambulandi facultate, quam cum hilaritate advertimus tuo sinistro pedi restitutam.

PAZZIUS. Et hujus hilaritatis mensura est, Domine Rocchi, tristitia quam ob illam tibi tam derepente, jam fere mensis est integer, ablatam tulimus.

ROCCHIUS. Ego verò quid reddam, Domini mei, pro dolore, quem in vobis mea repentina podagra illa peperit, & pro jubilo quod mea nova immunitas ab illa hodie parit. Oh quæ pessima lues est podagra. Sed valde peior adhuc fuisset, nisi acritatem illius urbanitas, qua me toties invisistis, veluti per incantationem aliquam leniisset. Ecce, ut videtis, paululum quievit: plantis valere cepi, dimisi baculum &, quod magis amo, sentio renascentem in me ardorem certandi de rebus nostris tuo in conspectu, Domine Philalethes, ut solemus, cum Pazzio.

II.
Comparatio
ducta ex
immagine in-
sculptæ favet
opinionem
probantem.

Sed neque in oblivionem abiit ultima comparatio, quam ex Palanco afferebat, gratiæ cum insculpta quadam imagine: imo perdurante mea pedum captura, quæ Deo volente in capturam cerebri non evasit, pluries cogitationi

Quàm bene sentiant Atom. de forma spir. gratia aetn. 435
meæ obviam venit, totiesque apud me reputavi non posse
aliunde invictis, quàm ex comparatione ista probari su-
perfluitatem entitatis illius accidentalis spiritualis & su-
pernaturalis productæ, de qua est sermo. In hunc modum,
si annuis, ab istius comparationis examine fiet colloquii
nostri hodierni exordium: ac tum, optime Philalethes,
quam malueris formam & seriem dabis disputationi res-
duæ.

PHILEATHES. Non ita fiet, mi Rocchi. Prandit
apud me Pazzius; fuitque inter nos destinatum venire ad
re statim à prandio; sed animo non alio, quàm te invisen-
di & loquendi placencia, quæ fugarent, si quid adhuc
superesset tuæ illius luis arthriticæ. Quare, si nos amabis,
Philosophia tua silebit hodie: exardescere solet, ut nostis:
& hic ardor posset infandum renovare dolorem.

ROCCHIUS. Imo ad omnem infandi doloris pristi-
ni abolendam memoriam nihil est, quod mihi prodesse
magis possit, quàm hæc rogata voluptas philosophandi.

PAZZIUS. Si ad id profutura est voluptas, quam ro-
gas, obtemperamus ego & Philalethes tuo rogatui. Cæ-
terum eram inpatiens audiendi quid in præfata compara-
tione ita contemptibile videatur, ut unde Palancus pro-
bat necessitatem gratiæ accidentalis producendæ, inde
superfluitatem illius probari posse jam jam audacter dixe-
ris.

ROCCHIUS. Quid interest, mi Pazzi, quòd dictum
sit audacter, modò veraciter; sed neque hic audaciam
ullam reprehenderes, si meminisses prolixæ illius concen-
tationis, quæ non ita pridem inter nos fuit circa figuram
corporum, de qua tu quidem aiebas, quòd esset res pro-
ducta, scilicet ab artifice sculpende, aut pingente, aut tor-
nante, &c. ego verò contrarium assereram: fuitque meæ
assertionis exitus ad id perductus, ut pro demonstrato re-
lictum sit figuras omnes rerum omnium præsentium æ-

I ii. ij.

III.
Recol de-
ber quod su-
pra dictum
est de figuris
non produc-
tis entitatis

futurarum, imo possibilitium esse in quacunq; massa v. g. marmorea, & à nullo quidem artifice factis. Tum hæc demonstratione simul constitit nihil ab artifice v. g. statuario vere fieri, quando ex illa massa marmorea format statuatam aliquam repræsentatricem Alexandri stantis, aut sedentis, aut præliantis, &c. quia videlicet ad hujusmodi statuatam formandam non opus est nisi rescissione partium, sub quibus illa statua latebat: & in hunc modum statuarius ille nihil vere producit. Unde tandem inferebatur figuram illam præfatæ statuæ non esse rem vere productam.

PAZZIUS. Sed quid habet hæc illatio commune, mi Rocchi, cum negotio à te suscepto, videlicet probandi comparationem, quam sub finem ultimi dialogi referebam ex Palanco, valere potius ad negandam, quàm ad affirmandam realem entitatem gratiæ productæ. Non video quòd tuum hoc præludium tendat.

I V.
Si figura
corporalis
non est res
producta. &
idem attri-
bui debet
pro gratia
actuali.

PHILALETHES. Quomodo id non vides, mi Pazzi? Ecce Palancus comparat gratiam actualem in anima existentem cum imagine, quæ ab artifice insculpta est in materia: atque ita si verum est imaginem illam, licet qualitercunque in materia insculptam ab artifice, non esse rem vere productam, quid ex comparatione illa sequitur, nisi gratiam, quæ cum illa imagine comparatur, non esse rem vere productam? Est ne tua hæc consequentia, mi Rocchi?

ROCCHIUS. Hæc plane. Sed jam pergo ultra, & attendo ad vile & inutile ministerium, ad quod per hoc exemplum imaginis Palancus deputat gratiam actualem. Unde rursus infero illam non esse rem vere productam, propter vilitatem & inutilitatem finis, ad quem talis productio unice referretur. Nam ad quid gratiam actualem deputat, nisi ad hoc unum, ut præstat in anima, videlicet in genere causæ formalis id, quod in eodem genere causæ formalis præstat prædicta imago in materia in qua

Quàm bene Atom. sentiant de forma spirit. gratia act. 437
 inculpitur. Quid autem in hac materia præstat hæc imago, mi Pazzi, ad mentem vestri Scriptoris, nisi quoddam materiam illam constituit formaliter sic insculptam? Quare pariter gratia actualis hoc unum præstabit in anima, nempe quoddam constituet illam formaliter sic gratificatam: siquidem gratia spiritalis & imago materialis in hoc conveniunt, quoddam pariter unicam habeant causalitatem formalem respectivè ad sua subiecta, si vestro Palanco creditur.

Jam verò si gratia illa hoc unum in anima præstat, quod est constituere illam formaliter gratificatam, & si ad aliud nihil præstandum in anima destinatur, ministerium hoc, ut aiebam, est vile, quandoquidem est commune formis omnibus etiam vilissimis, quibus non minus convenit constituere formaliter sua subiecta, qualia esse dicuntur; seu pulchra, seu sœda, seu virtuosa, seu vitiata, &c. Etiam, ut aiebam, est inutile, quia dato quoddam anima per entitatem illam accidentalem productam non constitueretur formaliter gratificata, esset nihilominus efficienter gratificata, excitata, vocata, impulsæ per illuminationes divinas supernaturales ipsam moventes ad credendum, ad amandum, ad sperandum in hoc eodem ordine supernaturali. Erit igitur hoc pacto in anima quidquid ipsi opus est ad supernaturaliter operandum, sicque fiet inutilis illa entitas, quæ supponeretur produci, & animæ applicari.

Vide præterea, mi Pazzi, quàm parum conveniret tali entitæ productæ tam vili, tam inutili & insuper tam otiosæ in anima quidquid activitatis & efficacix, quidquid potestatis, & actionis excitatricis, vocatricis, impulsivæ, & victivæ tribuitur à Theologis universis. Nihil est fortius, nihil vividius, nihil vehementius, nihil urgentius gratia; & tu, mi Pazzi, cum tuo Palanco repræsentas inobis gratiam inertissimam, quando per illam intelligis entitatem productam, quæ in anima existit, & quæ in anima nihil efficit; sed tantum in ea præstat formaliter id, quod præ-

V.
 Adversarius
 destinaret
 entitatem
 gratiæ ac-
 tualis ad vi-
 le minister-
 rium.

VI.
 Gratia qua-
 lem admittit
 Adversarius,
 esset inutilis
 & otiosa.

rat imago in materia, in qua insculpitur. Quid autem præstat hæc imago in materia, id tantum quod est materiam esse sic formaliter effigiatam? Unde similiter id tantum quod est animam esse formaliter sic gratificatam, est id quod gratia præstat in anima. Ubi ergo erit activitas gratiæ illuminantis, excitantis, vocantis, trahentis, impellentis, suadentis, præcipientis, consulentis, promittentis, comminantis, deterrentis, &c.? Quid ad hoc, mi Pazzi?

VII.

Respondetur quod talis gratia, licet nihil efficiens, adiuvari debeat.

P A Z Z I U S. Ad hoc aio, mi Rocchi, entitatem illam gratiæ actualis productam & existentem in anima, qualem cum unanimi Theologorum consensu Palancus admittit, esse quidem spirituales ac supernaturales, sed intelligentem non esse: atque ita convenire illi non posse actiones illas illuminandi, excitandi, vocandi, trahendi, &c. quæ utique omnes sunt actiones intelligentiæ; unde non est mirum quod Palancus tribuat illi entitati causalitatem mere formalem. Sed tum nunquid ista causalitas formalis est omnino necessaria? Nam nunquid anima potest illuminari sine forma, per quam constituatur & denominetur illuminata: vel excitari sine forma, per quam constituatur & denominetur excitata, & sic de aliis? atque hinc satis apparet necessitas admittendæ talis gratiæ, quæ sit entitas accidentalis, & spiritualis & supernaturalis producta. Audis quid dicam, mi Rocchi?

R O C C H I U S. Audio & simul video ac miseror tuum illud ad constitutiones formales & ad denominationes formales refugium, de quo requiramus à Domino Philalethe quid sentiat.

P A Z Z I U S. Illum arbitror ab hac nostra non esse discessurum doctrina.

VIII.

Quæ sit vera: otio gratiæ actualis supernaturalis, de qua agitur.

P H I L A L E T H E S. Discedo tamen cum bona venia & propter rationes, quas audiavi ex Rocchio & propter alias, quas ex me audies. Notio gratiæ actualis supernaturalis, de qua hîc agitur, est apud me notio beneficii, sive doni

Quàm bene Atomsantiant de forma spir. gratia actua. 439
 cuiusdem divini supernaturalis ac proinde auxilii, sine quo
 non potest anima quicquam intra metas ordinis superna-
 turalis operari. Ex hæc notio est instar illius, quæ perinde
 innata mihi est gratiarum naturalis ordinis divinarum, siue
 quibus pariter nihil anima posset operari, nihil intelligere,
 nihil velle, nihil credere, nihil sperare, &c. in ordine na-
 turali. Tum mihi perinde inter clariores notiones compi-
 tatur non alia seu dona, seu beneficia, seu auxilia pro utro-
 que ordine illo respective convenire animæ, quæ tota est
 intelligens, posse, quàm quibus ad intelligendum & deinceps
 per intelligentiam ad volendum, ad credendum, ad
 sperandum, &c. præveniatur, excitetur, impellatur, tra-
 hatur, suadeatur, terreatur, &c.

Quia verò id, quod est ita præveniri, excitari, impelli,
 trahi, suaderi, terreatur, &c. est quid ex parte animæ pas-
 sivum, & ideo consistit totum in illuminationibus animæ
 passivis, consequens est illas correspondere totidem illu-
 minationibus activis, scilicet divinis quæ animam præve-
 niunt, excitant, impellunt, &c. Huiusmodi autem illumi-
 nationes, quia gratiæ sunt, gratiæ sunt, scilicet aut na-
 turales, prout Deus illas contemperat ad vim naturæ, aut
 supernaturales, prout Deus illas supra vim omnem naturæ
 augeat & elevat. Neque jam per gratias actuales superna-
 turales, de quibus hîc sermo est, intelligo nisi tales illumi-
 nationes omnis luminis naturalis vim superantes, per quam
 Deus reddit animam supernaturaliter intelligentem, quid-
 quid debet intelligere ad salutem, quidquid debet velle,
 quidquid debet credere, quidquid debet sperare, &c.

Ac tandem pro toto isto ministerio supernaturalis grati-
 ficationis in sensu tum activo, tum passivo acceptæ, sive
 quod idem est, consideratæ tum ex parte Dei animam
 illuminantis, tum ex parte animæ à Deo illuminatæ, non
 video necessitatem entitatis ullius producendæ: siquidem
 & Deus illuminare per se immediate animam potest, &

I X.
 Quid sint
 gratiæ ac-
 tuales super-
 naturalis ac-
 tivas.

X.
 Deus per se
 immediate
 tales gratias
 omnes præ-
 bet.

anima potest per se immediate illuminari. Quin etiam nec potest fieri ut per entitatem ullam productam & median-tem aut Deus illuminet, aut anima illuminetur; quatenus talis entitas esset, quæ nec dare, nec recipere intelligentiam posset, cum intelligens non esset. Cæterum omnis entitas producta, quæ aut in Deo illuminante, aut in anima illuminata supponeretur vel etiam transeunter inexisteret, utriusque simplicitatem atque vitaret. Absit igitur & à Deo & ab anima omnis entitas producta & qualitercunque inexisteret. Atque ut jam videtis, Domini mei, voluntatis quidem fuit, sed potestatis non fuit, compendium, quod optabam in aperienda vobis sententia, quam rogastis.

XI.

Nulla entitas producta esset utilis ad effectus gratiæ producendos.

Oportet ut adhuc addam totum id, quod Pazzius ex Palanco affert pro entitate, per quam anima constituitur formaliter & denominetur formaliter gratificata, nullatenus ad physicas, sed tantummodo ad metaphysicas, considerationes pertinere: ac proinde nullius esse hinc utilitatis ad disquirendum; sicuti disquiritur, quid rei physiciæ sit gratia actualis supernaturalis. Parcite prolixitati discursus, quem volui, sed non potui coarctare.

R O C C H I U S. Imo, Domine Philalethes, in tua illa credita prolixitate miram video breviterem, advertendo non plures esse voces, quam res philosophice simul ac theologicæ definitas, prout veritas postulabat.]

XII.

Oponitur duo esse quæ nituntur contrarietatem ducere inam

P A Z Z I U S. Ego verò; Domine Philalethes, ingenue aio parum interesse, quod brevis fueris aut prolixus in discursu isto; sed valde interest scire an verax fueris. Voces non computabam, sed res quæ mihi videbantur non sapere veritatem. Præ cæteris autem duas notavi, quas si annueris referam, & de quibus simul referam gravem à Palanco latam reprehensionem, dum ageret cum suo Atomista de modo atomistico, quo Rocchius explicat in suo systemate gratiam actualem:

PHILALETHES. Refer & impugna illas pro tuo jure, mi Pazzi.

R O C C H I U S.

Quàm bene Atom. sentiant de forma spir. gratia actua. 441

ROCCHIUS. Refer sine mora, & quia spectant ad meum systema, dabit mihi, ut confido, Dominus Philalethes veniam respondendi. Si quid hîc mali est, ego sum qui peccavi: converte in me ferrum tuæ aggressionis.

PAZZIUS. Itaque duo, quæ in discutîu Domini nostri Philalethis notavi, & quæ mihi visâ sunt non sapere veritatem, hæc sunt. *Primum* est, quod aiebat animam posse per se immediate illuminari à Deo, sicuti Deus potest per se immediate animam illuminare; ac proinde tam non egere animam in ratione patientis, quàm non egere Deum in ratione agentis, entitate ulla producta & inexistente. *Secundum* est, quod addebât talem entitatem productam, si qualitercunque in anima existeret, obsturam fore illius simplicitati; perinde ac obstaret simplicitati divinæ, si existeret qualitercunque in Deo. Hæc autem ipsa duo, quæ ad mentem tui systematis mox audiui à Philalethe, selecta sunt ad impugnationem à Palanco, tanquam illa, quæ in tuo illo systemate sibi magis absurda minùsqûe tolerabilia videbantur.

ROCCHIUS. Illa istis conviciis adornata per Palancum fuisse facile credo; sed non facile credo illum ad id permotum fuisse ratione ulla satis solida & evidente: vel si quæ est, affer illam, mi Pazzi.

PAZZIUS. Afferam, mi Rocchi, verba ipsa nostri Scriptoris; eo fine ut de illa ratione tu ipse clariùs judices. Jam verò pariter discurrere de passionibus in anima correspondentibus actioni divinæ, seu de gratia actuali & habituali ex parte anima omni absurdo absurdus est. Et mox ad intelligentiam hujus proœmii sic addit. *Quis enim tolerare possit vel patienter audire, quòd sicut Deus nulla indiget realitè aut entitate sibi superaddita, ut active moveat, illuminet, justificet & sanctificet animam; ita anima nulla indigeat entitate aut realitate sibi superaddita, ut passive & formalitet moveatur, illuminetur, justificetur & sanctificetur à Deo?*

XIII.
Proponuntur duæ illæ
particulares
difficultates.

XIV.
Et afferunt
textus ipse
Adversarii.

Dial. 72.
n. 655.

KKK

ROCCHIUS. Doleo, mi Pazzi, quod Scriptor vester tolerare hanc doctrinam non possit. Sed ubi est ratio, propter quam tolerare illam non possit?

PAZZIUS. Audi quod sequitur. *Et quòd sicut Deus per actionem secum identificatam illuminat active, active sanctificat, & active justificat animam, ita anima per solam passionem secum identificatam realiter sanctificetur & justificetur passive & formaliter. Et item quòd. . . .*

ROCCHIUS. Parce tuo labori, mi Pazzi. Doctrinam refers, quæ Palanco intolerabilis visa est: ego verò doctrinam illam non quæro; mea est hæc doctrina, & mea sunt verba illa ipsa, quibus refertur, licet nomen meum non referatur. Rationem peto, propter quam pro intolerabili haberi debeat mea hæc doctrina.

PAZZIUS. Ratio igitur erit paulò infra.

XV.

Afferuntur
plures ratio-
nes de Egoæ
premiis.

ROCCHIUS. Quære illam vel infra, vel supra: & ecce interim rationem meæ doctrinæ in hoc positam, quòd omnino non minùs repugnet animam illuminari per entitatem sibi superadditam & inhærentem, quàm Deum illuminare per huiusmodi entitatem pariter superadditam, aut pariter inhærentem sibi. Et ratio illius non-minoris repugantiæ hæc est; quatenus illa entitas, quæ supponeretur in Deo, non esset intelligens, & ita non posset exponere animæ quid habeat credendum, quid sperandum, quid timendum, &c. multòque minùs posset elucidare illi, urgere, aut multiplicare motiva credendi, sperandi, timendi, &c. Unde omnino superflue ac inerte se haberet ad illuminationem activam animæ. Similiter dico quòd entitas illa, quæ supponeretur in anima, non esset intelligens, atque ita non posset instrui de rebus credendis, sperandis, timendis, &c. multòque minùs de motivis ad fidem, ad spem, ad timorem ferentibus. Igitur nihil animæ conferre posset ad illius illuminationem passivam; ad quam utique nihil conferre potest præter illu-

Quàm bene Atom. sentiant de forma spir. gratia aetna. 443
minationem activam ipsi correspondentem.

Potest equidem Deus ad animam illuminandam uti alia creatura intelligente, cui utique communicabit notitiam animæ deinceps per ipsius ministerium communicandam, idque ad modum, quo amicis per amicos solemus communicare nostra consilia; sed ad animam illuminandam uti creatura non-intelligente non potest. Quamquam adhuc nec uti potest Deus creatura intelligente ad illuminationem supernaturalem animæ communicandam, ut supra ostensum est. Quid jam igitur superest, nisi animam sic illuminari non posse, nisi per se ipsam immediate à Deo; & ideo ad id præcise, quod est sic illuminari, non indigere nisi se ipsa, sicuti Deus non eget nisi se ipso ad illam sic illuminandam? Hinc entitas illa superaddita & animæ inhærens; per quam apprehenditis animam formaliter illuminari, non est nisi in apprehensione vestra; sicuti tantum in apprehensione vestra est forma rei essentis, forma rei subsistentis, forma rei existentis, forma rei quantæ, forma rei figuratæ, &c.

Et hæc origo est, ut nullies horavi, errorum non facile numerabilium, quos, Domine mi Pazzi, ex vestra Metaphysica in Physicam & deinceps in Theologiam transtulistis: ita quòd nullus jam sit effectus physicus, quem non reputeris pendere ab aliqua entitate superaddita & inhærente. Unde ad mentem vestram sicut homo est corporaliter calidus per entitatem productam caloris, ita est justus per entitatem productam justitiæ, misericors per entitatem productam misericordiæ, doctus per entitatem productam doctrinæ, & ad rem nostram gratificatus per entitatem productam gratiæ. Ad effectus mere formales, seu mere objectivos vestræ illæ formæ mere objectivæ sufficiunt; sed utique non sufficiunt nulliusque utilitatis esse possunt ad effectus physicos, inter quos istum computo animæ divinitus illuminatæ, atque ita præventæ, excitatæ, im-

XVI.
Deus uti
creatura
non-intelli-
gente ad
animam il-
luminandam
non potest.

XVII.
Quæ sit
origo mul-
torum erro-
rum in Phy-
sica & in
Theologia
Aristotelica.

pullæ ad agenda quæ præcipiuntur, & ad omittenda quæ verantur. Nisi quoddam anima si pro istis effectibus & similibus passivis, qui pene infiniti sunt, admitteret suo in sinu tot entitates productas superadditas sibi & inhærentes, quomodo entis spiritualis atque ita simplicis prærogativam non amitteret?

XVIII.

Opponitur
quod daretur
actus purus
in patiendo,
quod repug-
nat.

Dial. 77.
n. 656.

P A Z Z I U S. Noli, si placet, ita festinanter transire ad hoc alterum caput discutiendum tuæ doctrinæ. Hæreamus adhuc in primo & audi rationem istam, qua Palancus probat illuminari animam non posse sine interventu alicujus entitatis productæ sibi quæ inhærentis, & ipsam immutantis; quatenus dum ita illuminaretur sine aliqua nova immutatione intrinseca, immutaretur & non immutaretur simul, quod utique repugnat. Sed præstat referre verba ipsa nostri Authoris. *Et quidem*, inquit, *omnes intelligimus actum purum in agendo, quia agens agit in quantum est in actu, non in quantum est in potentia: & quia agens ut agens non mutatur, sed mutat passum; non recipit, sed dat.* Et statim subdit, *Sed quis unquam somniavit actum purum in patiendo, aut recipiendo, cum pati & recipere proprium sit entis in potentia, seu entis mutabilis?* Tum hanc suam animadversionem sic confirmat, *Stat quidem Deum immotum omnia movere, Deum immutatum omnia mutare Sed nunquid pariter discurrendum erit de anima, quod immutata manens passivè moveatur & mutatur? Nonne hoc dicere plus quam chimæricum est, & sic animam patientem cum Deo agente coaquare profusum fatuum?*

XIX.

Expenditur
vis rationis.
nii, quoddam-
versarius
affert.

R O C C H I U S. Fatuum, chimæricum, intolerabile; absurdum est, si vestro Scriptori creditur, mi Pazzi, quod aio animam ad illuminationem sui passivam non egere, nisi se ipsa: Quid agam? Ad illa epitheta non attendam, sed ad occasionem illorum; quæ est ratio concepta hi verbis, *Sed quis unquam somniavit actum purum in pati-endo, &c.* Quasi diceret, Si anima pro illuminatione su-

Quàm bene sentia. Atom. de forma spiritus gratia actualis. 445
 passiva non egeret, nisi se ipsa, esset actus purus in pa-
 tiendo: *sed quis unquam somniavit actum purum in pa-*
tiendo, &c. ? Et hinc inferret animam: pro illuminatione
 sui passiva non sufficere sibi, sed egere illa entitate produc-
 ta, superaddita & inhærente, de qua est sermo. Atingo
 ne, mi Pazzi, vim ratiocinii ?

: P A Z Z I U S. Attingis plane; sed quid respondes?

: R O C C H I U S. Respondeo actum illum purum in pa-
 tiendo nunquam à me somnium fuisse; sed neque futu-
 rum fuisse, ut nomen illud *actus puri in patiendo* à me un-
 quam proferretur, nisi à Palanco scriptum, à te prolata-
 tum, repetere debuissim. Vide, mi Pazzi, quantum diffi-
 cilius, si è contra dicimus animam respectu ad illumina-
 tionem sui passivam esse puram potentiam: ut revera est
 pura potentia ad illam; vel præsertim ob id, quod illumina-
 tio illa supernaturalis supponitur. Cæterum neque à me
 aliquando somnium fuit illuminationem passivam animæ
 fieri sine ulla immutatione passiva ejusdem animæ; quan-
 doquidem illuminari est quoddam pati. Sed vigilando mil-
 lies cogitavi, milliesque dixi animam pro ista immutatio-
 ne illuminationis supernaturalis passivæ non egere ulla en-
 titate producta sibi superaddita & inhærente, uti neque
 Deus. ulla eget ad ejusdem animæ illuminationem acti-
 vā.

Erit igitur anima immediate mutabilis à Deo, immedia-
 te mutante ipsam, sed sine sui mutatione ulla, ut opus est
 pro dignitate agentis perfectissimi, sibi que proinde suffi-
 cientissimi ad omnia quæ voluerit agenda, ad omnia quæ
 voluerit mutanda, ad omnia quæ voluerit restauranda, &c.
 Hinc autem nihil aliud inferri potest, nisi quod sicut Deus
 sibi sufficit ad agendum, sic anima sibi sufficit ad patien-
 dum; sicut sufficit sibi Deus ad habendam perfectionem,
 quæ est agendi, sic anima sibi sufficit ad habendam im-
 perfectionem, quæ est patiendi. At hoc mi Pazzi, estne

XX.

Animā
quando il-
luminatur,
mutatur &
sic est poten-
tia quædam
passiva.

XXI.

Animā sibi
sufficit ad
patiendum
heuti Deus
sibi sufficit
ad agendum.

coarquare animam Deo? id ex Palanco mihi supra obiecti & *fatuum* vocasti. Parco injuriam; sed nihilominus pro salutari vindicta enitar tibi etiam suadere, quod si anima per entitatis illius productæ, de qua litigatur, inhæSIONEM illuminaretur atque ita mutaretur, ut contenditis, jam non esset computanda inter res spirituales, quibus nulla potest hujusmodi cum rebus aliis compositio convenire. Et hoc est alterum illud, quod à Philalethe dictum non probasti, & impugnare proposuisti. Dic, si placet, mi Pazzi, qua arte jungat societque Palancus spiritualitatem sive simplicitatem cum compositione.

XXII.
Opponitur
discrimen inter simplicitatem summam & non summam.

Dialog. 77.
n. 655.

Dial. 80.
n. 683.

P A Z Z I U S. Nulla est ars, mi Rocchi, quæ jungere possit cum vel modica ulla compositione simplicitatem, quæ summa est, qualis est simplicitas divina; sed non opus est grandi arte ad jungendam cum aliqua compositione simplicitatem non summam. Atque in hoc est positus ille vester error intollerabilis, quod non distinguitis inter simplicitatem summam, & simplicitatem non summam. Dicam igitur cum Palanco, *Quis hac patienter audiat? Nunquid anima tanta simplicitate pollet quanta Deus, ut compositionem non admittat, quam Deus non admisit. . . .*

Nunquid quia Deus est summe simplex, ideo etiam anima erit summe simplex, sicut Deus? Unde alibi sic exclamat, *O quàm magnum inconveniens! nempe quod anima non sit summe simplex, sicut Deus; sed aliquas in se admittat compositiones reales.* Per quas compositiones noster Author intelligit, mi Rocchi, compositiones ipsius animæ cum intelligentia, cum sapientia, cum prudentia, cum justitia, & aliis virtutibus, ac proinde cum gratia, quæ est causa productrix talium virtutum.

XXIII.
Considerari
debet duplex simplicitas, entitativa & perfectiva.

R O C C H I U S. Item Author vester per compositiones illas reales intelligit generatim omnes compositiones ipsius animæ cum sua subsistentia, cum sua existentia, cum sua actione, cum sua passione, cum sua relatione, cum-

Quàm bene sentiant Atom. de forma spirit. gratia act. 447
que omnibus tandem perfectionibus, quæ ipsi advenire intelliguntur ab illo, nec ab illo intelliguntur ipsi advenire, nisi realiter producantur in ipsa, & nisi realiter ipsam afficiant atque ita componant æque realiter. Sed considerate, si placet, trabem quæ in oculis vestris est, & propter quam non advertitis duplicem esse simplicitatem, aliam entitatis, & aliam perfectionis entitati convenientis. Tum si agitur de simplicitate, quæ est entitatis, hæc est indivisibili posita; quia quidquid entitative simplex est, unum est: unitas autem nulla est unitate alia major, aut minor.

Si verò agitur de simplicitate, quæ est perfectionis entitati convenientis, hæc non est indivisibili posita, quia plures perfectiones possunt uni & eidem entitati convenire, aut non convenire, item convenire, aut non convenire tali modo, tali tempore, in tali gradu, in tali circumstantia, &c. Agitur autem de illa simplicitate entitativa, & de qua dico, quòd si vera simplicitas est, summa est: non autem agitur de ista simplicitate ad perfectiones entitatis relata, quæ utique non æqualis est, sed major aut minor, & cum isto quidem mirabili discrimine, quòd non equidem perfectionum paucitas, sed è contra pluralitas illam adauget, & præferim quando est constans atque invariabilis: quo pacto simplicitas divina summa est, illa verò quæ est cæterarum rerum spiritualium, summa non est.

Redeo igitur ad simplicitatem entitativam, de qua est quæstio, & qualem anima, ut contendimus, non haberet hoc ipso, quòd intrinsece componeretur ex entitatibus illis, seu naturalis, seu supernaturalis ordinis accidentalibus productis, quas inexistere atque inhærere illi docent Philosophi ac Theologi Aristotelici. Neque fere opus est hujus assertionis rationem afferre, quia videlicet patet animam in hoc casu fore veluti aliquam coacervationem plurimum entitatum ad ipsam intrinsece pertinentium, uti partes ad totum pertinent, & quod propterea nemo auderet

XXIV.
Quid sit simplicitas entitatis & perfectionis.

XXV.
Agitur hic de simplicitate, quæ est entitatis.

vocare *simplex*. Atque ita tandem, mi Pazzi, aut cœcutis, aut vides quàm inconvenientissime ponitis in anima tales compositiones entitativas, quæ utique illi suam entitativam simplicitatem adimerent. Nec addam hac de re plura.

XXVI.
Monetur at-
tendi debere
ad exclama-
tionem Ad-
versarii.

PHILALETHES. Addere tamen aliquid deberes, Domine Rocchi, ad satisfaciendum exclamationi, quæ Palancus ridet tuam illam sollicitudinem caventem, ne quid de summa illa præsumpta simplicitate animæ detraxatur. Miror te hujus exclamationis oblitum esse.

PAZZIUS. Legam illam iterum, Domine Philalethes. Sed quis scit an Rocchius noster illius non tam oblitus sit, quàm oblivisci voluerit: salvâ pace id dico. Hæc est itaque, mi Rocchi, exclamatio quam operat Dominus Philalethes tuam in memoriam revocari, eo fine ut non sic transeat inattenta & insoluta. Sic itaque Palancus exclamat. *O quàm magnum inconveniens! nempe quòd anima non sit summe simplex sicut Deus, sed aliquas in se admittat compositiones reales.*

XXVII.
Redduntur
tres exclama-
tiones pro
pna.

ROCCHIUS. O quàm bene geris personam hominis exclamantis! O quàm gratiose inter exclamandum subrides! O quàm seriò inter subridendum redarguis! Habes hîc, mi Pazzi, tres exclamations, ut satisfaciam uni. Hujus revera oblitus fueram: & oblivionis indicio est, quòd decreveram à te quærere, si nosti, quot compositiones reales admittere possit anima inoffensâ simplicitate suæ propriæ entitatis.

PAZZIUS. Si à me id quæsissem, respondissem nolle me determinare id, quod Magister noster indeterminatum reliquit. An non satis est, quòd sciatur simplicitatem animæ per compositiones reales aliquas non offendi? Cæterum tuæ curiosæ indoli permitto admittere in ea plures aut pauciores: nihil interest.

XXVIII.
Essent in 2^a —

ROCCHIUS. Quomodo nihil interest, mi Pazzi? vide

Quàm bene Atom. sentiant de forma spir. gratia aëtua. 449

Vide tamen quantum intersit : etenim si Aristotelici velint discutere cohærenter ad principia sua, coguntur admittere in sinu animæ multa millia talium compositionum realium. Neque si te persequerer, Domine Pazzi, resilere posses ab illis multis millibus concedendis : quatenus de quacunque animæ perfectione quam assignarem, compellereris concedere animam componi ex illa : & in hunc modum si patientia non deesset in animæ perfectionibus proponendis, quæ pene infinitæ sunt, non discederem à te, antequam multa illa compositionum realium millia concessisses. Sed quid opus est his multis millibus compositionum à te concedendis, quando vel uniea compositio, quæ in anima esset, sufficit ad vitiandam & abolendam illius simplicitatem. Nam quid magis à notionibus *rei simplicis* & *rei compositæ* alienum, quàm quodd aut aliquid simplicitatis in re composita, aut aliquid compositionis in re simplici admittatur.

Unde fit ut id, quod est entitative compositum, nihil habere possit entitivæ simplicitatis, & similiter id quod est entitative simplex, habere nihil possit entitivæ compositionis: explicabo me, Domini mei, paulò clariùs hoc uno alteroque familiari exemplo. Satis facilè satisfique communiter creditur potuisse Deum creare Angelum ab æterno; qua hypothesi factâ, quid de me videretur vobis, si æternitati angelicæ ad discrimen à Divina detraherem aliquot dies; & sic exclamarem ad derisionem opinionis contrariæ, *O quàm magnum inconueniens!* nempe quodd Angelus non sit summe æternus, sicut Deus; & quodd deficiant aliquot dies illius æternitati.

Similiter nulla in hoc à multis repugnantia creditur, quodd Deus possit spheram Angeli ampliari ad omnia usque spatia, etiam imaginaria. Hæc itaque hypothesi fiat; & cogitate me immensitati angelicæ ad discrimen à divina detrahete aliquot palmos spatii; ac tum exclamare,

nima multa
millis com-
positionum
realium.

XXIX:
' Ut composi-
ta nihil ha-
bent, simpli-
citatis, ita
simplicia ni-
hil composi-
tionis.

XXX:
Simplicitas
perinde ac
æternitas &
immensitas
non suscipi-
unt magis & mi-
nus.

O quam magnum inconueniens ! nempe quòd occupatio aliquot palmorum spatii desit immensitati angelicæ. Quæ vestra esset, Domini mei, de duabus exclamationibus istis sententia ? Audio vos neutram approbantes ; & contentes tam immensitatem , quàm æternitatem non suscipere magis & minùs, & ideo Angelum æternum & immensum non fore contra hypothesim, si vel una dies illius æternitatis, vel unus palmus illius immensitati deesset. Atqui huiusmodi est simplicitas, quæ nihil compositionis admittit ; aut si utique duas vel tres compositiones admitteret, perinde, ut supra aiebam, posset admittere plura millia talium compositionum.

XXXI.
Mentoratur
illa prædi-
cta millia
compositionum
realium.

PHILALETHES. Id equidem aiebas supra, mi Rocchi : & memini & notavi. Sed licet tecum inclinem ad denegandam omnem compositionem realem animæ hoc titulo, quòd est realiter simplex, non satis intellexi quod aiebas de multis illis millibus compositionum realium, quæ admitti deberent in sinu animæ, si duæ vel tres in ea semel admitterentur. Id forsitan dixisti animi gratia.

PAZZIUS. Id ita dictum accepi, Domine Philalethes : & ideo spreui : non enim amo jocos in rebus seriis. Sed neque amo, ut divinationi relinquatur quod dicitur, sit ne serium, an iocosum. Quare ne in incertum te audiamus, oramus te, mi Rocchi, ut nos præmoneas, si quid deinceps sis iocose dicturus : quamquam prætaret nullos permiscere jocos cum rebus istis gravibus & severis.

XXXII.
Perfectiones
sunt in rebus
spiritualibus
id, quod sunt
partes in
materialibus

ROCCHIUS. Nihil hîc, Domini mei, lusi vobiscum : an liceret mihi per gravitatem rerum quæ tractantur, & personarum quæ colloquuntur, an, inquam, liceret ludere ? putabam mihi sermonem esse cum hominibus, quibus datum esset *lusus & seria nosse*. Atque ut intelligatis tandem nihil hîc dixisse me de multis realium illarum productionum millibus, nisi apprime serium, cogitate mecum id esse in rebus spiritualibus perfectiones,

Quàm bene sentiant Atom. de formis spirit. gratia actu. 451
 quod sunt in rebus materialibus partes. Hinc si Aristotelis placet nullam esse materialem molem adeò parvam, quæ non habeat partes sine numero, ita quòd saltem nulla divisione, vel etiam divinitus, perveniri possit ad ultimam; quare displicebit illis admittere in rebus spiritualibus multa saltem millia perfectionum, si potius ad doctrinæ coherentiæ non deberent fateri millia infinita? Rursus cogitate mecum qualiter Deus, qui est infinitus in omni genere entis, non possit non abundare perfectionibus infinitis in hoc particulari genere entis spiritualis; unde consequitur animam, quæ particeps est spiritualitatis divinæ, esse simul participem omnium aut fere omnium perfectionum ad spiritualitatem pertinentium, & ideo pervenientium ad multa millia. Tertio adhuc cogitate mecum laudes illas innumerabiles, quibus homines alii aliorum facta egregia bellica, pacifica, politica, literaria, æconomica, &c. hucusque profecuti sunt, aut profecui potuerunt; & quas utique non possit Orator, si colligere vellet, paucis voluminibus concludere; atque hinc intelligetis quàm innumerabilis sit numerus dorum, sive perfectionum, quæ in anima sunt aut congenitæ, aut acquisitæ, aut insitæ, aut quarum saltem est capax: istæ autem dotes facta egregia illa pepererunt.

Neque postquam hæc tria mecum cogitatis, opus est ut ego quicquam inferam: ipsi enim per vos inseritis, Domini mei, aut animam ita simplicem esse, ut nulli compositioni reali præbeat ingressum, aut esse ita parum simplicem, ut illi præbere possit compositionibus hujusmodi realibus sine numero: quare potius composita, quàm simplex dicenda esset, siquidem plus compositionis, quàm simplicitatis haberet; si tamen potest simplicitas plus minuisse admittere. Adhuc verbum unum & sileo. Attendere deberent Aristotelici ad hoc, quòd si ex anima & gratia ipsi in hærente, fieret in anima compositio realis, atque

XXXI??
 Hinc sequitur, quòd anima nullam possit admittere compositionem realem.

ita de cæteris donis & perfectionibus animæ inhærentibus; non solum anima sic componeretur; sed etiam gratia sic componeretur, sicut etiam cæteræ omnes dotes ac perfectiones suas seorsim in se ipsis admitterent plurimas compositiones reales.

XXXIV.
Hinc sequetur etiam
fore compositionem
realem in
gratia.

Exemplum fiat in gratia, de qua præsertim sermo est. Gratia siquidem est ens productum & distinctum ab animæ; sicque necesse est, ut propriis gaudeat proprietatibus; prærogativis, excellentiis atque ita nativis perfectionibus plurimis: sicuti revera gaudet seorsim sua supernaturalitate, sua sufficientia, sua efficacia, sua pulchritudine, sua seorsim actione, sua seorsim passione, sua seorsim relatione, &c. quas omnes gratiæ compositiones reales anima suo in sinu admitteret, quando gratiam admitteret. Ludebam ne igitur, Domini mei, quando loquebar de multis istis millibus compositionum realium?

PHILETHES. Clarum est quoddam non ludebas; sed quis præter te unquam mentem exercuit in istis disquisitionibus tam expurgatis, ac tam enucleatis, propter quas assensum meum jam obtines.

XXXV.
Arguitur
contra illa-
tiones præ-
dictas.

Dial. 79.
n. 674.

P A Z Z I U S. Meum verò, Domine Rocchi, nondum obtines: obstat enim autoritas Magistri nostri, qui argumentum hoc tuum, quod in tuo systemate gratiæ legerat, ponderavit, & de illo iudicium tulit, quod audies. *In hoc pariter argumento, inquit, quod fere unicum vobis est, & quod maxime ponderatis, rursus vestra ruditas magis detegitur in intelligenda doctrina Peripateticorum. Sic autem pergit. Dum enim gratiam actualem ponunt in pia cogitatione, v. g. qua sit entitas seu actualitas accidentalis animæ, propterea eam assirunt esse talem respectu animæ, quia anima per suammet entitatem non esse essentialiter in actu pie cogitans, sed tantum in potentia. Unde ut actu pie cogitet*

XXXVI.
Gratia non

R O C C H I U S. Noli meam onerare memoriam textu

Quam bene Atom. sentiant de forma spirit. gratia act. 453

tam prolixo, mi Pazzi: perges paulatim. Intetrim audi Atomistam, qui fortè minùs rudis est, quàm tu ipse in doctrina Peripateticorum, quando cum Palanco ais, quòd illi *gratiam actualem ponunt in pia cogitatione*. An aliquis Peripateticus ad hanc usque horam ita locutus est? An ita sensit de gratia actuali? Audeo ego, mi Pazzi, contendere in conspectu cæli ac terræ opinionem, juxta quam mox dixisti gratiam actualem consistere in pia cogitatione, non esse Aristotelicam. Etenim *pia cogitatio* apud omnes Theologos, qui mentem Aristotelis in Theologiam pertrahunt, est actus humanus, vitalis, meritorius, pertineas ad intellectum, quatenus *cogitatio* est, & spectans ad voluntatem, quatenus *pia* est. Igitur pia cogitatio non est gratia; sed est à gratia, per quam fit, ut pie cogitemus. Gratia est, quæ mentem illustrat & voluntatem inflamat, proponendo scilicet animæ res credendas & motiva credendi: proponendo res spectandas & motiva sperandi, & sic generatim proponendo res agendas & motiva agendi. Unde fit ut anima & cognoscat quid credendum, quid spectandum, quid sibi omnino agendum sit; & simul moveatur ad credendum, ad spectandum, ad agendum quidquid proponitur, salvâ libertate, propter quam potest adhuc credere aut non credere, sperare aut non sperare, &c.

Sed quid in his moror? An non gratia ex sua notione donum est, beneficium est, auxilium est, an non medium est quo Deus utitur ad excitandas in nobis pias cogitationes, quæ sint veluti radices bonorum operum? Quomodo igitur confundi gratia potuit cum pia cogitatione, quam parit & quam deinde perducit ad paturitionem bonorum operum, accumulando motiva plurima operandi. Cæterùm Aristotelici apud quos omnis actio creaturæ agentis est entitas quædam producta & superaddita illi, affirmant utique piam cogitationem, de quâ est sermo, esse aliquam entita-

est pia cogitatio, sed est sic piam cogitationem.

23

XXXVII.
Adhuc magis probatur qualiter gratia non est pia cogitatio

tem productam superadditam animæ; sed istam entitatem non confundunt cum entitate alia, pariter, ut credunt, producta, quæ est gratiæ actualis inspirantis atque ita producentis, piam illam cogitationem. Vide jam itaque, Domine Pazzi, an alia tibi suppetat via liberandi animam ab illis multis millibus, quæ aiebam, compositionum realium.

XXXVIII.
Proponitur
modus, quo
viratur com-
positio realis
animæ.

P A Z Z I U S. Alia utique mihi via est, & valde brevis ac expedita. Illam mihi aperit Palancus hoc in ipso loco, ubi pergens, ob rationes haud dubie solidas, quas non novi, confundere gratiam actualem cum pia cogitatione, de ista cogitatione, videlicet entitative producta, loquitur his verbis, *Attamen ista cogitatio seu entitas & actualitas accidentaliter per se animæ entitatem est essentialiter supernaturalis, est essentialiter pulchra, est essentialiter actio, est essentialiter sufficiens aut efficax, est essentialiter intensa aut remissa, &c.* Ubi sunt jam, Domine Rocchi, tua illa multa nulla compositionum realium, quæ, ut præsumebas, reperirentur partim in sinu gratiæ, partim in sinu prudentiæ, partim in sinu iustitiæ, partim in sinu fortitudinis, aliarumque virtutum accidentalium, & hæc omnia in sinu animæ? Ecce accidentia gratiæ sunt essentialia illi, ut ait Magister noster; & ideo illam non componunt realiter: sic etiam accidentia prudentiæ non componunt illam realiter; quia sunt pariter essentialia illi, & ita de cæteris. Unde sequitur animam non fore realiter compositam, nisi ex quibusdam entitatibus productis gratiarum & virtutum inexistentium. Quid ais jam, mi Rocchi, de hac via brevi & expedita, qua Palancus spiritualitatem animæ liberavit à tuis illis, quas objiciebas, compositionibus realibus perne infinitis?

XXXIX.
Sed modus
ille non est
nisi ad effu-
gium.

R O C C H I U S. Aio & confiteor nullam viam breviorē ista, expeditiorem nullam à Palanco ad effugium quod quærebat, potuisse adinveniri: sed effugium hujus-

Quàm bene sentiant Atom. de forma spirit. gratia actus 455
 modi est, quo multi ad vitandos hostes à tergo instantes,
 per lineam rectam, quæ omnium est brevissima, sese ja-
 ciunt capite præeunte in præcipitium. Nam recta præ-
 cipitium est quod ait entitatem illam accidentalem, quæ
 est aut gratia actualis, aut pia cogitatio. seorsim, aut hæc
 & illa conjunctim, (jam non interest) esse per se ipsam
 essentialiter supernaturalem, essentialiter pulchram, essen-
 tialiter actionem, &c. Quæ commutatio doctrinæ hæc
 est, mi Pazzi, ? Totus hucusque fuit Magister vester in of-
 fensione potentialitatis convenientis omni creaturæ etiam
 spirituali; & ita omnem illius actualitatem pendere ab
 aliqua entitate accidentali producta & superaddita centies
 affirmavit; & id affirmandi rationem hanc tulit, nempe
 quod aliàs creatura illa spiritalis esset actus purus, quia
 videlicet haberet v. g. sapientiam secum essentialiter iden-
 tificaram.

Bene est. Nulla itaque creatura etiam spiritalis, etiam
 simplex, etiam intelligens, uti anima, potest essentialiter
 esse id, quod est, ne sit actus purus: non potest essentiali-
 ter esse sapiens, non potest essentialiter esse instanti super-
 naturali, non potest essentialiter esse pulchra, non potest
 essentialiter esse agens, &c. Quid igitur est quod jam ait
 creaturam illam accidentalem spirituales, licet non intel-
 ligentem, productam, & quam vocat modo *piam cogitatio-
 nem*, modo *gratiam actualem*, esse supernaturalem essentiali-
 ter, esse pulchram essentialiter, esse actionem essentialiter,
 &c. atque ita esse essentialiter totum id quod est, & per
 idoneam consequentiam esse actum purum.

PHILETHES. Amplum hinc tibi crexisti theatrum,
 mi Rocchi; sed, ut audio, defidoraris à doctissimo & tibi
 amicissimo Senatore, quem novimus: & ecce adest: cras;
 sed paulò diligentius ad te redibimus.

PAZZIUS. Et erit mihi, si placet, Domine Philale-
 tes, sermo cum Rocchio de gratia habituali, cujus confu-
 tatio perenniorque inhæsiō solidius probat quidquid de

XL.
 Ostenditur
 qualis &
 quanta sit
 hæc contra-
 rietas doctri-
 næ.

XLI.
 Proponitur
 disputandum
 de gratia ha-
 bituali.

gratia actuali producta juxta doctrinam Aristotelicam affirmavi.

ROCCHIUS. Valere, Domini mei, & reddat vobis Deus mercedem pro eo quod hominem podagricum misericorditer hodie invistis.



DIALOGUS XVIII.

QUAMMALESENTIANTARISTOTELICI de gratia habitualis.

Personæ Colloquentes.

PHILALETHES, PAZZIUS, ROCCHIUS.

I.
Procluditur
ad dispuca-
tionem de
gratia habi-
tuali.

PHILALETHES: Non fuit heri mea in potestāte venire ad te, Domine mi Rocchi; & vix quam sero, potui hodie: testem habeo Dominum Pazzium turbæ, quæ me domi obsidebat: per posticum evasimus, jussuque rhedario ut flagris non parceret, convolvimus ad te.

PAZZIUS. Quin etiam decrevimus, Domine Rocchi, eripere te domui tuæ, & amicis, qui te forte inviserent, ne non impendatur modicum hujus diei residuum concertationi, quæ indicta est, de gratia habituali.

PHILALETHES. Ira plane decrevimus prevehere te ad unum alterumque ab hinc milliāre, ut per diuturnitatem itūs ac reditūs liceat satis protrahere concertationem, quam condixistis.

ROCCHIUS.

ROCCHIUS. Juris vestri sum, Domini mei; pervenire me quò volueritis : tantùm meis non satis adhuc solidatis basibus parcite. Cæterùm timere ceperam ne hodie perinde ac heri casus aliquis infelix furaretur mihi voluptatem vestri conspectûs. Itaque inexpectati adessis : atque ut nihil detrahā brevitati diei fere inclinantis, revocate , oro in memoriam, dum ad rhedam imus, quod aiebam sub finem ultimū & ut meministis, intercisi dialogi Palancum mihi sua in doctrina inconstantem videri, quando postquam tam fuscè , tam sæpe dixit nullam creaturam spirituales, cujusmodi est Angelus, aut anima, esse adeò simplicem, ut non admiscat aliquas compositiones reales, scilicet ex variis qualitatibus accidentalibus productis & inhærentibus ; aliàs foretam summæ simplicitatis, ac secum habentis essentialiter identificatas qualitates suas ; quod uni simplicitati divinæ proprium est ; fateatur nihilominus entitatem illam accidentalem productam, quam vocat *gratiam actualem*, & *piam cogitationem*, esse summè simplicem, ita ut secum identificatam habeat supernaturalitatem suam, pulchritudinem suam, actionem suam, efficaciam aut sufficientiam suam, &c.

An non prævidit se fore in hoc redarguendum, quòd sine causa postponeret hæc in re substantiam accidenti, tribuendo isti simplicitatem, quam illi denegat. Non redarguam tamen, mi Pazzi. Alia est doctrinæ inconstantia, quæ nobis erit, si annueris, in prologium hodierni nostri constitûs.

PAZZIUS. Non ita erit, mi Rocchi : nihil audiam de ista posteriori præsumpta inconstantia, donec illa prior, quam si non redarguis, redarguendam insinuas, per me appareat inculpata. Igitur debuit equidem Magister noster, ad id adductus per demonstrationes & auctoritates theologicas plurimas, admittere in anima compositiones aliquot reales, ne videlicet habeat perinde ac Deus præ-

I I.
Non potest
asserri, quòd
gratia sibi
sit essentialiter
sua
pulchritudo,
sua actio,
&c.

III.
Sors substantiæ esset
in hoc peior
forte accidentis.

rogativam entis summe simplicis & actûs puri; sed tum debuit parcere quantum potuit numero illarum compositionum realium.

¶ V.
Non potest
convenien-
tius vitari
multitudo
compositio-
num realium

Cum autem parcere tali numero non potuerit in hunc modum, ut saltem non admitterentur in anima tot compositiones reales, quot sunt qualitates productæ illam afficientes; debuit omnino removere omnem compositionem ab istis qualitatibus productis: quia videlicet compositiones hujusmodi qualitarum reperirentur perinde omnes in sinu animæ, quæ sic compositissima evaderet, atque ira minime simplex. Unde sit non vituperandam, sed ex adverso laudandam esse cautionem, quam Palancus adhibuit, ut nec plus simpliciter, nec plus compositionis quam par sit, animæ tribuatur. Nemo est, qui non videat æquitatem finis, propter quem ad vitandam nimiam animæ compositionem realem providit incompositioni gratiæ, justitiæ, misericordiæ, doctrinæ & cæterarum omnium qualitarum inexistentium & inliærentium animæ. Quare non debuisti, mi Rocchi, hanc cautissimam doctrinæ moderationem redarguere, aut *inconstantiam* vocare. Jam verò quæ est, si placet, alia *inconstantia*, de qua vis proloqui.

¶ V.
Imo sic
reciditur in
plura incon-
venientia.

ROCCHIUS. Sed, mi Pazzi, de illa proloquar nihil, donec ostendero te per tuam istam prioris inconstantiae defensionem magis adaperuisse illius culpam rantiùm abest ut illam ostenderis inculpatam. Sic igitur discurro.

PHILLETES. Ego verò hac interlocutione oro te, mi Rocchi, ut discussum tuum retineas: nam si alter te accusationis suæ, alter in suæ defensionis æquitate tuenda perennes eritis, silebitis hodie de condita materia; & quæ principalis est, pro accessoria deferetur. Quin etiam orarem te silentio præterire illam alteram doctrinæ inconstantiam, quam reprehendere paras in Palanco, nisi considerem fore ut per jus, aut per injuriam talis reprehensionis aperiatur via tutior breviorque ad decisionem hodiernæ difficultatis.

R O C C H I U S. Obtempero, Domine Philalethes : & ideo prorsus tacebo jus meæ prioris accusationis ; neque jus posterioris prosequar , nisi verbis paucissimis ; nec aliis quàm perducentibus ad controversiam hodiernam. Iraque nosti veterem Philosophorum ac Theologorum Aristotelicorum opinionem de causâ primæ physica præmotione ad omnes actus causæ secundæ hanc communiorē fuisse, nempe quòd talis præmotio consisteret in entitate aliqua , scilicet accidentali producta , impressa & inhærente causis secundis pro effectibus ipsarum causandis. Nosti etiam præmotionem divinam ad actus bonos ordinis naturalis esse gratuitam , & ita pertinere ad beneficia , sive gratias ordinis naturalis : qualiter & adhuc magis gratuita est omnis divina præmotio ad actus nostros supernaturales ; in quo sensu beneficium quoddam est supernaturale ; quod idem est ac si dixerò talem præmotionem esse illam ipsam gratiam supernaturalem , de cujus entitate physica in duobus proxime antecedentibus dialogis mihi eum Pazzio certatum est.

Hæc duo nosti ; sed nescio an hoc tertium noveris ; scilicet Palancum in doctissimo suo tractatu theologico de providentia , quæstione decima quarta , paragrapho primo & deinceps probare contra Salmanticenses rationibus & authoritatibus multis invictis præmotionem , qua Deus movet voluntates nostras , non consistere in qualitate ulla , sive in entitate accidentali ulla producta & impressa voluntatibus nostris , sed in actione quadam divina virtualiter transeunte , sicque per se ipsam immediate afficiente voluntates nostras pro executione actuum , ad quos præmoverentur. Qua in opinione nihil est , quod non mire respondear labori , quo enirebar olim in systemate meo gratiæ removere à vera notione physica gratiæ actualis omnem entitatem productam : neque parum gloriabar habere socium , seu potius ducem meæ hujus sententiæ.

M m m ij

V.
Quæ sit
communior
opinio circa
physicam
præmotionem,
quæ
gratuita est
& sic gratia
est.

VII.
Quid senserit in sua
Theologia
Palancus
circa entitatem
physicam
præmotionis

VIII.
Hic autem
videtur in
altam opi-
nionem ab-
jicte.

Et videtis jam, Domini mei, alteram istam doctrinæ inconstantiam, de qua conqueror apud vos; Palancus namque hîc agnoscit in gratia actuali entitatem accidentalem productam inexistentem, inhærentem, impressam animæ. Atque hæc est illa ipsa entitas, adversus quam reluctante Pazzio luctor hæctenus, ut hinc gradum faciam ad omnem talis, aut alterius generis entitatem accidentalem rejiciendam à vera physica notione gratiæ habitualis. An etiam hîc videbitur tibi, Domine Pazzi, sua in doctrina sibi constituisse Palancus?

IX.
Retorque-
tur par in-
constantia
circa figuram atomi-
rum.

P A Z Z I U S. Si utique sibi non constitit, hinc tua fors pejor evadit, mi Rocchi. Adversarium habes, quem habuisses Patronum tuæ hujus atomisticæ opinionis: qua in te tibi tuisque Atomistis condoleo. Cæterum nescis inconstantiam mentis sine vitio esse, quando se veriori opinioni addicit? vel fortè putas me oblitum paræ inconstantia, per quam atomos tuas, aliqua figura olim convertitas, spoliasti recenter atque nudasti.

P H I L A L E T H E S. Mæ pariter memoriæ se offerebat, mi Rocchi, casus idem tuæ illius atomisticæ reformationis; sed salvâ pace videtur mihi tuum hoc prologium non interesse ad quæstionem agitandam de gratia habituali.

P A Z Z I U S. Eandem volui redarguere in te, mi Rocchi, superfluitatem prologii. Nosti opinionem hodiernam nostris Scriptoris fixam in hoc, quodd gratia actualis sit entitas quædam producta: Scis illum non sic semper sensisse: non video ad quid tuâ intersit hoc prologisse.

X.
Negligitur
causa ob
quam mu-
tavir Adver-
sarius suam
opinionem.

R O C C H I U S. Ego verò miror, Domini mei, quomodo non advertitis quid velim esse vobis insinuatum per reprehensionem doctrinæ sine causa legitima sic immutatæ apud Palancum. Insinuare volui, quodd hujus mutationis non alia ei ratio fuit, quàm quodd Propheta non erat, quando verissime tunc temporis affirmabat præmotionem divi-

Quàm male sentiant Aristotelici de gratia habituali. 461
 nam, siue quod idem est, gratiam divinam actualement non
 consistere in entitate producta, sed in actione quadam di-
 vina nobis impressa. Nesciebat venturos homines, qui
 ex illa opinione generatim inferrent nulla omnino esse
 accidentia spiritualia, qualia juxta mentem Aristotelicam
 admittuntur: & qui rursus per ordinem retrogradum
 inferrent pariter nulla quoque omnino esse accidentia ma-
 terialia, qualia decantari passim in Scholis Aristotelicis
 jamdiu assolent. Nunc autem videt hoc utrumque recte
 atque invicem sua ex illa opinione inferri: quare ad salu-
 tem Aristotelismi ab illa discessit, consulendo, ut potest,
 per hanc gratiæ actualis entitatem productam de novo
 assertam productioni entitativæ omnium accidentium A-
 ristotelicorum ordinis utriusque spiritualis & materialis.

P A Z Z U S. Quid ais, mi Rocchi: tuo te ore judicas,
 quando reprehendis doctrinam sine causa legitima muta-
 tam, ut ais, & simul enarras causam, quâ nulla magis le-
 gitima esse aliquando pro illius mutatione potuerit. Age-
 batur, si tibi creditur, de salute Aristotelismi: an pro
 salute tam cara mutari non debuit particularis una opinio?
 Sed si neque adhuc videmus ad quid pro difficultate
 præsentis prolixæ tuæ accusatio æquiter, aut inique la-
 ta, quid agimus? Quid igitur, an licet gratia actualis non
 esset entitas producta, inexistentis & inhærens animæ, ut
 dicimus transeuntis, an, inquam, capropter negare au-
 deres gratiam habitualement esse entitatem productam, in-
 existentem & inhærentem animæ permanentem? Vide quid
 dicas: sacræ Bibliorum & Conciliorum paginæ hoc cla-
 mant.

PHILALETHES. Equidem novi, mi Rocchi, plu-
 res Theologos Aristotelicos valde proclives in opinionem,
 quæ negat gratiam actualement consistere in entitate pro-
 ducta; sed nihilominus tenacissimos illius, quæ affirmat
 gratiam habitualement entitative produci à Deo & in animæ

XI.
 Opponitur
 nam nobis
 prodelle mu-
 tationem ræ-
 lis opinionis

XII.
 Aliiter de
 gratia actua-
 li, aliter de
 habituali
 discutendū
 hic est.

finu collocari ad effectum illius regenerandæ, affiliandæ, &c. Quare saltem falleris in hoc, quod ais secururam totius Aristotelismi ruinam ex opinione, quæ negaret gratiam actualem esse aliquid entitative productum. Potuit opinionem istam sequi aut non sequi Palancus: indifferens id fuisset ad quæstionem præsentem. Vel saltem ostende *primò* quomodo id non fuisset indifferens: ac tum *secundò* conciliabis, si poteris, vestram hanc opinionem aromisticam de gratia habituali pariter non producta cum sacris illis Bibliorum & Conciliorum paginis, quas in decursu tibi à Pazzio nostro proponi audies. Ita ne, Domini mei, annuitis hodiernum dialogum promoveri.

P A Z Z I U S. sic plane annuo, Domine Philalethes: quare silebo de autoritatibus sacris, quibus nostræ opinionis fidem communit Palancus, donec dixerit Rocchius: quid sibi videatur esse in opinione ista redarguendum: Agedum, mi Rocchi.

XIII.

Notio entitatis productæ magis pignat cum gratia habituali, quàm cum actuali.

R O C C H I U S. Agam & in opinione ista redarguam: non tantum id omne, quod redarguebam paulò antè in opinione alia vestra de gratia actuali; sed insuper aliquid amplius, digniusque redargui. Etenim valde præstantiores & excellentiores sunt effectus, quos gratiæ habituali tribuitis; & nihilominus istud accidens Aristotelicum, in cuius entitativa productione atque inhæssione constituitis hanc gratiam habitualement, est perinde cæcum & mutum ac illud alterum, per quod gratiam actualem exponitis. Unde consequitur vos Aristotelicos valde improbabilius de gratia habituali, quàm de actuali sentire; sed jam hoc opus, hic labor est, ubi à me tentandum est, ut pupillitis, mi Pazzi, videas ram clare, quàm ego meis consequentiæ hujus certitudinem summam. In id volo debeoque incumbere. Rationes efficaces ad id præstandum non desunt; sed timeo ne desit tempus explanandi efficaciam earum: quare nunc magis quàm unquam, Optime Phila-

Quàm male sentiant Aristotelici de gratia habituali. 463
Iehes, vellem habere tuum illud donum compendii. Viam,
si quam potes, mihi suggere dicendi simul multa & bre-
viter.

PHILALETHES. Viam aliam non novi, quàm
quæ est interrogandi & respondendi concise: sic enim ex
paucis obiterque præoccupatis multa illico concluduntur.
Sed nunquid, Domini mei, hanc nostis non? hanc iniistis
tard, si bene memini: & hæc est dialogorum utilitas, quæ in
cæteris scribendi generibus non est pariter obvia. Alia mihi
non est, mi Rocchi, via compendii, quo præsentem con-
troversiam absolvere meditaris.

ROCCHIUS. Tribus itaque petitionibus tentabo rem
absolvere. Fac tantum, mi Pazzi, ut sine ullo inani ver-
borum fluxu meis satisfiat à te his petitionibus singulis.
Peto quæ sit physica entitas gratiæ habitualis: quæ sit phy-
sica productio gratiæ habitualis: & quæ sit physica ope-
ratio gratiæ habitualis. Redige, si placet, ad hæc tria ves-
tram huius gratiæ habitualis Aristotelico-theologicam no-
tionem.

PAZZIUS. Gratiæ habitualis est qualitas spiritualis
supernaturalis in animam divinitus infusa, eique inhærens
& sanctificans, operando in ea iustitiam & virtutes cæ-
teras, quæ spectant ad sanctitatem complendam. Neque
per hæc pauca verba non satisficeret tuis illis tribus quæsi-
tis, nisi Atomista esses, qui soles quæstiones tuas in mi-
nutias incomprehensibiles partiri; unde non raro accidit,
ut veritas quæ per se integram apparet, dispareat, quando
tam partite scinditur. Quid vis ultra?

ROCCHIUS. Nihil ultra. Nolo bilim tuam incende-
re, mi bone Pazzi, per alias mearum quæstionum minu-
tias. Si quid aliud à te fueram quæsiturus, supplebo per
memetipsum, qui Deo volente satis novi, quæ sit vestra
doctrina: neque sæpè nisi ad pulchriorem ac magis fa-
miliarem dialogi formam interrogata quædam perimisco.

XIV.

Quæ sit
via compen-
dii pro ma-
teris trac-
tandis.

XV.

Afferretur no-
tio commu-
nior Aristo-
telica gratiæ
habitualis.

Sic igitur noveram anticipare hanc gratiæ habitualis descriptionem, quam attulisti: & præsentiebam fore ut hanc unam afferres ad satisfaciendum meis quæsitis. Hoc in te fuit, mi Pazzi, velle illa eludere. Saltem permitte ut inprimis perquiram quid sit vestra illa qualitas spiritalis, supernaturalis, &c. eo nempe fine ut sciam, an sit de numero rerum, aut de numero chimærarum.

XVI.

Norio qualitas Aristotelis & non convenit gratiæ habituali.

Ecce, Domini mei, nihil citra Divinitatem ipsam esse divini gratia habituali asserimus: & ideo ægre sermone notionem illius constitutam in ente accidentali prædicamentali Aristotelico, atque ita in ente mere objectivo, quod non solum est incapax quicquam operandi, sed etiam existendi: & cui proinde non potuerit Deus committere grande hoc ac plene divinum nostræ justificationis negotium. Videte jam talis entis repugnantias non paucas. Itaque tali enti nomen assignunt *qualitatis*, quod utique nomen abstractum est, & ideo non repræsentat menti, nisi formam mere objectivam, nihilque reale superaddentem suo subiecto; qualiter Divinitas nihil realiter Deo, nihil humanitas homini, nihil spiritualitas spiritui, nihil corporeitas corpori superaddit, nihil existentia rei existenti, nihil extensio rei extensæ, nihil figura rei figuratæ, &c.

XVII.

Adversus non explicant quid sit spiritualitas, qui si super naturalitas gratiæ.

Tum illud ens vocant *spirituale*, licet in se nec spiritus sit, nec quicquam spiritus: quare sic vocari, nisi ab extrinseco non potest, scilicet à respectu ad animam spirituales; quid autem sit ab intrinseco ens illud, utique non dicunt, & haud dubie quia nesciunt. Addunt ens illud esse *supernaturale*; sed cur sit ita supernaturale, sive sciant, sive nesciant, rursus non dicunt; dicerentne illud ens esse perfectionis superantis omnem perfectionem Naturæ? At hoc falsum est: quandoquidem nec habet perfectionem naturalis ullius intelligentiæ. Postmodum aiunt illud ens in animam divinitus infundi; atque hæc mire cruciantur, quia infusio sine productione non fit: & hanc productionem

nem

Quàm male sentiant Aristolici de gratia habituali. 465
nem diversissime accipiunt : alii pro creatione , alii pro
concreatione, alii pro increatione, alii pro inductione ,
alii pro eductione , &c. qua in lite non moror , ut ad id
veniam, quod accumulunt dicentes illud ens esse sanctifi-
cativum animæ arque ita productivum in ea justitiæ &c. a-
liarum virtutum, sine quibus non est completa sanctitas.

Hic moror, hic attendo, hic stupeo , hic non capio
plenitudinem potestatis, activitatis, industriæ à deo conces-
sam tali enti accidentali prædicamentali Aristotelico ad
productionem tot virtutum, & ideo tot entium similiter spiri-
tualium, supernaturalium, accidentalium, prædicamentali-
um Aristotelicorum concurrentium ad sanctitatem complendâ.

P A Z Z I U S. Sed neque miror, mi Rocchi, si hæc &
similia non capis : ita minute illa dividis, ut nec possint
intelligi. Quare tibi, ut nobis, non sufficit rerum veritas
quæ patet ? latentem quæris & hæc te fugit. Deus in ani-
ma producit gratiam habitualement ; & hæc semel producta
producit in eadem anima virtutes, quæ illam sanctificant.
Hac veritate , quæ patet, oro te, contentus esto.

PHILALETES. Rocchius, mi Pazzi, homo est mitis
& facilis in convictu; sed durus atque intractabilis in con-
flictu. Illum novi, non finet ullis se precibus flecti: nun-
quam illum contentum vidi sola superficie veritatis ; amat
in illius viscera introire. Quare sine illum, ut pergat.

R O C C H I U S. Ita est : amo res introspicere. Jam
itaque datâ veniâ pergendi dico, mi Pazzi, nullam in hoc
verisimilitudinem esse quòd Deus aut velit, aut possit mi-
nisterio talis gratiæ habitualis, quæ supponeretur producta,
uti ad productionem virtutum sanctificantium animam.
Nam *primò* si Deus talium virtutum ope indigeret ad ani-
mam sanctificandam, quare non crearet eas per se ipsum
in anima simul cum illa gratia ? *Secundò* illa gratia
creatrix esse non potest : istæ autem virtutes non possunt
nisi creatione produci ; quare istius productionis ministra.

N n n

XVIII.
Efficax
gratiæ habi-
tuali non
convenit
creatori pro-
ductæ.

XIX.
Et afferunt
triplex ratio
ad id pro-
bandum.

esse non potest. *Tertio* nulla sunt id genus entia, qualitercunque spiritualia, qualitercunque supernaturalia, & qualitercunque immerſa vel inhærentia animæ, quorum concursus videatur idoneus ad ſanctificationem illius. Talis ſiquidem concursus ſine intelligentia fieret: atque ita nullam in anima intelligentiam procrearet, ſine qua non poſteſt ſanctificari, propterea quodd ſanctitas conſiſtat in affectu habituali ſupernaturali ad omne bonum, utique cognitum & amatum.

XX.

Qualiter in-
veſtigari poſ-
ſit vera notio
gratiæ habi-
tualiſ.

PHILALETHES. Hinc intelligo pendere ſolutionem totius difficultatis: & ideo, ſi mihi creditis, agite de modo, quo præmiſſa entia, ſcilicet gratiæ habitualis & virtutum ipſius comitum poſſint, aut non poſſint producere in anima talem affectum habitualem. Etenim ſi ſanctitas eſt huiusmodi affectus generalis ad omne bonum, ſicut etiam quælibet virtus eſt affectus particularis ad aliquod bonum; & rursus ſi affectus ille generalis omnes iſtos particulares complectitur; ac tandem ſi eſt verus effectus gratiæ habitualis, quæ inde vocatur *ſanctificans*, non poterit ſolertiùs indagari vera notio gratiæ habitualis, quàm per modum, quo producere in anima poſſit affectum illum virtuoſum univerſalem & ſimul ſupernaturalem ad omne bonum.

XXI.

Unde poſſint
eſſe in ani-
ma propen-
ſiones ad bo-
na virtutum.

R O C C H I U S. Hac ipſa methodo uſus ſum in ſyſtemate meo gratiæ. Ibi à me cœptum eſt indagare, qualiter gratia actualis poſſit in anima producere propenſiones actuales ad fidem, ad ſpem, ad amorem, ad iuſtitiam, ad humilitatem, ad temperantiam, &c. & compertum eſt animam non poſſe in huiusmodi actus virtuoſos propendere, niſi deſuper erudiatur de rebus credendis, ſperandis, amandis, juſte, humiliter, temperanter agendis: ac ſimul de moti-
vis ipſam excitaturis ad illas credendas, ſperandas, amandas, juſte, humiliter, temperanter agendas. Atque inde concluſi gratiam actualem totam conſiſtere in illuminatione qua-

Quàm male sentiant Aristotelici gratia habituali. 467
dam divina lucente & ardente in anima pro ipsius necessaria eruditione, de qua scriptum puto, *Beatus homo, quem tu erudieris Domine, & de lege tua docueris eum.*

Deinde verò fuit à me pariter inferendum non posse animam habitualiter propendere ad hujusmodi actus fidei, spei, amoris, justitiæ, humilitatis, temperantiæ, &c. nisi per similem illuminationem divinam & pluries repetitam, aut saltem ita intensam, ut pluribus repetitis æquivaleret. Sicque apparet omnes & singulares habitus virtuosos animæ pendere ab aliqua illuminatione habituali divina, quæ est ipsa gratia habitualis animæ impressa; scilicet *habitualis particularis* respectu ad virtutes particulares seorsim; & *habitualis universalis* respectu ad omnes collectivè sumptas, sive quod idem est, ad illam omnium collectionem, quæ merito *sanctitas* vocatur. Addo . . .

PAZZIUS. Quid adderes, Domine Rocchi? Id totum, si te patienter audirem, adderes, quod continet tuum illud systema gratiæ. Mihi lectum est tuum illud opusculum; neque de illius repetitione hîc agitur. Hîc opus est, ut ex me audias modum alium valde diversum & novum, quo Palancus noster explicat ministerium gratiæ habitualis pro anima sanctificanda, sive deificanda: cumque audieris, Arbiter noster illud tuo præferet, aut postponet.

PHILALETHES. Audiam te attente, mi Pazzi, & eo præsertim fine, ut nihil inconsiderate decernam. Habebis pariter attentum Rocchium; ad id satis est dixisse te novum esse modum, quem recitabis: ecce totus fuit desiderio audiendæ novitatis, quam polliceris. Dic: quid moraris?

PAZZIUS. Dicam; sed antè mihi notandum est cum Palanco, mi Rocchi, tua illa ratiocinia, quæ affers contra nostras entitates accidentales productas sive gratiarum, sive virtutum laborare perpetua æquivocatione inter causam efficientem & formalem. Non opus est, ut causæ for-

XXII.
Pendent
rales propen-
siones ab il-
luminati-
bus divinis.

XXIII.
Offertur
modus alius
novus expli-
candi gratiæ.

XXIV.
Præsupponi-
tur omnem
causalitatem
gratiæ esse
formalem.

N n ij

males efficientiam ullam habeant : sicque cogita in his materiis gratiarum & virtutum omnem causalitatem effectricem esse à Deo : & solam causalitatem formalem esse ab istis formis accidentalibus productis : ac proinde totum effectum gratiæ consistere in hoc, quod anima per gratiam formaliter gratificatur, & totum effectum iustitiæ in hoc, quod anima per iustitiam formaliter iustificatur, &c. Hoc monitum dedit jam millies suo Atomistæ Palancus, & hîc illud repetit his verbis, *Solum ergo illa qualitates, aut*

Dial., 79.
m. 678.

forma multiplices constituunt formaliter in genere cause formalis illos varios effectus, cujusmodi sunt effectus gratificandi, iustificandi, &c. Distingue igitur, sic pergit, inter causam efficientem & causas formales, & evanescit tota vestra fallacia in mera confusione utriusque cause consistens. Quis scit, mi Rocchi, an non tibi tuisque Atomistis profutura sit tandem aliquando hæc admonitio toties repetita.

XXV.

Causalitæ
quæ est me-
re formalis,
non est phy-
sica, sed m-
ta physica.

ROCCHIUS. An errori poterimus assentiri aliquando, etiam millies repetito? Error est causalitates vestras illas formales, physicas esse: & ideo illis vestris causis formalibus accidentalibus denegamus omnem physicam entitatem productam. Sola causa efficiens physica est: effectus, de quo hîc agitur, physicus est: igitur pro illo nihil efficitis cum vestris illis causis formalibus. Sic, mi Pazzi, sic distinguendum est inter causam efficientem & causas formales. Sed ne incalescat, si placet, disputatio, super hanc distinctionem. An non dixit tibi Philalethes noster esse me indolis impatientissimæ novitarum? Jaffer mihi novum illum explicandæ sanctificationis modum, quem promisisti.

XXVI.

Contendi-
tu pro dis-
crimine in-
ter causam
efficientem
& formalem

PAZZIUS. Sed si pendet intelligentiâ illius novi modi ex discrimine pariter novo, quod adhuc ponit Palancus inter causam efficientem & formalem, an taceri de isto saltem discrimine potest? Sic itaque pergit, *Et ut hu-*

Quam male sentiant Aristotelici de gratia habituali. 469
jusmodi distinctionem percipere possis, si velis, nota hanc
utriusque causa differentiam, quod causa formalis dum præs-
tat subjecto suum effectum formalem, non se duplicat, aut
multiplicat, sed eadem ipsa per se ipsam cum subjecto con-
stituit suum effectum formalem. Tum venit ad causam effi-
cientem & de illa sic ait. Attamen causa efficiens, licet sui
formam, aut naturam communicet passio sibi subjecto, non
hoc facit, nisi se duplicando, aut multiplicando in duas vel
plures, si sint plura subjecta, quibus suam formam, aut na-
turam communicare conatur. Audis, concipis, mi Rocchi?

ROCCHIUS. Audis, concipis, Domine Philalethes?

PHILALETHES. Plenum mysterii est hoc discrimen: unde mirum non est, si non concipitur illico, ut auditur.

ROCCHIUS. Quod mysticum vocas, Domine Philalethes, ego minùs urbane, sed magis vere meraphoricum dicerem. At non amo in rebus physicis istas meraphoras. Quid igitur an ego non fui hætenus causa efficiens plurimorum effectuum, nec tamen unquam multiplicatum me vidi? Quia dum hæc loquor, numquid sum causa efficiens meæ vocis, neque tamen me multiplico? Ipsa potiùs causa formalis meæ vocis, id est, ut Aristotelice loquar, *vocalitas*, ipsa est quæ se multiplicat. Videte, Domini mei, quot voces in his dialogis nostris edidimus; & nihilominus qui tres ab initio fuimus, tres nec plures sub finem erimus. Sed, mi bone Pazzi, nunquamne veniemus ad novum illum nostræ sanctificationis modum, quem ex Palanco promissisti. Rumpe moras.

PAZZIUS. Parce moris, mi Rocchi. Quidquid præmisi de discrimine inter causam efficientem & formalem, præmitti debuit: multa sunt quæ mens non capit, nisi parata fuerit. Jam itaque tandem sto promissis. Audi Palancum. Unde, inquit, cum Deus homines Deos facit, hoc facit duplicando quodammodo Deitatem: nam per suam Deita-

XXVII.

Falsum est causam efficientem se multiplicare in suo effectu.

XXVIII.

Affertur novus modus theologicus exdicandi effectus rationis sanctificationis.

tem, qua est talis per essentiam, efficienter communicat hominibus Deitatem participatam, facitque illos Deos per quandam altissimam participationem: ubi certe resultat duplex Deitas, una talis simpliciter & per essentiam, qua Deus essentialiter Deus est, alia participata in anima tanquam imago Deitatis increata, qua homines Dii per participationem constituuntur. Ac tum hanc expositionem amplificat Doctor noster similitudine ista sequente. *Et similiter cum Deus justus homines justos facit, non facit eos justos eadem ipsa justitia, qua ipse justus est per essentiam; sed alia justitia distincta efficienter in ipsis causata, qua est participata efficienter ex divina & increata justitia.* Jam itaque habes quod toties rogasti; & vides qualiter anima sanctificetur per duplicatam in ipsa quodammodo Deitatem.

ROCCHIUS. Imo, Domine Pazzi, nondum habeo quod rogavi: nondum quicquam obtinui, donec adhuc per te obtinuerim clariorem notitiam Deitatis in anima duplicatæ.

XXIX.
Affertur exemplum peritum à generatione leonis.

PAZZIUS. Obtinebis fortè illam, mi Rocchi, per exemplum familiare, quod Palancus adjungit. *Cum enim, inquit, leo efficit leonem, & quodlibet animal suum simile, non illud efficit nisi duplicando, aut multiplicando suam naturam & formam in passio, vel in pluribus passis sibi subjectis, unde illis dictum est, Crescite & multiplicamini & replete terram.*

ROCCHIUS. Sed dum ais, *Obtinebis fortè illam;* &c. an non illud forè à te de industria dictum est?

PAZZIUS. Sic plane, quia timui ne fores unus eorum, pro quibus timuit Palancus ne non-suaderentur, & capropter hinc omisit multa, quæ trinam non omisisset. Mitto, inquit, innumera, qua hic inserere possem pro vobis: explicanda doctrina Aristotelica de causa efficienti & formali: timeo enim hujusmodi laborem ad vos persuadendos fore frustraneum. Sed forè, (iterum dico forè) suadebi-

Dial. 79.
u. 6, 9.

Quàm male sentiant Aristotelici de gratia habituali. 471
 mini, quia scitote, ut alibi scripsit, *non defuturos Theologos sapientiores, qui efficacius longe contra vestrum gratia systema ex locis theologicis militabunt ipsumque debellabunt.*

Dia l. 83. n
 688.

ROCCHIUS. Ego verò nolo prædictioni prædictionem opponere. Nolo vaticinari fore aliquando Theologos Atomistas, quorum sapientia vestris illis Theologis sapientioribus prævalebit. Tantùm dico, mi Pazzi, nunquam eventurum esse, ut mihi suadeatur doctrina, quæ hîc mihi à te proponitur circa sanctificationem nostram ex Palanco, si expectanda sunt tempora, quæ sapientiorum illo Theologum ferant; illa esse remotissima conjicio & forsitan nunquam ventura.

XXX.
 Nulla est
 probabilitas
 in præmissis
 modo theol
 ogico.

PHILALETHES. Sed jam, Domini mei, non est vobis ultra in his vaticiniis aut urbanitaribus hærendum; non sic disputatio promovetur; sed sic inaniter tempus præterfluit properatque ad noctem. Tuum est, Domine Rocchi, declarare, cur tibi suaderi non sinas novum istum sanctificationis modum, quem attulit Pazzius ex Palanco: ego verò interim quæram apud memetipsum iter, quo possim vos, quamquam infinite discordes, ad idoneam consensionem perducere.

ROCCHIUS. Itaque ut obtemperem Domino Philalethi, declaro tibi, mi Pazzi, non posse ferre me prophænum illud, quod attulisti pro explicanda sacrosancta sanctificatione nostra, exemplum leonis efficientis leonem. Quid tam pura, tam spiritualia Dei sanctificantis & animæ sanctificatæ commercia possunt commune habere cum tam impuris tamque carnalibus genituris leonum? Condonare tamen exemplum, quamquam indecens, si veritate aliqua niteretur. At nihil magis ab omni physica veritate distat, quàm quoddam leo dum efficit leonem, multiplicet suam naturam & formam in passis, vel in pluribus passis sibi subjectis. Verum equidem est, quoddam quando germen seminis leonini effusi & idonee recepti evasit in alterum

XXXI.
 Oſtenditur
 quàm inuti
 leae indeco
 rum sit exē
 plum geni
 turæ leonum

leonem, tunc in eorum natura sunt duo leones, generans & genitus; atque ita multiplicantur leones; sed tum nec anima leonis generantis, nec corpus ejusdem multiplicatur; alia quippe anima omnino est, aliud quippe corpus omnino est leonis geniti. Quomodo igitur vere ac physice loquendo leo generans multiplicat suam naturam, aut formam? Tam nihil leonis generantis est in genito, quam nihil geniti est in generante: ac proinde leo generans multiplex non evasit; univertatem suam retinuit: nisi potius unitatis suæ aliquid amisit per effusi seminis actionem. Atque hinc patet sensus, in quo accipi debeat quod scriptum est, *crescite & multiplicamini*, scilicet per multipliciter individuum, quæ multipliciter physicam naturam secum importat, licet in una quadam similitudine convenientium, propter quam leonum omnium natura, licet nullatenus physice sit una, logice tamen, aut metaphysice, id est, prædicabiliter, aut prædicamentaliter dicitur una.

XXXII-
Nec intelli-
gi potest illa
multiplicatio
Divinitatis
quæ si i pl.,
hæc in iustis.

Quare, ut vides, mi Pazzi, valde differimus, nisi præmissum exemplum leonis efficientis leonem sicque multiplicantis *suam naturam & formam*, referas ad sensum logicum, aut metaphysicum à quæstione præsentem alienum. Deinde adhuc minis fero quod audio de Deitate in nobis efficienter multiplicata, & in hunc modum à nobis participata: nam illa quæ à nobis participatur aut est illa ipsa, quæ se tradit participandam, aut non est illa ipsa, sed alia? Si *primum*: nostra Deitas esset increata & essentialis, cujusmodi est illa, quæ se tradit participandam. Si *secundum*: illa quæ se tradit participandam, & quæ videlicet increata est & essentialis, non se multiplicat. Sed neque magis multiplicare se potest iustitia divina: & ideo, Domini mei, non est possibile, ut mihi placeat aliquando modus iste novus, ita crudus & ita durus explicandi nostram sanctificationem, quæ à Deo est. Sed quale tandem est illud iter,

Quàm male sentiant Aristotelici de gratia habituali. 473
iter, Domine Philalethes, quo vis hæc duo capita tam
dissensientia in consensum perducere?

PAZZIUS. Aut nullum, aut longum erit hoc iter,
Domine Philalethes; & est jam diei serum, ut vides.

PHILALETHES. Si mihi non vacat ire per iter, ibo
per semitam, quæ est via compendii. Audite me, Domi-
ni mei. Scriptum est. *Ego dixi, Dii estis, & filii Excelsi*
omnes: quem locum interpretantur omnes Sancti Patres
ac Theologi de hominibus, qui ambulant coram Deo in
sanctitate & iustitia. Itaque dum sancti, sive iusti sumus,
Dii sumus, & filii Excelsi sumus: neque alius esse potest,
quàm Deus, qui nos deificet & affiliet sibi: sed neque nisi
nos assimilet sibi, quomodo deificabit nos, aut affiliabit?
atque ita unus est & idem modus, quo sanctificamur, quo
iustificamur, quo deificamur, quo affiliamur, & quo assi-
milamur. Assimilari autem Deo nisi per intellectiones &
affectiones non possumus, quæ sunt operationes mentis &
voluntatis: & quæ sunt ordinis naturalis aut ordinis su-
pernaturalis pro effectu assimilationis aut naturalis, aut
supernaturalis: de ista loquimur. Igitur quando Deus ho-
mini revelat supernaturalem aliquam veritatem speculati-
vam aut practicam, tunc homo per suam illius veritatis
cognitionem assimilatur Deo; sed nondum satis ad sanc-
tatem.

Pergit Deus & illi homini revelat motiva supernatura-
lia talis veritatis seu simpliciter credendæ, seu in praxim
aliquam reducendæ; his motivis ita cognitis homo incen-
ditur, uriturque affectu credendi & operandi, ut opus est.
Intelligite postmodum hominem generatim instructum
omnibus his, quibus par est, supernis affectibus ad cogni-
tionem & operationem virtutum: sicque in eo videbitis
hominem Deo assimilatum; scientem scilicet res divinas,
& propensum atque ardentem pro illarum praxi; nempe
proclivem ad opera iustitiæ, misericordiæ, clementiæ:

O o o

XXXIII.

Qualiter
possit intelli-
gi præmissa
multiplicatio
Psalm. 81. 6.

XXXIV.

Adhuc magis
exponitur
præmissa
multiplicatio
Divinitatis
in iustis.

item ad opera fidei, spei, charitatis: item ad opera humilitatis, temperantiæ, ac generatim omnis pietatis. Tandem per præmissas intellectiones & affectiones supernaturales Deus assimilât sibi hominem, affiliât sibi hominem, efficitque illum, ut Deum alterum. Hinc vides, Domine Rocchi, Deum in homine duplicatum; & hominem per hanc duplicationem Divinitatis sanctificatum, sicut aiebat Pazzius ex Palanco. An hîc aliquid reprehendis?

R O C C H I U S. Reprehendo nihil: & miror te opinionem illam crudam & duram ita digessim ac emolliis, ut ab illa mihi posthac non liceat dissentiri.

XXXV.
Opponitur
qualiter ad-
huc opus sit
entitatibus
productis.

P H I L A L E T H E S. Ecce igitur inter vos, Domini mei, consensus, quam promisi.

P A Z Z I U S. Pace tuâ dixerim, Domine Philalethes consensionem adhuc nullam hîc esse inrer nos; quia opinionem nostram ita extranee vestiisti, ut nulla egere videatur entitate producta, quæ sit sanctitas à Deo effecta; nulla pariter entitate producta, quæ sit justitia à Deo effecta: & ita de cæteris virtutibus, quas falsum erit effici à Deo in nobis, si non sunt entitates à Deo productæ in nobis. Talium entitatum meminisse debuisti, & consensissem.

P H I L A L E T H E S. Sed, mi bone Pazzi, si meminissem illarum, quid de illis dicere potuissim, nisi nihil in illis, siquidem omnis intellectiois & affectionis expertibus esse similitudinis cum Deitate: ac proinde per eas non posse hominem Deo assimilari, & ita nec duplicari posse per eas Deitatem in homine ad illius sanctificationem, sicut aiebas. Quare per mentionem entitatum talium prætermisam opinioni vestræ favere volui.

XXXVI.
Non posset
anima fieri
similis Deo
per tales en-
titates.

R O C C H I U S. Ac præsertim, ut advertebam, favere illi voluisti, quando prætermisisti dicere, quod si sanctitas hominis explicanda esset per entitatem productam, quæ illum assimilaret & affiliaret Deo, esset pariter explicanda

Quàm male sentiant Aristotelici de gratia habituali. 475
impietas hominis per entitatem productam, quæ illum assimilaret & affiliaret Diabolo. Hæc autem entitas esset pariter spiritualis, ideoque creata: quis, si placet, illam crearet? an homo impius? an Diabolus? an Deus? quid ais, mi Pazzi?

P A Z Z I U S. Aio tempus non permittere, ut quæramus accessorias lites: hæreamus in principali, quæ est de sanctificatione, quam Deus in nobis efficit: & quam utique non efficeret; si nullam in nobis produceret entitatem quæ sit entitas sanctitatis. Atque hoc clare demonstrat Palancus his verbis. *Præterea actio Dei justificativa vel est omnino infœcunda in genere causa efficientis, qua Deus nihil prorsus efficit, nec producit, nec operatur ad extra; vel est in genere causa efficientis vere factiva, productiva & operativa alicujus effectûs ad extra.* Dial. 80.
n. 483.

Ac tum sic pergit. *Si primum. Quis tam turpiter erravit ut diceret Deum hominem justificare per actionem omnino infœcundam in genere causa efficientis, qua nihil efficiat, operetur aut producat ad extra? Si secundum. Ergo ut justificet in genere causa efficientis eget effectû à se operato, facto vel producto, quo nos formaliter justos faciat: animaque eget tali effectû in se producto vel facto, ut per illum formaliter justificatur. Quid clariùs?* XXXVII.
Opponitur
quod actio
Dei sanctifi-
cantis esset
omnino in-
fœcunda.

R O C C H I U S. Clarior est Luna hæc argentea, quæ exoritur & inonet nostrum festinari reditum oportere.

P H I L A L E T H E S. Oportet plane: nam hac nocte ego & Pazzius apud nostrum Mathematicum, apud quem nulla, mi Rocchi, erit tui oblivio, convivamus; neque jam, ut opinor, sumus inexpectati. Et ecce itur valde festinanter, ut optas.

R O C C H I U S. Quare opus est, ut ego etiam festinanter dicam errare hîc magis, quàm ullibi, Pazzium nostrum, quando putat Deum nihil in nobis efficere, si aliud nihil efficit, quàm ut ipsum cognoscamus, quàm ut ipsum XXxviii.
Afferuntur
plurimi effec-
tus gratiæ di-
vinæ sancti-
ficantis.

O o o - ij

amemus, & quidquid præter ipsum amari præcipit. Si Pazzio creditur, Deus est infœcundus, licet efficiat in nobis & nostras omnes cognitiones de ipso, & nostras omnes affectiones pro ipso: pro nullo divino effectu computat consensum fidei, affectum fidei: consensum spei, affectum spei, & ita de omnibus consensibus nostris, atque affectibus virtuosis. Affectus tandem sanctitatis secum virtutes omnes habentis nihil est, nisi sit entitas aliqua producta & accidentalis prædicamentalis Aristotelica. Vult hujusmodi entitatem aliquam accidentalem, prædicamentalem Aristotelicam quæ sit justitia: aliam quæ sit misericordia; aliam quæ sit humilitas; aliam quæ sit temperantia; aliam quæ sit fortitudo; aliam quæ sit fides; aliam quæ sit spes: aliam quæ sit charitas; & ita sine fine, quia divinarum virtutum & ab hominibus sanctis participabilium nullus est finis. Vult itaque fœcunditatem divinam consistere in productionibus talium entitatum accidentalium, licet aliàs impossibile & inutile ad effectus intentos, ut millies dixi.

XXIX. P A Z Z I U S. Ut millies dixisti & nunquam probasti: nam quando quis est justus, est-ne justus formaliter per justitiam divinam essentialem? minime. Igitur est justus per justitiam participatam & accidentalem & productam à Deo: atque ita de virtutibus cæteris.

Contendit
Adversarius
justitiam
participatam
esse entitatem
productam.

R O C C H I U S. Quando quis est justus, mi Pazzi, non aliter justus est, quam per affectum ad opera, quæ sunt justitiæ: talis autem affectus non potest esse, sive formaliter, sive non formaliter entitas illa, quam ais productam: hæc enim entitas nec est intelligens, nec vitalis, nec meritoria, &c. ille verò affectus nec est sine intelligentia, nec est sine vita, nec est sine merito, &c. Quomodo igitur possunt vestri Aristotelici sic affectus spirituales, in quibus consistunt virtutes hominem sanctificantes, exponere per entitates productas, quæ sunt omnium affectuum incapaces.

Quàm male sentiant Arist. de gratia habituali. 477
ces, omniumque perfectionum ad spiritualitatem spectantium?

P A Z Z I U S. Et quomodo possunt vestri Atomistæ resiliire ab istis entitatibus productis, sine quibus non possunt loca sacrorum Bibliorum ac Conciliorum plurima, quæ Palancus affert, exponi salvâ fide catholica: scopulus hic est, ad quem feros fluctus omnis Atomisticæ pertinaciæ frangi oporteat.

XL.
Affirmat etiam multa esse loca Sacræ Scripturæ, quæ probant tales entitates.

P H I L A L E T H E S. Sed ecce, mi Pazzi, Rocchium ædibus suis reddidimus; & ire celeriter oportet ad nostrum hospitem. Vale Domine Rocchi: cras erit ad fores tuas rheda mea statim à prandio, veniesque apud me, ubi consuletur de loco magis idoneo ad finiendam imperturbate disputationem, quæ cepit hodie agitari.

P A Z Z I U S. Vale, Domine Rocchi.

R O C C H I U S. Valet, Domini mei, sitque vobis in salutem multam longa illa cœna quæ vos expectat: mihi, cui adhuc medice vivitur, erit brevis, & uno alteroque vini haustu complebitur.





DIALOGUS XIX.

QUAM BENE SENTIANT ATOMIS-
tæ de gratia habituali.

Personæ Colloquentes.

PHILALETHES, ROCCHIUS, PAZZIUS.

I.
Proluditur
ad disputa-
nem de gra-
tia habitua-
li sciendam

PHILALETHES. Amor, qui sui juris esse ho-
minem non sinit, eripuit me vobis, Domini mei, du-
rante biduo : amor erat rerum amici longa lite afflictus, qui
ope mea suos apud iudices indigebat. Sed ecce tandem
vester sum hac die tercia, voluique vos in meam hanc
suburbanam solitudinem esse perductos, ubi tutus erit ab
omni perturbatione noster dialogus : ac tum quia illius in-
prolixitatem trahendi manifesto indicio sunt autoritates
plurimæ, quas ad rem suam relaturum te promissisti, Do-
mine Pazzi, aggredere, oro, statimatque sederimus.

ROCCHIUS. Parum est, Domine Philalethes, quod
Dominus Pazzius plurimas ad rem suam autoritates re-
ferendas promiserit : id condonarem, nisi etiam commi-
natus fuisset, & accumulandas quidem ac obdurandas in-
scopulum, ad quem collidi ex integro Atomismum ne-
cesse sit. Fallor : non his verbis, sed aliis, quorum memini,
miniacioribus ac durioribus usus est, *Ad quem*, aiebat,
feros fluctus omnis atomistica pertinacia frangi oporteat.

II.
Promittuntur.

PAZZIUS. An hæc ipsa sint, an non hæc ipsa sint ;

nihil interest ad me, qui utique his verbis aut similibus nolui, nisi expressam esse fiduciam; qua valde arbitror Atomistas tandem convictum iri, non posse videlicet sacras illas omnes auctoritates, quas lego apud Palancum, exponi sine recurſu ad entitates deſuper productas, & animæ inhærentes, quæ conſtituant illam formaliter ſanctam, juſtam, miſericordem, fortem, temperantem, fidelem, ſperantem, &c. Videris autem, mi Rocchi, pace tua dixerim, in verbis illis meis, aut non meis rixam expiſcari velle acceſſoriam, quæ nos à principali removeat. Si veniam non habet inter nos impetus colloquendi, pereundum eſſet, ſiquidem certandum pugnis poſt verba.

ROCCHIUS. Ne irſcaris, Domine Pazzi; nihil hic à me dictum, niſi animi gratia, & in argumentum brevis proludivi. Cæterum claude illud & illico per auctoritates, quas non jam comminaris, ſed conſidis obtenturas à me palman conſiſtionis.

PHILALETES. Age, oro, mi Pazzi. Noſti æmulum tuum amare proludivi, & in proludivi hilaritates ac jocofitates, quæ in longum irent, niſi per gravem tuam ſerianique indolem illas retineres. Age itaque.

PAZZIUS. Itaque dico Palancum expreſſe inſtituiſſe dialogum ſeptuageſimum quintum ad probandum, *tantum quid fide certum, dari accidentia ſpiritualia, præſertim ſupernaturalia & infuſa*: quæ utique ſunt accidentia gratiæ habitualis, ſanctitatis habitualis, juſtiſtiæ habitualis, miſericordiæ habitualis, &c. de quibus inter nos hodie ſermo eſt. Vide autem, mi Rocchi, quomodo illa probet ſuo Atomistæ. *Ille probo*, inquit, *primò ex ſacro textu, in quo frequenter reperitur aliquid nobis donari à Deo, quod nomine doni vel donorum exprimitur, juxta illud*, Omne donum perfectum deſiſitum eſt deſcendens à Patre luminum. *Et illud ſecunda Petri*, Magna & pretioſa nobis promiſſa donavit, ut per hæc efficiamini diviniæ conſortes na-

tur auctoritates, quibus non poſſit contradici.

III.
Aff: runtur tres auctoritates, ſed antea diſcuſſæ, & ideo omittendæ.

turæ. *Et illud Joannis*, Videte qualem charitatem dedic nobis Pater ut filii Dei nominemur & simus. Quas tres autoritates

R O C C H I U S. Quas tres autoritates, mi Pazzi, omittere potuisti, siquidem inter nos nuper discussas, quum agebatur de gratia actuali; cui tu equidem tribuebas notionem entitatis productæ stabilitam in hac ipsa notione doni supernaturalis: ego verò contendebam innumera esse dona & materialia & spiritualia, quæ secum nullatenus afferunt notionem ullius entitatis productæ: meminitque haud dubie Dominus Philalethes illius nuperrimæ discussionis simul ac decreti, quod de illa tulit.

I V.
Possunt esse
multa dono-
rum genera
sine entitati-
bus produc-
tis.

P H I L A L E T H E S. Memini saltem promissorum, præceptorum, consiliorum, monitorum, documentorum, &c. quæ tam in ordine supernaturali, quàm naturali aiebas posse dari & recipi, quin essent entitates de novo productæ & inhærentes aut danti, aut recipienti. Nec hac in re tibi potui dissentire, sicuti nec potui apud me non inferre anticipare, quòd tam gratia habitualis, quàm actualis potest esse, uti revera est, donum divinum, & nihilominus non esse quid entitative productum, & inhærens animæ, sicut Aristotelici crasse, ut ita loquar, & materialiter cogitant. Quare ut omnis repetitio caveatur, oro te, mi Pazzi, ut velis gradum ad alia testimonia facere.

Dial. 75.
n. 646.

P A Z Z I U S. Memineram, Domini mei, antea hæc hujus contentionis; sed illius plenæ decisioni deerat, quod fortè accessurum hodie ominabar; sed quia non vultis aliquid repeti; quin etiam vultis caveri occasionem aliquid repetendi, obsequar & transibo ad autoritates sequentes. Sic igitur pergit Palancus. *Secundo quia in sacris scripturis frequenter reperitur Deum diffundere in cordibus nostris charitatem & spiritum gratia, juxta illud, Et effundam de spiritu meo super omnem carnem. Et illud Zacharia, Et effundam super Domum David & super habitatores Jerusalem*

Quàm bene sentiant Atomista de gratia actuali. 481
 Ierusalem spiritum gratiæ. Et illud Apostoli, Charitatis Dei, quæ diffusa est in cordibus nostris per Spiritum Sanctum. Ex quibus testimoniis Palancus sic argumentatur. Certe, inquit, id quod diffunditur in animabus, seu cordibus hominum, aliquid est re ipsa distinctum à Deo & ab anima, in qua diffunditur: non certe aliqua substantia: ergo aliquid reale accidentale, seu aliquod accidens reale realiter superadditum anima. An aliquid idonee responderi ad discursum ita communitum potest?

ROCCHIUS. Respondeti valde idonee potest illum discursum omnino esse immunum, si non aliunde muniretur, quàm ex citatis locis, in quibus de accidentali vestra illa entitate Aristotelica explicatis tu & tui omnes Aristotelici erubescere deberetis. Ecce de spiritu divino scriptum est, quod effundatur super omnem carnem: de spiritu gratiæ scriptum est, quod effundatur super habitatores Ierusalem: & vos spiritum illum divinum, spiritum illum gratiæ affirmare auderis esse aliquam entitatem accidentalem productam, insubstantentem, fragilem, nihil intelligentiæ, nihil affectionis habentem. Sicne rem divinam, qualis est spiritus ille divinus, qualis est spiritus ille gratiæ cum re, quæ intelligentiæ divinæ, imo humanæ nihil, voluntatis nihil, sapientiæ nihil, prudentiæ ac discretionis nihil habet, confunditis? Sicne cum huiusmodi re, si quæ tamen res est, confunditis charitatem divinam, quæ diffunditur in cordibus nostris per Spiritum Sanctum?

Intellige, mi Pazzi, sanctificationem nostram effectum esse operationis divinæ, operationis supernaturalis & increatæ: & ne deinceps illam tribuas operationi creaturæ ullius. Operatio divina illa est, quæ in cordibus nostris diffunditur: hanc voca *gratiam*, hanc voca *charitatem*, hanc voca *justitiam*: bene est; quia illa est, quæ nos & gratos & charos, & iustos efficit: sed cave ne his titulis dones entitatem illam fictam accidentalem, quæ nec ipsa

V.
 Ostenditur præmissa loca non posse intelligi de ulla entitate producta.

VI.
 Qualiter nostra sanctificatio fit effectus operationis divinæ.

esse ullatenus Deo grata potest, aut chara, aut iusta, & ideo excellentiæ nullius est sufficientis ad efficiendâ in nobis opera gratiæ, charitatis, iustitiæ, &c. Videris, Domine Philalethes, inclinare satis in hoc responsum.

PHILALETHES. Inclino equidem; sed nondum satis: quia fieri potest, ut authoritates, quæ afferendæ supersunt, inlectant me in partem alteram. Tantum interim aio entitatem istam accidentalem, pro qua Peripatetici militant, esse creatam, factam & veluti constructam pro ædificio nostræ sanctificationis; quæ notiones ita infimæ valde contradicunt notioni tam sublimi, quæ in nobis est Spiritus Sancti & omnium divinarum operationum illius. Unde sit ut diffusio, si quæ est entitatis illius, non possit accipi pro diffusionem Spiritus Sancti, nisi abusive.

VII.

Favet isti
nostræ opi-
nioni autho-
ritas S. Basi-
lii.
Lib. 5. contra
Jannetium.

ROCHUS. Habes, Domine Philalethes, tuæ huius conjecturæ authorem S. Basilium, qui loquens de Spiritu Sancto, quem Deus copiose per Jesum Christum super nos effudit hoc verbum *effudit* sic interpretatur, *Effudit, non creavit; largitus est, non fecit; dedit, non construxit, &c.* At illa entitas, si quæ est, creatur, fit, construitur. Alia igitur, quàm huius entitatis effusio est illa, quam sacra Scriptura vocat effusionem Spiritus Sancti, & cui debere ferri acceptam passim & ubique clamat omnem sanctitatem nostram. Et jam, si placet, perge, Domine mi Pazzi, ad reliquas Scripturæ authoritates.

PAZZIUS. Pergam, non antè tamen, quàm dixerim nihil in hoc esse inconvenientiæ, quod simul intelligamus in anima fieri & effusionem Spiritus Sancti, & effusionem entitatis illius spiritualis accidentalis productæ, de qua est sermo: scilicet effusionem utramque, ut par est, fieri respectu ad modum diversum, quo potest fieri: sicque simul essent in anima quæ illæ effusiones, una dominans & efficiens, altera serviens & effecta. Hinc autem posset utrique illi effusioni nostra sanctitas tribui; sed aliter

Quàm bene sentiant Atomista de gratia habituali. 483
atque aliter, nempe priori efficienter, posteriori formaliter. Jam pergo.

ROCCHIUS. Perges modò, mi Pazzi, sed antè audi vanam omnino esse tuam cogitationem de illa duplici effusione: altera esset superflua & inutilis, illa scilicet talis entitatis creatæ. Esset equidem superflua; quia cogitari nisi temere non potest operationem divinam, per quam Spiritus Sanctus sese in animam effundens vult in ea parere sanctitatem, esse insufficientem ad talem effectum, ac simul egentem subsidio alicujus entitatis creatæ pariter in animam effundendæ. Esset etiam inutilis hujus entitatis effusio ad sanctitatem in anima qualitercunque efficiendam; quia videlicet sanctitas animæ est formaliter affectus animæ ad omne bonum: talis autem entitas non est iste affectus, ut patet: item non habet quicquam commune cum isto affectu, qui rationalis, supernaturalis, meritarius est: talis autem entitas excellentiam nullam habet hujusmodi.

PHILALETES. Poteras, mi Rocchi, superfluitatis hujus & inutilitatis exprobrationem, rem toties dictam, omittere. Noli tu ipse superflue, aut inutiliter remoram facere relationi autoritatum cæterarum. Prosequere igitur, mi Pazzi.

PAZZIUS. Prosequor, scilicet referendo verba ipsa nostri Scriptoris. Tertiò, inquit, *quia etiam in sacris scripturis frequentissime reperitur Deum justificare impium & animam sanctificare: quod omnes Patres & Theologi intelligunt, non eo sensu quòd Deus nos sanctificet formaliter per eam ipsam sanctitatem & justitiam substantialem, qua Deus sanctus est & justus, sed in genere, causa, efficientis, efficiendo nos sanctos ea sanctitate & justitia, qua nos justos facit.* Hinc autem concludit sanctitatem nostram esse sanctitatem effectam, quam utique, cum substantialis non sit, accidentalem esse necesse. Ergo, inquit, *est sanctitas*

VIII.
Ommino
esset inutilis
altera è duobus
illis effusionibus.

IX.
Referunt
alix aucto-
ritates sacre
Scripturæ.
Ibid. n. 646;

accidentalis, seu accidens reale sanctitatis, realiter animæ adjectitium ab eaque realiter distinctum. Quomodo itaque jam effugies, mi Rocchi, accidentalitatem productam nostræ sanctitatis?

X.
Entitas
illa produc-
ta non possit
animam sanc-
tificare.

ROCCHIUS. Si possem evadere sanctus, mi Pazzi, per talem accidentalitatem productam, non illam effugerem, sed insequerer. At scio evadere me sanctum non posse, nisi per supernaturalem animæ meæ affectum ad omne bonum: & similiter scio non posse in me accendi aliter affectum istum, quàm per splendorem & ardorem divinæ cujusdam supernæ illuminationis repræsentantis mihi omne illud bonum, & suadentis amorem illius. Fac itaque, si potes, ut talis accidentalitas producta, sit iste affectus, aut ut affectum istum commoveat repræsentando mihi bonitatem illam & amabilitatem illius cum vi ac claritate, ut par est, supernaturali, fac, inquam, hoc totum, si potes, & fatebor illico sanctitatem nostram aliud nihil esse, quàm vestram illam accidentalitatem productam. At id quomodo facere poteris, quando nec à Deo fieri potest, ut entitas omnis rationis expers aliquid aut meæ menti ostendat, aut voluntati suadeat?

XI.
Anima non
est sancta, ni-
si quatenus
affectu su-
pernaturali-
ter ad omne
bonum.

PHILALETHES. Et hæc quoque responsio toties data est, ut præteriri potuerit. Vel præsertim, quia Pazzius surgit illico & instat dicens nihil rationis in accidentalitate illa producta requiri, quia non causat efficienter sanctitatem, sed tantum formaliter: tu verò hanc causalitatem formalem habes pro mere objectiva: vel ais animam esse formaliter sanctam per hoc unum, quod est affectu supernaturaliter ad omne bonum: & istum affectum supernaturalem, qui vitalis est, rationalis & meritorius, probas esse quid omnino aliud ab accidentalitate producta, de qua hîc agitur. Quem in modum videtis, Domini mei, quod hæc & similia toties disputata repeterentur hîc inutiliter: quare oro vos non immorari deinceps in istis tam sæpe tritis contentionibus.

Quàm bene sentiant Atomistæ de gratia habituali. 1485

ROCCHIUS. Sed si authoritates, quæ afferuntur, in veterem aliquam contentionem nos trahunt, quid agendum? malo iterum contendere, quàm authoritatem in sensu aliquo reprobo intellectam admittere.

PAZZIUS. Audi, mi Rocchi, aliam novæ contentionis materiam. *Quarto*, inquit, Palancus, *quia sæpe etiam in sacro textu reperitur Deum regenerare nos in filios, nosque filios regenerari & nasci ex Deo, juxta illud, Regeneravit nos in spem vivam, Et illud, Per lavacrum regenerationis. Et illud, His, qui ex Deo nati sunt: Tum subsumit Palancus & ait, Atqui hoc est impossibile, nisi anima ex Deo recipiat aliquam participationem intrinsecam accidentalem naturæ divinæ, per quam fiat consors naturæ divinæ. Ac tandem ita concludit, Ergo hujusmodi participatio naturæ divinæ in anima recepta est verum accedens reale in anima factum à Deo & ab ipsa realiter distinctum, cum substantia aliqua non sit. Novam hîc habes, mi Rocchi, materiam contendendi.*

ROCCHIUS. Si nova est materia contendendi, Domine Pazzi, erit, ut confido nova occasio profligandi accidentales illas Aristotelicas, in quibus Gens vestra Peripatetica putat consistere gratias omnes atque virtutes animam sanctificantes. Scriptum est, Domini mei, *Et creavit Deus hominem ad imaginem & similitudinem suam*: quam imaginem & similitudinem nemo est, qui non referat ad animam, siquidem spiritualement, & hac sua spiritualitatis dote intelligentem atque volentem. Unde sequitur homines esse tantò similiores Deo Creatori suo, quantò plura & altiora sunt, quæ intelligunt; quantò plura & meliora sunt ea, quæ volunt. Tum objecta ista intelligentiæ nostræ ac voluntatis spectant vel ad ordinem naturalem, vel ad ordinem supernaturalem; & hinc resultat duplex similitudo Dei cum homine, scilicet naturalis vel supernaturalis.

XII.

Pergit Adversarius referre alias authoritates. Dial. 75. n. 647.

XIII.

Quæ sit vera ratio humanæ similitudinis cum Deo.

XIV.
Quæ sit si-
militudo su-
pernaturalis
hominis cum
Deo.

Agitur jam de istâ & de ista quidem per gratiam supernaturalias ordinis obtinenda: quare jam aio animâ suâ similiter, ne ista, quando intelligit res desuper revelatas, & eas vulg ex motivis etiâ desuper revelatis: sic enim intelligentiâ & affectiones sunt supernaturali quodam modo similes divinis. Atque hæc est similitudo, propter quâ & per quam homo venit in consortium Divinitatis, in adoptionem filiorum Dei, in jus ad hæreditatem regni cælestis, ac tandem in omnes prærogativas & excellentias, quas sacra Scriptura passim tribuit felicissimo &, ut ita loquar, divinis nostræ sanctificationis statui, ad quem utique refertur illud Scripturæ, *Ego dixi, Dii estis & filii Excelsi omnes*. Venio jam ad accidens illud reale productum, quod in Scholis Peripateticis vocatur *gratia habitualis*, & quod inhætere animæ reputatur ad effectum illius sanctificandæ: ac tum in illo nihil invenio præmissæ similitudinis cum Divinitate: nihil invenio intelligentiæ, nihil invenio voluntatis.

XV.
Accidens
creatum ni-
hil talis si-
militudinis
posset con-
ferre homini

Quid igitur talis similitudinis conferre animæ aut efficienter, aut etiam formaliter posset, licet illi ex hypothesi quantumcunque intime inhæreret? Esset utique per hanc hypothesin in sinu illius; sed ibi jaceret iners, otiosum, inutile: quare nihil ad chimæram potest propius accedere, quàm quod cogitatur sanctitatem nostram, quæ actuosissima propensio est ad rerum divinarum meditationem & praxim, consistere in inertia, in otio, & inutilitate accidentis illius. Deinde ad hujus accidentis nullitatem clarius concipiendam date mihi veniam hujus exempli familiaris, quod inter res humanas accipio ex patre, qui filium suum, ut pro vero filio suo agnoscat, vult illum similem sibi esse per veriores illam ac digniorem similitudinem, quæ est notitarum & morum. Quid agit? Erudit illum vel erudiri providet in illis ipsis artibus, aut doctrinis, quas novit. Quid ultra? Suggestit illi, vel curat suggeri &

Quàm bene sentiant Atomista de gratia habituali. 487
Magistris motiva omnia, quibus incitari possit ad eadem quæ amat opera pietatis, & deinceps ad eadem quæ exercet officia sive literaria, sive mechanica, sive militaria, sive forensia, sive politica, &c.

Qua educationis via sibi & in notitiis & in motibus illum, utut potest, assimilatur; & hæc est hujus filii regeneratio quædam alteraque nativitas verior digniorque priori. Sed jam in hoc tam longo progressu totius educationis, aut in illius termino tandem obtento nullum apparet vestigium accidentis ullius Aristotelici, de cujus productione atque insinuatione in animam filii cogitaverit Pater, aut cujus productioni & insertioni filius debeat suas illas cognitiones & affectiones paternis similes: sicque tandem sine ullo tali accidente Aristotelico filius evadit doctus & pius ut pater, vel artifex, vel miles, vel Senator, vel Prætor, ut ille, &c. Neque de cætero, Domini mei, timeatis prolixitatem fusioris sermonis, quo velim applicare ad rem meam præsens exemplum.

PHILALETHES. Potes, mi Rocchi, tuo huic labori parcere. Nam uterque nostrum splendide videt mentem, quam habes hinc inferendi Deum, postquam hominem creavit ad suam illam similitudinem, quæ est ordinis naturalis, voluisse illum præ infinito amore velut iterum creare ad vetiorem ac digniorem suam illam alteram similitudinem, quam vocamus supernaturalem, & ad quam pervenit homo per lumina valde superiora sibi à Deo communicata rerum intelligendarum & agendarum. In qua tota negotiatione Dei hominem supernaturaliter educantis, & hominis supernaturaliter educati, sicque assimilari & affiliati Deo: ut ita loquar, desiccati conpendis nullam occurrere entitatem accidentalem in anima productam & ei more Aristotelico inhiærentem: ac proinde nostram hanc assimilationem, sive affiliationem divinam, nostram hanc eificationem sive participationem naturæ divinæ; & uno

XVI.

Qualiter
pater sibi as-
similat e solem
et filium.

XVII.

Hinc infer-
tur clare mo-
dus, quo
Deus sibi
assimilat su-
pernaturaliter homi-
nem.

verbo nostram, hanc sanctitatem habitualement non esse ultimum *verum accidens reale in anima factum à Deo & ab ipsa realiter distinctum*, sicut mox loquebatur Pazzius ex Palanco.

XVIII.
Arguitur, ut
probetur
gratiam nec
esse Deum,
nec animam.

P A Z Z I U S. Ita loquebar, nec adhuc Rocchius nos-
ter suo sub illo amne profluo verborum extinxit, ut fortè
putat, difficultatem stabilitam in tot locis Sacræ Scriptu-
ræ. Ardet adhuc. Nam si aliquid in anima fit, ut aliquid
in ea fieri Scriptura tam sæpe, tam clare affirmat, & id
quidem fieri ad effectum illius sanctificandæ, quid illud est?
Deus non est, quia utique Deus est, à quo illud fit: ani-
ma non est, quia utique in anima illud fit: igitur est aliquid,
quod nempe Deus est, neque anima est: & eapropter est
verum accidens reale in anima factum à Deo & ab ipsa rea-
liter distinctum, ut antè aiebam ex Palanco & hîc repeti-
tum volo.

XIX.
Exponitur
quid sit ani-
mam, esse à
Deo gratifi-
catam.

R O C C H I U S. Et hoc amo audire repetitum à te,
mi Pazzi, ut in occasione mihi sit clariùs respondendi
quid sit illud aliquid, quod in anima fit à Deo, ad effec-
tum illius sanctificandæ. Illud aliquid & est unum & val-
de multiplex. Illud aliquid est id, quod est animam esse ab
initio præventam, eruditione interna, qua Deus ipsi reve-
lat è rebus divinis eas, quas ab ipsa vult cognosci, credi,
sperari, amari; & è rebus humanis eas, quas ab ipsa vult
fieri cum humilitate, cum temperantia, cum mansuetu-
dine, &c. Est id, quod est animam esse insuper eruditam
de motivis pluribus ipsi revelatis, & ipsam ferentibus ad
idoneam speculationem, aut praxim respectivè ad res-
præmissas & obnoxias aut speculationi, aut praxi. Est id,
quod est ipsam esse pie inclinaram, & libere determina-
tam ad nihil omitrendum ex rebus illis omnibus, quas
didicit debere se speculari, aut agere. Est id, quod est ip-
sam hac determinatione præmissâ esse constanter promp-
tam, atque proclivem ad omnes actiones correspondentes
revelationibus.

Quàm bene sentiant Atomista de gratia habituali. 489
revelationibus præmissis. Est id quod est ipsa per suam hanc
promptitudinem & proclivitatem esse affectam ad omne
bonum, & ita suos habere affectus divinis similes. Est id
quod est ipsam per affectus divinis similes renovari, rege-
nerari, nasci ex Deo, affiliari, adoptari à Deo, deificari
tandem, seu naturæ divinæ consortem fieri.

Hæc omnia sane multa, & alia multò plura, quæ
possent persequi, fiunt à Deo in anima, nempe ad effectum
ipsius sanctificandæ; & tu, mi Pazzi, adhucne quæres
quid illud sit, quod in anima sit à Deo? Quæres utique:
quia totam hanc negotiationem Dei animam illuminan-
tis suæque hac illuminatione incendientis ad omne bonum,
& animæ obedientiam, qua se pie ac humiliter finit illu-
mina ri & ad illud omne bonum incendi, quæ se ad illud
promptam exhibet, & constantem, & qua se Deo totam
devovet in significationem grati animi pro tot beneficiis,
quibus se ab illo cumulatam agnoscit, totam hanc, inquam,
negociationem sanctissimam pro nulla re computabis, si
nullum in ea vides accidens reale productum, licet aliàs
ineptissimum ad initium & progressum & finem hujus ne-
gociationis totius.

PHILALETHES. Nimis exardescis, mi Rocchi.

ROCCHIUS. Imo quis potest nimis exardescere,
Domine Philalethes, in conspectu opinionis, propter
quam vir Aristotelicus putaret se beneficium nullum acci-
pere posse à Deo, nisi acciperet aliquod accidens reale,
scilicet de genere illorum, quæ in scholis Aristotelicis
propugnantur. Quare supponite mecum, si placet, homi-
nem, qui lapsus sit in præcipitium & ibi misere periturus
est, nisi retrahatur illinc à socio, qui labentem vidit. Quid
agit socius? Currit ad villam proximiorē, mutuatur fun-
nem, affert & offert unum illius caput homini pereunti;
hic applicat se funi, attollitur & redditur margini, unde
ceciderat. In hoc casu Philosophus Atomista considerat

XX.

Et hæc.
omnia fiunt
sine ope ul-
lius acciden-
tis producti.

XXI.

Hæc veri-
tas ostendi-
tur exemplo
familiaris.

beneficia multa, quæ homo ille periturus referre accepta debeat socio. Non tantum illi admovit funem, sed hortatus est bono animo esse; modum suggestit, quo se tutius applicares funi; totis viribus ad astollendum illum incubuit, nullisque conatibus pepercit, ut illi vitam servaret. Tum illi congaudet, quod è periculo tanto evaserit; si quæ habet vulnera, statim alligat; si quæ patitur animi deliquia, refocillat; ut præterea taceatur de beneficiis externis, relatis scilicet ad personas, cum homine liberato conjunctas.

XXII.

In hoc casu apparent multa beneficia sine productione ulius accidentis.

Liberator enim, dum servat suo socio vitam, servat uxori maritum, filiis patrem, nepotibus avunculum, civibus concivem, principi supditum, &c. Videte, Domini mei, quot in uno beneficio beneficia sunt. Jam verò Philosophus Aristotelista inattentis omnibus istis beneficiis à socio liberatore socio liberato collatis quæret quid illud sit, quod liberator fecit in liberato. Et quia nihil ab illo in isto factum deprehendit, nisi quoddam illius ubicationem miravit, quando illum è loco humili in altum ex tulit, ideo universa illa beneficia redigit ad hanc unicam superiorem ubicationem productam. Iterumne jubebis, Domine Philalethes, ut non exardescam, quando video Aristotelicos adhuc peius discurrentes in casu justificationis, in quo nihil respectu animæ, aliàs perituræ, arbitrantur aliud fieri, nisi quoddam Deus in illius sinu ponit unum quoddam accedens Aristotelicum: & ecce universa Dei erga hominem beneficia, quæ pene infinita sunt, ad upius accidentis Aristotelici productionem reducta.

PHILALETHES. Nolo, mi Rocchi nolo immiscere me tuis istis ardoribus: malo illos Domino nostro Pazziõ temperandos deferere.

XXIII.

Afferitur auctoritas Concilii Tridentini.

PAZZIUS. Illos temperabo, si poterò, per auctoritatem Concilii Tridentini explicantis casum justificationis & decernentis quid in eo fiat. In hoc itaque Concilio

Quàm bene sentiant Atomistæ de gratia habituali. 491
 decernitur justificationem impii fieri, *dum ejusdem*, (hæc Sess. 6. c. 4.
 sunt verba ipsa Concilii) *sanctissima passionis merito per*
Spiritum Sanctum Charitas Dei diffunditur in cordibus eo-
rum, qui justificantur atque ipsis INHÆRET ; unde in ipsa
justificatione hæc omnia simul infusa accipit homo Fidem,
Spem & Charitatem: Nota, si placer, Domine Rocchi,
 hanc vocem INHÆRET, & vide qualiter Palancus eam
 ideo providit majusculis characteribus imprimi. Deinde
 pergit & refert ex capite septimo ejusdem sextæ sessionis,
Quod justificatio non est sola peccatorum remissio, sed sancti-
ficatio & renovatio interioris hominis per voluntariam sus-
ceptionem gratia & donorum ejus.

ROCCHIUS. Da, si placer, librum, mi Pazzi.

PAZZIUS. Illum accipe. An suspicatis in me vitia-
 tionem verborum ?

ROCCHIUS. Absit hoc à me, mi Pazzi : tantum
 videre volui an Palancus etiam providisset istis postremis
 verbis characteres majusculos, ad ostendendam scilicet
 clarius in illis accidentalitatem aliquam productam. Itaque
 si tibi tuoque Palanco creditur, nullum superest Atomistis
 propter hanc utramque relatum Concilii declarationem spi-
 raculum vitæ. Ego verò in omnibus & singulis verbis utrius-
 que hujus declarationis relatæ video extinctionem Aris-
 totelicæ Philosophiæ vestræ plenariam : & expropter ad-
 vertitis me, Domini mei, ex iracundo derrepente in hilarem
 commutatum, quando ibi Atomistis salus est, unde ruina
 potuisset timeri. Tantum, oro, audite me patienter. Itaque
 juxta Concilium Tridentinum accidit in casu justificati-
 onis humanæ, quod *charitas dei diffunditur in cordibus eo-*
rum, qui justificantur: hæc autè charitas aut non est charitas
 Dei, aut est aliqua operatio Dei secretius atque intimius,
 utut fieri potest, in animam illabentis ; quæ equidem ope-
 ratio inde *charitas* vocatur, quod per eam velit ostendere,
 quantum sibi chara sit anima, quam admirabili lumine suæ

XXIV.
 Sed autho-
 ritas Concilii
 facit potius
 Atomistis.

illius secretioris atque intimioris operationis illustrat, ins-
truit, adornat, atque in speciem divinitatis alicujus com-
mutat.

XXV.
Qualiter
charitas Dei
vere inhære-
at animabus
gossis.

Hanc autem charitatem Dei affirmat Concilium *inha-
rere* cordibus eorum, qui justificantur; ut nimirum præ-
missæ divinæ operationis illuminantis simul atque inflam-
mantis, quæ charitas est, probet constantiam & perma-
nentiam in sinu animæ: atque ita subindicet discrimen
gratiæ actualis, quæ diffunditur & transit, à gratia habi-
tuali, quæ diffunditur & manet; lux prioris est instar fulguris
transcuntis; lux posterioris est instar lucis affixæ atque ideo
inhærentis. Affirmat simul Sanctum Concilium hanc cha-
ritatem Dei diffundi *per Spiritum Sanctum*, nempe ut pro
hujus amantissimæ diffusionis singulari authore atque mi-
nistro assignet hanc tertiam Sanctissimæ Trinitatis Perso-
nam, cui de more ac consuetudine Scripturarum charac-
teristice tribuuntur universa ministeria divini amoris. Cæ-
terum constat opus nostræ justificationis esse opus Trinita-
tis totius, quia scriptum est. *Si quis diligit me, sermonem
meum servabit, & pater meus diligit eum & ad eum venie-
mus & mansionem apud eum faciemus*. Cujus loci non ta-
cebo, si placet, interpretationem, quæ est S. Augustini, &

1. Joan.
14.

Aug. Tract.
76. in Joan

ad rem meam omnino. *Deus Trinitas*, inquit, *Pater, Filius
& Spiritus Sanctus veniunt ad nos, dum venimus ad eos; ve-
niunt subveniendo; venimus obediendo; veniunt illuminando,
venimus intuendo; veniunt implendo; venimus capiendo, &c*

XXVI:
Exponitur
adhuc magis
quæ sit diffu-
sio Spiritus
Sancti in ho-
m.

Sic enim clare intelligitis, Domini mei, charitatem
illam Dei, quæ *per Spiritum Sanctum diffunditur in cor-
dibus eorum, qui justificantur*, esse aliud nihil, quam
multiplicem operationem divinam, quæ gratuita est &
hinc gratia est: & hæc aut illa gratia est & vocatur, prout
animam diversimodè afficit in ordine ad virtutes diversas.
Sic illa secreta & intima operatio divina prout animam
perducit ad virtutem Fidei, est & vocatur *gratia fidei*;
prout perducit ad virtutem spei, est & vocatur *gratia spei*;

Quam bene sentiant Atomistæ de gratia habituali. 493
 prout perducit ad virtutem charitatis, est & vocatur *gratia charitatis*; atque ita de virtutibus cæteris & de gratiis ad illas cæteris, pro quarum inductione magis stabilienda, attendite, si placet, ad id, quod legitur in Proverbiis, c. 4. 18. *Iustorum autem semita, quasi lux splendens, procedit & crescit usque ad perfectam diem.*

Unde concipitur charitatem illam Dei, quæ per *Spiritum Sanctum diffunditur in cordibus eorum, qui justificantur*, esse lucem illam splendentem, procedentem & crescentem *usque ad perfectam diem*, quæ est perfecta sanctitas; sed tum illa lux ita splendens, ita procedens, ita crescens, ille ipse est splendor, de quo Propheta Regius canebat, *Et sit splendor Domini Dei nostri super nos*, & quem D. Chrysostomus sic exponit, *Unus quidem est splendor*, inquit; *sed in nos immissus*, id est, infusus, inhærens, immanens, *multos splendores producit, splendorem eleemosynæ, splendorem temperantiæ, splendorem hospitalitatis, splendorem amoris fraterni, &c.*

XXVII.
 Qualiter
 charitas illa
 Dei sic lux
 splendens.

D. Chris. in
 orat. de cate.

Quæ omnia, licet cursim dicta, si paululum attenduntur, satis insinuant qualiter accipi debeant verba sequentia Concilij affirmantis quod *in ipsa justificatione hæc omnia simul infusa accipit homo per justificationem, Fidem, Spem, & Charitatem*; id est, gratiam fidei, spei, & charitatis. Satis etiam insinuant sensum legitimum declarationis alterius Conciliariis, nempe quod justificatio fiat *per voluntariam susceptionem gratiæ & donorum ejus*: quatenus gratia, quæ suscipitur, est generatim splendor ille divinus, de quo jam aiebam, & dona gratiæ sunt omnes illi virtutum splendores particulares, quos jam enumerabam. Sed quia tandem omnes gratiæ in unum collectæ non justificarent hominem, si homo renueret illas admittere: imo nisi pie atque humiliter illas admitteret, ea propter meritò declaratum fuit justificationem in homine fieri *per voluntariam susceptionem gratiæ & donorum ejus*. Nec addo plura: fere halitus deest.

XXVIII.
 Et sic claridus
 jam exponitur
 auctoritas
 Concilij
 Tridentini.

XXIX.
Charitas Dei
diffusa non
est entitas
producta, sed
est operatio
divina.

PHILALETHES. Satis multa & satis animose dixisti, Domine Atomista. Quiesce igitur; ego verò interim pro more ac genio meo experiar dare formam aliquam breviorē tuæ amplificationi. Si tuam itaque mentem bene capio, totum id quod dixisti, ad hæc duo reducitur. *Primum* est, illam Dei charitatem, quam Concilium ait diffundi in cordibus eorum, qui iustificantur, atque ipsis inhærere, intelligi non debere de ulla entitate accidentali producta: quia videlicet illa entitas nihil esset Dei, & ita non esset Charitas Dei: tum nec in se ipsa esset chara Deo, neque nos Deo charos efficeret: quomodo enim id præstaret? Atque ita nullo titulo esset, nullo titulo vocaretur *Charitas Dei*. *Secundum* est, quòd illa charitas Dei, sive charitas divina nihil proinde aliud sit, quàm operatio quædam divina intimior, inhærentior, constantior, qua Deus suam erga nos charitatem demonstrat per cōmunicationem supernaturalis cuiusdam ferventis splendoris, tum generalis, animam perducentis generatim ad omnem virtutem: & hæc est gratia generatim accepta: tum particularis animam urgentis ad virtutes particulares: & hæc est, alia quidem gratia fidei, alia gratia spei, alia gratia charitatis, alia gratia temperantiæ, & sic de virtutibus cæteris, ad quas omnes plus minusve necesse est promptum & proclivem esse hominem vere sanctum.

XXX.
Ad sanctificationem nostram opus est susceptio-
ne voluntariæ gratiæ.

Atque in hoc sensu apertissime verificatur, qualiter homo vere fiat sanctus per voluntariam susceptionem gratiæ & donorum ejus: quæ voluntaria susceptio est voluntaria correspondentia animæ ad illam Dei charitatem, quæ ipsi infunditur & inhæret, exhibita per affectus voluntarios, & per actus ex his affectibus voluntariis prodeuntes. In quibus omnibus sive gratis ex parte animæ, nullum esse vestigium contendis, mi Rocchi, ullius accidentis realis in anima facti à Deo & ab ipsa realiter distincti: quod est, Domini

Quam bene sentiant Atomista de gratia habituali. 495
mei, grande atque unicum caput hodiernæ vestræ conten-
tionis. Sed jam quæro, Domine Rocchi, an ego in hoc
meo compendio bene affectus sum mentem tuæ ampli-
ficationis.

ROCCHIUS. Bene omnino, Domine Philalethes;
neque si voluissem ego ipse illam abbreviare, id ad rem
& mentem meam præstitissem concinnius.

PHILALETHES. Itaque gratulor mihi, quod ad rem
& mentem tuam ita prope accesserim. Sed jam inter nos
dictum sit; quis te interpretem sacri Concilij Tridentini
constituit, mi Rocchi? An nescis Autores Catechismi
Romani delegatos ad illius interpretationem fuisse. Hi
sunt iudices, quos ego & tu & quotquot Catholici su-
mus, audiendos habemus.

XXXI.
Audienda est
interpretatio
Catechismi
Romani po-
tius quam
nostra.

PAZZIUS. Et eapropter, Domine Philalethes, spre-
vi non semel apud memetipsum & risi longam illam seriem
variarum interpretationum, quas modò Rocchius attulit;
sed quas, si supir, debet submittere iudicio Catechismi
Romani. Tunc putabis, mi Rocchi, non esse præpon-
deraturam hanc unam interpretationem catechisticam &
ab universali Ecclesia receptam tuis illis tam multis tam-
que novis adinventionibus æque studiis, quibus tentasti
destruere ac detorquere in sensus atomisticos unam alte-
ramque præmissam declarationem Concilij Tridentini?
Non habes, ut novi, aded instantem spiritum. Quid ergo
ages? Quam, ut hoc primum sciam, habes opinionem
de autoritate Catechismi Romani?

ROCCHIUS. Opinor autoritatem illius esse huma-
nam, sed valde indeclinabilem; quare illi obnoxium me
agnosco; licet, ut bene nosti, mi Pazzi, non defuerint
Theologi, qui utique illi absque ulla periculo fidei, abs-
que læsione ulla rationis posse in multis contradict asserue-
runt, ac revera contradiixerint. Sed ab his controversiis
discedo, vel præsertim quia tu ipse videbis celebres illos

XXXII.
Contenditur
catechismus
Romanum
illi atomismo
favere.

Catechismi Romani Scriptores, sive scientes, sive nescientes, Atomismo nostro favisse. Neque hoc mirum est, si opus est & omnia Concilia, & omnia illorum legitima interpretamenta veritati servire.

cap. de bapt.
Sacram.

XXVII.
Quæ sint
prærogativæ
gratiæ habi-
tualis ex Ca-
techismo Ro-
mano.

PHILELTHES. Ad rem, si placet: & fac ut legam ego ipse, mi Pazzi, autoritatem, quam Palancus affert ex Catechismo Romano, Verba hæc sunt. *Est autem gratia, quemadmodum Tridentina Synodus ab omnibus credendum, pœnâ anathematis propositâ, decrevit, non solum per quam peccatorum fit remissio, sed divina qualitas in anima inharens ac veluti splendor quidam & lux, quæ animarum nostrarum maculas omnes delet, ipsasque animas pulchriores & splendidiores reddit. Atque id ex sacris litteris aperte colligitur, cum gratiam effundi dicant, &c.*

Itaque si hanc autoritatem bene capio, per eam decernitur gratiam ac præsertim habitualementem, de qua est sermo, has quatuor eximias prærogativas complecti. *Prima* est, quod sit qualitas divina. *Secunda* est, quod in animâ inhæreat, *Tertia* est, quod deleat animæ maculas. *Quarta* demum est, quod animam pulchram reddat & splendidam. Nunquid ita est, mi Pazzi.

P A Z Z I U S. Plane ita est, Domine Philalethes, & hinc meritò concludit Palancus admitti debere aliquod accidens spirituale reale productum, cui quatuor illæ prærogativæ possint convenire; huiusmodi autem accidens erit gratia illa, de qua Catechismus Romanus Concilii Tridentini fidus interpretes affirmat, quod sit *divina qualitas in anima inharens ac veluti splendor quidam &c.*

XXIV.
Tales præro-
gativæ non
conveniunt
accidenti
creato.

R O C C H I U S. Ego verò, Domini mei, contendo, quod hinc veriùs conclusisset Palancus gratiam à Concilio Tridentino stabilitam & à Catechismo Romano explicatam non consistere in ulla entitate accidentali reali producta, cum impossibile omnino sit ullam huiusmodi produci, cui præfatæ illæ quatuor prærogativæ, vel etiam levissimæ

Quàm bene sentiant Atomista de gratia habituali. 497
levissimæ quaruor talium prærogativarum umbræ conveniant. Incipio à prima.

PAZZIUS. Sed antè audies, si placet, rationem fundamentalem, qua permotus fuit Scriptor noster ad illam Aristotelicam conclusionem. *At ista qualitas*, inquit *non est nihil, nõ est qualitas increata. Est ergo qualitas producta & creata*, Dial. 1o. N. 68o.
tanquam quedam participatio Divinitatis in anima inherens, ipsamque pulchrâ & splendidam formaliter constituens.

ROCCHIUS. Audio Scriptorem vestrum tribuere adhuc tali qualitati, quod sit *participatio Divinitatis*: sicque adiicit quintam gratiæ prærogativam cæteris inferioriorem, & quam ideo longe impossibilius est convenire ulli entitati accidentali productæ. Sine jam ut de prærogativis istis loquar ex ordine. De *prima* dico, mi Pazzi, te non satis ad Aristotelismum tuum attendere, quando contendis posse tribui tali entitati accidentali productæ nomen *divine qualitatis*. Qualitas, qua, ut præclare definitis, quales efficiuntur, nec est, nec esse dicitur, nisi subiecti ejus, in quo est; entitas autem illa in Deo non est; & ideo saltem hoc titulo qualitas *divina* non est. Tum an erit *divina* titulo perfectionis alicujus ad aliquam perfectionem divinam valde accedentis? At hoc minime: cum enim intelligens non sit, quid habere commune potest cum quibuslibet perfectionibus divinis, quæ suo ex conceptu in intelligentia radicanter & illius aliquid complectuntur? An aliquid in se habet entitas illa divinæ sapientiæ, divinæ justitiæ, divinæ omnipotentæ? Quid ergo Divinitatis habet, ut dici *divina qualitas* possit? At inquires, nunquid saltem à Deo est? nunquid hinc saltem divina est? Sed anima etiam nunquid à Deo est? nunquid saltem hinc divina est? Ad quid ergo eget entitate illa, quæ si divina est, multò minùs divina est?

Veniò ad *secundam* gratiæ prærogativam, quæ est *inherendi anima*, & dico neque hanc posse propriam esse ulli

XXV.
Agiatur de
singulis illis
prærogativis
seorsim.

XXVI.
Secunda per
inde ac pri

R r r

ma non po-
rest conve-
nire acci-
denti pro-
ducto.

entitati accidentali productæ, qualem cogitis, mi Pazzi; animæ inhærere. Ratio petitur ex eo quod hæc inhæsiō, si quæ est, iners non est & otiosa, sed vivida & actiuosa; vel præsertim quia destinata est ad delendās animæ maculas, & ad illius pulchritudinem adornandam: qui utique effectus nobilissimi ac præstantissimi sunt, nec esse possunt, nisi ab activitate animæ immutante. Sed neque potest insignissima hæc immutatio esse alia, quàm motum & affectuum animæ; huiusmodi autem illa entitas inhærens nullius esse potest activitatis convenientis ad mores & affectus animæ immutandos; non enim mutantur sine deliberatione, nec deliberatio fit sine prævia rei deliberandæ notitia; item sine notitia motivorum ad illam ita deliberandam ferentium. Talem autem notitiam parere in anima nullatenus potest entitas illa, quæ notitiæ omnis experta est, etsi contra rei veritatem supponeretur in anima inhærere. Igitur *secunda* hæc gratiæ prærogativa, quæ est *inhærendi animæ* ad effectum ipsius sanctificandæ, convenire non potest ulli entitati accidentali productæ, qualem Aristotelici admittunt & vocant *gratiam habitualement*.

XXxvii.

Quæritur
qualiter acci-
dens pro-
ductum de-
leret macu-
las animæ.

Tertia gratiæ habitualis prærogativa est, *quod deleat animæ maculas*; sed antequam in hoc incumbam, ut probeam hanc vim plane mirabilem *delendi maculas animæ* propriam esse non posse ulli talium entitatum accidentalium, etiam spiritualium, productarum, quas Aristotelismus propugnat, vellem, Domine mi Pazzi, ex te audire, aut per te ex Palanco brevem aliquam descriptionem modi, quo vestra illa entitas accidentalis producta, cui tribuitis esse ac vocari *gratiam habitualement*, deleat maculas animæ. Nam si modum affers hujus deletionis idoneum, muto sententiam.

P A Z Z I U S. Si attendisses, mi Rocchi, ad superiorem expositionem catechisticam gratiæ, ibi vidisses modum, quem quæris ex me, aut per me ex Palanco audire; ibi

Quàm bene sentiant Atomista de gratia habituali. 499
didicisses gratiam habitualem lucem esse ; & hæc est lux
qua animarum nostrarum maculas omnes delet, ipsasque
animas pulchriores & splendidiore reddat. Quid vis ultra ?

R O C C H I U S. Lux illa, de qua sic affirmas, quòd a-
nimarum nostrarum maculas deleat, novus est mæ curio-
sitatis fomes, mi Pazzi ; jam enim præterea quæro à te
qualiter vestra illa gratia habitualis consistens in entitate
accidentali producta, qualiter, inquam, sit lux ; & quali-
ter ista lux deleat animarum nostrarum maculas omnes ;
sicut deinceps rogabo, qualiter illas reddat *pulchriores &
splendidiore*. Ne dedigneris hæc omnia mihi elucidare :
hac enim una via potes me in tuam illam de gratia pro-
ducta opinionem pertrahere. Quid tam seriò tamque diu
manu fronti adnoscà cogitas ?

P A Z Z I U S. Cogito ac recogito si fortè alicubi Pa-
lancus aliquid scripserit, unde satisfieri possit tuis his cu-
riositatibus importunis : & ecce memoria nihil suggerit.
Ego verò his talium subtilitatum perscrutationibus nun-
quàm me addixi ; & esse malui sicuti cæteri confratrum meo-
rum Theologorum, quibus satis est pie credere gratiam
habitualement esse qualitatem divinam, & in anima inhære-
re, & ipsam illustrare, & ipsam mundare, & ipsam deco-
rare, & in ipsa tandem præstare mirabilia multa his con-
similia ; sed de cætero circa modos occultos causalitatis
tam multiplicis tamque sublimis nihil inquirunt. Dic tu
ipse, cui lectum est quidquid scriptum est, dic, Domine
Philalethes, si meministi, quis nostrum sese modis illis re-
velandis aliquando applicuit ?

P H I L A L E T H E S. Nemo, quem sciam, de illis
expresse scripsit, Domine mi Pazzi ; sed hoc haud dubie
ita omissum est propter difficultates, quas quisque vidit in-
superabiles. Agamus bona fide : quis enim comprehendere
potest modum, quo creatura non-intelligens possit in alia
intelligente ita se gerere, ut illam ex intelligentia naturali

R r r ij

XXXVIII

Et rursus
qualiter acci-
dens illud
productum
esse lux
possit.

XXXIX.

Negligunt
Theologi A-
ristotelelica-
res curiosita-
tes inuiciles.

XLI.

Anima non
potest fieri
intelligens
per creatu-
ram non-in-
telligentem.

elevet ad intelligentiam supernaturalem, qua perducatur ad supernaturales affectus, secum importantes & animæ conferentes formam aliquam Divinitatis, præter cæteras innumeras perfectiones talis formæ comites & sequaces. Gratiā, ex hypothesi quòd sit entitas producta, cogitamus in anima, (si à rebus corporalibus potest ad res spirituales transferri aliqua similitudo,) qualiter gemmam infixam auro: tum si aurum esset intelligens, & gemma intelligens non esset, quid, licet etiam penetraret totum, quid intelligentiæ posset illi conferre? Quid claritatis & evidentiae posset illi communicare ad elevandam ejus intelligentiam? Quid persuasionis posset illi suggerere ad novam voluntatem ex nova intelligentia secuturam?

XLI.

Et ideo gratia habitualis non consistit in entitate producta.

Has itaque ac multò plures difficultates patitur sensus physicus, in quo Theologi Aristotelici accipiunt gratiam habitualement pro entitate accidentali producta; quia sic necesse est, ut gratiæ habitualis prærogativæ omnes omnino isti entitati convenient: & aliunde modus, quo convenire possint, valde ignoratur. Quare, si sapimus, mi Pazzi, convertamur nos ad Rocchium & ab illo impetremus, ut ipse nobis declaret sensum alium physicum, in quo Theologi Atomistæ gratiam istam accipiunt, & in quo præfatas prærogativas illi à Catechismo Romano ad mentem Concilii Tridentini attributas explicant independentem ab omni entitate accidentali producta. Etenim non est dubium, quin inter duo systemata gratiæ pro veriori, aut saltem pro verisimiliori habendum sit illud alterum, quod intelligibiliore modo & vires & dotes gratiæ qualescunque assignabiles exponit.

XLII.

Alius quaeritur modus explicandi gratiam habitualement.

Quare, mi Rocchi, quod paulò antè rogabas Pazzium, ut breviter tibi describeret modum, quo gratia Aristotelice accepta delet maculas animæ, hoc ipsum te rogatum volo de hac ipsa gratia considerata in vestro illo physico atomistico sensu, quem toties dilaudasti & tam alte supra

Quam bene sentiant Atomista de gratia habituali. 501
physicum alium sensum Aristotelicum extulisti. Atque ut
complete rogatui meo respondeas, fac, si placet, ut de cæ-
teris etiam gratiæ prærogativis te audiamus; sed age bre-
viter: instat enim, ut advertitis, Domini mei, hora coetus
solvendi.

• R O C C H I U S. Multa simul rogas, Domine Philale-
thes, & breviloquium jubes: possumne obsequi? obse-
quar tamen, ut potero.

P A Z Z I U S. Ad hoc breviloquium, mi Rocchi, non
parum conferet, si volueris non intricare sermonem tuum
per hujusmodi voces ad nauseam repetitas *physicum, physi-*
cam, physice, quas Palancus in Atomista suo terre non po-
terat, & de quibus ait, quod *in controversiis theologicis &*
dogmaticis abesse deberent illa syncategoremata physicum
& physice, & illorum loco poni vere, realiter, revera, pra-
sertim quando agitur de rebus spiritualibus & supernatura-
libus, de quibus mera Physica non judicat, nec ad Physicam
spectat, nisi ut subordinatur veritatibus revelatis. Et ideo
favorabilior erit etiam apud me tuus hic sermo, si afferens
modum; quo gratia aliquid operatur, aut sensum in quo
illam accipis, non addes *physicum*; sed adde, si volueris,
theologicum, verum, realem, aut quid simile: sicque cau-
tum fuit Palanco, uti quando ab Atomista suo quærebat,
An illa qualitas divina inhaerens anima in sensu theologi-
co, vero & reali sit vera realitas in anima producta, distinc-
ta à realitate & entitate substantiali ipsius anima, vel non.
Loquere jam, utere monito meo, & audiam te libenter.

R O C C H I U S. Loquar; sed proloquar, Domine mi
Pazzi, risisse me apud me quum audiivi tuam illam brevi-
loquii formam: si dixero *realiter* brevis sum: si dixero
physice prolixus sum. Si dixero *physice*, displiceo tibi & Pa-
lanco; si dixero *realiter*, placeo utrique. Quid hoc est?
video quid hoc sit: vellet vestrum uterque, si posset,
Physicam in rebus Theologicis tractandis è numero

XLIII.
Sunt voces,
quas Adver-
sarius non
patitur.
Dial. 8a.
n. 682;

XLIV.
Possunt ta-
men tales
voces indif-
ferenter ut
surpari.

scientiarū delere. Cæterū si apud nos idem est *physicum ac reale*, quid vos perturbat, quando modum aliquem, quando sensum aliquem vocamus *physicum*? Pro *physicum* substituite *realem*, si vultis; nihil interest; sed interest ut sciatis modos omnes, quibus vera gratia operatur, & sensus omnes, in quibus vera gratiæ notio accipitur, *physicus* esse, id est, reales: ac proinde ad Physicam pertinere, ut inquirat quis sit physicus sensus, in quo vera notio gratiæ accipi debeat, & quæ sit vera illius operatio physica. An fortè res spirituales, & res supernaturales non habent naturam suam? An fortè non habent ingenitam vim agendi & patiendi? Habent utique. Possunt igitur considerari per Physicam, imo considerari per illam debent, ne dum nimis abstracte aut metaphysice considerantur, tales considerationes abeant in chimeras.

PHILALETHES. Retineo te, mi Rocchi: alioquin tuum illud, quod mihi pollicebaris, breviliquium periiit.

XLV.

Ex notione gratiæ paternæ humanæ conscenditur ad divinam.

ROCCHIUS. Non periiit, Domine Philalethes: aut si quid illius per digressionē invitam periiit, per artem aliquā compensabo. Ars mea hæc erit. Cogitate in humanis patrem, qui filium pravis moribus corruptum vult ad frugem bonam revocare. Quid agit? consiliis, promissis, minis, omnibusque documentis ac motivis persuasoriis fortiter, suaviter, constanter, quandiu & quibus potest, illius & illustrat mentem & agitat voluntatem, Quid accidit? Filius ita eruditus, ita commotus priorem vitam cum meliore commutat, & actus pariter ac affectus imitatur paternos. Sic gratiam humanam & paternam pinxi, quæ quidem expropter est qualitas patris, insinuata in animam filii, eique inhærens lucis instar atque splendoris delentis maculas prioris vitæ, & novam pulchritudinem inducentis. Jam verò ex hac debili fragilique imagine humanæ huius gratiæ, quam descripsi, conscendo ad divinam, quæ illam dexteritate, suavitate, fortitudine, claritate, conf-

Quàm bene sentiant Atomista de gratia habituali. 503
tantia, &c. tam infinite præcellit, quàm Deus hominem.

Itaque si Deus per se intime atque immediate præstat in anima plus luminis, plus persuasionis, plus impulsione, quàm præstari ab omnibus creaturis intelligentibus posset, num hic habemus operationem divinam, quæ gratuita est & inde gratia est: quæ rursus vim omnem illuminandi, persuadendi, impellendi naturalem excedit, & inde supernaturalis est? sicque anima supernaturaliter illuminatur, persuadetur, impellitur, & si libertate sua non abutitur, utitur divinis illis omnibus præventionibus ad exuendum omnem affectum nequitiae; sicque per illas præventiones sancte afficitur, seu, quod idem est, sanctificatur. Redeamus jam ad catechismus Romanum determinantem ex mente Concilii Tridentini, quòd gratia sit *divina qualitas, in anima inhaerens ac veluti splendor quidam & lux qua animarum nostrarum maculas omnes delet, ipsasque animas pulchriores & splendidiore reddat*: & perpendamus an non convenient præmissæ supernaturali operationi divinæ prærogativæ istæ omnes, quæ gratiæ ac præsertim sanctificanti tribuuntur.

Tantum advertite animam per actus, multòque magis per affectus pravos obrebrebrari, maculari fierique deformem, & illico videbitis absque ope fusioris interpretationis in præmissa operatione divina gratiam illam, de qua Catechismus Romanus pronunciat, quòd sit *divina qualitas, in anima inhaerens, &c.* Operatio hæc Dei qualificat Deum sanctificantem, habetis hinc qualitatem divinam: afficit animam intime ac constanter, habetis hinc inhæSIONEM qualitatis illius: ac tum in hoc quòd talis operatio apud animam splendeat, & probos affectus aboleat, & sanctos inducat, lucem illam habetis, quæ animæ maculas omnes delet, & simul illi majorem splendorem ac pulchritudinem affert. Sed præsertim habetis in hac operatione divinam quintam illam, de qua superius loquebamur, præro-

XLVI.

Illuminatio
divina infu-
nitè perfe-
ctior est quàm
humana,

XLVII.

Anima per
pravos affe-
ctus macu-
latur, per
bonos puri-
ficatur.

gativam, qua gratia est & vocatur participatio quædam Divinitatis; nam quomodo participatio Divinitatis non est, si operatio Divinitatis est, & hujusmodi quidem operatio, quæ nos quoque reddit Divinitatis participes per affectus pene divinos, quos in anima creat, inclinantes ipsam ad omne bonum? Nihil etenim tam clare, tam indubitate, quàm hæc sancta propensio, Deum in homine representat. Hic sisto linguam, ne breviliquium, quod respondi vobis, Domini mei, pro multiloquio reputetur.

XLVIII.

Decernitur
posse animam
sanctificari
sine ope ac-
cidentis pro-
ducti.

PHILALETHES. Potuisti addere multa, mi Rocchi, sine multiloquii vitio: ubi multa, si bene, nunquam: ubi pauca, si male, semper ibi est multiloquii vitium. Sed ad rem nostram quod interest, non diffitebor evanuisse jam omnino ab oculis meis necessitatem cujusvis entitatis accidentalis producendæ ad animam sanctificandam. Si tam facile potest anima sanctificari per operationem divinam, si tam difficile aut nullatenus per operationem entitatis creatæ, malo in tuam opinionem abire. Neque prorsus diffido te tandem in eam abiturum, mi Pazzi.

PAZZIUS. An tandem sim abiturus in eam nescio; Domine Philalethes: me tamen nunquam abiturum in eam arbitror, quia confido me reperturum aut in istis dialogis, aut in cæteris Magistri nostri operibus seu Philosophicis, seu Theologicis, quæ evolvere decrevi omnia, modum aliquem valde oportuniorem explicandi res istas omnes gratiarum atque virtutum per entitates accidentales productas. Inducias posco non majores, quàm tridui & restaurabitur inter nos pugna, mi Rocchi.

PHILALETHES. Gaudeo de pactis inter vos istis induciis: eram enim à vobis pariter petiturus, Domini mei, otia tridui. Abeamus.



DIALOGUS XX.

DE PRÆCELLENTIA ET SPE ATOMISMI.

Personæ Colloquentes.

ROCCHIUS , PHILALETES.

ROCCHIUS. Nescio quid tandem erit, Domine Philalethes, de viro desideriorum nostrorum Pazzio. Gravissimo ab heri & nudius tertius dolore oculorum torquetur: accessit dolori largus fluor: invisi hoc mane illum, tuoque nomine salutavi. Aderat ophthalmicus peritus & reputat morbo inesse virus, fabrefactum, ait, in cerebro nimis incaléfácto & arefacto per nocturnas vigilias. Vix crederes quàm ægre fero ac moleste hoc infortunium.

I.
Proluditur
ad agendum
de præcel-
lencia & spe
Atomismi.

PHILALETES. Non ægre minùs ac moleste fero illud, mi Rocchi; quamquam non timeo virus, quod ophthalmicus iste comminatur. Quis nostrum, si morbus ille oculorum virus ullum haberet, non jamdiu periisset? An ullus spirat Philosophus, quem aliquando non invaserit intemperantia illa rabiesque lectionis nocturnæ? Hinc oculi offenduntur, incallescunt, lugent: quid inde? datur illis triduum aut quatrividuum otii, & absque alio medicamine restaurantur. Quid igitur times? fortè hoc times, ne si æger, quod absit, hinc male pereat, reus homicidii habearis: nam revera tu es, qui nocturnas illas vigilias provocasti. Num recordaris interrogatum illum à te nuper, me fuisse de modo, quo explicari ab Aristotelicis possint.

Sff

per entitates accidentales productas illa omnia gratiarū & virtutum ministeria, quæ tu quidē pro more atomistico explicueras independentē à quibuscumque huiusmodi accidentibus productis? Ille verò talem modum, quem in promptu non habuit, promisit se quæsiturum apud suos Authores, quorum nimia lectio in ophthalmiam versa est. Sed cum bona venia, Domine mi Rocchi, saltem in hoc inhumanus fuisti, quodd exegisti hoc promissum, quamquam sciebas eventurum esse, ut licet Aristotelicos omnes libros evolveret, nunquam inveniret quod quæreret. Sicne agendum cum amico fuit?

ROCCHIUS. Sic saltem agendum fuit cum Adversario, quem in amico fugebam; cæterum si quæ in me culpa est, ibimus ad illum unā sub vesperam & me subjiciam ultioni. Sed quid interim agemus?

II.
Proponuntur
duæ difficultates
contra prædicta de
gratia actuali & habituali.

PHILALETHES. Hoc plane quod solemus, quoties ambo & soli sumus. Philosophabimur. Sede illic ex adverso & audi unam alteramque difficultatem, cujus solutionem à te requiro circa vestram illam expositionem gratiæ consistentis in operatione divina, sicut aiebas in postremo colloquio. Itaque *primò* divina operatio quæcumque illa est, Deus est: Deus autem gratia non est; & hæc difficultas perinde militat pro utraque gratia seu actuali, seu habituali, quia neutra Deus est; sed utraque à Deo est; & hinc probaretur utramque fore similiter aliquam entitatem productam. *Secundò* si gratia habitualis consistere in operatione divina illustrante constanter animam, clare sequeretur parvulos baptizatos non esse participes gratiæ habitualis, quia nulla utique fruatur illustratione, vel etiam transeunte: atque ita saltem pro explicanda gratia habituali, quæ est in parvulis, recurrere oportebit ad aliquam entitatem productam. Hæc certe tibi opponeret, mi Rocchi, Pazzius, si adesset; & haud dubie adderet videri se hoc in puncto fidem periclitantem propter vestrum Ato-

missum, cui reciproce diceret fidem esse periculosam, & universam Theologiam generatim; quod utique tandem coactus fuit fateri Atomista ille suus collocutor his verbis, *Res est periculosa nobis Theologia*. Paulò autè dixerat alloquens Thomistam; *In praecedentibus nimium me tuis argumentis theologicis radio affecisti: ego tamen nihil de proprio penu reponere ausus fui; sed tantummodo qua in nostrorum libris inveni, tibi opposui*. Quibus in verbis noster Pazzius exultaret: ô utinam adesset.

Dial. 2.
n. 691.

ROCCHIUS. Si adesset & exultaret in verbis istis, eniteret temperare illius exultationes ostendendo nullam hinc earum esse causam legitimam. Sed tum si adesset, & hæc quæ opposuisti opponeret, idem illi responderem quod tibi, nisi fortè quòd id responderem paulò ardentius, quia id haud dubie proposuisset paulò mordacius. Hominem novimus suavissimæ, facillimæ, amicissimæ, tandemque optimæ indolis, propter quam illum frequenter nuncupamus *bonum*; sed quia jugis illi ac frequens sermo est cum Aristotelicis rardè aliter, quàm amare de Atomismo nostro loquentibus, hinc accidit ut amaritudine aliqua sæpe aspergat sua mecum colloquia. Ego verò per amaritudinem illam commoveor & ardeo vel invitus.

III.
Unde ardor aliquis in nostris colloquiis exortus sit.

PHILALETHES. Decuit ardor ille vestra colloquia; elanguisset ingenii tui vigor, mi Rocchi, nisi Pazzius interdum illud Aristotelicis quibusdam aculeis pupugisset: ceterùm loquebatur ore suo minùs, quàm alieno: imo nihil contra tuam Sectam Atomisticam ab illo dictum audiui, quod non referret & citaret aut olim ex Genaro, aut nunc ex Palanco. Quare nihil illi condonandum non est; quin etiam istis Aristotelicis Magistris omnino condonari oportet quidquid contumeliosum, aut asperum contra illam scripserunt. Invaduntur à vobis illorum Cathedralæ: an tacebunt? An non viis, quibus poterunt, omnibus sua tueri jura enitentur? Sed hac digressionem relin-

IV.
Ratio non ut na est condonandi talem ardorem excitatum utrinque;

tâ solve mihi, si placeat, duas difficultates, quas tibi ab initio proponebam. Tum verò rogabo te, ut, donec advenit hora eundi ad amicum infirmum, edisseramus de summis causis, propter quas inaxime arbitraris Atomismum Aristotelismo præcellere; & propter quas rursus confidis fore, ut ubique non post longa temporum intervalla prævaleat apud eruditos omnes. Hoc enim utrumque millies mihi privatim susurrasti ad aures; ego verò nihilominus hucusque sui spemque metumque interdubius hac de re.

V.

Quare non
sit utendum
promiscue
vocibus con-
cretis &
abstractis.

R O C C H I U S. Obtempero: tuaque illa prima difficultas illico evanescit, si tuæ reddis memoriæ rem toties inter nos observaram de plerisque difficultatibus philosophicis ac theologicis non aliunde ortum habentibus, quàm ex prava consuetudine utendi nimis promiscue ac sine delectu punc concretis vocibus, nunc abstractis. Hinc enim accidit significata his vocibus correspondentia confundi: & hæc confusio materia est irremediabilium dissensionum. Ut in hoc casu tua difficultas hæc est. Gratia, inquis, non potest esse operatio divina; quia operatio divina Deus est; gratia verò Deus non est, sed à Deo est. Hic enim, ut vides, confundis significatum unius vocis abstractæ cum significato alterius vocis concretæ; quum ais operationem divinam Deum esse, non attendendo ad hoc, quòd *operatio* vox abstracta est, *Deus* autem vox concreta est. Unde non est possibile, quòd utriusque huius vocis sit unum & idem significatum, scilicet formale ac præcisum, & formaliter ac præcise correspondens utrique voci. Neque hoc mirum erit pro cæteris vocibus omnibus hinc concretis, hinc abstractis, quandoquidem huius vocis *Deus*, quæ vox concreta est; & huius vocis *Divinitas*, quæ vox abstracta est, non est unum atque idem formale ac præcisum significatum: aliàs enim quidquid de Divinitate prædicatur, posset prædicari de Deo, quod falsum est: uti falsum est, quòd *Deus* communicari poterit tribus

Personis, licet *Divinitas* una & communis in illis sit.

Igitur operatio illa divina benefica, quam dixi gratiam esse, potest gratia esse, licet gratia in sensu formali ac præciso Deus non sit, quandoquidem nec operatio illa ipsa divina Deus est in tali sensu formali atque præciso, seu *reduplicativo*, ut multi loquuntur. Sed deinde alius sensus est, materialis scilicet & concretus, sive, ut plurimum dicitur, *specificativus*; in quo ut Divinitas Deus est, ita Deus est omnis perfectio divina, & omnis operatio divina; & in quo proinde omnis gratia Deus est. Est itaque, Domine Philalethes, sensus unus verus, juxta quem gratia nostra à Deo est, sicut etiam spes nostra à Deo est, & gloria nostra à Deo est: item est sensus alius æque verus, juxta quem Deus & gratia nostra, & spes nostra & gloria nostra est. Estne, Domine mi, satis idonea hæc tuæ illius prioris difficultatis solutio?

PHILALETHES. Raræ sunt, mi Rocchi, solutiones, quæ difficultatem omnem exhauriunt. Sed ne inmoremur in difficultate minùs præcipua, transi ad posteriorem.

ROCCHIUS. Tam facilè solubilis est ista posterior, quàm illa prior. Tantùm attende ad id, quod quotidie in somnis accidit, nempe sensationes multas, quæ revera fiunt in dormientibus, à dormientibus non adverti, uti quum vocantur, aut titillantur, &c. & ideo non adverti, quia sensuum internorum ligatio impedit sensationum externarum transmissionem illam, sine qua nihil adverti potest ab anima juxta observandas dependentiæ reciprocae leges, quas disposuit Deus inter animam & corpus. Quem in modum potest aliquis, si apertis oculis dormierit, si lux admodum fuerit, idonee affici à luce, & lucem nihilominus non videre. Transfero hanc experientiam ad animam, quam nimis frequenter accidit non intueri lucem ipsi admotam supernaturaliter à Deo, nempe ob id, quòd sensi-

VI.

In quo sensu Deus sit, & in quo sensu non sit gratia.

VII.

Præmittitur posse sensum affici, quin tamen hæc sensatio.

bus sensuumque voluptatibus nimis affixa sit. Hinc nihil in sacris paginis frequentius consulitur, imo præcipitur animæ, quàm ut se à sensibus abstrahat, & attendat ad lucem, quæ irradiatur divinitus: sicque in adultis oculi animæ ab illa divina luce multoties feriuntur, & anima illustratur, quin illustratio advertatur.

VIII.

Hinc patet
modus, quo
gratia sancti-
ficans esse
possit in
parvulis ba-
ptizatis.

Neque jam satis non intelligitur qualiter in parvulis baptizatis possit anima subire ac servare in se illam ipsam supernaturalis irradiantis luminis impressionem, licet illam non agnoscat; quandoquidem adulti sæpe illam recipiunt & non agnoscunt. Hoc autem inter utrosque discriminis est, quòd in adultis vitio vertitur & condemnationi, si non advertunt; aut si dum advertunt, non convertuntur: in parvulis autem vitiosa non est inadvertentia illa; & sic anima ipsorum splendet mirabiliter atque amabiliter in conspectu Dei: & hic splendor, quo sancte afficitur ad omne bonum, est ejus sanctitas seu effectus gratiæ habitualis ipsam continuò afficientis. Itaque jam vides, Domine Philalethes, gratiam habitualement in parvulis baptizatis.

PHILALETHES. Sed nunquid etiam videbo inutilitatem illius, quandiu audiam à te illam consistere in illuminatione, quam tales parvuli nec advertere, nec in ullum usum revocare possunt? Quare hinc saltem convenientius asseritur gratiam habitualement, quæ parvulis illis infunditur, esse aliquam entitatem productam & ab illa præmissa illuminatione distinctam.

IX.

Parvulis illis etiam in usu non esset ullo talis entitas gratiæ producta.

ROCCHIUS. Quid ais, Domine mi? An igitur illi parvuli potius advertent & in usum aliquem revocabunt entitatem illam productam? Quare saltem hac ex parte non potest melius explicari sanctitas, quàm obtinuerunt per regenerationem baptismi. Tum entitatem illam nunquam advertent: illuminationem autem, quam aio, aliquando advertent; quando nempe per ætatem licuerit

juxta leges reciprocae dependentiæ corporis ab anima & vicissim. Unde intelligitur quoddam talis illuminatio non fuisset inutiliter communicata, sicuti non inutiliter infunderetur Philosophia homini dormienti, licet ad septennium dormituro, si post illud exactum recogniturus esset eruditionem suam & per illam Philosophice discursurus. Probasne, Domine Philalethes, hanc solutionem?

PHILALETHES. Satis illam probo, quia in Atomismo satis ac forsan nimis inclino. Quia enim Theologia nihil hujusmodi hucusque attulit in expositionem gratiæ habitualis, quæ omnino est eadem, & eodem modo in parvulis baptizatis, quo in adultis justificatis, recte inferatur aut Atomismum esse periculosum Theologiæ, aut Theologiam esse periculosam Atomismo. At hoc alterum valde verisimilius est: & ideo Palancus summa cum æquitate ponit in ore sui Atomistæ verba hæc superius relata, *Res est periculosa nobis Theologia*. Nec dubito quin hæc mea instantia placitura esset nostro Pazzio, si adesset.

ROCCHIUS. Illi haud dubie placeret; sed non ea propter, salvâ pace, rationabilior esset. Mea mens est non posse quicquam periculi aut ex Theologia in Atomismum, aut ex Atomismo in Theologiam derivari; si forte per Theologiam non intelligis Philosophiam Aristotelicam exponentem res theologicas, ut hæcenus in Scholis Aristotelicis consueverunt exponi. Ego itaque, Domine Philalethes, per Theologiam intelligo scientiam discursivam de rebus divinis, quæ utique aut revelatæ sunt, & ita de fide sunt, aut ad revelationem, sive ad fidem aliquammodo referuntur.

Jam verò discursus illi omnes scientifici, quibus utimur ad res divinas, utut possumus, decernendas & explanandas, unde nisi ex philosophicis principiis eruuntur? Atque ita tantò verius quisque discurret de rebus divinis, tantò verius decernit & explanat illas, quantò

X.
Dicitur rur-
sus quodd
Theologia
sit pericu-
losa Atomis-
mo.

XI,
Quantum
conferat ve-
ra Philoso-
phia ad res
theologicas.

Ad Rom. 1.
20.

teriori Philosophia utitur. Quia enim *invisibilia Dei à creatura Mundi per ea, quæ facta sunt intellecta, conspiciuntur*; sempiterna quoque ejus virtus & Divinitas, ut ait Apostolus, quomodo non erit magis idoneus ad invisibilia illa conspicienda is, qui hæc visibilia magis attente, magisque ingeniose conspexerit. Ab humanis rebus ad divinas nostra studia promoventur: hinc consequens est, ut supposito pro utrisque ingenio pari & labore pari copius in divinis unusquisque proficiat, quò plus in humanis profecerit. Et ut ad rem nostram loquar, hinc etiam in particulari consequens est, ut per clariorem notitiam rerum naturæ perveniatur ad clariorem notitiam rerum gratiæ, de quibus mihi toties cum Pazzio contentio fuit, & adhuc hodie tecum contenditur.

PHILALETHES. Sed hæc contentio tandem suas hic meras habeat: & veniamus ad illam, quam olim toties, & nunc his tuis postremis verbis jactasti, præcellentiam Atomismi. Rem peto, ut arbitraris, non prolixè, sed compendiarie respondendam: quamvis illam mihi posses mille rationibus & mille aliis suadere, nolo nisi audire unam ex omnibus.

XII.
Atomistæ
curiosius in-
dugant cau-
sas efficien-
tiales.

ROCCHIUS. Non audies, ut jubes, Domine Philalethes, nisi unam ex omnibus; efficiam tamen ut audias omnes in hac una, quam afferam. Ecce itaque illud unicum simul ac totum, propter quod Philosophia atomistica præferri Aristotelicæ debeat; hæc nihil præter Philosophiæ nomen, illa præter nomen rem habet. Aristotelici Philosophiam à limine salutant; & inde audiunt nomina quædam abstracta causarum naturalium, suamque in abstracta ista nominum notitia eruditionem omnem constituunt. De cætero autem crederent stulto labore consumi, si causas illas naturales & naturales causalitatis earum modos curiosius indagarent. Atomistæ autem nunquam satis curiose putant indagasse causas & causalitates illas.

illas naturales, nec unquam desinunt perferuari quæcunquæ illa sunt abstrusissima Naturæ torius mysteria, pro causis naturalibus effectuum naturalium exponendis.

Hoc quod est venari cum sollicitudine propemodum infinita notitiam effectuum omnium & causarum naturalium, hoc est esse Philosophum: & hæc est Atomistarum sollicitudo, à qua longe absunt Aristotelici. Cæterum ita me Deus amet, ut ego per hæc aut similia judicia mea nolo esse illis injurius: hoc tantum vellem ut hanc suam pro rebus physicis indigentiam ad theologicas non transferrent.

XIII. ¹
Et in hæc
indagatione
cōsistit præ-
cellentia no-
stræ Philo-
sophiæ.

PHILALETHES. Retine te, mi Rocchi: quamvis enim olim inter nos confidenter aliquid de illa indigentia dictum sit, non tamen approbo hanc tuorum contemptuum intemperantiam, si nihil de novo meditans fuisti, quod à te vel invito illam extorqueat. Rogavi brevem rationem præcellentiæ, quam ubique ac semper adjudicas Atomismo: & ecce audio prologum, qui in immodicum modum luxuriat.

ROCCHIUS. Quid conquereris, Domine mi Philalethes? Prologus & epilogus simul est: quidquid mox dixi, exemplis pauculis firmabitur; & ecce absolvi.

PHILALETHES. Affer igitur hæc exempla.

ROCCHIUS. Nihil dicam, quod non noveris, & de quo apud me non obmurmuraveris olim, ut obmurmuro apud te hodie. Si quid in Philosophiæ Naturæ curiosum est, id maxime, quod pertinet ad operationes sensitivas, circa quas quid agunt Aristotelici? Supponunt in viventibus sensitivis facultates sensitivas, & in objectis sensibilibus qualitates sensibiles: utrasque in abstracto definiunt aut describunt; tum de illis facultatibus aiunt, quòd in suis respectivè organis subjacentur, & de qualitatibus illis dicunt, quòd per vicarias sui species ad sua respectivè organa transmittantur: & ecce suam de operatio-

XIV.
Aristotelici
de sensatio-
nibus nihil,
nisi valde
perfunctorie
philosophan-
tur.

nibus sensitivis Philosophiam absolverunt. Cæterum de partibus illis innumeris ac exilissimis & occultissime contextis, ex quibus illa organa componuntur, aut nihil omnino loquuntur, aut omnino parum & perfunctorie: modum autem naturalem, quo exilissimæ illæ partes organicæ possint affici, agitari aut adaperiri pro excipiendis aut transmittendis speciebus sensibilibus altissime ac constantissime silent: vel præsertim quia sic loquendum illis esset & de poris & de corpusculis, aut de similibus minutis omnino apud illos exotis.

XV.

Sic etiam circa nutritionem nihil curiose inquirunt: nihil etiam volunt inquiri.

Nutritur animal: & Atomistæ in perquirendo naturali modo hujus nutritionis quot anatomica experimenta non faciunt, quot ratiocinijs non silla muniunt quomodo non persequuntur singulas alimentorum digestiones ac distributiones per totum corpus, & usque ad lanuginem omnem extremam corporis? Aristotelici autem supponunt corpus nutritibile, & in eo facultatem nutritivam: ac tum quiescunt.

PHI LA LE THES. Hic nihil improbo: sic optime abbreviant suam Physicam, impatientes Theologiæ, Noli esse in sua Physica Medici, aut Mathematici, & ideo universa, quæ Medicinam, aut Mathesim utcumque sapiunt, suis respectivè Professoribus deferunt. Quid hic te torquet? An vis ut vel inviti Medici fiant aut Mathematici?

XVI.

Quin etiam derident curiosas rationum disquisitiones.

ROCCHIUS. Id nolo, nam quæ sunt spiritus, non coguntur. Sed vellem non contempi, non derideri ab illis Atomistis nostris, quando Physicam suam ampliant atque adornant multis tum ratiocinijs, tum experimentis & medicis & mathematicis, Vellem non audire ab illis quod aiunt hanc omnem, quam ponimus in illis tot ratiocinijs & tot experimentis sollicitudinem, vanam esse atque superfluam, & imprimis valde imaginariam.

PHI LA LE THES. Ego verò si Authorem non affcis, qui

hanc vestram sollicitudinem ita non spreverit, non credo.

R O C C H I U S. Author è cæteris unus, qui hanc sollicitudinem ita sprevit, Palancus est. Da licentiam legendi. Itaque sic loquitur inter monita suæ præfationis: *Non solum enim eas corporis partes, quas exactissima Anatomia detegere potest, adstruunt; sed illarum etiam particulas parvissimas usque ad atomos vel fere subtilissimam imaginationem machinantur, illas propriis figuris præditas dicentes, penes quas apta vel inepta sint ad intermissionem & motum localem per diversas vias ac rimas, quas etiam in corpore animato confingunt. Et addit, Et quod plus est, varios inter illas & continuos motus locales confingunt vel directos, vel obliquos.*

PHILELETHES. Hic non laudabo Palancum, vel ob id unum quod prætermisit laudare diligentiam vestræ speculationis suppletis impossibilitatem videndi & insensibilissimas partes, & insensibilissimas rimas & insensibilissimas motiones, quæ detegi per anatomiam, licet exactissimam, non possunt. Illa certe pertingere non potest ad exhibendam oculis nostris medullam nutritivam tenuissimi alicujus pili. Sed an eapropter deest illi pilo medulla sua, & proinde fistula interior, per quam alimentarius succus transmittitur? iste autem succus constat ex parvissimis utique particulis, quæ si moleculam suam, suæque moleculæ figuram non haberent proportionatam ornatui fistulæ illius, quomodo transmitti per eam possunt?

R O C C H I U S. [Prosequitur Palancus observationes diligentiae nostræ his verbis. *Hinc etiam motus locales spirituum animalium, (quos corpuscula esse ponunt,) ad cerebrum confluentium & ab illo effluentium per nervos, fibras aut filamenta, in quibus nescio quas vias aut cavitates oblongas imaginantur, per quas illa corpuscula subtilissima eant & redeant motu locali, vel facili, ubi aditus dilatantur; vel difficili, ubi angustiantur, tanquam si nervuli aut*

XVII.

Laudanda
tamen est in
Atomistis
hæc diligen-
tia.

XVIII.

Adhuc magis
derident
hanc dili-
gentiam.

filamenta sint per modum fistulae intus dilatabilis; vel ad gustiabilis localiter penes internam cavitatem. Similimodo exponunt spiritus vitales à corde promanantes

PHILALETHES. Sile cætera, mi Rocchi: jam enim satis intelligo vestras illas atomisticas, licet valde subtiles, licet eximie curiosas, perquisitiones modorum connaturalium, quibus fieri oportuniùs nutritio possit, non placere Palanco. Visne adhuc ut illi placeant vel invito?

XIX.
Gloriantur
posse id to-
tum explica-
re per solas
formas.

ROCCHIUS. Sed tibi forsàn vel invito displicebit quod addit. *Hac quidem omnia, non ingenti labore adhibito, refellere possem sigillatim & ostendere vitales animalesque functiones non per illos motus locales atomorum, sed per transmutationes vel substantiales, vel accidentales, per qualitates & virtutes activas ad tales alterationes destinatas, seu per varios actus & potentias activas & passivas exerceri. An à primo verbo ad ultimum quidquid mox ultimò legi, non displicet?*

PHILALETHES. Fateor hoc saltem displicere mihi, quòd cum possit *non ingenti labore adhibito* vitales omnes & animales functiones exponere independentè ab omnibus illis vestris observationibus anatomicis, sine vestris ullis nervis, fibris, filamentis, sine ullis vestris corpusculis aut eorum meatibus, sine ulla figura & motione locali spirituum animalium, &c. adhibere tamen noluerit laborem illum non ingentem. Etenim vide quàm commoda esset expositio illa Medicis & Chirurgis: vide quot laboribus, quot sumptibus, quot jurgiis anatomicis parceretur; quando superfluum evaderet aut omnino, aut fere totum illud, quod hactenus circa intimiores & occultiores dispositiones organicas corporum animatorum fuit per anatomiam deprehensum.

XX.
Si credatur
Aristotelicis
solis vires

ROCCHIUS. At ego, Domine mi, si hoc unum tibi displicuit, facilè te placabo, vel sola repetitione textus, quem ultimò legebam: nam hìc satis insinuavit func-

tionem omnes vitales & animales fieri per qualitates, virtutes, activas scilicet & passivas; sicque revera *non ingenti labore adhibito* modum omnem quo functiones illæ universæ possint fieri, revelavit. Et generatim in alimentis qualitas, virtus, potentia nutritionis: est in corpore qualitas, virtus, potentia nutritibilitatis; sicque corpus nutritur. Et adhuc magis particulatim. Est in cibis qualitas, virtus, potentia digeribilitatis: est in stomacho qualitas, virtus, potentia digestionis: sicque cibi digeruntur. Cæterum quoddam digestio fiat per fermentationem, aut triturationem alimentorum in stomacho, nihil interest: erit enim in eo qualitas, virtus, potentia fermentatrix aut trituratrix, ut opus fuerit. Atque ita pro reliquis omnibus vitalibus & animalibus functionibus exercendis nunquam decerunt qualitates, virtutes, potentia, & activæ & passivæ ad illud exercitium requisitæ.

PHILALETHES. Vellem, Domine mi Rocchi, aliquid amplius: vixque puto Palancum non habuisse in conspectu aliquid amplius, quando jactabunde insinuavit posse se *non ingenti labore adhibito* evertere vestrum illud atomisticum systema de functionibus vitæ corporalis, & aliud nempe Aristotelicum ac conformius veritati statuere. Male illum interpretaris, quantum conjicio.

ROCCHIUS. Salvâ pace arbitror etiam, quoddam si adesset, non aliter interpretaretur se ipsum. Nam hæc & similia questionum naturalium compendia sunt passim apud Aristotelicos in usu: nullos vidi aut audivi aliquando, qui amarent in particulares ullas earum considerationes descendere. Hæc hoc exemplum ex millibus. Ecco quando relicta compositione corporum naturalium metaphysicâ, scilicet *ex materia & forma*, sive, ut aiunt, *ex potentia & actu* veniunt vel inviti ad compositionem illorum verè physicam, quæ est mixtio elementaris, agnoscunt quatuor elementa vulgaria, ex quibus admittunt illa compositi.

activæ & passivæ ad hoc totum, sufficient.

XXI.
Sed tales virtutes apparent valde insufficientes ad præmissos effectus.

XXII.

Tum apud
Aristotelicos
nihil audire
de prima co-
positione
elementari.

Sed tum licet ad oculos pateat vulgaria ista quatuor elementa esse multum impura, sive heterogœnea; & ita non esse nisi quædam valde secundaria elementa ex multis aliis primariis secum permixtis coalescentia, nolunt de prioribus illis elementis quicquam audire. Malunt jurare nihil in ulla mixtis esse præter terræ, aquæ, æris, ignis formas aut qualitates, aut virtutes aut potentias, activas scilicet & passivas. Malunt pro fabulis habere quidquid Chymici de suis aquis, spiritibus, oleis, salibus, capitibusque mortuis post mille ac milles repetitas experientias asseverant. Et quando id totum palpant, malunt id contra verisimilitudinem omnem ad novas generationes, quam ad simplices extractions ac dissolutiones referre. Atque hæc certe nescitur quomodo cum tali genere hominum convivatur. Negligunt rationes & parvi faciunt experientias istas Chymicas, quibus humana mens non possit ad invenire oportuniores simul atque promptiores pro determinandis universis naturalium rerum principiis.

XXIII.

Insuper no-
bunt Philoso-
phum cum
aliis scientiis
permiscere.

PHI LA E T H E S. Equidem, mi Rocchi, si de notitiis istis chymicis agitur, fateor vos Atomistas curiosiores ac sollicitiores esse Aristotelicis, quia per chymicas iteratas plurimorum mixtorum resolutiones magis acceditur ad heterogenea illa primaria corpuscula, & proinde indivisibilia, sive atoma, qualia contenditis esse primæ rerum materialium universalium principia. Sed quid hinc proficitur ad rem tuam? Aient Aristotelici relinquere se istas chymicas considerationes & elaborationes Professoribus suis, sicuti Medicis, & Mathematicis sua theoremaria & experimenta deserunt, ut antè aiebam, ex professo tractanda: sicque religiose suos se intra limites revinent. Num oportet scientias singulas suis seorsim privatis limitibus circumscribi?

XXIV.

Scientiæ ad

R O C C H I U S. Sed, ut nosti, Domine Philaletes; circumscriptio ista non impedit quominus se complectan-

tur, aut etiam quominus aliæ apud alias hospitentur. Hinc nulla est, quæ ad suum illustre ac nobile complementum non indigeat primis saltem quibusdam irradiationibus aliarum. Sicuti singularum scientiarum partes reciproco egent commercio, ita scientiæ omnes summatim se mutuo juvant atque illustrent: an erit aliquis sine Metaphysica summus Logicus, an summus sine Physica Metaphysicus, & vicissim? An summe callere quis potest sine Arithmetica Geometriam, aut sine Geometria Gnomonicam & vicissim? Ita nemo in rebus Philosophicis unquam fulgebit, si nihil luminis à Medicina, vel à Mathesi mutuabitur, prout materialium connexio id postulat.

Atque hîc habes, si bene advertis, Domine Philalethes, causam potissimam, in qua potui hæcenus stabilire jactantiam meam de præcellentia nostri Atomismi: Deo enim sic volente pauci ex Philosophis Atomistis Scriptores sunt, qui suas præsertim opiniones physicas non communiant atque illustrent, quando & quoties opus est, subsidio plurimarum scientiarum & artium, quibus ad id studiose incumbunt: atque in hunc modum Philosophia atomistica est veluti quædam omnium scientiarum, quæ possunt illi subservire, collectio. Quare sic satis respondi ad illud primum quod rogabas, in quo Philosophia nostra præcellat Aristotelicæ: superest ut respondeam ad illud alterum quod rogasti, videlicet in quo etiam mihi sit posita spes ad aures tuas, ut ais, privatim toties suffurrata, qua confido fore, ut aliquando prævaleat & regnet in Scholis & Academiis.

PHILALETHES. Equidem, mi Rocchi, hæc est recentiorum Atomistarum consuetudo, ut suos adornent libros & dictionis cultu, & ordinis delectu, & multo schematum apparatu, quem ex aliis scientiis ac præsertim ex Mathesi suffurantur. Sed quid inde? Si prævalere sola veritas potest, ad quid illorum hanc extraneam & emendi-

suum complementum indigent aliter aliis.

XXV.
Et in hunc modum Philosophia atomistica excellit super Aristotelicæ.

XXVI.
Opponitur solum veritatem prævalere.

catam præstantiam affers velut in præfagium & spem Atomismi vestri tandem prævalituri? Nihil hîc video quod in te potuerit spem talis eventus legitimam parturire. Sed tum si sola veritas est, in qua confidis, perges de veritate ista contendere cum Pazzio, si volueris, cum revaluerit: mihi autem de illa recum nihil hîc contendetur, ne in personam partis adversæ mutem personam arbitri. Quare jam abeamus domo ad invisendum amicum.

XXVII.

Hæc spes
proxima est
& fundatur
primò in ver-
bi Genarâ.

R O C C H I U S. Sed non antè tamen, si placet, Domine mi, quàm audieris pauca quædam adhuc à me dicen-
da de hac spe mea. Forsan putasti loqui me velle de spe
remota; quasi tantùm post multa tempora evenire possit,
ut Atomismi nostri veritas pateat. Interpretari potuisti
spem proximam. Hanc in me peperit jam sunt decem anni
Gennarus Dominicanus quando in prologo dogmatici
sui opusculi adversus atomos redivivas confessus est hanc
nostram atomisticam doctrinam *in agro Ecclesiæ iterum dis-*
seminatam ita in dies inolescere, ut non sit locus, in quo
sam radices figentem & paulatim subrepentem non inve-
niret. Atiebat adhuc quòd *in aliquibus Seminariis publice*
promovetur; imò in quibusdam Gallia & Italia protome-
tropolitans Urbibus sustinetur. Vide quàm proxima sit spes
Atomismi non longa post temporum spatia regnaturi.

XXVIII.

Hanc etiam
secundò con-
firmat Palan-
cus: si is his
verbis.
in præf.

Sed tum hanc spem mihi valde proximiorem fecit nunc
nupertine noster Palancus, quando per ipsum intellexi
rationem, qua perhorus fuit ad scribendum adversus Ato-
mistas, hanc esse quòd *illius Philosophia recentis fama*
paulatim percrebrescens, etiam in Hispaniarum animos &
Academias. aditum sibi, nescientè se quibus agen-
tibus, sollicitabar; jamque aliquos Physicos & Politicos
ita sibi devinxerat, ut in illius plausum & immodicas lau-
des non semel audisset nonnullos prorumpentes. Istæ laudes,
illi plausus mirum in modum instant atque inflammant
spem meam: ac tum ineluctabiliter illam obfirmant tot
nobillum

nobilium ingeniorum, tot Collegiorum & Academiatarum ex Italia, ex Hispania, ex Gallia in atomismum conferunt defluentium tam unanimes consensiones.

PHILALETHES. Bene est, Domine mi Rocchi, satis firma posset esse hinc spes tua, nisi quo tempore surgit Atomismus supra orbis literarii horizontem, irrueret desuper Aristotelismus, ad illum retrudendum in tenebras prioris oblivionis. Ecce Maignanum Tuum rigidi Atomismi Authorem, aut Restauratorem oppugnant in Gallia Raynaudus, in Italia Gennarus, in Hispania Palancus. Quid hic non potius metuas, quam confidas? An tribus prævalebit unus, quando nec Hercules contra duos?

XXIX.
Sed isti spei obstat quod Atomismus valde impugnatur.

ROCCHIUS. Sed tu, Domine mi Philalethes, sicne igitur putas Atomistas, de quibus aiebam, esse animi calamique inertis, ubi pro Maignano audendum & scribendum est. Habemus è nostris in Gallia, ut Extraneos taceam, Salerios & Poyrierios, quos opponamus Raynaudo: in Italia Urfays & Isidoros, qui manus conferant cum Gennaro. Ac tum in Hispania si Palancus, unus è Nostris, insurrexit nuper contra Maignanum, assurrexit alter illico nec impar pro tuitione Maignani contra Palancum: Ite est R. P. Joannes de Naxera, cujus eruditionem Maignanisticam ita suspexi, ut vix debeam computare in: quasi unum, qui aliquando ausus fuerim, aut deinceps ausurus sim scribere pro Maignano.

XXX.
Nec tamen obstat quia validius propugnatur.

PHILALETHES. Numquam, credo, abstiteres, si vellem te audire, mi Rocchi: an non vides diem ruere in præceps: discedamus & properemus ad Pazzium, in cujus conspectu hoc imprimis cave, ne de præcellentia & spe tui Atomismi quicquam loquaris.

XXXI.
Itur ad Pazzium, & hi dialogi finiuntur.

ROCCHIUS. Sed neque abſiſtam loqui, Domine Philalethes, donec dixeris, an in utramque admittendam tandem inclines.

PHILALETHES. Inclino; Sed adhuc cauſius vide, mi Rocchi, ne hoc illi renunties, donec ceciderit ei claritas oculorum.

FINIS.





I N D E X

A L P H A B E T I C U S .

RERUM MAGIS NOTABILIVM IN HOC
opere contentarum. Prima litera quæ est *p* indicat
paginam, & secunda quæ est *n* designat numerum.

Abstractio. Abstractum. Vide Forma.

Abstractum, prout abstrac-
tum non est reale. p. 220.
n. 4. & seq.

Quæ sit consuetudo loquendi

nunc concretæ, nunc ab-
tractæ. p. 225. n. 11. & seq.
Qualiter formæ abstractæ non
sint reales. p. 367. n. 6. & seq.

Accidens. Vide substantia. Subiectum. Res.

Quæ sit notio accidentis
materialis apud Aristoteli-
cos. p. 167. n. 13. & seq.

Accidens & substantia non se
habent indifferenter ad suum
esse. p. 168. n. 15. & seq.

Ostenditur improducibilitas ac-
cidentium. p. 179. n. 31. & seq.

Multitudo accidentium pro-
ducendorum esset infinita.
p. 181. n. 34. & seq.

Non potest nimis inquiri multi-
tudo accidentium. p. 183. n. 37.

Quam sit incohærens Aristoteli-
ca notio accidentium.
p. 185. n. 40. & seq.

Falsum est accidentia, si quæ

sunt, non occupare lo-
cum. p. 187. n. 44. & seq.

Accidentia, si quæ essent,
essent in se aliquid absolu-
tum. p. 188. n. 45.

Accidentium quantitas non est
eadem. p. 194. n. 2.

Accidentium singula multo pliciter
diffesunt. p. 195. n. 3. & seq.

Qualiter accidentia sint in
Deo. p. 200. n. 11. & seq.

Quam multipliciter possit aliquid
accidere. p. 203. n. 16. & s.

Quidquid realiter aut obiective
accidit accidens est. 208. n. 23.

Accidentia Aristotelica vel
omnia sunt vel nulla

- sunt. p. 270. n. 4. & seq.
Qualiter accidentia possint esse species. p. 310. n. 5.
Assignari deberent species singulis accidentibus. p. 314. n. 11. & seq.
Quare nec substantiæ nec accidentia videantur. p. 316. n. 15.
Accidentia Aristotelica non possunt implere locum. p. 322. n. 25. & seq.
Ostenditur nihil posse ex accidentibus generari. p. 323. n. 28 & f.
Accidentia non possunt elevari ad activitatem substantiarum. p. 330. n. 39.
Adversarius vellet accidentia Aristotelica vocari *catholicæ*. p. 330. n. 18 & seq.
Accidentia Aristotelicæ non sunt illa quæ manent in Eucharistia. p. 355. n. 26. & seq.
Qualiter accidentia materialia sint realia & non realia. p. 365. n. 3.
Accidentia spiritualia non possunt inferri ex materialibus. p. 389. n. 4. & seq.
Accidentia spiritualia, si quæ essent, possent separari à suis subjectis. p. 390. n. 5. & seq.
Nulla est in hæsis accidentium spiritualium. p. 395. n. 141.
Accidentia physica & accidentia realia idem sunt. p. 412. n. 7.
Accidens productum esset inutile ad animam illuminandam. p. 420. n. 23. & seq.

Actio. Agens. Vide Deus.

- A**ctio est aliquid agentis, & passio aliquid patientis. p. 379. n. 28.
Male opponitur quod daretur actus purus in patiente. p. 444. n. 18. & seq.
Qualiter actio Dei animam gratificantis sit fecunda. p. 475. n. 38. & seq.

Angelus. Vide. Simplicitas. Compositio.

- Q**ualiter compositio, quæ est in Angelis, non fit realis. p. 49. n. 17.

Anima. Vide. Simplicitas. Gratia.

- A**nima non habet minus entitatis ex defectu doctrinæ. p. 180. n. 23.
An intellectus sit separabilis ab anima. p. 399. n. 11. & seq.
Anima illuminari non posset per ullum accidens productum. p. 420. n. 23. & seq.
Qualiter anima illuminetur immediate à Deo. p. 421. n. 25. & f.
Qualiter

Qualiter debeat erudiri ad operandum in via salutis, p. 427. n. 37. & seq.
Anima erudiri non potest per entitatem non intelligentem. p. 442. n. 15 & seq.
Anima sibi sufficit ad id quod est illuminari. p. 445. n. 21. & seq.
Unde in anima sunt propensiones ad bona virtutum. p. 466. n. 21 & seq.

Qualiter anima fiat sancta. p. 484. n. 11. & seq.
Qualiter charitas inhaereat animæ. p. 492. n. 25. & seq.
Ad intelligentiam animæ nihil prodest creatura non-intelligens. p. 499. n. 40. & seq.
Anima per pravos affectus maculatur, per bonos purificatur. p. 503. n. 47.

Apparentia. Vide.

Species. Similitudo.

Quæ sit apparentia panis in Eucharistia. p. 336. n. 48.

Potest esse apparentia sine perceptione. p. 346. n. 12.

Aqua. Vide. Rarefactio.

Quid sit rarefactio aquæ & aliorum liquidorum. p. 228. n. 17. & seq.
Aqua rarefit aliter quam pulvis

tormentarius p. 247. n. 5.
Aqua fieret inutiliter calida ab intrinseco. p. 305. n. 30.

Aristoteles. Aristotelici. Vide. Atomistæ.

Aristotelici male multiplicent res propter conceptus. p. 49. n. 30.
Qualiter Metaphysicam in Physicam male inducant. p. 50. n. 32.
Non assignant ex quo fiat forma substantialis. p. 106. n. 21.
Minus bene quam Atomistæ explicant vim sensitivam. p. 145. n. 25. & seq.
Supponunt productiones accidentium, sed non probant. p. 177. n. 29.
Non satis inquirunt modum productionis illorum. p. 178. n. 30.
Aristotelici male afferunt no-

tionem substantiæ & accidentis. p. 206. n. 20. & seq.
Unde pendat Aristotelismi ruina. p. 214. n. 32.
Nulla inter Aristotelicos & Atomistas esse potest concordia. p. 385. n. 40.
Qualiter Aristotelici sint in sua Philosophia Poëtæ. p. 387. n. 1. & seq.
Male inferunt accidentia spiritalia ex materialibus. p. 389. n. 4. & seq.
Quæ sit incoherentia doctrinæ Aristotelicæ. p. 391. n. 7. & seq.

Atomus. Atomistæ. Vide. Creatio.

Quales sint veri Atomistæ. p. 19. n. 21.

Constat Cartesium non fuisse Atomistam. *Ibid.* n. 24.

Atomistarum nomen quibus sit injurium, quibus honorificum. p. 20. n. 25.

Nullus verus Atomista militat sub Cartesio. p. 23. n. 30. & seq.

Quam discordes sint Atomistæ à Cartesianis. p. 24. n. 32.

Examinatur demonstratio præsumpta, quæ fertur contra atomos. p. 31. n. 6. & seq.

Falsum est quod opponitur de compositione in atomis. p. 35. n. 9.

Repugnat in atomis compositio physica, sed non metaphysica. p. 37. n. 12. & seq.

Simplicitati atomorum non obstat compositio metaphysica. p. 56. n. 41.

Quidquid materiale est aut est atomus, aut est ex atomis. p. 57. n. 44.

Qualiter Plato pugnaverit olim pro atomis. p. 62. n. 4. & seq.

Quare atomi debeant vocari

elementares. p. 63. n. 6.

Nihil materiale creati præter atomos potest. p. 67. n. 12.

Nihil præter atomos videtur aut tangitur. p. 77. n. 29. & seq.

Comparantur atomi cum unitatibus numericis. p. 83. n. 37.

Melius est adimere atomis figuram. p. 84. n. 39. & seq.

D. Augustinus favet materiæ primæ atomisticæ. p. 89. n. 47. & seq.

Quid sit atomus in ratione entis absoluti. p. 104. n. 18.

Atomus sunt capaces omnium motuum localium. p. 142. n. 20. & seq.

Atomistæ s. dubio inquirunt causas physicas rerum. p. 253. n. 12. & seq.

Cathechismus Romanus faveat Atomismo in rebus gratiæ. p. 495. n. 32.

In quo Atomismus Aristotelismo præcellat. p. 512. n. 12 & seq.

Quæ sit spes Atomismi regnaturi aliquando in Scholis. p. 520. n. 27.

Calor. Vide. Rarefactio.

Calor non magis producit, quam figura. p. 300. n. 21.

Qualiter aqua calefiat, & quid sit

ejus calor. p. 304. n. 28 & seq.

Calor aquæ ab intrinseco esset inutilis ei ad calefaciendum. p. 305. n. 30. & seq.

Causa. Vide. Forma.

Quid sit indispensabilitas causarum formalium. p. 329. n. 37. & seq.

Quæ sit distinctio inter causas

efficientes & formales. p. 426. n. 36. & seq.

Causalitas mere formalis non est physica, sed metaphysica. p.

p. 468. n. 25.
Causa efficiens non se multipli-

cat in suo effectu. p. 469.
n. 27. & seq.

Compositio. Vide. Angelus. Anima. Atomus.

Nulla est compositio phy-
sica in atomis. p. 36. n. 11.
& seq.
Qualiter compositio, quæ est in
Angelis, non sit realis. p. 40.
n. 17.
Compositio ex potentia & actu
non est realis. p. 42. n. 18.
Compositio metaphysica non
oblit. et notioni materię primæ.

p. 52. n. 35. & seq.
Qualiter compositio & creatio
differant. p. 71. n. 18.
Qualiter in Deo non repugnet
compositio metaphysica.
p. 202. n. 14.
Qualiter anima nullam admit-
tat compositionem entitati-
vā. p. 451. n. 33. & seq.

Conceptus. Vide. Res.

Non debent confundi res
cum conceptibus. p. 39.
n. 16.
Res & conceptus non eodem

modo se habent. p. 142. n. 21.
Multiplicitas conceptuum non
facit compositionem realem.
p. 49. n. 29

Concilia. Vide. Species. Accidentia. Forma.

Concilium Viennense nihil
definit pro formis sub-
stantialibus. p. 126. n. 53 & seq.
Nihil in Concilio definitur ad
sensum huius aut illius Philo-
sophi. p. 131. n. 3. & seq.
Concilium Constant. quartum
nihil definit pro forma sub-
stantiali. p. 162. n. 10. & seq.

Concilium Constantiense non
faveat accidentibus Aristoteli-
cis. p. 352. n. 21 & seq.
Nihil in hoc Concilio definitur
de accidentibus Aristotelicis.
p. 354. n. 24. & seq.
Nullatenus repudiavit acciden-
tia atomistica. p. 357. n. 30 &
seq.

Concretum. Vide. Abstractum. Forma.

Quid sit concretum essentia-
le & accidentale. p. 222.
n. 7.
Qualiter loquantur homines
nunc in concreto, nunc in

abstracto. p. 225. n. 11. & seq.
Non esset utendum promiscue
vocibus concretis & abstrac-
tis. p. 508. n. 5. & seq.

Consequentia. Vide. Principium.

Consequentiarum principia , tum: p. 224. n. 9. & seq.
non sunt ponenda ad libi-

Corpus. Corpuscula. Vide. Pori.

Habitudo corporis nihil
superaddit substantiale
corpori. p. 153. n. 38. & seq.
Quare sint admittenda corpus-
cula pro plerisque Naturæ
phænomenis. p. 232. n. 24. &
seq.

Qualiter corpuscula sibi viam
faciant per poros p. 235. n. 28.
Corpuscula ignea videntur ,
quando sunt collecta. p. 239.
n. 33.

Creatio. Vide. Atomus.

Nihil materiale creati præ-
ter atomos potest. p. 67.
n. 12.
Qualiter creatio differat à com-

positione. p. 71. n. 18.
Verbum creandi potest multi-
plici-ter accipi. p. 75. n. 26.

Demonstratio. Vide. Atomus.

Examen demonstrationis latæ
à Palanco contra atomos.
p. 32. n. 6. & seq.
Vis demonstrationis non pendet,
nisi à ratione. p. 35. n. 10.
Demonstratio pro atomis æque
urget Aristotelem & Carte-

sium. p. 69. n. 14. & seq.
Demonstrationi, quæ pro ato-
mis ducitur ex creatione, fi-
vet D. Thomas. p. 73. n. 23.
& seq.
Talis demonstratio non debuit
vocari *arrogans*. p. 113. n. 31.

Deus. Vide. Gratia. Accidens Simplicitas.

Qualiter intelligi accidentia
in Deo possint. p. 200.
n. 11. & seq.
Quomodo non repugnet in Deo
compositio metaphysica.
p. 202. n. 14.
Quanta sit simplicitas entis divi-

ni. p. 368. n. 8. & seq.
Utitur Deus variis causis ad va-
rios effectus naturales. p. 422
n. 28 & seq.
Qualiter Deus supplere possit
defectum cuiusvis causæ natu-
ralis. p. 423. n. 29. & seq.

Deus.

Deus non se multiplicat in justis,
ut Adversarius contendit.
p. 472. n. 32.

Qualiter intelligi debeat illud,
Ego dixi Dii estis, &c.
p. 473. n. 33. & seq.

Actio Dⁱ gratificantis est fœ-

cunda sine productione novi
entis. p. 475. n. 3. & seq.
Qualiter homo fiat similis Deo.
p. 485. n. 13. & seq.

In quo sensu Deus sit, aut non
sit gratia. p. 509. n. 6. & seq.

Dialogus. Vide. Palancus.

Dialogis conveniunt aliquæ in-
termissiones. p. 12. n. 13.
Convenit etiam illis elegancia
quædam & nitor sermonis.
p. 12. n. 14. & seq.

Qualiter Adversarius gerere se

debuisset in suis dialogis. p. 26.
n. 35. & seq.

Ardor, si quis exoritur, in dia-
logis est condonandus. p. 307.
n. 3. & seq.

Doctrina. Vide. Philosophia.

Doctrina non producit,
quando acquiritur p. 180.
n. 32.

Anima non habet minus entita-
tis ex defectu doctrinæ. *Ibid.*
n. 33.

Quæ sit incoherentia doctrinæ
apud Aristotelicos. p. 391.
n. 7. & seq.

Doctrinæ incoherentia probat
falsitatem ipsius. p. 394. n. 11.
& seq.

Donum. Vide. Gratia.

Dona possunt non esse dis-
tincta à donatibus & acci-
pientibus. p. 417. n. 17.

Quæ & qualia sint dona spiritua-

lia. *Ibid.* n. 18. & seq.
Sunt multa donorum genera,
quæ non important entitates
productas. p. 480. n. 4.

Duratio. Vide. Accidens.

Discurrendum fuit de dura-
tione, ut de aliis acciden-
tibus. p. 190. n. 49.

Non debuit rejici de numero ac-
cidentium. p. 269. n. 3.

Elementum. Vide. Atomus.

Quare atomi debeant vocari *elementares.* p. 63. n. 6.
 Quid sint terrea elementa, de quibus Adversarius loquitur. p. 253. n. 14.

Ens. Essentia. Vide. Res.

Quid sit ens creatum & increatum. p. 38. n. 14. & seq.
 Essentia & esse non sunt duæ res distinctæ & productæ. p. 41. n. 17.
 Quæ sint entia per se & entia per accidens. p. 95. n. 2. & seq.
 Nullum ens specificari per aliud potest. p. 116. n. 36.
 Aliud est *esse in alio*, & aliud *esse ens illius.* p. 170. n. 17. & seq.
 Qualiter ens in communi possit ac debeat dividi. p. 197. n. 8. & seq.
 Aliquid potest esse *essentiale* & *accidentale* sub diverso respectu. p. 209. n. 26 & seq.
 Ens dividi debuit in substantiam & accidentem. p. 212. n. 30. & seq.
 Qualiter aliud sit *esse*, & aliud *apparere.* p. 337. n. 50.

Eucharistia. Vide. Species. Accidens.

Quid sit panis apparens in Eucharistia. p. 336. n. 48.
 Quid sit status Eucharisticus. p. 337. n. 49. & seq.
 Accidentia Aristotelica non sunt illa, quæ manent in Eucharistia. p. 355. n. 26. & seq.

Figura. Vide. Atomus.

Res extensionis minimæ non potest esse figurata. p. 83. n. 38.
 Qualiter figura & forma non debuerint confundi. p. 269. n. 2. & seq.
 Quam male Aristotelici probent realitatem figuræ. p. 272. n. 7 & seq.
 Ostenditur qualiter figuræ non sint res productæ. p. 275. n. 11 & seq.
 Figura est realis, sed non ideo est res vere facta. p. 279. n. 17.
 Qualiter figuræ circuli & globi non vere fiant. p. 283. n. 27. & seq.
 Quid sit figura apud Atomistas. p. 289. n. 3. & seq.
 Quo pacto figuræ plantarum ac solidarum sint ubilibet sine numero. p. 294. n. 31. & seq.

Forma. Vide. Materia.

EX ente relativo non potest
educi forma physica. p. 105.

n. 19.

Aristotelici non assignant ex quo
fiat forma substantialis. p. 107.

n. 21.

Forma, quæ fieret, non esset
principium physicum. p. 109.

n. 25 & seq.

Nomina *materia* & *forma* sunt
relativa. p. 117. n. 37 & seq.

Concilium Viennense nihil
definiit pro formis substantia-
libus. p. 126. n. 53 & seq.

Forma non potest mediare inter

spiritum & materiam. p. 141
n. 18.

Quid sit forma substantialis apud
Atomistas. p. 148. n. 31 & seq.

Ex Concilio Constantinop. quarto
non probatur forma subst-
tialis. p. 164. n. 10. & seq.

Formæ accidentales essent infi-
nite plures, quàm substantia-
les. p. 192. n. 51.

Quid sit *plus materia* & *plus for-
ma* apud Aristotelico s. p. 254
n. 15 & seq.

Qualiter formæ abstractæ non
sint reales. p. 367. n. 6 & seq.

GRATIA.

Quid sit gratia actualis su-
pernaturalis. p. 409. n. 3
& seq.

In quo sensu accidentia gratiæ
sint Aristotelica & non catho-
lica. p. 410. n. 5 & seq.

Qualiter gratia, pro qua pugnat
Adversarius, non sit entitas
producta. p. 434. n. 2. & seq.

Quæ sit notio vera gratiæ actualis
supernaturalis. p. 438. n. 8.
& seq.

Gratia non est pia cogitatio, sed
illam efficit. p. 453. n. 63. &
seq.

Gratia, qualem Adversarius
tuetur, esset physice conipo-
sita. *Ibidem.* n. 37 & seq.

Notio entitatis productæ adhuc
magis pugnat cum gratia ha-
bituali. p. 462. n. 13 & seq.

Effectus gratiæ habitualis non
conveniunt entitati productæ.
p. 465. n. 18 & seq.

Quæ & quales sint prærogativæ
gratiæ habitualis. p. 496. n. 34
& seq.

Qualiter gratia habitualis sit in
parvulis baptizatis. p. 510.
n. 8 & seq.

Ignis. Vide. Porus.

Ignis ollæ suppositus non re-
farciret, sed dilataret illius po-

ros. p. 234. n. 27 & seq.

In quo consistat lucor ignis accendi. p. 302. n. 24.
 Ignis non omnino perit, quando

extinguitur.

Ibid. n. 25

Immutabilitas. Vide. Deus.

Qualiter Deus sit immutabilis, qualiter creatura. p. 176. n. 27 & seq.

Quid sit immutabilitas divina intrinseca. p. 370. n. 11. & seq.

Quid sit immutabilitas secundum quid. p. 371. n. 14 & seq.

Qualiter, substantiarum spirituales sint & immutabiles & mutabiles. p. 375. n. 22. & seq.

Lapis. Vide. Vita.

Insinuat lapides esse, qui vivunt, & propter quam causam. p. 297. n. 15. & seq.

Describitur lapis exquisite stellatus, & à quo datus sit Authori. p. 298. n. 17 & seq.

Maignanus. Vide. Atomista.

Maignanus non debuit annumerari inter Cartesianos. p. 21. n. 27 & seq.
 Quantum discrepent Maignani-

ta à Cartesianis. p. 24. n. 32.
 Maignanus & Cartesianus fuerunt Scriptores omnino coetanei. p. 25. n. 33.

Materia. Vide. Atomus.

Compositio metaphysica patitur notionem materiae primae in atomis. p. 52. n. 35.
 Qualiter nulla esset Aristotelicis materia prima. p. 52. n. 39.
 Qualiter materia prima debeat esse res perfecta. p. 56. n. 42.
 Quidquid materiale est, aut est atomus, aut ex atomis. p. 57. n. 44.

Materiale nihil creati praeter atomos potest. p. 67. n. 12.

Quid sit materia apud Mathematicos, quid apud Physicos.

p. 85. n. 41 & seq.
 Qualiter considerari possit ac multipliciter materia prima. p. 88. n. 45 & seq.

Probatur materiam primam consistere in atomis. p. 92. n. 52.

Qualiter ex hac materia possit fieri alius Mundus. p. 98. n. 6 & seq.

Nullibi est materia communis Aristotelica. p. 115. n. 34.

Quid sit materia prima apud Atomistas. p. 149. n. 32 & seq.

Quam

Rerum magis instabilem. 523
 Quam falsum sit illud *plus materia & plus forma* apud Aristotelicos. p. 254. n. 25. & seq.

Metaphysica. Vide. *Abstractum.*

Qualiter res metaphysicæ Aristotelici Metaphysicâ in Physicam male induxerunt. p. 50. n. 32.

Motus. Vide. *Atomus. Accidens.*

Atomus sunt capaces omnium obliquitas, &c. sunt accidentia motuum. p. 196. n. 5. & seq.
 Motus localis non fieret sine vacuolis dispersis. p. 265. n. 33.

Palancus. Vide. *Aristoteles.*

Qualiter & quàm docte aggressus sit Philosophos recentiores. p. 1. n. 1.
 Referuntur officia & merita Scriptoris. p. 2. n. 2.
 Quæ & quàm publica sit charta ejus provocatoria. p. 5. n. 6.
 Quibus motivis inductus sit ad scribendum. p. 6. n. 7 & seq.
 Debuit eligere colloqu岸 parris eruditionis. p. 15. n. 18 & seq.
 Idem collocutor non potuit tueri partes Cartesii & Maignani. p. 18. n. 22 & seq.
 Qualiter se gerere debuisset in suis dialogis. p. 26. n. 35 & seq.
 Videtur aliter alibi sensisse de præmotione gratuita. p. 460. n. 8 & seq.

Panis Eucharisticus.

Quid sit panis apparens in Eucharistia. p. 336. n. 48.
 Qualiter repræsentetur odor panis in Eucharistia. p. 341. n. 3 & seq.
 Qualiter servetur ille odor in pyxide oclusa. p. 346. n. 11.

Pars. Vide. *Atomus.*

Partes singulæ materiales plices. p. 64. n. 7 & seq.
 Partes possunt simul creati & Z z z

- uniri. p. 72. n. 20. n. 31 & seq.
 Partes singulæ habent seorsim partes majores sunt ex minori-
 sitam existentiam. p. 75. n. 25. bus, donec veniatur ad mini-
 Partes non dividuntur aliz in mas. p. 82. n. 36.
 in alias, sed aliz ab aliis. p. 78.

Perfectio. Vide. Materia.

- P**ures sunt in rebus simpli- Quæ sit perfectio materiz in suo
 cibus perfectiones, quàm in genere. p. 97. n. 4. & seq.
 compositis. p. 52. n. 34. Perfectiones se habent in rebus
 Qualiter materia prima debeat spiritualibus, ut partes in ma-
 esse res perfecta. p. 56. n. 42. terialibus. p. 450. n. 32 & seq.

Philosophia. Philosophi.

- P**hilosophia utilis est ad res Quæ sit origo multorum erro-
 Theologicas. p. 7. n. 8. rum in Philosophia Aristote-
 in rebus Philosophicis nemo sibi lica. p. 443. n. 17.
 nimis credere debet. p. 3. n. 9. Quantum conferat vera Philoso-
 Philosophi olim cœnabant in phia ad res Theologicas.
 musæis. p. 160. n. 2. p. 511. n. 11 & seq.

Porus. Vide. Ignis. Rarefactio.

- F**alsum est poros ollæ æreæ faciant per poros. p. 235. n. 28.
 refarciri posse per ignem Ostenditur omnia corpora habe-
 suppositum. p. 234. n. 27 & re poros. p. 263. n. 31. &
 seq. seq.
 Qualiter corpuscula sibi viam

Productio. Vide. Materia.

- O**mnis res, quæ producitur, & aliud productio novi sta-
 in tuo esse perfecto pro- tus. p. 381. n. 32.
 ducitur. p. 46. n. 25. Nihil nisi creatione, aut
 Multa sunt, quæ nec proprie generatione producitur.
 producta, nec proprie im- p. 396. n. 15. & seq.
 producta sunt. p. 338. n. 52.
 Aliud est productio novi entis,

Pulvis tormentarius. Vide. Rarefactio.

Qualiter pulvis tormentarius rarefiat, quando accenditur. p. 246. n. 2 & seq.
Quæ sit compositio pulveris

tormentarii. p. 248. n. 6 & seq.
Quare corpuscula ignea non comparent in illo. p. 252. n. 10 & seq.

Quantitas. Vide. Accidens.

Quantitas omnium accidentium non est eadem.
p. 194. n. 2. & seq.
Cujus momenti sit difficultas spectans ad quantitatem.

p. 219. n. 2.
Qualiter quantitas Aristotelica sit indemonstrabilis. p. 227. n. 14 & seq.

Res. Vide. Conceptus. Forma.

Non sunt confundendæ res cum conceptibus. p. 39. n. 16.
Res omnes singulatim acceptæ sunt simplices. p. 43. n. 21.
Res & substantia rei non sunt euz res. p. 48. n. 28.

Rerum naturæ non mutantur. p. 103. n. 16 & seq.
Rerum certitudo non pendet ex visu, aut tactu, &c. p. 235. n. 29 & seq.
Nulla res afficit aliam intrinsicce. p. 303. n. 27.

Rarefactio. Vide. Quantitas.

Non datur rarefactio philosophica, sed tantum vulgaris. p. 228. n. 16 & seq.
Rarefactio non est iudicanda ex sensibus. p. 240. n. 35. & seq.

Quæ sit rarefactio pulveris tormentarii accensi. p. 246. n. 2. & seq.
Explicatur verà causa physica rarefactionis. p. 258. n. 22 & seq.

Sanctitas. Vide. Gratia. Anima.

Qualiter nostra sanctitas
sit effectus operationis
divinæ. p. 481. n. 6 & seq.
Entitas producta non potest
animam sanctificare. p. 484.
n. 10 & seq.

Ad sanctificationem opus est
voluntaria susceptione gra-
tiæ. p. 494. n. 30.
Anima sanctificatur sine ope ac-
cidentis producti. p. 504.
n. 48.

Similitudo. Vide. Gratia.

Quæ sit & quid sit simili-
tudo hominis ad Deum.
p. 435. n. 14 & seq.

Quæ sit similitudo filii ad pa-
trem in rebus creatis. p. 487.
n. 16.

Simplicitas. Vide. Compositio.

Quæ sit simplicitas summa
p. 446. n. 22 & seq.
Qualiter entia simplicia nihil

habeant compositionis.
p. 449. n. 29 & seq.

Species. Vide. Accidens. Eucharistia.

Nullum ens specificari po-
test per aliud. p. 116.
n. 36 & seq.

Species atomorum non eget
materia & forma. p. 120. n. 43

Quæ sit notio physica spe-
cierum sensibilibus. p. 309.
n. 4 & seq.

Quid sint species sensibiles in
sensu atomistico. p. 317. n. 17
& seq.

Quid sit fractio specierum in
Eucharistia. p. 325. n. 31 &
seq.

Eadem species potest pendere
ab actionibus diversis. p. 334.

Qualiter species sint constanter
manentes in Eucharistia. p. 347.
n. 13. & seq.

Solæ species passivæ sunt illæ;
quæ manent post consecra-
tionem. p. 356. n. 28 & seq.

Spongia.

Spongia. Vide. Corpuscula. Peri.

QUæ sit multitudo tubulorum in uno fragmento spongiæ. p. 238. n. 32.

Status. Vide. Productio.

Aliud est productio novæ entis, & aliud productio novi status. p. 381. n. 32 & seq. Quid sint status intrinseci rerum spiritualium. p. 405. n. 31.

Substantia. Vide. Ens. Forma.

Substantiæ nomen est relativum & importat multos conceptus. p. 46. n. 16. Res & substantia rei non sunt duæ res. p. 48. n. 28. Substantia & accidens non se habent indifferenter ad summe esse. p. 168. n. 15. & seq. Qualiter Deus possit, aut non possit dici substantia. p. 210. n. 27. & seq. Falsum est substantias ornari per accidentia. p. 313. n. 10. & seq. Accidentia non possunt elevari ad activitatem substantiarum. p. 330. n. 39. Qualiter fiat mutatio in substantiis spiritualibus. p. 402. n. 26.

Vacuum. Vide. Rarefactio.

Vacuola contingentia in rarefactionibus non possunt videri. p. 247. n. 4. & seq. Male ridentur ab Aristotelicis vacuola Atomistica. p. 262. n. 30. & seq. Qualiter Vacuola non possint videri. p. 265. n. 34 & seq. Vacuitas loci, ubi erat hostia, non repugnat. p. 322. n. 24.

A a a a

VVicleffus. Vide. Aristotelista.

VVicleffus non fuit Atomista, sed Aristotelicus. P. 353. n. 22.
 Aristotelici habent maiorem societatem cum VVicleffo, quam Atomistæ. P. 358. n. 31. & seq.
 Qualiter hæresis VVicleffi fluxit ex præventionem Aristotelica. P. 359. n. 33. & seq.

Vita. Vide. Anima. Corpus.

Sufficit ad Vitam certa quædam organica modificatio partium. P. 155. n. 42 & seq.
 Qualiter vita corporis pendet ab anima. P. 164. n. 8 & seq.
 Quæ & qualis sit aliquorum lapidum vita. P. 297. n. 15. & seq.

Vulgus. Vide. Philosophi.

Quid sit discriminis inter Philosophicam & vulgarem rarefactionem. P. 228. n. 16 & seq.
 Aliter Philosophus, aliter vulgus loquitur de figura. P. 285. n. 26 & seq.

FINIS.

E R R A T A.

C Ondona, si placet, Lector, Errata Typographica, quæ irrepsērunt, & ea sic corrige. Lege pag. 12. l. 27. intermissiones. p. 26. l. 26. inulti. p. 37. l. 14. Deinde verò licet præfatus. p. 140. l. 23. intextum. p. 141. l. 18. sinu. p. 200. l. 5. ponimus. p. 230. l. 15. exilissima. p. 260. l. 20. confirmavit. p. 285. l. 7. ferit p. 337. l. 10. rogavi. p. 381. l. 3. ad. p. 399. l. 20. quid de hoc Rocchii. p. 402. l. 9. eruditionis. p. 450. l. 26. jocosæ. p. 482. l. 32. duæ. p. 488. l. 13. neque. Cætera, quæ leviora sunt, Deo volente, sensum nec occultant, nec mutant: quare inemendata relinquo.

N

CC5662245

